

新著
西洋近百年史

下卷

中等學用校

商務印書館發行

新 著

西 洋 近 百 年 史

卷 下

中 等 學 校 用

李 泰 榮 編 譯 謝 觀 校 訂

商 務 印 書 館 發 行

新著 西洋近百年史目錄

緒論

第一編 政治之部一（自維也納會議至巴爾幹戰爭）

第一章 維也納會議

一 歐洲大同盟及拿破崙 二 拿破崙之退位及第一次巴黎條約 三 英俄普奧四大強國之欲望 四 達來郎及四國同盟 五 維也納會議之開幕及拿破崙之歸國 六 維也納會議之結果 七 維也納條約之批評 八 第二次巴黎條約

第二章 神聖同盟及愛克士拉遐拍爾公會

一 神聖同盟之組織 二 愛克士拉遐拍爾公會

第三章 西班牙之革命及美洲殖民地之獨立

一 西班牙革命及神聖同盟 二 西班牙殖民地之獨立 三 孟祿主義之由來

第四章 希臘獨立

一 希臘獨立之企圖 二 希臘人之舉兵及列國之態度 三 列國之干涉

第五章	七月革命	一三三
	一 路易第十八之初政	
	二 路易第十八之專制	
	三 查理第十之專制	
	四 七月革命之成功	
第六章	七月革命之影響	一二七
	一 比利時之獨立	
	二 波蘭獨立之失敗	
	三 德意志聯邦之狀況	
	四 意大利各小國之狀況	
	五 英吉利	
	憲政之進步	
第七章	埃及事件	三二四
第八章	二月革命	三二六
	一 二月革命之原因	
	二 二月革命之破裂	
	三 法蘭西第二共和之成立	
第九章	二月革命之影響	四一
	一 奧地利亞之革命	
	二 德意志聯邦統一之失敗	
	三 意大利之革命	
第十章	法蘭西第二帝國之建設	四六
	一 微時之路易拿破崙	
	二 總統時代之路易拿破崙	
	三 帝政時代之路易拿破崙	
第十一章	克里米戰爭及巴黎會議	四九
	一 戰爭之原因	
	二 列國之聲援	
	三 巴黎會議	
	四 巴黎條約之批評	

第十二章 意大利之建國……………六一

一意大利建國前分裂之狀況 二喀富爾及克里米戰爭 三意法密約排奧及撒丁勢力之擴張 四意大利南部之合併

第十三章 普魯士之內政改革……………六八

一奧普兩國國情之比較 二威廉第一之擴張軍備 三俾士麥之爲相 四聯邦會議之召集

第十四章 丹麥戰爭……………七三

一丹麥與石勒蘇益格及好斯敦之爭議 二奧普之干涉 三加士丁條約

第十五章 奧普戰爭……………七五

一戰爭原因 二兩軍戰略 三德意志西南方面之戰況 四意大利方面之戰況 五俾尼狄克與毛奇
六普軍入波希米亞及薩多瓦之大戰 七黎撒島之海戰及德意志西南方戰爭之終局 八布拉格之
構和 九戰勝後之普魯士 十戰敗後之奧地利亞

第十六章 北美合衆國南北戰爭……………八四

一戰爭原因 二南北戰爭之顛末 三林肯被弑及戰後之經營

第十七章 拿破崙第三之失敗……………八九

一 內政之壓制 二 征墨之失敗 三 外交之失敗

第十八章 關於戰律之列國條約……………九二一

一日內瓦公會 二日內瓦第二次公會 三聖彼得堡公會

第十九章 合衆國南北戰爭之影響及盧森堡之永久中立……………九五

一亞拉巴麻事件 二盧森堡之中立

第二十章 普法戰爭一……………九八

一戰爭之遠因 二戰爭之近因——西班牙王位繼承問題 三法之宣戰及列國之態度 四法蘭西作戰

之計畫 五普魯士作戰之計畫 六戰爭開始及麥馬韓敗走 七普魯士本隊之前進 八蠻次之圍

攻 九師丹之降

第二十一章 普法戰爭二……………一〇六

一巴黎之包圍 二普法之媾和 三德意志帝國之再興 四意大利統一之完成 五西班牙王位爭議

之解決 六法蘭西第三共和之成立

第二十二章 十九世紀之英吉利……………一一四

一女王維多利亞之即位 二選舉法之改造 三自由貿易制之採用 四格蘭斯敦及愛爾蘭問題

第二十三章	巴黎條約之修正	一一八
	一敘利亞之虐殺	
	二塞爾維亞權利之變更	
	三愛奧尼羣島之希臘合併	
	四倫敦會議	
第二十四章	三帝同盟	一一一
	一德奧同盟	
	二三帝同盟	
	三三國同盟之先聲	
第二十五章	不魯捨拉會議	一二五
第二十六章	東方問題及俄土戰爭	一二六
	一東方問題於外交上之關係	
	二黑塞哥維那及波斯尼亞之叛亂	
	三德法兩國領事之殺害	
	四保加利亞之虐殺及塞爾維亞門的內哥羅之叛亂	
	五兩軍作戰之計畫	
	六俄羅斯本軍渡多瑙河	
	七巴爾幹山附近之戰况	
	八普利佛那之攻擊	
	九俄羅斯別軍之戰况	
	十聖士提反之條約	
	十一柏林公會以前之形勢	
	十二柏林會議	
	十三柏林條約	
	十四柏林條約之批評	
	十五柏林條約之施行及改正	
第二十七章	三國同盟	一五二
	一柏林會議前後之俄德關係	
	二德奧同盟條約之成立	
	三意大利之加入同盟	
第二十八章	三國同盟成立後之俄德奧關係	一五八
	一俄國虛無黨及俄德外交影響	
	二俄德之秘密中立條約及三帝相會	

第二十九章 三國同盟成立後之德法關係……………一六二

一 阿非利加殖民德法之提攜 二 法蘭西親德主義之反動 三 德意志之兵備擴張

第三十章 三國同盟成立後之英國外交……………一六五

一名譽孤立及格蘭斯敦時代之英國外交 二 英葡非洲殖民地之衝突

第三十一章 三國同盟成立後之巴爾幹半島……………一六七

一 保加利亞對俄之不平 二 塞爾維亞及奧地利亞之關係 三 保加利亞之東羅馬里亞合併運動及與俄分離 四 列國干涉及君士坦丁之使臣會議 五 塞爾維亞之亂事 六 希臘封鎖及東羅馬里亞之實行合併 七 那波可夫事件 八 保加利亞之革命及法地那德之册立

第三十二章 法蘭西之經營非洲……………一七七

一 阿爾及耳之占領 二 突尼斯之保護 三 馬達加斯加之合併

第三十三章 英國之占領埃及……………一八五

一 財政困難及混合裁判所 二 還債基金 三 外人內閣及總督廢立 四 英國之占領埃及 五 蘇丹遠征之失敗 六 埃及之內政改良 七 蘇丹之征服及英埃之共同行政 八 蘇彝士運河之由來及航行條約

第三十四章	剛果自由國及其與比利時之合併	一九二
	一剛果經營之略史 二剛果獨立之創立 三比利時與剛果國之合併	
第三十五章	俄國中央亞細亞之遠征	一九七
	一木鹿之占領及英國抗議 二英吉利之阿富汗國境守備	
第三十六章	意大利紅海岸之占領	二〇〇
	一阿斯巴之占領 二馬撒窪之占領 三阿比西尼亞經營之失敗	
第三十七章	德帝威廉第一之逝世及俾公辭職	二〇三
	一威廉第一之謝世及腓特烈第三之世 二威廉第二及俾氏之辭職 三新相之政策	
第三十八章	俄法同盟	二〇六
	一俄法同盟之原因 二俄法協商及軍事規約之成立 三俄法同盟之成立	
第三十九章	俄法同盟成立以後之歐洲外交關係	二〇九
	一德意志之親英政策 二英德之疏隔 三德意志之親法政策 四意法之疏隔	
第四十章	希土戰爭	二一一
	一希土戰爭及歐洲協調 二克利地自治及歐洲協調之分離 三關於巴爾幹維持現狀之俄奧提攜	

及兩國密約

- 第四十一章 德意志之對土政策……………二一五
- 一德帝威廉第二之巴勒斯坦巡禮 二巴格達鐵道之敷設
- 第四十二章 法考達問題及南阿戰爭……………二一八
- 一法考達事件 二脫蘭斯瓦爾及奧倫治兩獨立國之由來 三南阿戰爭
- 第四十三章 海牙萬國第一次和平會議……………二二一
- 一和平會議之開幕 二和平會議之議決案
- 第四十四章 意法接近……………二二四
- 一意法接近之原因 二關於的黎波里之意法協商
- 第四十五章 英法之真摯協商……………二二六
- 一英法和解之原因 二英法仲裁裁判協約
- 第四十六章 英日同盟……………二二九
- 一英日同盟之由來 二英日同盟之批評
- 第四十七章 三國協商……………二三一

一英法協商 二西班牙及英法協商 三德帝之霸權恢復運動 四千九百七年六月之日法協約及七月之日俄協約 五英俄協約

第四十八章 摩洛哥問題……………二四八

一摩洛哥略史及列強對摩之關係 二英法協商及摩洛哥與阿支士拉公會 三阿支士拉會議以後之摩洛哥 四格沙不拉喀事件及德法摩洛哥事件協商

第四十九章 海牙第二次萬國和平會議……………二五五

一和平會議之開幕 二和平會議之議決案

第五十章 土耳其之革命……………二六二

一青年團之要求立憲 二土耳其之憲政實行 三千九百九年四月之變亂及蘇丹之廢立

第五十一章 保加利亞獨立之宣言……………二六五

一獨立之醞釀 二保加利亞之獨立及列國干涉 三俄國之調停及俄土議定書

第五十二章 奧國之合併波黑二州……………二六八

一合併之原因 二合併後列國之態度 三奧土議定書 四塞爾維亞之憤慨

第五十三章 意大利之合併的黎波里……………二七四

一 意土交涉 二 意土媾和

第五十四章 巴爾幹戰爭……………二七六

一 戰爭之原因 二 戰爭概況 三 倫敦使臣會議 四 第二次巴爾幹戰爭 五 巴爾幹戰爭之影響

第五十五章 二十世紀初葉前後歐洲列強之內政……………二八一

一 英吉利 二 法蘭西 三 俄羅斯 四 德意志

第二編 政治之部二(自歐戰至今日)

第一章 大戰前列強軍備之競爭……………一

一 緒言 二 德法俄之陸軍競爭 三 英德之海軍競爭 四 各國之海軍力

第二章 開戰前列強之外交及參戰之野心……………五

一 奧皇儲之被刺及大塞爾維亞主義 二 列強調停 三 奧之最後通牒及其南下政策 四 塞之回答及

奧塞之宣戰 五 開戰前後列強之中心人物 六 俄之宣戰 七 德之宣戰 八 法之宣戰 九 比之擁護

中立 十 英之宣戰 十一 日本之宣戰 十二 土之宣戰 十三 意之宣戰

第三章 交戰前後各國之狀況……………三八

一 德意志 二 英吉利 三 法蘭西 四 俄羅斯

第四章 千九百十四年八月至十二月西歐陸戰之概況……………一

一比利時境之戰況 二德軍之侵入法境及馬納之大戰 三亞爾薩斯洛林方面之戰爭 四德軍之攻及安多厄爾比之陷落

第五章 千九百十四年八月至十二月東歐陸戰之概況……………一

一俄軍之東普魯士侵入 二加里西亞方面之戰況 三波蘭方面之戰況

第六章 千九百十四年八月至十二月南歐陸戰之概況……………五九

一奧塞兩軍作戰計畫及耶達河畔之戰 二奧軍第二次之攻勢 三奧軍第三次之攻勢及塞軍之反擊

第七章 千九百十四年八月至十二月亞洲土耳其陸戰之概況……………六一

一高加索伊爾塞倫及薩里喀米斯方面俄土兩軍之戰況 二美索不達米亞英吉利軍之活動及巴斯拉方面之戰 三蘇彝士運河方面英土兩軍之對抗

第八章 千九百十四年八月至十一月極東陸戰之概況……………六四

一日本軍之登陸於山東及英軍之參加 二攻圍軍之進擊及青島之陷落

第九章 千九百十五年西歐陸戰之概況……………六六

一千九百十五年初期之戰況 二千九百十五年夏西部戰線之戰況 三飛行艇之活動 四聯合軍

秋季之大攻擊 五飛行艇之活動二

第十章 千九百十五年東歐陸戰之概況……………六八

一千九百十五年新春俄羅斯及同盟軍之新作戰 二布克維納方面俄奧兩軍之戰況 三加白西亞方面之戰況 四波蘭方面之戰況 五波西米塞要塞之陷落 六東普魯士方面之戰況 七麥克森將軍之突破俄軍中央戰線 八波西米塞及林堡兩要塞之奪還 九瓦薩要塞之陷落 十俄軍之總退却 十一同盟軍之作戰中止及俄軍之再轉攻勢

第十一章 千九百十五年意奧國境方面陸戰之概況……………七四

一開戰初意奧兩軍之戰略 二伊薩孫河畔意奧兩軍之戰況

第十二章 千九百十五年巴爾幹方面陸戰之概況……………七六

一巴爾幹戰事之停頓及塞爾維亞爾巴尼亞之交兵 二達達尼爾海峽之砲擊及加利波里登陸軍之戰況 三保加利亞之宣戰 四聯軍之塞羅尼加上陸 五同盟軍之席捲塞爾維亞 六聯合軍加利波里半島之撤退

第十三章 千九百十五年亞洲土耳其方面陸戰之概況……………七九

一高加索方面之概況 二美索不達米亞方面英軍之勝利 三蘇彝士運河方面土軍攻勢之失敗

第十四章 千九百十四年八月至十五年八月北海方面海戰之概況 八〇

一 交戰各國海軍勢力之比較 二 北海方面之形勢 三 黑耳郭蘭之海戰 四 杜格耳之海戰 五 潛水艇之英國封鎖

第十五章 千九百十四年八月至十五年八月波羅的海方面海軍之戰況 八四

一 俄德海軍之小戰 二 里加灣之戰 三 潛水艇戰

第十六章 千九百十四年八月至十五年八月地中海方面海戰之概況 八六

一 基阿本及卜拉斯魯兩艦之行跡 二 亞得里亞海之戰況 三 聯合艦隊達達尼爾海峽之攻擊 四 黑

海方面之戰況

第十七章 德軍領地之攻略 九〇

一 日本及英海軍之德領南洋羣島占領 二 德領非洲之占領 三 阿刺伯方面之戰況

第十八章 俄羅斯大革命之遠因 九一

一 地理上之原因 二 社會上之原因 三 政府方面之原因

第十九章 俄羅斯大革命之近因……………一〇〇

一 禁酒令之影響 二 地方會議與軍隊之和協 三 食物缺乏之影響

第二十章 俄羅斯第一次大革命……………一〇二

一 革命前政府之形勢 二 革命之經過 三 臨時政府之成立及俄帝退位 四 臨時政府成立後各黨之暗潮 五 內閣之改造及其政綱 六 內政之紊亂 七 克林斯克內閣及莫斯科會議 八 共和制度之宣言及內閣改造 九 臨時國會

第二十一章 俄羅斯第二次大革命……………一一三

一 臨時政府之顛覆及勞農政府之組織 二 單獨休戰及單獨媾和 三 勞農政府憲法之精神 四 勞農政府之莫斯科遷都及廢帝尼哥拉之處死

第二十二章 千九百十六年西歐陸戰之概況……………一一九

一 瓦登之攻防戰 二 塞母河畔之會戰 三 法軍瓦登諸堡壘之奪回

第二十三章 千九百十六年東歐陸戰之概況……………一二一

一 俄軍西南方面之攻勢 二 納拉西湖附近俄軍之攻勢 三 布魯西郎弗軍之大攻勢 四 羅馬尼亞之

宣戰

第二十四章	千九百十六年意奧國境方面陸戰之概況	一二三
一突蘭方面奧軍之攻勢	一伊薩孫河方面意軍之攻勢	
第二十五章	千九百十六年巴爾幹方面陸戰之概況	一二四
一門的內哥羅亞爾巴尼亞及塞羅尼加方面之戰況	二羅馬尼亞國境之戰況	
第二十六章	千九百十六年亞洲土耳其方面陸戰之概況	一二五
一高加索方面俄軍之攻勢	二美索不達米亞方面之戰況	三塞奈半島方面之戰況
第二十七章	阿非利加陸戰之概況	一二六
一加麥倫之攻略	二德領東非之占領	
第二十八章	北美合衆國之參戰	一二七
一合衆國之宣戰	二參戰後之設施	
第二十九章	中國之參戰	一二一
一中國之宣戰	二參戰後之設施	
第三十章	千九百十七年西歐陸戰之概況	一二九
一興登堡線之退却	二加不來之戰	三馬爾木松之役及西明的達木之占領

- 第三十一章 千九百十七年東歐陸戰之概況……………一四一
- 一加里西亞及羅馬尼亞方面夏季之戰況 二里加陷落及休戰
- 第三十二章 千九百十七年意奧國境方面陸戰之概況……………一四二
- 一意大利軍於伊薩孫河方面之攻勢 二同盟軍之大攻勢
- 第三十三章 千九百十七年巴爾幹方面陸戰之概況……………一四二
- 一亞爾巴尼亞及塞羅尼加方面兩軍之戰況
- 第三十四章 千九百十七年亞洲土耳其方面之戰況……………一四三
- 一美索不達米亞方面 二巴勒士登方面
- 第三十五章 千九百十八年西歐陸戰之概況……………一四三
- 一德意志之大決鬪策 二德軍第一次攻勢 三德軍第二次攻勢 四德軍第三次攻勢 五德軍第四次攻勢 六德軍第五次攻勢 七聯軍之攻勢 八德軍之敗績
- 第三十六章 千九百十八年意奧國境方面陸戰之概況……………一四七
- 一奧軍之攻勢 二意軍之攻勢
- 第三十七章 千九百十八年巴爾幹方面陸戰之概況……………一四八

一 保加利亞之屈服 二 塞爾維亞之領土恢復

第三十八章 千九百十八年亞洲土耳其方面陸戰之概況……………一四八

一 英德兩國對土政策之消長 二 戰事概情

第三十九章 千九百十五年八月至十六年八月海戰之概況……………一四九

一 北海方面 二 波羅的海方面 三 地中海方面

第四十章 千九百十六年八月至休戰海戰之概況……………一五二

一 北海方面 二 波羅的海方面 三 地中海方面

第四十一章 歐戰中各國之重要條約……………一五四

一 單獨不媾和宣言 二 聯合國間之諸密約 三 關於意大利參戰之密約

第四十二章 威爾遜之和平十四條……………一五七

第四十三章 和平會議之開幕……………一五九

一 和會之先決問題 二 和會之開幕及其議事之方法 三 和會之重要職員 四 和會之種類

第四十四章 列國對於和會之要求……………一六六

一 法蘭西 二 英吉利 三 意大利 四 羅馬尼亞 五 塞爾維亞 六 希臘 七 保加利亞 八 捷克斯拉

夫 九波蘭 十比利時 十一瑞士

第四十五章 和會之難決問題……………一六九

一德軍艦處理問題 二漢志及敘利亞問題 三但澤及德國西境問題 四阜姆問題 五美國責任問題 六海洋自由及英美海軍問題

第四十六章 國際聯盟……………一八〇

一國際聯盟之由來 二國際聯盟條約之略釋 三中國與國際聯盟

第四十七章 對德條約略述……………一九一

一條約內容 二條約與公理

第四十八章 對奧和約略述……………一九八

第四十九章 對保和約略述……………二〇〇

一土地之損失 二軍隊之限制 三經濟條款

第五十章 歐洲新國紀略……………二〇〇

一領土變更之國 二新興國及自治領土 三未確定之獨立國及自治領地

第五十一章 亞洲新國紀略……………二〇六

一亞塞爾拜然共和國 二佐治亞共和國 三亞美尼亞共和國

第五十一章 巴黎和會及山東問題……………二〇七

一巴黎和會失敗之經過 二拒簽德約之前後情形 三調停說之由來與終極 四美上院與山東問題

五英法美意與山東問題 六日本謀我之處心積慮 七山東問題與政府態度

第三編 文明之部

第一章 近百年之科學……………一二四

一天文學 二理化學 三生物學 四地理學 五醫學

第二章 近百年之文學……………一二八

一英吉利 二法蘭西 三德意志 四其他諸國

第三章 近百年之哲學……………一三五

一英吉利 二法蘭西 三德意志 四合衆國

第四章 近百年之史學……………一四〇

一英吉利 二法蘭西 三德意志

第五章 近百年之國際聯合……………一四四

- 一萬國郵政聯合
- 二萬國電信聯合
- 三萬國冷凍協會
- 四萬國發明品特許協會
- 五萬國著作權協會
- 六萬國東洋學者大會
- 七萬國子午線會議及萬國測地會議
- 八萬國米突會議
- 九萬國學士院
- 十萬國大博覽會

第六章 近百年之藝術……………二四六

- 一建築
- 二雕刻
- 三繪畫

第二編 政治之部二（自歐戰至今日）

第一章 大戰前列強軍備之競爭

（一）緒言 自千九百十四年六月二十八日，奧國皇儲法地那德夫婦被刺於新領波斯坦之塞拉熱窩 Sarajevo 後，而大戰猝發。世界諸國，如飲狂泉，不惜犧牲其生命財產以角逐於腥風血雨之下者，時經五稔。茲五年中，戰爭範圍，日益擴大，同盟方面有四國，而協約方面則二十餘國。皇儲一命之微，俾世界國家，幾至盡入漩渦。而軍數動員，在同盟國則二千萬，在協約國則二千三百萬。戰死兵數，在同盟國則二百六十八萬五千，在協約國則四百四十萬。重傷兵數，在同盟國則百九十五萬，在協約國則三百二十二萬五千。戰費在同盟國，則四百八十億美金。在協約國則九百九十億美金。戰爭時間，則千五百六十七日。凡此皆有形者也。他如比塞羅門諸小國，田園荒蕪，城市焚如，疾病呻吟於牀第，老弱轉死於溝壑，淒涼慘淡，不堪言狀。即德奧英法諸大國，亦商弔於市，殲望於途，寡女泣於空閨，遺孩號於大澤，眇眇曠野，盡成殺場，壘壘荒丘，同埋遺骨。以西人之智，豈不知兵爲凶器，戰爲危事，然其所以聲嘶力竭，疲於奔命者，亦數十年積蓄醞釀之所致。奧皇儲夫婦之死，特其導火線耳。語云：月暈而知風，礎潤而知雨。歐戰之發，識者早固知之，即以戰前各國軍備競爭，亦可見其梗概矣。

(二)德法俄之陸軍競爭 法自法蘭基耳將軍擴張軍備以來，俾士麥亦提出七年計畫之軍備擴張案，議會因之解散，終得通過。繼俾氏之加富威於千八百九十三年，定平時兵額為四十七萬九千，減現役三年為二年，兵備大張。時法國合增加之率較德甚低；且自法蘭基耳以後，社會黨員標榜世界和平主義，不遺餘力；軍國主義，因之大殺。德國乘之，於千八百九十九年，復提出陸軍六年計畫案，增加平時兵額為四十九萬五千人，更期於千九百五年，有左列兵數：

將校

二五、四九四人

下士

八七、三五〇人

兵卒

五〇五、八三九人

馬匹

一一四、一六二頭

大礮

三、一二六門

左：法國聞之，不安殊甚；又因摩洛哥事件，倍受刺激。國民愛國之心，因之大起。千九百五年，亦增加陸軍，其數如

將校

二八、〇七七人

兵卒

五四七、五四八人

馬匹

一二、七〇六頭

俄國自日俄戰後，銳意改良軍隊。後日俄協商，不須多數兵力，戒備東境；故專向西方設備，以待來近東之跋扈。千九百九年，陸軍費已增加；然準備未完，故對於奧之波黑兩州合併，竟屈於德皇之一紙。由是國民痛憤，與政府以擴張軍隊之好機。千九百十二年終，擴張案成，其數如左：

將校

二七、二六七人

下士

九二、三四七人

兵卒

五三一、〇〇四人

馬匹

一二六、四八〇頭

大礮

三、三二四門

巴爾幹第二次戰爭結果，塞爾維亞，勢力大張。德國東進之途塞。然欲以武力，終遂其願，故千九百十三年六月，又提出新陸軍法案於議會，得以通過。增加平時人員爲八十六萬，戰時爲五百四十萬。法國聞之，於同年七月，亦改現役三年爲二年；徵兵年齡，亦自二十一歲低至二十歲。俄國亦於七月，通過新陸軍預算案，縮短現役年限。比利時見德國鐵路修築，皆以直達比國爲目的，因亦大感危險。於同年六月，改正舊制，實行全國皆兵制度。奧匈國同年十月終，亦議決臨時軍事費支出案。戰備汲汲如此，寧有安然者乎？

(三)英德之海軍競爭 德本大陸國，軍事上之成功，專在陸地。俾士麥晚年，頗排斥殖民政策，僅有少數海軍，輔助而已。威廉第二即位，以其祖父威廉第一為普魯士大陸軍之創造者；彼必為德意志大海軍之創造者；大反俾氏政策，於千九百年，發布海軍案。建造戰鬪艦三十八隻，大巡洋艦二十隻，小巡洋艦三十八隻，水雷艇百四十四隻，期以千九百二十年完成。

英國海軍，向以法俄二國海軍為標準，駕而上之足矣。今德忽有此舉。英人大驚。初自由黨秉政，反對軍備擴張，減少軍費；至是大受國人詰責，不得不增加海軍費矣。千九百十二年，德人又提出新艦隊法案：期於六年內，每年投資一千萬磅，製造軍艦。英國亦可決臨時海軍費一千萬磅。千九百十三年，英人對德提議，停止新艦之製造。德人不應。英國海軍預算案，較前年度，又增五十萬磅。

(四)各國之海軍力 英德既如上述；法，俄，意，奧，亦為情勢所迫，各自擴張。茲據千九百十四年之調查，列表如左：

等 級	英		國 德		國 法		國 奧		國 俄	
	現 在 建 造	現 在 建 造	現 在 建 造	現 在 建 造	現 在 建 造	現 在 建 造	現 在 建 造	現 在 建 造	現 在 建 造	
戰 艦	數	噸	數	噸	數	噸	數	噸	數	噸
二〇四三、三五〇二	六	四三、七五〇	三、八五、七〇	七、八七、一六四	四	九、三六八	八、九三、六六	三	六、〇〇〇	四
巡 洋 艦	數	噸	數	噸	數	噸	數	噸	數	噸
二〇四三、三五〇二	六	四三、七五〇	三、八五、七〇	七、八七、一六四	四	九、三六八	八、九三、六六	三	六、〇〇〇	四
水 雷 艇	數	噸	數	噸	數	噸	數	噸	數	噸
二〇四三、三五〇二	六	四三、七五〇	三、八五、七〇	七、八七、一六四	四	九、三六八	八、九三、六六	三	六、〇〇〇	四
潛 艇	數	噸	數	噸	數	噸	數	噸	數	噸
二〇四三、三五〇二	六	四三、七五〇	三、八五、七〇	七、八七、一六四	四	九、三六八	八、九三、六六	三	六、〇〇〇	四
總 計	數	噸	數	噸	數	噸	數	噸	數	噸
二〇四三、三五〇二	六	四三、七五〇	三、八五、七〇	七、八七、一六四	四	九、三六八	八、九三、六六	三	六、〇〇〇	四

戰 艦	四〇五九、三五五	一〇三三〇、二八〇〇	一八二六、二六七五	六七四、六三三	七九、七五〇
戰 艦 巡 洋 艦	九一八七、八〇〇	一、二、五〇〇〇	四八八、七四〇	三三二、八〇〇	四二六、〇五〇
裝 甲 巡 洋 艦	三三四〇、六八〇〇	九	九四、二四五	二〇一〇、七四	六三、五〇〇
巡 洋 艦	七六八二、八二五七	六七、〇〇〇	一五、七四七	五二六、九〇三	五二、二六〇
驅 逐 艦	三五八五〇	三二、七〇〇	六七、〇九四	一四、四〇四	九一、四四五
潛 航 艇	三五三三三	一七、三三六	七	一四、一四〇	六
合 計 噸 數	二七、二四、一六六	一、三〇六、五七七	八九、九一五	三、四七、五八	六六、八二八
一吋至一五吋 砲 數	五六七	三〇〇	二〇四	九〇	一六〇
現 役 兵 員	一五〇、六〇九	九、一九七	六三、八四六	一九、五三	五三、四六三
一四一三—一四一四年 海 軍 費	三、七、五〇、四五九 法	一、三、〇九、一三五 法	九、一、六四、六四五 法	二、九、九八、五五五 法	二、七、五八、六六七 法

第二章 開戰前列強之外交及參戰之野心

(一) 奧皇儲之被刺及大塞爾維亞主義 奧老皇約瑟 Joseph 卽位以來，統治奧匈者六十餘年矣。一切政事，或不能纖毫畢顧；然國運日隆，不失爲歐陸強國者，則皇儲法地那德之力居多也。皇儲強幹精明，長於爲治，久已馳名全歐，而於國家之根本計畫，則力主建三元鼎立之帝國，以防堵民族主義之煽動。所謂三元

帝國者：即舉匈境內斯拉夫 *Slavs* 族所居諸州，別畫爲一王國。如匈牙利之例，自有國會及內閣，與奧匈鼎立，同享政治之權利，以滿足其民族發展之希望。軍政外交，則統於一尊。(一) 近年又與德帝提攜，改良軍政，預爲東向以經營巴爾幹之計。使其偉業克成，則塞門諸國，均在統馭之中。千九百十四年六月下旬，奧匈政府，舉行十五及十六兩軍團之演習於波黑二州境內，皇儲親爲統帥，二十三日，偕其妃發維也納，其所檢閱，則假設塞門二國聯合侵奧，而爲防禦攻取之計畫也。軍容壯盛，示威二國，足以使之肝食。演習既終，休於波首府塞拉熱窩；途有兇徒，邀於狡路，拋擲炸彈，誤中副軍。暴客就縛。皇儲獨排衆議，親臨存問，傷者於病院；歸途又有兇徒出手鎗襲擊，再發而殞。而雄才大略之皇儲，竟與其妃暴骨異鄉矣。時六月二十八日晚間事也。兇徒當場就捕，鞫之則十七齡之塞籍中學生名苦靈布 *Garrilo Prinzip* 者是也。更嚴訊之，則塞籍軍界要人，實主其謀，且手槍炸彈，實爲參謀本部所支給；而塞京又有所謂國民共厲協會 *Karadone Obrana* 者，爲暗殺機關，詞連塞之達官名士甚多；(二) 於是暗殺問題，又起國際交涉矣。然塞人何故而刺人太子也？何故全國要人，皆爲主謀耶？何故能殺之於其境內耶？此豈非至兇而又至奇之事？然細察塞情，固可了然也。塞自獨山 *Dusan* 稱王以來，國勢日盛，中世紀中，頗稱強國；(三) 中間爲土所滅，直至千八百三十年，始成半獨立國；千八百七十三年，始全脫土羈絆。然波黑二州，固塞之舊領也。柏林會議，俾士麥竟以二州統治權委諸奧匈；當時以大勢所趨，只得隱忍。三十年來，塞人偃武修文，國勢大振，顧壤地褊小，終恐不能自存；故其

國人日夜所計畫者，有二大策：一謀兼併波黑兩州，二州雖歸奧治，然領土權猶在土，終將以力取之。二謀兼併土屬之馬其頓州全部，或其沿海之帶。此卽所謂大塞爾維亞主義，Pansevyans 亦塞之生死關頭也。然波黑二州之合併，絕其第一計畫，亞爾巴尼亞之建國，又絕其第二計畫；緣此兩事，塞之恨奧，深入骨髓；既不能決於疆場，則惟有煽動內亂，實行暗殺而已。法地那德，英才也，既有席捲巴爾幹之志，而兩次挫塞計畫，又半出其手。塞人以爲欲圖復前仇而緩後患，非殺皇儲不可。此所以舉國合謀而戕一夫之命，其事固鄙，其志亦可憫矣。(四)

註一、見 Rene Gomard, *La Trialism Rovne politique et parlementaire* 1912, Vol. IX

註二、參觀練璋巴爾幹問題述略第八。

註三、D. F. Waring, *Serbia, Home University*. p. 45-57.

註四、參視梁任公歐戰之動因第二大中華一卷一期。

(二)列強調停 七月二十三日，奧既以最後通牒致塞。翌日，復錄全文，通告列國；並表示不願第三國置隊之意。同日德政府亦有長電，分致列國，謂茲事既屬奧塞兩國交涉，宜聽自行解決；否則列強均有同盟關係，如置隊，則或釀成大亂；吾儕宜各自慎。惟俄政府甚反對，各國咸惴惴焉。法國駐英大使保羅加本 M. Paul Campon 語英外相格黎云：「奧若以兵壓塞，俄必不能袖手；若待奧塞開戰，則調和晚矣，奈何？」(1) 格黎聞

之，乃倡英、德、法、意四國調停之議；時俄奧既已直接交涉，故不在被邀之列。惟奧之通牒，限期二十四小時，調人無游刃之餘地，故第一步必先勸奧延長期限。三國乃共請於德，俾任勸告之職，德國駐英大使，電達本國外交部，時二十五日早十點也。外相卜斯多 *Count Borcholt* 適伊次，*Ischl* 未及歸而期限已過。英、法、意乃欲廣續，德使不願，謂調停云者，乃解紛公判也，據國際法理，必有紛爭國之請求，乃得行之；今既未請，何必多事？且俄奧既已直接交涉，俟其不解，調停未為晚也。於是議遂擱置，唯共勸俄奧開誠相見而已。不幸交涉無效，而俄已下動員令。外交界遂暗無天日矣。

註一、見 *Modified Quotation. B. W. P. no. 10.*

(三) 奧之最後通牒及其南下政策 當奧皇儲之被殺也，老帝祗憤情深，西河痛切，必欲嚴懲兇徒，爲子復仇。奧民亦以全國託命之人，遽遭敵國慘殺，同仇敵愾，舉國若狂，示威之舉，所在蠶起。七月七日，遂開奧匈臨時聯合內閣會議，議決問罪於塞。二十三日，下最後通牒於塞，詞氣嚴厲，條件苛刻，指定暗殺與塞相關，其全文如左：(一)

- 一、凡報章及其他印刷物，登載排奧之言論，有傷害奧國土地安全之虞者；塞政府須禁止其發行。
- 二、解散國民共厲協會，並預防其改變名稱，暗中進行之弊；或有其他之集會，與此宗旨相類者，均一律禁止。

三、學校教科書中，含有排奧之意者，均刪改之。

四、文武官吏，有參與此次陰謀者，立即罷斥。奧政府有隨時指出官吏姓名，要求懲辦之權。

五、塞政府調查暗殺案之陰謀，由奧國派員共同行之。

六、塞政府審訊與暗殺案有關係之人犯，由奧國派員監督。

七、立捕關係此案之犯人康哥西格 *Vaija Tankasic* 及西加魯非 *Milam Ciganonic* 等。

八、禁止兇器輸運入塞。凡此次奧國官吏，與偷運兇器有關係者，立即罷免，如雪輩斯 *Shapatz* 落斯勒

格 *Loznica* 兩地之官吏，均不能脫其罪。

九、自暗殺案發生以後，塞國官吏，尚有鼓吹排奧者；政府須嚴厲申斥之。

十、此通牒限於七月二十五日下午六鐘以前回復。

上述十條：其五六兩條，則直以縣鄙視塞；使塞允許，則不國矣。皇儲雖貴，不過一命，寧有一人損命，償以一國之理？奧之逼人，不亦太甚耶？然細察奧之國情，則亦有不得已者存焉。當十九世紀前半，奧之發展有三方面：向北則德意志，向西則意大利，向南則巴爾幹。自千八百六十六年，普奧戰爭以後，西北兩面，均無希望；所可發展者，巴爾幹方面而已。奧之經營是地，初則無往不與俄衝突；後以波黑二州之動亂，匿起俄土戰爭，以柏林會議之結果，得領波黑二州之統治權；名義上雖仍屬土，而實際上奧已駐兵矣。自是俄之勢力，為奧所驅；

巴爾幹半島，殆入奧之範圍，然又恐俄人議其後，故結德奧同盟以防之。厥後日俄戰爭，俄以甫經大創，瘡痍未復，唯在戡定內亂，蘇復生計；對外之策，有所未遑。奧遂宣言實行合併波黑二州，^(二)南下之基礎已定。然最爲障礙者，則塞爾維亞。蓋奧之爲國也，其人口五千一百餘萬，而所含類族十有一；^(三)其中與皇室同族之民，僅十萬有奇。而塞爾維亞人已五百五十餘萬，與塞同祖其他之斯拉夫人種，合計且二千五百萬。彼塞人者，以大塞爾維亞主義，煽動其民，則十分之一叛；以大斯拉夫主義，煽動其民，則三分之二叛。夫塞人之持此術以苦奧匈者，二十餘年矣；其政府曷是爲國是，其學校以是爲教科，皇儲遇刺，不過其最著者耳。數年來奧之對塞，久欲宣戰；當千九百十三年，第二次巴爾幹戰爭時，奧卽求意大利對塞作防禦的戰爭。意以利害不同，未之許焉。^(四)今忽時機至矣，此而不戰，更待何年？故奧之最後通牒，在塞固已不堪，在奧不爲過分。思啓封疆，何國蔑有？况有皇儲遇刺以爲借口哉？要之：奧塞既處於兩大莫能相下之勢，各爲自國利益計，不能不出全力以相持。塞之切齒於奧，固所當然；奧之致命於塞，亦係天經地義。雖然不戰，何以決之？^(五)

註一、見 B. W. P. no. 4. 其致塞通牒之理由，可於 F. Y. B. no. 75. 中得之，或 A. R. B. no. 19.

註二、見山口圭藏歐洲大戰及日本之將來二章五節。

註三、據 1910 年奧匈國人口調查表如下：

人種	名	奧地利	亞甸	牙利	波黑	二州	合	計
德意志	人	9,950,266	2,037,435	22,968			12,010,668	
匈牙利	人	10,974	10,050,575	6,443			10,067,992	
波希米亞 Moravia Slavonia	人	6,435,983	2,031,782	7,527			8,465,291	
波蘭	人	4,967,984	40,537	10,975			5,019,496	
脫蘭斯瓦爾		3,518,854	472,587	7,431			3,998,871	
塞國	人	783,334	2,930,632	1,822,564			5,545,531	
達瓊西里瓦尼亞 Transylvania		1,252,940	93,174	3,108			1,349,221	
羅馬尼亞	人	275,115	2,949,031	908				
意大利	人	768,422	33,387	2,462				
其他			328,845	12,958				

外國人	608,062			608,062
合計	6,571,934	20,886,487	1,898,544	51,356,465

註四、初此事甚密，歐戰開後，Signor Giolitti 遂宣布之，參觀 L. F. Waring, Serbia, p. 218-219.

註五、參觀梁任公歐戰之動因第三及 New York 出版之 Austria-Hungary and the war. p.

13.

(四)塞之回答及奧塞之宣戰 塞既接奧之最後通牒，以限期過短，使無思索之餘地，顯係挑戰。全國上下，驚憤欲狂；甚至對於駐塞奧人，有示威運動；惟塞政府頗沈靜，然知和平無望，遂如期答覆如下：(1)

一、今後於塞國之最初通常會議，有對奧匈國發憎惡侮蔑之排撥者，當處以重刑。且一般印刷品，不免對於奧匈國領土，有危害之意；未雨綢繆，當別行規定一出版法。塞國政府，以現行憲法第二十二條之規定，欲沒收是種印刷物，實屬不能。思欲由不能變為可能，故憲法改正時，當修刪之。

二、國民共厲協會及其他類似之結社，雖彼等會員，毫無如斯罪惡行為之證；且奧匈國政府之通牒，亦不能指出證據；但塞國政府，仍依奧匈國政府之要求，將國民共厲協會及其他類似之結社，悉取消之。

三、塞國政府，倘由奧匈國政府，指出教育上排奧運動之事實及證據，則凡足以供煽動之用者，當於塞國

之公立學校中，立即除去之。

四，凡有危害奧匈國領土者，苟爲司法上有須審問者，塞國政府即免黜其軍事職務；深望奧匈國政府，將塞國文武官吏，有須審問者，舉其姓名及行爲，通告於塞政府。

五，塞國政府，雖承認奧匈政府之機關，在塞境得以協力；但對於奧匈國所要求之意義及範圍，茲當明白宣布曰：「不得直行捕捉。」然倘於國際法之原則，刑事之手續，睦鄰之意義，三者各不相悖之協力，則塞國政府亦得承諾。

六，塞國政府，關於六月二十八日有陰謀關係之諸人，在國內者，直行審問，固不待論；但此次審問，奧匈國之委員，參加其間，則殊違背憲法及刑事訴訟法。此事尙祈原諒。惟審問之結果，通告於奧匈國委員，亦無不可。

七，塞國政府，於收到通牒之晚，即逮捕康哥西格；至西加魯非，則爲奧匈國之臣民；且於六月二十八日以前，方服役於鐵路，未便逮捕。且請要求奧匈政府於推定爲有罪之證據，在今日以前所收集者，速以慣行之形式，提交於塞。

八，塞國政府，對於越境而售賣武器及炸彈者，自當嚴加禁止；而雪輩斯落斯勒格之邊境官吏，竟破除其義務而聽兇手通過，自應加以審問，處以重刑。

九、凡塞國國內外之官吏，有於六月二十八日行兇後，有敵視奧匈國之語調者，請奧國政府將其證據，通告塞國；且能證明其爲塞國官吏，則塞政府尤易於措手，且得自收集其證據。

十、以上所列各項措置，凡屬於本通牒上未爲之事項，苟當命其執行時，立即逐事告於奧匈政府；如以爲不滿足，則塞國政府擬付之海牙會議，或關於千九百九年三月三十日塞國政府宣言參加起草之大國，求其爲和平之協定，實所盼望。

奧國見此回答，遂決意開戰。乃命駐塞奧使，收拾國旗，以爲引揚之計。二十八日，下動員令，對塞宣戰。塞亦對奧宣戰，而空前大禍，竟猝發矣。門塞向共休戚，故於八月十日，亦向德奧宣戰。

註一、見 B. W. P. no. 39.

左：(五)開戰前後列強之中心人物 奧塞既開戰，各國遂從事戰備，先後繼之。茲先將列強中心人物，列表如

一英國

愛斯葵 Asquith

首相

格黎 Sir Edward Grey

外相

格森 Sir Edward Goschen

駐德大使

布葛那 Sir George Puchanan

駐俄大使

本森 Sir Maurice de Bunsen

駐奧大使

巴第 Sir Francis Bertie

駐法大使

二、德國

好維 Von Pethmann Hollweg

首相

雅古 Von Jagow

外相

林斯納克公爵 Linschowsky

駐英大使

布耳達來伯爵 Pourtalès

駐俄大使

喜耳克 Von Tshirsky

駐奧大使

休阿男爵 Von Schoen

駐法大使

三、法國

樸雷 Poincaré

大總統

維維尼 Viviani

內閣總理

馬丁 Bienvenu Martin

外交總長

杜馬 Doumergue

外交總長（一九一四八月三日就任）

德喀斯

外交總長（一九一四八月二十七日就任）

保羅加本

駐英大使

茹來加本 Jules Cambon

駐德大使

杜納 Dumaine

駐奧大使

巴里勞克 Taléslogue

駐俄大使

四、俄國

格倫克 Gorenvkin

首相

薩捐納 Sazonov

外相

本克刀伯爵 Benckendorff

駐英大使

斯巴必 Swereliew

駐德大使

底斯瓦斯克 Iwolsky

駐法大使

喜奔考 Senébe'co

駐奧大使

五、奧國

巴喀刀伯爵 Berchtold

外相

布林男爵 Burian

外相（一九一五月就任）

蒙司刀伯爵 Mensdorff

駐英大使

塞森伯爵 Seesen

駐法大使

塞巴來伯爵 Szápary

駐俄大使

麥來 Meley

駐意大使

格斯特林根 Von Gieslingen

駐塞大使

六、意國

格里納侯 Disan Giuliano

外相

孫尼納 Sonnino

外相

河瓦握公 Avarva

駐奧大使

七、塞國

巴西斯 Pasih

首相

（六）俄之宣戰 奧之通牒各邦也，謂友邦欲為調人，吾奧敬謝；則其不願第三國之干涉也，已甚明瞭。而俄

偏欲置隊於其間，以致德國宣戰，法英隨之；則此次滔天大禍，豈非俄爲首魁？然細察俄情，固有不得已者存焉。俄之爲國，凡百皆備，惟缺良港；故自大彼得 Peter the Great 以來，俄國對外政策，有一不易之主眼，曰出海港。彼得之取聖彼得堡 St. Petersburg 也，自以爲芬蘭 Finland 灣上，得一俯瞰歐洲之窗戶；(1) 而不幸半年結冰，終非理想之出口；於是彼得復求一窗於南方，(11) 而奄有阿速夫 Azov 則又不幸阻其前路者，有達達尼爾 韃 海峽；爲土耳其所支配焉。以廣土衆民之帝國，寧甘長閉塞於大陸，如何而得自由之出口？此實數百年來，常戰於俄政府諸人腦中之大問題也。(三) 爲俄政府計，不外四途：曰越瑞典，那威，以出北太平洋；曰越巴爾幹取君府，以支配海峽；曰越波斯，阿富汗，以出波斯灣；曰越西伯利亞略滿洲，以出支那海。第一途危及瑞那兩國之國家生命，破壞歐洲均勢；不惟彼兩國之誓死抵抗，且歐洲列強干涉，亦非徒託空言。俄政府飽嘗經驗，久已斷念於此。其餘三途之中，以第二途最合理想：地勢接近，爲俄在歐洲之自然膨脹，利一；土耳其久稱東方病夫，臨之以俄國武力，如摧枯拉朽，利二；巴爾幹之斯拉夫民族，久呻吟於土耳其虐政之下，南下巴爾幹之策，實合大斯拉夫主義之國民精神，利三。以故十八世紀末葉，迄十九世紀後期；百年之間，俄人之侵逼土耳其，干涉巴爾幹，不遺餘力。以至千八百五十四年，克里米之役；千八百七十七年，俄土之戰；不幸遇第三者之阻力，功敗於垂成，而百年來俄政府之雄圖，徒成畫餅。彼斯拉夫帝國政治家之遺憾，可想而知。俄人在近東之發展政策，既已告一段落，俄政府乃暫改方針，而出於第三途，經略中東，窺伺

波斯、阿富汗，以爲出波斯灣之計；然此則直接危及印度，有關英帝國死生問題；而英俄之衝突不絕，以迄千八百八十四五年，幾至於戰爭；俄政府卒以前途阻力之大，事業之危，不得不暫斂其鋒，而與英國妥協。然南下政策，固未嘗一日忘也。於是方針又一轉，而遠東侵略政策，開新紀元於十九世紀末葉。於時則促成此政策之施行，有數因焉：吾國在遠東之積弱，尤甚於近東之病夫；日本雖告維新，富強之實力，向未爲歐人敬重；其他在遠東有利害之歐美列強，亦皆有鞭長莫及之勢；不若在近東地域，法奧諸國，均得以實力阻抗俄國之進行，此促進俄國遠東侵略政策之原由一也。德奧兩國，深畏俄國經營近東，致生衝突，兵連禍結，兩敗俱傷。柏林會議以後，俾士麥汲汲於得俄之歡心，常慫恿其別開生面。中東之侵略，英俄在阿富汗之葛藤，彼實陰爲媾禍之媒；迨中東經營頓挫，俄政府乃轉求發展之途於遠東，更爲德奧兩國政府所利賴。（四）（五）不

幸日俄戰爭，遠東又行失敗，故更轉向近東；然欲達初志，仍須借巴爾幹諸小國以爲前驅；既有所利用，必有所保護；故波黑二州之合併，俄人卽躍躍欲逞。徒以內則日俄戰爭初終，瘡痍未復；外則顧慮德人，投鼠忌器，不敢卽動；自此以往，俄人日在臥薪嘗膽之中，警士卒，修戰備，力圖一復前恥。今奧人以皇儲一命，感塞陷於死地；塞若屈服，便成奧縣。塞亡，門亦隨之；羅保諸邦，亦將不保；則俄人出黑海之望，豈非永絕？此所謂舊仇未報，新恨又來；凡有血氣者，均不能忍，而謂俄人能忍乎？吾聞之，美前總統羅斯福之言云：「奧塞戰起，爲俄人者，能不投入其中乎？吾知其必不能也。俄若不戰，則立失其斯拉夫族首領之資格。」（六）誠如是則百年扶助

諸國獨立初心，自問亦殊不能自解，故不能不戰也。往者法人德老西 Francis Deloisi 氏有云：「奧塞之爭，定變爲奧俄之爭，兩方各樹羣黨，則巴爾幹戰爭，將變爲歐洲戰爭。」^(七)德氏爲此言時，正巴爾幹激戰之初，不圖於今果驗。歷史家之可貴，卽在此處也。當奧塞相持緊急時，俄已調遣兵員。德人知之，卽電俄曰：「俄若攻奧，則德以同盟關係，不能袖手。」七月二十九日，德皇復電俄皇，勸其中止動員。俄皇不聽。八月一日，德俄宣戰。三日，俄德宣戰。六日，奧俄宣戰。八日，俄奧宣戰。

註一、Window looking on Europe.

註二、Window at the South. 以上皆彼得得語。

註三、彼得臨崩，遺治俄十三策，其三七兩條，卽論將來求海之計畫。參觀 Harry Bresslau, Das

Testament Peters des Grossen Sybels, Historische Zeitschrift, Vol. 41. P. 385 et Seq. 或英

譯 K. Waliszewski, Peter the great (New York, 1900). P. 543-51.

註四、見 Holland Rose, The development of the European Nations, P. 48.

註五、見鯁生俄國遠東政策之過去及未來，太平洋一期八號。

註六、見 Theodore Roosevelt America and The world war, P. 17

註七、氏所著 De la Guerre des Balkans à la Guerre Europeenne 書中有此語。

(七) 德之宣戰 德之宣戰也，英、法、俄、日各報競集矢於德皇；謂其刻意摹仿亞歷山大及拿破崙，不惜靡爛全世界之民，以快一人之欲；蓋奧之不競久矣，苟非德德德憑其後，必不敢輕舉妄動；使不然者，當戰機將發之時，苟得德人一言，則奧必稍事遲延，俾有調停之餘地。乃英人倡四國調停，德人託辭拒謝，而暗調兵備戰；苟非有意多事，曷爲如此？然則今茲大禍，德人殆其首耶？然細察德之國情，亦有不得已者存焉。世人多謂德人所倡德意志魂 (一) 一語，爲軍國主義之表現；不知實悠久快樂和平，善意性質之 Gemüthlichkeit 厥義已盡此字，不能譯作他國語。(二) 德人性質，本愛和平，而近年以來，所以熱中於擴張軍備者，特被大勢所驅，不得不爾耳。蓋德建國之日雖淺，而其發達之速，乃在言思擬議之外。就人口論：千八百七十年始建國時，僅四千零八十一萬耳；百九十年，已增至六千四百九十三萬；僅四十年間，而所增乃三分之一。據最近統計，每年平均增加九十萬以上；今境內地方，則既竭矣，以養現在之民，猶苦不瞻；繼今以往，將從何處得容足地？就產業論：緣科學發達，民俗勤敏之故，其工藝品之發達，乃不知紀極；鋼鐵一項，五十年間，增加六十倍；棉花之消費額，亦增二十倍；梳打一項，三十年間，由四五萬噸，增至百萬噸；硫磺一項，亦由十萬噸，增至百萬噸；其外國貿易之輸出額：千八百九十二年，約三十萬萬馬克；千九百零七年，已至七十萬萬馬克；略舉數端，可見一斑。(三) 其年年遞增之物產，苟非得市場以消售之，則其資本，寧非虛擲？而環顧各國，多用關稅保護政策，深閉固拒，未由侵入。故德人汲汲思得殖民地，直如病渴之夫，亟求杯勺。蓋以容納其過騰之人口，並消受其過

騰之物品，非此則無以圖存也。且十數年來，英人得奧倫治及脫蘭斯瓦爾，鞏固其埃及之地位，而又得南波斯及其油井之保護權；法國得摩洛哥；意國得的黎波里；俄國得波斯之太半，獨德在此時期，僅得太平洋邊遠之數島，與阿非利加洲礪礪之諸地；而經營之，殊非易易，深恐所得，不足以償其勞。於是其眼光所注，有三大廣原：一曰中國，二曰南美，三曰小亞細亞。然中國久已爲英、俄、日諸國勢力所瀰漫，雖強攫一青島，爲立足地，其不易大得志也明矣。南美則巴西、秘魯等地，德人移殖者歲增，一切工商業，多爲所壟斷，實德將來最有希望之勢力範圍也；然以美人大倡孟祿主義之故，其進取亦不能無障。獨小亞細亞之土耳其一帶地，今在土耳其孱王治下，而其地適爲全世界最沃衍之野，且全世界文明之發祥地也；德人以全力注於此地，欲製造亞洲之德意志帝國，而其下手之法則，在與土交歡。故千八百八十九年，德帝躬朝於君府，對土皇備致殷勤。越數年，遂有巴格達 Baghdad 路敷設權。巴格達鐵道者，起點於君士坦丁之對岸，經巴格達以直達於波斯灣者也，延長四千餘啓羅米突，爲全世界最大幹線之一；而前此巴爾幹半島內土屬諸州之鐵路，本已爲德人資本所經營；今輔以此路，則一大幹線北起漢堡，經柏林、維也納、君士坦丁，以接巴格達路線；北出北海，南出波斯灣，如常山之蛇，首尾相應，已如前述。則亞洲之大德意志帝國，遂將湧現。然德人此種規畫之成就，實以土之存在爲前提；故德之大學教授赫德有云：「吾同盟之邦，^(四)日進強大，然後起而與吾國提攜；窺埃及，連波斯，入印度洋。不列顛霸權於以衰；俄羅斯帝國於以弱，吾德世界之位置，乃形重要；而小亞細

「亞經營之問題，乃有日爾曼（German's）容喙之餘地。」^(五)苟無土耳其，則德失其東道主，而一切無所附麗。今俄人日持其大斯拉夫主義以煽動巴爾幹而削弱土耳其，實足使德人盱食。故俄德之不得不爭巴爾幹勢也。而千九百十二年以後，兩次巴爾幹戰爭之結果，土之歐洲領土，失其什九。漢堡巴格達間之大幹線，中間一段落，已在敵人斯拉夫族之手，遠略行將頓措；德人必出死力以爭之，又何足怪？^(六)漢納克 Professor von Harnack 者，德之著名大學教授也。宣戰第一日，即著論揭載，聲言德之出此，實防俄人侵略之野心。^(七)日本千賀鶴博士，著歐戰破裂之原因，亦陳德人實處有防禦地位，持論頗公，作史者固宜如是也。初德阻俄下動員令，俄不聽，乃對俄宣戰，並電詢法國，能否中立？法不應。八月四日，德法宣戰。同日，法德宣戰。

註一、Die deutsche Seele.

註二、見 Dawson, W. H. The Evolution of Modern Germany. 3rd ed. London, 1861.

註三、據梁任公之調查。

註四、當指土耳其。

註五、見 Die Ziele unsere Weltpolitik, by Alfred Hettner。愚見錢天任引之，見所著東方問題，

載在太平洋一卷七號。

註六、參觀梁任公歐戰之動因第五。

註七、愚見 James W. Gerard 引之見所著 *My four years in Germany*, P. 99.

(八)法之宣戰 自普法戰爭以來，法人會稽之恥未雪，臥薪嘗膽者四十餘年，前已屢述。後俄法同盟雖成，以俄新失敗於近東，方有事於遠東，且內亂未靖，不敢輕於舉動，故法之聯俄，但云自保，未足語於進取也。及日俄戰起，形勢將變，法之大政治家德喀斯，遂疾起與英握手，棄百年之夙怨，與英協約，又與意大利交換利益，以離意德之交，未幾，又媒合英俄，成三國協商之局，於是法之元氣，爲之一蘇。故千九百五年及十一年兩次摩洛哥問題，法人敢公然與德爲難。其第一次法雖見屈，第二次德已漸見屈於法。(一) 然有此問題，法人仇德益甚。舊恨新仇之雪，此其良機，故奧塞國交緊急之際，法總統柏蔭開雷氏，親訪俄都，及歸，意已決矣。蓋此次加入，對德有復仇之意，對俄有同盟之義，何有不爲之理？此人所共知也。然其實法有不能不與俄一致行動者，即欲中立，德亦未必不破壞之，則毋寧自始參加之爲得策。故羅斯福有云：「法蘭西能不爲今日之所爲乎？吾知其必不然也。彼雖終爲俄助，而初實未有挑戰之行爲；故戰端之開，不得謂自法始。然既有人迫之使戰，若彼終欲避之，即不免蹈昔日覆轍；或追蹤於盧森堡之今日於將來，而陷於無可援助之地位。」(二) 由是觀之，法之參戰，固爲復前日之仇，爲盡同盟之義，然其不得不如此，亦實情也。八月四日，德法、法德，既宣戰；十二日，奧法；十三日，法奧，亦宣戰。

註一、參觀梁任公歐戰之動因六。

註一、見所著 *America and the world War*, P. 11.

(九)比之擁護中立。今次大戰，德之攻比，並非猝然爲之也；蓋處心積慮，已數十年矣。往者德大將勃拉地 Bernhardt 氏，著軍政要略一書，討論德與俄法交戰之計畫，謂必假道於比利時或瑞士二國；不然，敵且先及於德境。(1) 著者之意，蓋視中立條約以及他條約，苟因權利所在，即可毀之，決不存尊重之意。羅斯福氏亦云：「苟一國家於戰爭之際，自覺關係己國之存亡而欲自救其危，非常之舉，實不可免。」(2) 然比之境遇，固可憫矣。比本工業國，又託護於永久中立之下，對於軍備，向不注意；唯知德有野心，故其要塞，多在德境。初戰將開，英政府分電德法，申言保護比之中立。法覆電贊成，德恐洩露軍務秘密，置不答。八月二日，以最後通牒致比，限十二時答覆。文云：「德政府接最確信息，謂法軍將進至賣士，一作馬斯 *Mas* 是於敵國安危，關係甚大。敵國爲防禦起見，擬假道貴國，希勿拒絕。」(3) 比接閱後，即電英求援。英允諾，比遂電覆德。文云：「德若犯吾中立，必竭全力以禦；不幸出諸意外，法若來犯，亦必致死力以抗之。」(4) 德得報後，於八月三日夜，即侵犯比境。夫比以蕞爾小邦，無論如何努力，其不能敵彪大之德，豈不自知？然其中立，實最大之超他權利，神聖不可侵犯。任人踐踏，則將不國。比人對於保全國家之大義，觀念最確；故以壯烈之氣，奮關履行，無論若何犧牲，而不爲屈辱之服從。語云：「士可殺而不可辱；唯國亦然。」吾於歐戰今役，最服比人者，即在此點。宜乎比皇戰後歸國，各邦均致電賀之，稱爲中興令主；然今世戰爭，固國民戰爭也；比皇之有今日，固比民爲之也。吾祝其

前途萬福。

註一、愚見羅斯福引之。

註二、見氏所著 *America and the world War*. P. 25.

註三、原文見 *Le second livre blanc Allemand*. P. 25.

註四、見 *Military operations of Belgium* P. 4.

(十)英之宣戰 威爾西 H. G. Wells 云：「戰爭之目的及原因不同。吾英宣戰原因，爲破壞盧比二國中⌋立也。自比立國以來，英卽保護之；若德與吾一致保護其中立，則吾英必不卽時加入。」(1)「但宣戰之目的，並非有憾於德人；亦非欲破壞其自由及統一……不過欲顛覆普魯士之專制主義，亦如普於千八百七十一年，顛覆拿破崙第三者然耳。」(2)由是觀之：英之加入，爲保護比之中立，爲顛覆普之專制。然此不過門面語耳；其實英之加入，亦有不得已者存焉。英人之侈然自大者久矣，當各國內如亂麻，歐洲大陸全土俶擾之際，晏然坐得無數殖民地於海外。而環顧諸邦，殆莫余毒；故當各國皇皇求同盟唯恐不及時，而英乃以名譽孤立，自誇於天下。及德今廢皇威廉第二卽位，未幾而乳虎食牛之氣，有以憾英人之夢而驚之起。蓋英人之知危，十餘年於茲耳。英以海王自命也久矣，今德急力擴張海軍，將來海不其有二王哉？故英人瞠目橋舌而日日與之競走，疲於奔命。報紙雜誌，均以是爲鼓吹。(3)且其工商業，亦到處爲德人所侵略，所壓伏，前此

英人以鐵國自豪者，今德國每歲所產之鋼鐵，且視英三倍，他更何論長此以往，英人非降爲德之輿台，勢且不止。使德人海軍而能競勝於英，則遠者且勿論，一旦將歐洲門戶之直布羅陀 Gibraltar 海峽，亞丁 Aden 灣，蘇彝士河三處，落於其手，則英人更有何術以馭其殖民地者？且德之陸軍，任舉一國，莫能及者，此天下所知也。德破比而進攻法，法之危亡，必在旦夕。法亡而德與俄抗，奧與塞抗，兩方勝負，不難預決。使德人復襲拿破崙封鎖大陸之故智以待英，則全英之民，可以餒斃，即不然，法俄敗績，歐陸之均勢必破，均勢破，則德即有餘力與英競矣。英人知此新敵之可怖，故戰計早定。會德人犯比中立，遂借端於八月五日，對德宣戰。明日，德亦對英宣戰。

註一、二、均見氏所著 *The War that will end War*, P. 1. and P. 9. London, 1914.

註三、D. C. Boulger, *British Distrust of Germany*, 載在 *Nineteenth Century* 雜誌，詳論德之可畏。

(十一) 日本之宣戰 日本此次加入，表面上有兩大理由：一則履行條約。蓋千九百零五年，英日同盟，本載明爲遠東權利，若與他國開戰，有互援之義務。日人之攻青島，即借口於此。解釋此條約之意，範圍不免寬泛。然德人以膠州爲根據，英人或受障礙，借此強釋，則日人之起，或可爲履行條約也。一則爲復德仇。蓋日本奪我遼東半島，俄德諸國干涉歸還。日俄之戰，已復仇於俄，獨對德無機可乘。今日之事，固千載一時之會，故奮

然而起，奪取膠州。(一) 然此亦均門面語，日人此舉，固有大目的存焉。日以後起之邦，野心忿鬱。年來扶持其所謂北進主義，大陸政策，吞噬朝鮮，伸足滿洲之野，得隴望蜀，括糠及米。特束縛於均勢之局，輾轉而不能自逞也久矣。何幸一旦均勢破壞，列強無東顧之暇，則彼狡焉思逞之日本，正如飢鷹脫籠，餓虎出柙，饒吻橫噬，復何顧忌？遂借口於英日同盟，以最後通牒致德。文云：「今敵國所處之地位，當掃除擾亂遠東之根源；爲尊重英日同盟條約，維持二國權利起見，不得不以下列條件，要求貴政府：一、貴政府即時調回支那海及日本海之戰艦，若調動不及，即解除武裝。二、九月十五日以前，以無條件的將膠州灣交付日本；俾永遠歸還中國。」(二)

若八月二十三日下午，敵政府尙未接到回牒，即取自由行動。「通牒去竟無音。日本遂於八月二十三日，正式對德宣戰，未幾萊州龍口，盡作戰場；濰西濟南，橫被侵入。濰濟之於膠州，固不相關；而日人偏欲侵犯，破我中立。東亞和平，果如是維持耶？然欲知其攻占青島之因，不可不知其大陸政策之發展。日俄戰後，日本以遠東島國，一躍而儕於列強之林，國民自負心高，不復以現狀自足；加以勝俄之後，萬事呈新進之狀。人口膨脹，經濟發達，均有以促其廣求用武之地於國外。戰後整理甫終，海外發展之聲盛倡，朝野上下，醉心帝國主義，美其名曰經濟發展；其實含有政治侵略之野心。司馬昭之心，路人共見；所待研究者，則侵略之方向問題耳。對於侵略之目的，日人主張，可大別爲兩派：其一則着眼于南方菲力賓及其他南洋羣島，實爲侵略之目的；其他則着眼于北方東亞大陸，易言之：即吾老大中國，爲其垂涎之物。前者爲南進主義，文士政客如竹越

與之郎一派，^(三)暨海軍系人物倡之；後者曰北進主義，易言之即大陸政策，在野則有一派，所謂浪人政客。在朝則陸軍系人物堅持之。而徵之事實，則又彼國內多數輿論所贊同，屢次之政府，似皆立爲方針進行者也。蓋南進之舉，第一當衝者爲菲力賓羣島，其結果必至與美國開釁；而從軍事上，經濟上着想，日本政府尙無與美國一戰之勇氣；則徵之近年來關於殖民問題，日人寧忍受特別法律之侮辱，而不敢嚴切抗議責問於美政府，可以推知。次則南洋羣島，美屬之不可覬覦，自不待言。即其他各國所有如荷爪哇 Java 之類，亦英人所恃爲勢力範圍，^(四)不容以優先權讓諸日本。日人如欲據而有之，勢必致英國之干涉，其結果亦不得不一戰。而在英國握有海上霸權之今日，以葛爾之日本海軍，又烏得輕於問鼎他日日本而擁有強大之海軍，優足以對敵英國，則事不可知；目前則南進主義，謂之一種理想可也。勢力向弱處進行，物理之通則。南進之抵抗力既大，日政府乃集注全力於東亞大陸；蓋知此老大中國，無防家賊之備，更無國防之可言，而其他列強，無一植有強大勢力，於此可以獨力阻抗日本之行動者。如此富庶之邦，正足供日人發展地也。當日俄戰後數年，日美移民問題衝突，日本第一次外交家小村壽太郎，時任桂內閣之外部大臣，曾在議院宣言，移民集中滿韓之方針，此即一種大陸政策之雄圖；詳言之，即將朝鮮南滿爲根據地，扶植日人勢力，漸次進窺內蒙，南下而囊括吾北部各行省，以建立一大陸帝國也。此政策之着着進行，已實見屢矣；而占青島及四年五月七日之中日交涉，尤其顯著者也。然日本對此大陸政策，欲求安全，不得不與俄國親近。俄之現在地

位，雖不足阻日本在吾北部之進行；顧彼根據北滿，又復操縱外蒙，與日本之大陸勢力相衝突之點甚多。爲日本計，不外兩法：與俄國攜手，彼此協商勢力範圍，一掃兩國之利害衝突，一法也；絕對驅逐俄國勢力於遠東，不惜與之干戈相見，期一人壟斷東亞大陸之霸權，亦一法也。後者究爲危險方法，日本啞於日俄戰爭之經驗，俄國兵力之不可輕視，兵連禍結，將無已時，^(五)自不敢輕於嘗試。如是則日本政治家之方針，乃不得不趨重前者。日俄戰後，未幾朝野明眼之士，咸見及此，國民之敵愾心未衰，日俄同盟之策已公然提議於議會。日本謀國者之用心，已可想見。美國滿洲鐵道中立之議出，日俄一時，共陷於同病相憐之境，起而互相防衛。第二次日俄協約，^(六)於以成立。自是日政府利用此機，日謀所以日俄攜手之方，關於滿蒙之日俄兩國祕密協約，宣傳於世者，不一而足。當壬癸之交，吾國內賢士大夫，方醉夢於政爭，彼辣腕之軍人政治家桂太郎，正有俄國之行；其帶有祕密使命，締結協商同盟之類，已爲公然之事。然值日皇之喪，政局搖動，桂太郎中途折歸，未獲行其使命；此不過政治上之一小頓挫。日人心中，固未嘗一日不伺機以圖也。自是厥後，吾國政象日壞，國本動搖，適值歐戰發生，東亞之均勢破。日本得自由行動於大陸，同時復得一聯俄之機會。則俄國制於德，奧土之三敵，不唯有遠東深望日本之不乘虛直搗其背；且戰時軍需，有待於日本之供給是也。姑無論俄政府衷心若何，事實上究不能不要好於日本，於是千九百十六年七月三日，遂有日俄新協約。^(七)其文云：「日本帝國政府與俄羅斯帝國政府，決意合力保持遠東長久和平。」協定如左：

一日本不加入敵對俄國之政治協定或團體；俄國不加入敵對日本之政治協定或團體。

二，如值締盟國之一造，所有在遠東之一切領土權利及特殊利益，爲彼造所承認者見侵逼時；日俄兩國，當商互關於幫同防護此等權利利益應取之手段。

簽字後數日，約文公表，世論譁然。非唯吾國傷時之士，深感憂危；即歐美論壇，亦示不安之色。蓋深有感乎此協約之成立，關係於今後遠東之政局甚大也。蓋回憶千九百七年協約，爲去日俄兩國國交上誤解原因；千九百十年協約，僅以擴張千九百七年協約效果，鞏固遠東和平滿意；而更進一步曰：兩國決意合力，保持遠東和平者，則今日之新協約是也。然所謂兩國合力保持遠東和平者，果何意耶？寧非謂遠東平和保持之責任，日俄兩國共負之耶？是則無異公然宣言於世曰：遠東者，日俄兩國之遠東；遠東之事，日俄兩國共處置；遠東之勢力，日俄兩國共壟斷之，第三國勿置喙也。該約前文所宣示之目的既如此，其傍若無人，條文規定之範圍，遠非從前各協約可比，自無足怪。第二條之規定，已不復限於滿洲而泛指遠東；不曰遠東之現狀，而曰兩國在遠東之一切領土權利特殊利益；而此等權利利益，又不限於現行條約所定，而曰爲締盟國之彼造所承認者。是則準斯條約，日俄兩國之勢力協定範圍，已不在滿洲一隅而包括遠東全體。易言之：則舉中國全體以迄南洋諸地域，悉括於此協定之中；日俄兩國，現在東亞所有諸領土，自不待言。其主義已不在維持現狀，而實在打破遠東之現狀。何則？彼等已不復自認，循現行條約之限制，而但以彼造之承認爲條件，定彼

此領土權利特殊利益之享有也。但令締約國之一造，得有彼造之承認，無論在遠東何地域，無論如何出乎現行條約範圍外之權利利益，皆可取而有之。第三者出而干涉，將無如兩國之互相袒護何也。加以第一條聲明，彼此不加入敵對締約國之何等政治協定或團體，互認一種無條件的中立之義務，是無論締約國之一造如何侵略，如何妄自擴張權利，與第三者衝突，縱令其地位非締約國彼造所承認，或其問題出於遠東以外，該締約國亦只爲消極的不協助而已，決不得與第三者協以謀彼，則第一條之精神也。有此條約，兩國各得應其政策之便於遠東地域，取自由行動，於國際競爭上，無復顧憂矣。(八) 而最駭人聽聞者，莫如與日

俄新協約同時締結之日俄密約。(九) 全文共五條：

- 一，認定於中國排除敵視日俄之第三國勢力，爲日俄兩國利益而承認達此目的之共同行動。
- 二，規定如值第三國取敵對行動，日俄兩國，相約一致動作，講和亦共同行之。
- 三，規定關於共同行動之一切方法。
- 四，聲明無論何造，必待確見他造已竭全力與第三國平和解決無效，而負此約中所認之義務。
- 五，聲明此約效力，以千九百二十一年七月十四日爲止。

正式發表之日俄協約，泛指其關係地域曰遠東；而此密約，則明指中國，爲其用武之地，而以排除第三國勢力爲目的。日俄兩國，將以此宰制吾國死命，其處心積慮，誠可畏矣。凡上所述，均以明日本此次加入，並非爲

履行條約，爲復德仇，實爲占據青島，貫徹其大陸政策之主張耳。然此項密約，已隨俄國革命帝政消滅，失其效力；與三次公布之日俄協約，陷於同一之命運。今之列舉者，不過使國人明日本用心之險，其志不小耳。顧日俄協約雖無效，而日本在中國又少一大敵，蓋俄人當俄內亂如麻之際，絕無餘力，與日爭雄；所幸歐戰已停，列國必圖恢復遠東均勢，則吾國或可託命於列強，徐圖自振。雖然，絕非武人官僚可爲之事，是望吾四萬萬同胞，各自努力也。

註一、此說見 H. W. Wilson *The great war, 'Japanes'* part. p. 88.

註二、見惠美東台歐洲大變局二五二至二五三頁。

註三、竹越氏曾游歷南洋羣島，著有南國記者，喚起日人南洋發展思想之效甚大。

註四、戰前阻日本南進之路者，尙有德國，蓋德人亦素垂涎南洋之富，而以荷屬南洋羣島之繼承自命者也。今德人在遠東之勢一掃而空，唯英爲唯一之障礙矣。

註五、英國參將某，敘日俄戰爭，謂日本之所以勝俄，全由舉國一致，俄國之敗，由於政治影響，非戰之罪也云云。參觀 Cambridge, *Modern History*, Vol. XI, P. 661.

註六、第一次日俄協約，在 1907 年已述如前，第二次在 1910 年，全文見 *Foreign Relations of United States, 1907*, part 1. P, 765.

註七、原文參觀拙著歐戰史要五一頁，小註太長不及錄。

註八、以上參觀鯁生君日俄新協約上下及日俄密約，載在太平洋二三及十號。

註九、Manchester guardian Dec. 18, 1917.

(十二)土之宣戰 土之加入同盟軍也，論者每謂其以積弱之夫，遽以武力與英、法、俄相抗，是不啻摻利刃以自割，徒速其亡耳；由今觀之，寧不誠然？顧土之所以一再猶豫而始行加入者，固有不得已之苦衷也。土自國勢凌夷以來，北迫於俄，南制於奧，君府扼歐亞交通之門戶，尤為強俄所垂涎。其所恃以為友邦而足以拯其危者，英而已矣。然英自懾於德國工商業之雄飛，國際上情勢一變，德奧之海軍力，駸駸日盛，其勢足以控制地中海。英法自顧不遑，又安有餘暇以充分之海軍，救土於俄奧之手哉？況土政改良之機，幾乎絕望。英乃一變其親土政策，轉而親俄。土既失歡於英，日暮途窮，回顧己國，又非可以單獨存者，不得不求強有力之與國，以為之助。適德亦有大亞細亞德國之理想，兩國遂互相親密。(一)年來兩國貿易，異常發達：千八百八十八年，由德輸入土境之商品，不過一千一百七十五萬馬克；由土耳其輸入德境之商品，不過二百二十二萬馬克。越十年後：德貨輸入土境者，達三千七百萬馬克；土貨輸入德境者，達二千九百五十萬馬克。再越十五年，至於今役戰前：輸入土境之德貨，計二萬萬五千萬馬克；輸入德境之土貨，計一萬萬馬克以上。柏林會議時：德國在土之投資，不過四五千萬馬克，然千八百九十八年，則增至二萬萬二千五百萬馬克，今日已達四

萬萬馬克矣。兩國物質上之關係又如此。然德國在土耳其之勢力，亦不免時有浮沈之感。德帝對於摩洛哥問題，而用迅雷不及掩耳之手段，致招外交上之一大失敗，幾陷於完全孤立之地，其影響又及於土耳其。德國之信用，漸次失墜。千九百九年，土耳其青年黨革命，廢前帝阿巴哈默德而立馬哈木第五，即今帝也。青年黨多游學於英、法，既握政柄，勵精圖治，務使政府為國家而設，不復為強國負孤矢，並倡土耳其人之土耳其說。

(二) 力主排外。德勢因之稍屈，然德國駐土大使卜白丹斯，Marschall Bielstein以圓轉敏滑之手腕，苦心操縱土皇及青年黨，卒使朝野，復親於德。土陸軍大臣巴沙，Enver Pasha以少年勇氣，懷改良軍政之志，竭力與德交歡；德之勢力復振。當斯時也，土皇憤強隣之相脅，亟謀修明內政，擴張軍備，以自保其獨立。政治上之精神既奮，宗教上之雄心亦起，土帝本世襲回教之主，而回教盛行之地，則自君府以至麥加，Mecca自摩洛哥以迄印度，縱橫數千里，莫不奉為教主。充其志，則不難聯合回教各邦，驅逐基督教徒於國外，俾不能肆其虐。然積弱如土，烏能成此偉業？此所以不得不益與德親，以為緩急之濟。二國遂成輔車相依之勢，雖有間者，不之聽也。大戰既發，土京及巴格達鐵路，勢甚危險，故德預為之謀，出全力以改組土國軍隊；籌備軍需，訂購二戰艦於英，而購其一於南美。當德與俄法交戰之初，土以設備未周，持觀望態度，不敢輕以啓釁；秣馬勵兵，以待時機。英國知其然也，遽背前約，扣留二軍艦而不與，於是海軍之勢遼弱。德乃以巡洋艦二艘，售之於土，中途為英法艦追捕，匿於土港。英國提出抗議，謂達達尼爾海峽，不准外軍艦通航，載在約章；要求解

除武裝，拘留艦員，此八月中旬事也。土則設辭唐塞，謂駛入時，懸土國國旗；二艦已完全由土承購，解除武裝，絕無此理。虛與委蛇者兩月，至十月，方針遂定；一面轟擊法之商船，一面發兵以攻克克里米。同時駐土之英法俄三國大使，向土政府要求，解除全部德國將校。土政府答之，語無誠意。十月三十一日，十一月一日，三國大使，遂退出土境。而土耳其竟加入矣。

註一、參觀長瀨鳳輔著土之關係與巴爾幹之向背，載在大正四年太陽雜誌，忘其號數。

註二、Turkey for the Turks.

(十三)意之宣戰 意大利者，三國同盟之一國也。初戰既開，意宣言曰：「德奧非處於防禦地位，無共同動作之必要，因於八月四日，宣言中立。」然卽是爲合於法理，亦當永久中立，作壁上觀，顧何始而袖手，終而加入，毋乃對於同盟，太蔑視耶？雖然，蔑視誠蔑視矣，固有可原者焉。意之與德，夙固無恨，亦無利害關係，茲不必論。若其與奧，則利害衝突，就大者言，厥有三端：普法戰爭後，意大利雖完全統一，然住於奧境者，意人尙有八十萬；在突蘭者，有三十七萬三千；在特維斯德 Trieste者，近十六萬一千人，其中意人，居四分之一；在意斯特理亞 Istria 近海岸者，皆爲意人。其處於奧境之意人，思與意大利聯合，乃一定之情也。而奧政府待遇嚴厲，乃愈憤而思叛。此兩國民情之不合者一也。意之海岸甚長，防守不易，尤以東面爲尤難；意所欲者，乃亞得里亞海之均勢也。願均勢之局，當以海之東岸爲分界。亞得里亞險要海口，俱在其東。如北之波刺 Pola

南之瓦勞納，Valona皆海軍要岸。兩地之中，有羣島焉，曲折迂回，處處可守，而均在奧人掌握；與意大利之獨立，大有不利。意既不能使瓦勞納規復於己，乃與奧國協議，建立亞爾巴尼亞小獨立國，以均二國之勢力。意之東北險要，亦均在奧境南的羅爾 Tyrol 地方，奧境深入意境，狀若木屑；無論何時，可由此攻意。意因無天然形勢，四面受制於奧，故心懷忿恨，非一日矣。此兩國謀略之不合者二也。近十五年來，意大利工業之進步，極為迅速。以電氣之發明，使工業愈盛，於是謀國外之發展，則海權尤為重要。其國所產煤鐵，雖不甚富，而自足供給；如鐵路，軌道，及電氣機械等，取材於國內而已足，紡織之業，亦可與他國抗衡。巴爾幹半島及小亞細亞，乃意人天然之佳市場也；然奧覬覦已久，捷足先登，意人已不足與競。此兩國商業之不合者三也。此就已往之利害相反者言：(一) 更觀現在，亦有三種：意嘗以俾士麥一言，而失突尼斯於法，乃後三十年復以法之同意而得的黎波里；且兩國同為拉丁種，Italians 同以地中海為根據。於德、奧、於法，孰遠孰近？不問可知。此其理由一也。千九百四年，英意地中海協商成後，意之外交方針，常隨英法為俯仰。且地中海海權，半在英法掌握，意而與英法宣戰，則其地中海之位置，與其新領之的黎波里，在在可危，此其理由二也。凡一國而出於戰，必其國家生存上，有絕大關係；如德與斯拉夫之衝突，德法之世仇，英德海上霸權之競爭，皆為此次絕大戰爭之理由；而此數者，皆與意無涉。夫對外無出師之名，對內斯無同仇之效，此其理由三也。(二) 由後三者觀之，竟可中立或宣戰，而黨於聯軍；由前之三者觀之，竟可絕對宣戰。蓋欲遂所望，非奧敗不可；奧敗，

非意加入，不能速其命運。即不然，戰後和議席上，亦不能加入發言。然既以參戰爲利，何又徘徊觀望而不早行加入也？是則意之內情，不可不悉也。戰起以來，國中輿論，約分三派：甲爲國民黨，主戰派也；乙爲國民自由黨，主中立派也；至政府總理大臣，則薩拉特拉 *Salandra* 介於二者之間，投機派也。主戰派之理由，不外前述種種：主中立派之理由，則有五端：特維斯德突蘭諸州人民，雖與意爲同種，然特維斯德，一旦歸意，則意與斯拉夫種接觸，或不免引起意與俄塞之戰，一也。意賴德意志而統一，不宜將歷來國交，一旦斷絕，二也。亞得里亞海權，意得瓦勞納時，自然鞏固，此不難得之於奧，三也。意之武裝中立，保持不變，於和議上可生極大效力，四也。意可於此時內，發達工商業，五也。(三) 至政府則一意投機，開戰之日，德之軍威方盛，不敢率爾言戰；奧之形勢未可知，不能不有所待。數月以來，一方觀察敵情，一方籌備軍實，機會良則戰，否則中立焉。此政府之所以爲投機派也。顧同盟聯軍兩方面，各以利餌意人。意人以對奧要求，不能滿意，於是國中漸一致主戰。千九百十五年二三月之交，主戰論大盛，羣集下院門首，要求對奧宣戰，並襲擊奧匈大使。邇後意奧間，屢次往返交涉，均無效果。五月三日，既脫離三國同盟；二十三日，復對奧宣戰。而意大利遂加入協約方面矣。

註一、見世界第一大戰二三一至二三二頁。

註二、及三、見張君勵君戰時歐洲外交之新祕史，見大中華卷七期。

第三章 交戰前後各國之狀況

(一) 德意志 德意志者，社會黨產地也。其在議會，恆占百餘席。德如開戰，各國以爲社會黨員，必生阻礙；然其結果，竟不如是。初戰機正迫之際，各國社會黨，開會主和。聯絡德國社會黨，令其反對宣戰。然德皇歸京，演說於宮門露台云：「朕知黨派甚多。然朕又信，唯德意志民，可表現其愛國之心。當此之時，絕不知有所謂黨派也。」(1) 德皇演說未畢，而數萬民歡聲雷動，高唱國歌。及以宣戰案提出國會，社會黨議員，無一不贊成者。此實國民軍國主義之特性，深堪驚歎。戰既開，政府頒布各種臨時法令，國民生活各種機關，悉移諸公吏之手。國民日常生活，均依官廷之指導，而並無怨言。戰鬪決心，於此可見矣。

註一、原語如下。Teh kenne parteien mehr. Teh keme nur Deutsche und zum zeichen dessen dass besten Deutsch lassen sind. chue parteischied.

(二) 英吉利 英之領土廣大，殆遍於全世界。如何統治，成爲近世史上一大問題。一旦戰起，其領土分裂，固在人人意中。且國內愛爾蘭問題，喧傳最久，至今益烈；其他所謂勞動問題，婦女參政問題，均於年來，大事運動。或則羣圍下院，或則同盟罷工。戰起內訌，誰敢謂其能免？然自宣布加入戰團，一切政黨，均能拋棄舊嫌；內政問題，悉留戰後解決；舉國一致，不亞於德。而殖民地如印度南阿，加拿大，Canada，澳洲及其他地，均熱心援助。出兵戰場者有之，出資供費者有之，國民熱心，已如上述。唯政府於戰前計畫準備，則不若德國遠甚；蓋英人不意於最近，卽能發生戰事。開戰後，獎勵國民之軍國化，不遺餘力。英人自由放任，爲其歷史上之

特性；然於戰開後，政府各種命令，均能服從；且對於戰場軍士，與以各種軍事的及社會的援助。昔日要求參政之婦女，多充看護婦；久於罷工之工人，亦從事於兵器及其他軍用品之製造。蓋以軍需軍器，於戰爭勝敗，大有關係；故千九百十五年五月，又增設軍需品部，任自由黨健將雷得佐治 Lloyd George 爲該部大臣。是爲宣戰後最要施設，故特錄之。

(三) 法蘭西 法國此次憤起對德，實報普法戰爭之舊仇，已如前述。且德侵比伐法，法比較的爲自衛戰爭，舉國一致，自不待言。然法之社會黨甚多，國民恐有倡非戰論者，因於宣戰前夜，刺殺該黨首領茹赫 Jovet 於巴黎。國民同心，於此可見。唯法之軍備，近年始漸擴張，甚欠完備。且人口患寡，開戰後壯丁皆赴戰場。國內一般事業，均無操持者，因設法採用婦人。故戰時婦人活動，以法爲最。其他軍需品製造，非婦人所能辦者，政府與工業動員，以期軍實之完備，亦甚有效云。

(四) 俄羅斯 俄於奧合併波黑兩州時，屈於德皇一紙；今奮起圖報，舉國若狂。當奧塞絕交之先，俄有小革命起，此爲數十年來，俄國腹心之疾。七月四日，大同盟罷工；工人雲集，攜赤色旗，唱革命歌，與警士激戰，傷數十人，封鎖工場，形勢險惡，屢戰於市。政府動員以嚇，暴動尤甚；斷電信，破鐵路，築壘於市，以備官軍。不數日間，蔓延至莫斯科各大都市，其勢不可謂不烈矣。然至奧塞絕交，羣動於大斯拉夫主義，暴動不撲自滅。國民同心，於此可見。唯俄國國內，人種亦衆；波蘭人其最不穩者，於七月革命後，雖數十年未敢妄動；然中心不服，人

所共知；故戰起後，俄帝即許波蘭自治以緩和之，波蘭人遂亦力戰。次即禁酒問題，爲俄多年來之懸案。俄人酷好酒，無論如何要務，亦不問其牛飲曠時浪費，莫此爲甚。且戰開以後，糧食不免恐慌，故發令嚴禁。此爲最快之舉，歐人甚佩其果斷也。

第四章 千九百十四年八月至十二月西歐陸戰之概況

(一) 比利時境之戰況 開戰之初，德本左法右俄，腹背受敵。同時致勝，勢所難能，於是變計侵比中立，大肆殘暴。茲述其梗概如左：

一、德軍侵比中立之計畫及其實行 德軍既知不能同時左右並攻，乃擬先攻法國。蓋俄之土地廣大，兵力散在各地；且國內輸送機關，不甚完備；對於西境防備，殊難一時集中。德僅以己國少數兵及奧匈軍隊當之足矣。先以大軍臨法，俾爲城下之盟，然後返兵擊俄，自有餘地。此德之當初計畫也。然法之沿德諸邊，自瓦登 Verdun 至都爾間；自伊賓納 Epinal 至比爾佛德 Belfort 間；均有防守嚴固之要塞，侵入不易。德固利於突擊，在此一帶地，大軍不便展開，遂基於年來之作戰計畫，決意侵犯盧森堡及比利時之中立。以迅雷不及掩耳之勢，侵入法境。初德之侵法軍，預計三十四師；戰計既定，乃以九師集中於亞爾薩斯及洛林方面；更以二十五師集中於比國國境方面。

八月一日至三日，大軍陸續向盧森堡方面進發；二日，以最後通牒致比。比不允，遂進軍，以二師侵入比

之哈威 Herve 地方，襲荷蘭國境附近之威塞。Vise 尋德之第七、八、九、十、及十二、五師，均入比國境內，占領林堡 Limbürg 及法蘭公沙不 Franconchamp 等地。集中於列日 Liege 之東南面；其餘部隊，別向該德 Gette 河方面進攻。

二、比利時之軍備 依千八百三十一年倫敦條約，比本為永久中立國。唯介於德法兩大陸軍國之間，時有中立被侵之虞，國防上固未可忽。因依不里芒 Brialmont 將軍之建議，築三大要塞於國境，以安多厄爾比一作盎凡爾斯 Antwèrp 為第一要塞，作根據地；以那慕爾 Namur 防法；以列日防德。然其後攻城武器，日益進步；要塞雖堅，亦難固守。比以少數野戰兵，一旦有事，各要塞恐有斷絕之虞；故於千九百二年及千九百九年，二次改革兵制。廢昔之代理徵兵法，頒布新制，各家族中，必出壯丁一名，至千九百十三年，新陸軍計畫案成，戰時可出兵三十四萬。然未至實現，已逢今次大戰，可慨矣！

三、列日要塞戰爭 列日要塞，築於賣士河上。建一等堡壘六，二等堡壘六。周圍成橢圓形。要塞司令官為里曼 Leman 將軍，所屬守備兵，約二萬二千，以衛戍野戰第三師加入，總兵力約四萬，以待德軍。

是時德軍，已迫列日，其兵力以第七、九、及十、諸師為主，逐漸動員，共得十二萬。以伊米世 General Von Emmich 將軍為總指揮。八月四日，第七師向法蘭倫 Fleren 及伊文納 Evegnée 兩堡壘開始進擊，為比軍機關砲野砲所擊，死傷甚衆，不得已而退。翌日，德軍更進，第七、九、十三師，羣向報地士 Pontisse

及沙發帶 Chandfontaine 諸堡壘進擊，死傷無算，又無功。六日後，德軍大口徑礮如二十八珊礮，四十二珊礮，均陸續運至戰地，展排於賣士河之兩岸。十二日，先擊河右岸之堡壘，漸次並擊左岸諸壘，多被破壞；倫敦 Loncin 堡壘於十五日陷；里曼將軍亦被虜。十八日，列日要塞，全入於德人之手矣。是戰也，比人雖敗；然以四萬人與十二萬精兵對，能支持十餘日，雖敗亦榮；且以是機，與法英聯軍以兵隊籌撥之餘地，所關亦至大矣。

四，那慕爾要塞戰爭。列日既下，德軍以三十四師，集於比國沿境，共分七軍，開始前進。至八月中旬，第二第三兩軍屬下約四師人，向那慕爾方面進擊。那慕爾建於賣士及森布利 Sambre 兩河之上，周圍有堡壘九。要塞司令官爲米塞，Michel 守備兵約二萬五千；加以野戰軍第四師，共四萬餘人。德軍於二十日開始攻擊，翌日，向東方正面諸壘礮擊；復以大口徑礮，肆其威力；除馬沙來 Maizeret 安得 Andy 及馬沙夫拉德 Marchevalette 三壘外，餘悉陷落。二十二日，德軍更攻賣士河北孔尼來 Congnelee 及河南達威 Dave 兩壘，東面五壘，亦在被攻之列。於是馬沙來堡，全被破壞。戍兵倉皇撤退，以死抵戰，德軍始退。翌日，孔尼來堡陷，那慕爾危在旦夕。米塞將軍，星夜令各壘守備兵齊集西南方，苦戰脫圍而出。二十四日，守備兵死亡甚衆，殆全退出要塞，作最後之死戰；卒以衆寡不敵，蘇里得司 Suarlee Diest 堡壘亦陷。二十五日，那慕爾卒爲德有。

五、比利時野戰軍之敗退。開戰初，比之野戰軍，除任列日及那慕爾兩要塞守備之第三四兩師外，餘悉集中於該達河畔。列日及那慕爾兩要塞之戰，德軍雖勝，然遲延二十餘日，英法聯合軍，已來赴援。防禦軍總數約十一萬，擬以守首都不魯捨拉。

列日陷後，比軍勢衰。德軍第一二兩路所屬大隊，陸續向里克司 *Lixhe* 及虎牙 *Huy* 方面進兵，蓋已渡賣士河而南矣。德軍前鋒，早已渡河；至是與大軍合擊比利時兵，比兵着着敗退。八月十七日，德軍開始北向，擊該達河正面之守軍，比軍左翼被圍。比王倉皇下令，使比軍向安多厄爾比方面退卻。德軍進襲盧汶，*Louvain* 舉世所稱之美術品及建築物，悉付一炬，慘矣！

時比軍右翼亦將不保。德軍向不魯捨拉進攻。比政府將重要文書，悉送於安多厄爾比。八月十七日，移都於此。已而德軍一面派兵壓安多厄爾比，一面占領不魯捨拉，課重稅於比人，以作戰費。

是時德軍氣盛昂然，向法國北方進兵；而此間比之野戰軍，雖不能勝，亦恆稍事阻礙。法人得有暇調遣軍隊，英軍亦乘機登陸。比人之功，不可沒已。

(二) 德軍之侵入法境及馬納 *Marne* 之大戰。法初不意德軍侵比中立，攻法北境。故集兵於德法交界之亞爾薩斯方面。及聞德軍入比，乃變計，茲述其梗概如左：

一、法蘭西軍之作戰。法人聞比中立被侵，乃移其兵力於北方。八月二日，下動員令；至十八日，約二十師

集中法邊，編成五軍。自比爾佛德起，作長蛇陣，直抵比國南境。其第五軍左翼，且與英軍相連。法軍以霞飛 Joffre 爲總司令，統率全軍。

當時德軍共分七軍：第一軍在不魯捨拉之南，第二軍在那慕爾附近，第三軍與第二軍左翼連進，第四第五兩軍在法屬之龍威 Longwy 附近，第六第七兩軍，更向南排。七軍相連，勢若長蛇。以第一、二、三諸軍，當英法聯合軍（即法之第五軍）以第四五兩軍，當法之第三四兩軍，以第六七兩軍，當法之第一二兩軍。

二、法軍左翼及英吉利軍之敗退 初法人以德軍攻比之要塞，而法又攻下亞爾薩斯數城。德軍不能坐視，其兵力必集中於南北兩端，中部不能不虛。故法軍擬乘間突攻，八月二十一日，第三第四兩軍，忽至比之東南部，入阿登納，Ardenne 攻德之第四五兩軍，本期一舉破之；不意地形險惡，法軍不便作戰，且指揮不宜，遂不得逞。

初德人擬以第一、二、三軍約十三師人，包圍英法聯軍（即法之第五軍）而法第五軍，以急欲救比，遂向毛補基 Mauberge 及那慕爾間進兵。八月中旬，與德之第二軍，開始攻擊，法兵敗。及二十五日，德人已下那慕爾，遂乘勝進至毛補基附近，占領森布利河戰線。英法聯軍，遂退至瓦林新納 Valenciennes 附近。

三、德軍侵入法境及聯軍之總退卻。是時法軍唯有二途：一，抵死以抗德軍，不令侵入法境。二，以國土一部，委諸敵手，全軍後退，俟形勢便利，再取攻勢。霞飛元帥，鑒於拿破崙滑鐵盧往事之失敗，乃決取第二途，振軍後退。二十八日，至聖格亭（St. Quentin）。德軍張其右翼，示包圍狀。聯軍復據是地，向巴黎方面退走。

是時聯合軍之中央軍（即第三第四兩軍）亦漸退向瓦登，德軍壓其東北；自比境撤回之英法軍，退向巴黎，德軍壓其西北；於是中生間隙。霞飛元帥，乃以預定向亞爾薩斯、洛林方面進發，二軍中之二師及騎兵二師，編成第九軍，以福煦（Foch）為總指揮，駐於里德耳（Rehel）附近，以補中間之虛。是時聯合軍左翼，陷於危險。霞飛復下令調瓦登及巴黎附近兵六師餘，編成第六軍，以毛努力（Maunaury）為總指揮，阻止德軍右翼，以救英軍左翼。

八月二十九日，英軍已退至饒雲（Noyon）及拉法雷（La Fere）戰線。敵軍追甚急，復向巴黎北方退走。法之第五六兩軍，亦見敵勢甚猛，退於孔巴日（Compiègne）以南；其他諸軍，亦相繼退。至九月四五日至馬納河南，遂陣於此，以備轉為攻勢。

自比利時至馬納河，德軍直追，如秋風之掃落葉。然只圖追擊，不事準備，且於敵之用意，毫不窺察。故終自陷於危險，功虧一簣，德人視爲千秋遺憾。

四，馬納之大戰。法軍既退至馬納河畔，擬轉取攻勢，東至瓦登，西至巴黎，陣若長蛇，向南作弓形，以待敵軍。九月四日，法飛行隊偵探結果，知德第一軍，變其西南進行之方向，轉向東南，大有戰意。蓋德素利於包圍戰略，初欲以施之於法軍左翼，奪取巴黎也。已而見巴黎方面，法軍守備甚嚴，不易與；乃欲突破中線，故第一軍向東南進行。而巴黎方面，德軍甚微，僅一師人。於是巴黎總督格林尼 Gallieni 將軍，於九月四日，令法之第六軍，對德之第一軍，取包圍勢。同日，總司令霞飛將軍，又令全軍，準備攻勢。定六日為開始總攻擊期，法軍士氣大振。

五日，法第六軍先向阿克 Avesnes 河右岸模母 Meaux 之北，擾德第一軍之側面；並對預備第四軍，開始猛攻。德軍以法軍出其不意，大驚。第一軍司令克魯克，Von Kluck 急調模林 Grand Marin 河戰線方面二師，與所屬合圍法之第六軍左翼。時與德軍正面對峙之英軍，運動不靈，致法軍陷於危境。十日早，法軍窺見德之包圍最右翼開放，遂猛然解圍而出，德軍全線破壞。先是德軍因調遣填補，終致中生空隙。福煦將軍，所屬第九師乘機攻擊，普魯士近圍軍及第三軍潰走。法之第五軍亦與福煦之第九軍同時攻德第二軍之左翼，於是德第一二兩軍開始退走。法英聯軍追之，德之第三、四、五諸軍亦破；仍追逐不已，至十二日早，至瓦登東面。十四日，對德軍全戰線，開始攻擊。德軍大敗，不能前進。法軍亦疲極不能追，遂對陣於瓦登附近。此戰德軍失敗，全由於巴黎方面第一軍之兵數過少，法軍襲擊，全線

因調遣填補，遂生間隙，爲福煦一擊，而全軍遂亂。破巴黎之計，爲之一阻。此實德人失敗之基也。

(三) 亞爾薩斯 洛林 方面之戰爭 亞洛 兩州方面，戰爭無甚激烈；然亦有可述者，其梗概如左：

一、法軍侵入亞洛 兩州之由來 八月初旬，德軍 既決意侵盧比 中立，同時與法 東境守兵，亦起衝突。其後以最後通牒致法，謂法 之飛行家，已入柏林，侵其中立；且投放爆炸彈，有違國際公法，不得不宣戰云云。於是法人 四十餘年間，不共戴天之仇，同時觸發。上下一心，對德 開戰。然初未憶德人 侵比 中立，故兵力集中於東境亞洛 兩州方面。及德軍 入比，遂移兵力重點於北方；然爲滿足國民渴望，同時決以一部軍隊，侵入亞洛 兩州。

二、法軍於亞洛 兩州之活動 八月上旬，法 第一軍之一部，侵入亞爾薩斯，占領阿魯他魯哈城；Altkirch 次奪模耳叔森 Mulhausen 城。八月九日以後，又被德軍 逆擊，全部退出模城。當是時，德比 正在激戰之際，霞飛 將軍欲於南方牽制德軍 以緩比 難，又二次侵入亞爾薩斯，自十四日至十九日，屢經苦戰，又得模耳叔森城。

同時法 第二軍之一部，亦侵入洛林，占領薩洛堡 Sarbourg。然至八月二十日，德軍 忽反攻甚猛，法軍 後退，德 分二路：一部驅逐亞爾薩斯 境內之法軍，一部追逐洛林 境內之法軍，並占領法 之路尼維爾城 Luneville。法軍 進行，又被阻止。邇後德軍 自比 追逐法軍 行總退卻時，霞飛 司令又屢調亞爾薩斯 方

面之法軍，以實西部戰線。故東境戰况，日歸沈靜。

(四)延翼戰爭及安多厄爾比之陷落。馬納大戰後，德軍敗退。西歐戰局，大有持久之勢。德軍固陣於伊塞 Aisne 河畔，與聯軍對峙。前線日益牢固，彼此絕無中央突破之機。於是兩面，各集兵於西翼，各擬包圍敵軍一端，是爲延翼戰爭。述其梗概如左：

一、延翼戰前之經過。德軍先出法軍不意，破擊香檳州 Champagne 方面之黎枚。Reims 一切歷史，上著名建築物，均付一炬。兩軍共固防禦塹壕，宛然一大要塞戰，尋將出現而暫歸沈靜。各於西翼開始作包圍運動，所謂至海競爭 Race to the Sea 是也。

九月十五日，法第六軍得新增後援，陣於烏斯 Ouse 河方面，擬包圍德第一軍之右翼。德軍亦集兵力於該方面，擬包圍法第六軍之左翼。法之霞飛元帥，乃調新成之第七第十兩軍，至第六軍之北；二十日，配第七軍至白龍納 Peronne 方面，與第六軍左翼接；三十日頃，第十軍又北過阿拉斯 Arras 與第七軍左翼接；陣長遠抵林斯 Lens 方面，以脅德軍右翼。德人知之，急調亞洛兩州兵至阿刀 Artois 及法蘭德斯 Flandres 之北，漸次伸延，以與法軍對抗。其餘間隙，以本國新到豫備兵士填補。

既而法軍又北延長，與英軍後面連絡；更以法軍最左翼，移至比利時境內，益示對德包圍之勢。原陣地之間隙，以法之預備軍填補。德軍深入敵境，以東部兵調至右翼，輸送不便，較之法軍，相差遠甚。故延翼

戰爭，聯軍終歸勝利。法蘭德斯大戰以前，聯軍陣地，早延長至北海。十月中旬，德軍鎖加來 *Catalis* 港出入之要路。西部戰場全線，南自瑞士國境，北至北海沿岸，蜿蜒至五百餘哩，誠千古所未聞者矣。

二、安多厄爾比之攻防大戰 安多厄爾比，爲比第一要塞，城外有郭，郭外礮壘環繞。不魯捨拉陷後，比利時移都於此，以待聯合大軍之來援。

八月中旬，德軍皆集中於比國南部，以圖侵入法境。安多厄爾比近地德之監視軍，僅有二師。城內比利時守軍，見德軍薄弱，二十五六兩日，突出猛擊，遙與聯合軍相應，以期成功。不意聯軍，敗於蒙斯 *Mons* 附近，阻不能前。比之突出軍，亦無功而退。

既而德軍敗於馬納，調安多厄爾比攻圍軍三師，以實法蘭西戰線，以老弱兵補其間。城內比之守軍，又見有機可乘，九月九日，大舉突出。十一、兩日，激戰互有勝負。後德援軍至，比復收兵，歸原防地，時十三日也。至本月下旬，俄軍之攻安多厄爾比者，其數頓增，總共七師，大礮二百門，由司令比塞拉 *Beeler* 將軍督率，開始總攻擊。比之防禦軍司令，爲達克斯 *Degnise* 中將，亦以七萬精銳當之。德軍先攻要塞東南部本防禦線。二十八日，展開攻城礮兵，向第三扇區堡壘，開始猛射。三十日，更攻第三四扇區諸堡壘。比軍亦以全礮兵力應之。烏煙濛濛，全市如蔽；已而德軍又以其四十二珊巨礮，施之諸壘；諸壘多陷落者。至十月初旬，英以海軍三旅來援，守兵氣爲之振；然勢已至此，殊難持久。第三扇區，既不能守；西魯

德河 Schelde 退路又危比王乃於六日夜下令向西海岸之奧司坦德 Ostend 城方面退走。王亦隨之。

七日，德軍移其礮兵陣地於納司 Nethes 河北岸，開始攻第二防禦線；對安多厄爾比城內，火礮大發，街衢灰燼，第二防禦線不能支。九日，守兵齊向奧司坦德退卻。十二日，城遂陷落。其後比王遂至法之哈里 Havre 作寓公矣。不日，奧司坦德亦落德手，遂與聯合軍左翼相連。

安多厄爾比陷落，早在意中，故於全軍作戰，當無至大影響；然比人此後，顛沛流離，愈失所矣。

三、法蘭德士之戰 法蘭德士，位於比利時之西方，北海岸一帶之總稱也。地當通法加來港之衝。德軍既下安多厄爾比及奧司坦德諸城，擬西進取加來港，開通英之路。蓋加來苦陷，非特英法隔絕，即德攻英，海軍亦有根據地矣。

德軍及法軍，各擬包圍一翼，情形已如前述。十月中旬，聯軍戰線，已達北海。德軍曾下安多厄爾比及奧司坦德諸城，乃集中於法蘭德士。以四十師大軍，猛擊伊沙 Yser 河方面之比法聯軍。十月二十五至二十九日，互反攻戰。德軍地理不熟，比軍決堤，海水氾濫。德軍不得前進，攻勢漸衰。

進取加來之望，一時不能達。德軍乃南向進攻，以圖突破伊不來 Ypres 方面聯軍之戰線。時英法聯軍，共二十五師；德軍數亦如之。於伊不來附近，大戰三週，礮火交加，死傷無算。十一月二日，海戰尤烈。兩

軍所爭，僅數碼之塹壕，近在咫尺，而德軍終不能勝。全戰線暫歸沈靜。

越九日，德軍於伊不來方面，又開始攻擊，奪英軍塹壕若干，遂破伊不來城以北之底克司模。Dixmude十一月十二日以後，兩軍大戰，以伊不來爲中心點。至十五日，德軍頓不能攻。於是進取加來之志，亦成泡影。

四，十一月至十二月西部戰地之情形。法蘭德士之南，與法之阿拉斯相接。先是十月二十四日，德以重軍集於阿拉斯之東，瞰攻該市，奪取法軍陣地之一部。時適伊不來方面，戰爭正激，德乃調其一部軍隊，至彼助戰。法軍乘之，遂復所失陣地。

其他阿拉斯至瓦登戰線，德法兵力，均不十分充足，故無戰事發生。直至十二月終，情形未改。光陰荏苒，新年又至矣。

第五章 千九百十四年八月至十二月東歐陸戰之概況

(一) 俄軍之東普魯士侵入 千九百十四年八月，俄、奧、德，既互相宣戰，俄遂出兵。乘德軍方戰於西，亟侵入普之東部。述其梗概如左：

一，俄軍東普魯士之侵入及德軍之退卻 俄以二十五師，分爲六軍，以兩軍集中於東普國境，以四軍集中於南方魯柏林 Lublin 及羅威納 Rovno 之間，對同盟軍，直取攻勢；一方於西北兩面，包圍奧軍；一

方侵入東普，以脅德軍之背，遙援英法聯軍以牽制同盟軍。當東普侵入之任者，爲俄之威耳納 *Vilna* 軍，總數二十三萬，羅尼喀父 *Rennenkampf* 將軍率之。沿俄都及柏林間之鐵道西進。此外有納魯 *Narew* 軍，總數亦二十三萬，薩孫納父 *Samsonoff* 將軍率之，自納魯北向，侵入東普。與格拉登斯 *Grandenz* 方面之威耳納軍相合，以期共向柏林。

時德軍在東普方面者，僅三師及若干預後備軍團，約二十餘萬。與俄軍相較，勢當不敵，因待西部戰場法軍敗後，再向東部，與俄作戰。唯俄軍於孔比尼 *Gumbinnen* 附近，與德軍小戰一次。德軍不敵，向維斯杜拉 *Vistula R.* 河後面退走。

二、丹尼阿堡 *Tannenberg* 之激戰 俄軍既入東普，居民羣向哥尼斯不爾厄 *Königsberg* 及但澤方面避亂。狼狽之情，不堪言狀。德帝亦憂之，八月二十三日，乃詔與登堡 *Hindenburg* 將軍於大本營，使當東方全軍總司令，以路登達耳父 *Ludendorff* 將軍副之。

與登堡將軍，探知俄之威耳納及納魯兩軍，中隔於馬沙林湖 *Masurian*，不相聯絡，乃擬先擊納魯軍。下令德軍於夜間，密由鐵道輸送，配置於阿爾斯田 *Allenstein* 前線，更漸縮短左右翼，以圖突圍納魯全軍，此其作戰計畫也。已而納魯軍，忽填湖沼隘路，廣其正面。東北自阿爾斯田，西南至烏斯的 *Udan* 作斜線陣形。八月二十五日，德軍集中於好恆斯田 *Hollenstein* 至丹尼阿堡之戰線上，開始攻擊。與

登堡將軍固其中央戰線，別令右翼進至梢耳都 Soldau 附近，以包敵軍之背。時俄之薩孫納父將軍，率前哨騎兵及飛行機，任偵探之責。不明德軍右翼之目的，誤爲兵力薄弱，鼓行而前，直向德軍中央戰線猛擊。漸爲德軍包圍。二十六至二十九日，兩軍大戰，薩孫納父將軍死之。俄隊損失，無慮十六七萬。德軍僅萬五千人。俄之威耳納軍，坐視納魯軍之大敗，袖手不救。此蓋羅尼喀父及薩孫納父兩將不和，致俄軍大敗，遺誤國事，死有餘辜矣。

三、阿來 Alle 河畔及馬沙林湖畔之戰 羅尼喀父將軍，聞納魯軍之敗報，急圖應戰之法。伸其右翼於里堡 Libau 左翼於馬沙林湖畔之盧前，Lützen 且集主力軍於英斯德波格 Insterburg 方面，以待開戰。

九月上旬，興登堡將軍，忽轉兵北向。左翼且與哥尼斯不爾厄守兵相連，包圍敵軍之勢漸成。九月七日，哥尼斯不爾厄守兵，先擊俄軍右翼；同時德軍主力，亦擊俄軍左翼；次第向英斯德波格方面包圍。而俄軍乃犧牲其左翼，以護主力軍之退路，幸免覆沒之禍，退歸俄國境內，時十三日也。興登堡將軍之計，着成功，以出東普於險。故國民頌之云：「上帝於此大戰之際，錫吾民以大將。」⁽¹⁾ 其勳望可想見矣。

註一、原文 Gott gab uns in diesem größten Kriege den größten Feldherrn.

(11) 加里西亞 Galicia 方面之戰况 俄軍於東普雖失敗，於加里西亞則着着成功。述其梗概如左：

一、俄奧兩軍之戰計及其攻守。開戰時，俄既以威耳納及納魯兩軍，侵入東普魯士，更以中央軍集中於魯柏林及哈魯木 Chalm 地方，以壓奧軍左翼；以南方軍集中於路斯克 Lutsk 及羅威納地方，以壓奧軍之右翼。

奧軍時以十五師兵，屯於加里西亞東北兩面，以期阻止俄中央軍及南方軍之侵入。其右翼軍（布克維納 Bukovina 守備軍，喀威斯 Koewess 軍，布達曼 Burdermann 軍）之一部，於加里西亞，暫取守勢，以防俄南方軍之進行。其主力軍集中於細勒西亞 Silesia 以圖侵入俄領波蘭。千九百十四年八月下旬，奧主力軍之達克耳 Dankl 軍，冒險奪取俄軍克拉尼克 Krasnik 之陣地；其後相繼進攻，大戰於俄中央軍根據地之魯柏林及哈魯木戰線。已而俄中央軍調集完備，於九月上旬，忽轉攻勢，且與南方軍相呼應。奧之主力軍大敗。俄軍遂壓於加里西亞西境。

二、俄南方軍之活動及奧軍之潰走。當奧主力軍，向魯柏林及哈魯木方面猛擊時，俄南方軍約十五師，在路斯略 Kuysky 及卜魯西拉父 Brusiloff 兩將軍指揮之下，越境侵入東加里西亞，時八月中旬頃也。

南方軍戰略，擬集中於林堡 Limburg 及達納堡 Tarnopol 方面，對奧軍右翼，加以包圍；以牽制奧主力軍之攻俄中央軍者，俾有後顧之憂。迨俄中央軍轉爲攻勢，則一舉而可殲奧軍矣。戰計既定，八月

二十三日，卜魯西拉父軍，奪取達納堡。以破竹之勢，進至所羅達里巴 Zlota Lipa 河線。奧軍不敵，退據格尼他里巴 Gnita Lipa 河線。時路斯喀軍，已破不魯達 Prody 蘇喀耳 Sokai 戰線，遙與卜魯西拉父軍相應，進至格尼他里巴河線。二十九日，開始攻擊，奮鬪三日，遂奪奧軍陣地。奧軍退至林堡，以死守城。俄軍鋒銳，不可當，九月三日，城遂下。

時北方俄之中央軍，正在危急。南方軍既下林堡，欲趨救之，乃進至拉瓦魯斯喀 Rava Russka 克羅得克 Grodok 戰線，擊破奧右翼及主力軍之一部。奧軍退至薩 San 河方面。時俄南方軍，已與中央軍左翼軍相連。二十一日，取耶羅色拉 Jaroslan 奧軍大窘，齊向西方格拉古 Cracow 及南方加白西亞山 Carpathia 方面逃走。加里西亞東中兩部，全被俄軍蹂躪矣。

二、波西米塞 Przemysl 要塞之攻圍 是時俄軍五師，集於波西米塞要塞之前，組織攻城軍。由達米的父 Dmitrieff 將軍指揮，以十月三日，開始攻城。守將庫斯曼納克 Kusmanek 督軍六萬，抵死應戰。既陷外防禦線，復迫本防禦線，而城兵作戰得宜，不得下。至十月中旬頃，同盟軍漸轉攻勢，城圍遂解。俄軍於加里西亞，挫敗奧軍，牽制西戰場德軍，不能注全力於延翼戰爭，甚有功也。

(三) 波蘭方面之戰況 奧軍既敗，德軍不忍視其同盟軍之危急，乃起而助之，侵入波蘭。述其梗概如左：

一、德軍作戰計畫之變更及波蘭侵入之企圖 時西戰場，德軍既招馬納之敗，未達破法之願。東面同盟

國之奧，又被敗於俄。失加里西亞之大部，腹背受敵。德意志頗難應對，於是不得不變其戰略，於東西兩戰場，並取攻勢。西屠加來，東略瓦薩，一舉而殲兩面大敵。奈加來之攻略未遂，茲述其攻瓦薩之計如左：奧軍既走於西方格拉古，德元帥與登堡乃編十五師兵以攻瓦薩，期一舉而獲波蘭。總兵力分爲三方：左翼軍越國境屯於維斯杜拉河左岸，中央軍屯於格里斯 Kalisz 及羅次 Lodz 方面，右翼軍屯於卜拉斯魯 Breslau 及瓦薩南面。德帝且親督三軍，侵入波蘭，時九月下旬也。奧敗軍之走於格拉古方面者，士氣亦振，與德軍右翼連接，備轉攻勢。十月上旬，奪還耶羅色拉，進至波西米塞附近。俄軍（卽南方軍及中央軍自十月上旬改稱，西南正面軍）以其左翼據加西亞山脈之險，暫取守勢；以主力軍集中於維斯杜拉河右岸瓦薩及宜萬高勞 Ivangorad 方面，以圖包圍德軍右翼。俄皇於十月初旬，亦至瓦薩，親督三軍。十月上旬，與登堡率攻瓦薩同盟軍，進至維斯杜拉及薩河戰線。蓋擬先拔俄西南軍之陣地，而龍攘虎搏之活劇，遂演出矣。

二、德奧同盟軍之第一次侵入波蘭 十月上旬，同盟軍進至維斯杜拉及薩河戰線，攻擊俄軍陣地。擬於宜萬高勞方面，突破中央戰線，以俄軍守禦堅固，未能如願。且左翼於卜勞 Blonie 附近，爲俄軍擊退。俄軍乘勝延其右翼，並示包圍德軍左翼之形勢。與登堡計窘，勢頗危，德左翼軍退於拉發 Rawa 方面，中央軍退於比里斯 Pilza 河畔。更集右翼軍於此，以圖於瓦薩方面，迫俄左側。然俄軍追擊甚猛，不暇

猶豫。十一月月上旬，德軍右翼，遂退至色龍 Thorn 方面；中央軍亦退至格里斯附近；右翼軍奔於國境方面。奧左翼軍又退至格拉古，同盟軍大失敗。

三、東普魯士方面之戰况。曩日東普戰敗俄之威耳納及納魯兩軍，現改稱西北正面軍。九月中旬，漸轉攻勢，進至瓦耳的斯拉，Wladislawow 以壓德軍。九月下旬，屢次激戰，至十月上旬，德軍敗退至東普國境。十月中旬，與南方攻波蘭軍相應，再取攻勢，破俄軍。然至下旬，波蘭方面之同盟軍失敗；東普方面之德軍又不振，暫退至德耳西 Tilsit 及孔賓寧 Gumbinnen 方面，以圖再舉。

四、波西米塞要塞之二次攻圍。波蘭方面，同盟軍退後，加里西亞方面，奧軍亦漸次退走。俄軍長驅而進，奪還耶羅色拉。十一月月上旬，再攻波西米塞城。俄軍鑒於前次急襲之失敗，現取持久主義。守軍以困憊之餘，亦不敢出擊。歲月蹉跎，已至年終矣。

五、同盟軍於波蘭之第二次攻擊。俄軍乘戰勝之餘，直向西進，以圖侵入細勒西亞；奈偵察失宜，誤認敵軍主力退走之方向。其右翼與敵軍主力相遇於色龍，為德軍所衝，遂生大戰。

六、東普魯士方面之戰况。是時自東普至加里西亞戰線上，俄全軍約九十師，以其中五軍團當東普侵入之任。同盟軍於東部戰線，全軍亦八十師，以其中四軍團當東普防禦之任。十一月月上旬，俄軍侵入東普，進至北自默麥 Memel 河畔，南至格耳達卜 Goldapp 之地，以德軍防禦甚力，不能如意，直至

年終，戰況無大進步。

七、羅次附近之大戰。俄軍長驅而進，圖侵入細勒西亞。與登堡元帥，乃招集細勒西亞及東普兩面共十一師，編成第九軍，使麥克森 Mackensen 將軍統之。色龍東南方面，圍敵軍右側。俄西南正面軍總司令，爲救右側，急調第二軍一部，移於北方，與第一軍合，以備敵襲。奈未成陣，已被擊破，遂向羅次 Lowitz 方面退走。俄第九軍使一部追躡，十一月十七日，至羅次附近。俄第二軍東西北三面均被圍。力戰四日，互有勝負。既而德軍又調細勒西亞及西戰場兵六師，與第九軍合，卒奪羅次附近俄軍陣地，時二十七日也。

八、加里西亞方面之戰況。當德第九軍活動於波蘭時，奧軍於加里西亞，亦轉攻勢，企包圍俄南北兩面之主力軍。俄軍不得已，退至後方陣地，縮短戰線。至十二月下旬，集中於加里西亞之野，漸取攻勢。大破奧軍左翼。奧軍又向加白西亞山地逃走。

第六章 千九百十四年八月至十二月南歐陸戰之概況

(一) 奧塞兩軍作戰計畫及耶達 Jadar 河畔之戰。奧塞國交將斷，奧下動員令，以五十萬大軍，分六軍團，南侵塞爾維亞。先以一部襲塞首都貝爾格來得。主力軍南集於德里納 Drina 及騷 Sava 兩河畔，以對塞國。他一部集於東南，以對門的內哥羅。至塞國全軍四十萬，分五軍團，先取守勢。待敵集中方針確定，然後

相機而動，此開戰前計畫也。

戰既開，奧以一軍，礮擊塞都。八月中旬，令主力軍渡騷得里納，兩河，拔騷河畔之薩巴次 *Sabatze* 城，並與塞主力軍，遇於耶達河畔，奧軍敗。八月十六日，退至得里納河方面。塞軍追擊，使與薩巴次方面之奧軍，不能接應。翌日，塞軍大勝。奧軍不得已，遂向得里納河西退走。

(二) 奧軍第二次之攻勢及塞軍之波斯尼亞侵入。奧軍既敗，乃謀再舉，八月下旬，先以一部隊攻塞都城。同時舉大軍十師渡騷河，進至薩巴次，為塞軍擊退。已而奧軍第二次大攻之準備完成，先屯左翼對薩河方面，行牽制運動；使右翼過德里那河，進至克魯巴尼 *Krupany*，使中央軍與左翼右翼相連，時已九月上旬矣。奧左翼軍先開始攻擊，右翼軍亦

圖 場 戰 幹 尔 巴



行活動。然遭塞軍反擊，蟄伏於塹壕內，不敢動。中央軍徒挾河與塞軍對，反覆礮戰，亦無大功。第二次總攻擊，又不得效果。此間塞門聯合軍，集中於奴維巴沙 *Novi-Bazar* 方面，以牽制敵軍一部，間接援助主力軍之作戰。八月上旬，侵入奧領波斯尼亞，占領德里那河畔之福加 *Foca* 及威塞格拉。 *Visegrad* 九月中旬，向首府薩拉耶開始攻擊，爲奧軍所敗，退至福加及威塞格拉之戰線。與奧軍隔河對峙。

(三) 奧軍第三次之攻勢及塞軍之反擊。奧軍於騷得里納兩河方面，第二次作戰既失敗，乃作持久之計。先致力於加里西亞及波蘭方面；及十一月上旬，塞境方面，又形活動。奧軍兵燹，逐日增加，漸有包圍塞軍兩翼之勢。於是塞軍退至達那瓦 *Tamnava* 河右岸；同月中旬，又退至喀魯巴拉 *Kolubara* 河岸；十二月上旬，更退至喀斯馬 *Kosmai* 及摩拉瓦 *Morawa* 河一帶之山地。各方面之奧軍，頓轉攻勢。十二月二日，下塞首都。

時塞軍士氣大憤，軍需補助亦完成，遂於模拉瓦河全線，開始攻擊，奪取奧軍陣地。十二日，驅奧軍出境，恢復德里那河右岸地。同時塞軍北方一部隊，復首都；南方一部隊，奪還波斯尼亞之威塞格拉。奧軍征戰一日，僅以十日恢復。塞軍損傷捕虜，共十萬人，敵軍亦如之。

第七章 千九百十四年八月至十二月亞洲土耳其陸戰之概況

(一) 高加索 *Caucasus* 伊爾塞倫 *Erzerum* 及薩里喀米斯 *Sarikamisch* 方面俄土兩軍之戰況

士既加入，歐洲領土，圍繞中立國，不能侵犯。因交戰於亞洲土耳其方面。初俄土既絕交，俄擬以駐屯高加索方面之三軍團，奪取土領亞美尼亞首府伊爾塞倫。土軍之駐亞美尼亞者，先以一部邀擊俄侵入軍先鋒；並以別軍衝侵入軍之右側；更以海軍進至巴透港，以脅敵軍之背。

十月下旬，俄軍主力，漸次自高加索及薩里喀米斯，向伊爾塞倫進發；其他諸軍應之，冒險前進，至十一月上旬，俄軍已抵伊爾塞倫東北正面。以守禦完固，不能下，乃俟援軍，再作攻計。既而十一月中旬，土軍進擊喀羅山 [Kharosan] 俄軍陣地，以地形險峻，亦未奏功。

亞 洲 土 耳 其 戰 場 圖



後土軍一支隊，迂回俄軍右側背，攻薩里喀米斯根據地；更以一部隊，至阿登漢 *Ardahan* 方面，絕敵軍退路；且對高加索方面俄主力軍，行牽制攻擊。俄軍知之，乃急派援隊於右翼及薩里喀米斯方面。十二月下旬俄土兩軍，大戰於薩里喀米斯之北。俄右翼漸危，幸高加索方面，派援軍至，乃大勝。追土軍退至國境，時千九百十五年一月二日也。

(二)美索不達米亞英吉利軍之活動及巴斯拉 *Basra* 方面之戰 自德人經營巴加達鐵路以來，英人深恐印度方面，駕馭爲難，屢圖破壞，苦無方法。土既宣戰，英乃以保護波斯灣頭英國住民及由坪 *Puypen* 爲名，對土宣戰。以拔得巴加達，償其宿願。

十一月上旬，陸軍少將達拉買，*Delamain* 率英軍一旅，登陸於底格里河上流薩尼耶 *Saniyeh* 附近。於是巴斯拉方面之土軍一師，急調一部，南下至薩尼耶，與英軍對陣，猛擊無功。本月中旬，中將巴來德，*Barnette* 又率英軍及印度軍二旅，上陸於薩尼耶，與達拉買軍合。分水陸兩道，攻巴斯拉。本月下旬，下之。更北上奪底格里河畔之麥塞拉，*Mezera* 及古那，*Kurna*


(三)蘇彝士運河方面英土兩軍之對抗 土既加入，除高加索及美索不達米亞方面戰爭外，並擬以一軍，侵入埃及，以圖煽動回教徒之叛亂，釀英外患；且期破壞蘇彝士運河，杜絕船舶交通，削減英國海上之優越權。

計既定，乃編駐敘里亞軍九萬為第四軍，集中於大馬色，當埃及及遠征軍之任。英亦以大軍八萬，集中於運河附近，以保埃及，密備土軍之侵入。土軍以路險不進，英軍亦自重不動，相持直至年終。

第八章 千九百十四年八月至十一月極東陸戰之概況

(一) 日本軍之登陸於山東及英軍之參加 日本參戰之野心，既述如前。其青島攻圍軍，係由第十八師團編成；陸軍中將神尾光臣率之。其一部於九月二日，以海軍護送，登陸於龍口。至十五日，陸續皆至，南下奪平度，即墨，及膠州等諸要地，漸次至青島之背。十八日，第二期攻圍軍，亦於勞山灣上陸，至二十日截止。與龍口登陸軍相合，共向青島背面進行。時英亦調駐中國北部正規軍一大隊，印度兵半大隊，參加日本攻圍軍。由巴那底斯頓 Barnardiston

青島戰場圖



少將率之，二十三日，登岸於勞山灣，與日本軍合攻青島。

(二)攻圍軍之進擊及青島之陷落。時青島德國守軍約五千人，威爾達克 *Waldeck* 率之，雖立孤獨無援之地，猶奮死堅守。德人之勇，誠可佩矣！

既而日本主力軍，於二十六日，迫白沙河，奪德第一線陣地。二十七日，迫李村河戰線；二十八日，攻浮山孤山一帶高地，奪德第二前進陣地。於是德軍退至海泊河左岸，據青島本防禦線，作最後之防戰。

日攻圍軍總司令神尾光臣，令全軍分區進攻。右翼隊，陣於孤山方面，向海岸堡壘攻擊；中央第一隊，向臺東鎮堡壘進擊，小水清溝方面，中央第二隊，向臺東鎮東堡壘及中央堡壘進擊；浮山方面之左翼隊，向小湛山北堡壘，及小湛山堡壘進擊。次舉全線，迫德軍最後之根據地，拔毛奇，俾士麥，及伊爾第十 *Eller* 諸砲台。

二十九日，攻圍軍開始進擊。三十一日，天朗氣清，遂行總攻擊。大小砲百數十門，齊向德軍猛放。灣外日本艦隊應之。德軍亦殊死戰，硝煙濛濛，青島為蔽。邇後日軍漸進，十一月三日，砲擊青島街市。五日，日飛行機航於青島街市之上，散布警告。七日，奪取中央堡壘；台東，鎮東及小湛山諸堡壘亦依次攻下。日軍躍進，毛奇，俾士麥，及伊爾第十諸砲台均陷。德軍知不能守，乃於青島城外天文臺上，高揭白旗，以示降意。日軍乃派全權使者與德軍締結開城規約。十一月十六日，日軍遂入青島。德軍被虜者四千五百餘。日軍死傷十餘人，而此燦爛之青島及其周地，遂為日本所有。我國參戰與德之一切條約，概行無效。膠州灣租借約，當然取消。如是青

島地方，日本早應於吾國宣戰後，即行交還；而至今不歸，吾國人其可猛省矣。

第九章 千九百十五年西歐陸戰之概況

(一) 千九百十五年初期之戰況 新年後至六月間，德、法、英軍活動於西戰場。德軍以盡力於東戰場，頗形失利。聯軍於各方面，多取攻勢。述其梗概如左：

一、薩森 Soissons 附近之戰 新春初至，伊塞河畔德之第一軍及法之第六軍，即開始戰鬥。一月八日，法軍先攻薩森附近敵軍陣地，奪第一線及第二線；後又為德軍逆擊奪還。本月中旬，法第六軍與援軍合攻以圖恢復。德軍抵抗強硬，遂不得逞。

二、克里奧 Craonne 及黎牧 Reims 方面之戰 薩森之東，克里奧及黎牧方面，德之第七軍及法之第五軍，陣地互對。一月中旬，薩森方面，戰氣沉沉，克里奧方面之德軍，亦漸活動。本月下旬，敵擊法軍陣地，突破第一二線，迫第三線，法軍反擊甚猛，德軍死傷甚衆而退。

三、香檳州及阿根納 Argonne 方面之戰 二月初旬，聯合軍總司令霞飛大將，知德軍轉送兵力於東方波蘭方面，因決取攻勢。法第四軍，攻卜塞 Perthes 及米斯尼耳 Mesnil 方面。德之第三軍，奪第一二戰線。德軍逆擊無功，仍保陣地。於阿根納方面，法第三軍與德第五軍對峙。一月下旬，德軍於格屢海 La Gurrrie 森林，開始活動，對法軍陣地，忽行猛襲，亦無大功。於瓦登西北地方及香檳州方面，法軍猛

攻德軍；三月一日，占領烏規斯。Vaughnos 於瓦登東方，二月初旬以降，戰氣甚張。四月上旬，法軍追孔不來，Combrès 德軍損害甚巨。

四，拉巴塞 La Bassée 及法蘭德士方面之戰 千九百十五年春初，英法聯軍，於拉巴塞方面，亦頗成功。當法軍活動於香檳州時，德軍曾調法蘭德士方面一部軍隊助戰。其軍乘之，於三月上旬，忽於拉巴塞方面，轉守爲攻，突破德軍陣地。遙與東方俄軍策應。英軍先奪伊巴塞白耳村，德軍屢圖奪回不利。本月中旬，陣於伊不來南方聖衣勞 St. Eloi 地方之德軍，襲擊對面英軍，先奪陣地；後爲英軍逆擊奪回。四月中旬，英軍試擊伊不來西方德軍陣地，爲德軍所乘，大敗，與法軍共退，保伊不來運河西岸。至五月上旬，法軍包圍德軍陣地之兩翼，激戰三日，德軍大敗，退於伊不來運河東岸。

五，阿拉斯方面之戰 五月初旬，德軍以全力注於波蘭及加里西亞方面。法將霞飛乃令第十軍突擊阿拉斯北方之德軍戰線，破其一角。五月九日，攻加龍塞 Carency 及阿不林 Ablain 方面敵軍突出陣地，德軍抗戰甚力。然以衆寡不敵，加龍塞及阿不林一角，卒爲聯軍所取。五月三十日，法軍進擊阿拉斯至加龍塞間德軍戰線。六月初旬，攻略迷宮 The Labyrinth 一帶之地。

(二) 千九百十五年夏西部戰線之戰况 西部戰場，聯軍兵力，逐漸增加。比之德軍，殆過二三十師。六月初旬，法軍左翼第十軍，於阿拉斯南，奪敵塹壕數條。左翼軍第六軍，於孔巴日東北方面，亦進奪若干陣地。法右

翼第三軍，於本月中旬以後，進至瓦登東南地方，與普魯士皇太子爭，頗博成功。

(二)飛行艇之活動 今次大戰，飛艇盛行，於戰爭亦有至大影響。馬納等戰，獨著奇功。德之齊柏林 Zeppelin 飛艇，尤爲有名，用以威嚇敵國都市，頗生效果。千九百十五年一月中旬，德一飛艇，忽襲英之耶毛司 Yarmouth 及來衣，Kings Lynn 投炸彈於市中，邇後頻襲各地。五月三十一日夜，襲倫敦，投爆彈無數。全城起火，人民大驚不已。

(四)聯合軍秋季之大攻擊 西北戰場，聯軍雖勝；然東戰場俄運頻危，故英法聯軍，決行總攻擊以減輕俄軍擔負。聯軍總司令霞飛將軍，下令於九月二十五日，自香檳州至阿來德 Arras 戰線，均取攻勢。於香檳州方面，以法第二第四兩軍，當衝擊之任；於阿來德方面，以英之第一軍及法之第十軍，當攻擊之任。

聯合軍總攻擊開始後，敵第一二線陣地陷。進擊第三線，爲德軍所阻；至十月上旬，戰復沉靜。聯合軍暫養兵力，以圖再行攻擊。德軍亦伏於塹壕內，不敢輕動。十月以後，西部戰場，全無活動氣象。

(五)飛行艇之活動 五月三十一日，向倫敦第一次襲擊之德國飛艇；於九月七八兩日，更對同地，行第二三次襲擊。十月十三日，又行第四次襲擊；市民驚皇無措。政府舉斯康德 Sir Scott 將軍當倫敦空中防禦之任，甚講防避之法。

第十章 千九百十五年東歐陸戰之概況

(一) 千九百十五年新春俄羅斯及同盟軍之新作戰。千九百十四年十一月中旬，羅次會戰後，俄軍漸退至後方陣地。北自東普之德耳西，南過瓦薩，加里西亞，沿加白西亞山脈，直抵羅馬尼亞國境，作弓狀戰線與同盟軍對峙。及新春初，俄軍左翼，於布克維納 Bukovina 及脫蘭斯瓦尼亞方面，轉取攻勢。蓋所以脅奧軍側背，並促羅馬尼亞之奮起也。

時俄軍總司令爲尼哥拉大公，約領百師左右，全軍分西北軍（第十軍，第一軍，第二軍，第五軍，第四軍，第十二軍等），路斯喀將軍率之。西南軍（第九軍，第三軍，第八軍，第十一軍，第三十軍等），宜萬納將軍率之。二軍。德總司令爲奧登堡元帥，與奧軍共有百師左右。左翼在東普方面，以德第八軍當之，由此南接德第九軍。奧第一軍，第四軍，第三軍，及德南方軍，與第七軍等，與俄軍對壘。擬先掃加里西亞方面之敵軍，以去奧之後患；再逐東普之敵軍，以恢復領土；然後突破瓦薩方面之要塞線，與俄軍以致命之攻擊。此德奧方面計畫也。波西米塞要塞內，並置守兵十萬，以備俄軍防禦之嚴，實所罕見。

(二) 布克維納方面俄奧兩軍之戰况。俄第三十軍團，受布克維納攻略之命，遂於一月初旬，進至東部匈牙利及布克維納方面。同時更以一部，進至羅馬尼亞國境及塞里都 Siretu 河方面。本月中旬，奪根白龍 Kimporung 城，壓匈牙利國境。奧軍突然反擊，驅敵於根白龍之西，進至薩饒威次 Czernowitz 附近。更以一部，來壓斯坦尼斯羅佛， Stanislan 以支敵軍主力，因壓於特尼斯特爾 Dniester 河畔。

既而奧第七軍援軍至，突破特尼斯特爾河畔俄軍陣地。二月下旬，數次反覆攻擊，俄軍頗敗。後援軍至，又轉攻勢，渡特尼斯特爾河，再南壓敵軍。

(三)加白西亞方面之戰況 加白西亞山脈南麓，人種不與奧同。若俄軍直達此方，奧匈帝國，必有分裂之虞。故同盟軍約三十餘師，集中是地。俄第八第三兩軍，約二十餘師，與同盟軍抗。一月下旬至三月初旬，兩方屢戰。三月上旬，俄第八軍右翼，進至路不古 Лупков 峠，擊破奧軍第三軍左翼，大有次第南下之勢。

(四)波蘭方面之戰況 波蘭方面，以其北方至瓦薩西南一帶，爲戰爭最烈之區。俄軍第一、二、五、等十二軍團，與德第九軍約九團軍對峙。殺氣橫溢，大有滅此朝食之慨。春初德軍總司令興登堡以俄兩翼活動於東普及布克維納方面，中間軍備必弱。遂令一軍，集於瓦薩之南，圖破俄軍中央戰線。一月下旬，德第九軍，陣於布薩拉 Bzura 河畔，猛襲俄軍陣地。俄第二軍應戰亦力，至二月上旬，戰況漸衰，各歸舊陣地，以作休養之計。

(五)波西米塞要塞之陷落 去歲俄第十一軍，已圍波西米塞。城中守軍，奮鬪最力，要塞得保。至三月中旬，守軍絕糧已久，俄軍遂猛攻奪要塞東方高地。二十一日，遂下。俄總司令，乃調要塞攻圍之第十一軍，至加里西亞及加白西亞兩方面助戰。於是加白西亞方面之俄軍，士氣頓振。自山脈一部，直抵匈牙利平原。同盟軍遂急調波蘭方面軍，南下以圖防禦，而波蘭方面，俄軍遂暫守攻勢。

(六) 東普魯士方面之戰况 東普方面之戰况，可分三段，述之如左：

一、德軍之包圍作戰 於東普方面，德第八軍與俄第十軍對峙，北自德耳西，南至約翰尼斯堡，*Johnisburg* 戰線長約百哩。後德元帥與登堡，見俄軍漸弛，乃密集大軍七師於該方面，(合第八軍增援軍) 擬包圍俄軍，一舉殲之。乃先進左翼軍於德耳西之東，衝俄第十軍之右側；進右翼軍於約翰尼斯堡，以圍俄第十軍之左側；俟有機至，即下令攻擊全線。

德軍左翼，於二月上旬，於德耳西方面，敗俄軍，驅於英斯德波格附近。同時德右翼，亦破敵軍於約翰尼斯堡附近；與左翼軍相應，共入俄羅斯境。俄軍主力，幸得蘇維爾克 *Suvalki* 方面一條血路，冒萬死始得一生，其餘軍隊均降於德軍。

二、模拉瓦 *Molava* 及普蘭沙尼斯 *Prasnysh* 方面之戰况 俄第十軍既向國境敗退，西北軍司令路斯略將軍，倉皇下令，據守尼蒙 *Niemen* 河畔；更令堡中於南方模拉瓦方面之大軍，急擊敵軍背面。俄軍偵知，亦增援軍備之。於模拉瓦及普蘭沙尼斯方面，兩軍大戰。四日，俄軍得援隊至，遂破敵軍，追之至模拉瓦之東。

三、奧斯瓦斯 *Osovatz* 方面之戰况 俄軍大敗於東普時，奧斯瓦斯要塞守備隊，設前進陣地以待敵軍。既而二月下旬，德軍大舉，迫要塞，砲擊甚猛。南進斷奧斯瓦斯至比郎斯他 *Bielostok* 間之鐵路。然

道路艱危，德軍作戰不易，頗蒙損害。尼蒙河畔之俄第十軍，又得援軍，更轉攻勢。逐敵至阿格斯他瓦

Augustovo 至馬倫堡 Mariampal 戰線。互固陣地對峙，時三月上旬也。

(七) 麥克森將軍之突破俄軍中央戰線。波西米塞陷後，加白西亞方面之俄軍，氣焰萬丈。意大利亦加入聯軍，對奧宣戰。德擬大舉破俄中央戰線以救奧急，乃派驍將麥克森將軍，率德第十一軍（共十五師）介於奧第四第三兩軍之間，屯於紐森的支 Neu Sandec 附近；以備對當面俄之第三軍（共四師）破其中央戰線。

先是同盟軍於左右兩翼，執牽制的攻勢。五月一日，奧第四軍以南諸軍，齊舉進擊；唯麥克森所率之第四軍當俄第三軍。戰俄軍不利，退至威斯勞喀 Visloka 河畔。五月中旬，又退至薩河右岸。德奧軍遂又突破此地戰線，俄軍潰走。同盟軍士氣大振，直向波西米塞前進，未幾即抵是地。

(八) 波西米塞及林堡兩要塞之奪還。意既於五月二十三日，對奧宣戰，則意奧境上，又多一敵。唯地形險惡，不易進攻，故同盟軍於此方面，暫執守勢。以全力注重於加里西亞。德奧軍既至波西米塞，以四十二珊巨礮擊之，六月三日，遂下。俄軍苦戰半載，僅得兩月，復為同盟軍奪還。

波西米塞奪還後，略事休息。六月中旬，麥克森軍及奧第三軍，次第進至克羅得克南北戰線。又進至古里克 Kulirow 附近。麥克森軍壓敵於北，奧第三軍圍林堡於南，六月二十二日，下之。去歲九月，俄軍奪得是地，至

是僅十閱月。

同盟軍恐遭俄軍反擊，不再追逐，並轉目標於波蘭方面，以圖攻下瓦薩。

(九) 瓦薩要塞之陷落 同盟軍之最左翼比勞 Below 軍（新第八軍）自五月陸續前進，與喀父納 Kovno 及古耳蘭 Courland 方面之俄軍第五軍相對。七月，比勞軍奮戰，迫敵軍於米都 Mianu 方面，一舉而屠俄軍北方根據地之里加，遂向南轉，與俄第十二軍對峙之德軍（與登堡將軍直屬之軍）頻覬普蘭沙尼 斯俄軍陣地。與南方諸軍策應，並迫瓦薩。

迄麥克森所將德第十一軍及奧第四軍，於加里西亞，既獲大勝，亦轉首北向，進至魯柏林及好林木 Cholina 戰線。雷普爾親王所率軍，亦迫於瓦薩西面，漸成三面包圍之勢。殆七月終，瓦薩運命日危。俄僅以一小部軍守之，主力軍悉向東方退走。八月五日，瓦薩遂陷。德軍漸退至布拉斯的里達威，Brest-Litovsk 格拉刀納，Grodona 及里加戰線，據新陣地以圖恢復士氣，再謀大舉。

(十) 俄軍之總退卻 瓦薩陷後，宜萬高勞繼之。俄軍敗退後，同盟軍別為興登堡，雷普爾，及麥克森三團，擬對後退之俄軍，加以集中的總攻擊。俄軍知不能敵，又進至第二要塞線；然同盟軍逸擊甚盛，連陷布拉斯的里達威，喀父納，諸要塞。俄軍不得已，又後退，漸脫虎口。至九月上旬，止於北自加里南至羅馬尼亞國境一直線上。俄皇乘機，一新士氣，九月上旬，下令親任海陸江最高指揮更迭司令，變通配置，士氣遂振。

(十一)同盟軍之作戰中止及俄軍之再轉攻勢。德軍於九月中旬，陷威耳納，其對俄作戰，遂暫中止。先分一部輸於西戰場，次更以一部德奧聯軍，分於塞爾維亞方面。故此方面戰場，一時沉靜，有亦不過局部的戰線整飭之小戰而已。

於威拉尼亞 Volhynia 及加里西亞方面，八月下旬，奧軍開始攻擊。俄軍緩塞爾維亞等國之禍，對於此方不能注意。因乘同盟軍走，追逐漸緩，九月上旬，於加里西亞，漸轉攻勢，同月中旬，於威拉尼亞，亦取同一方針，漸奪回所失諸地。

第十一章 千九百十五年意奧國境方面陸戰之概況

(一)開戰初意奧兩軍之戰略。開戰初，意人欲得其日久垂涎之特維斯德及的羅爾等地，故執北守東進之主義。先以陸軍一部，屯北方以守國境，以主力軍進向東方國境。其大軍總分四軍，僅以一部守的羅爾及格刀爾 Gardore 交界地，餘均向東境伊薩孫 Isanzo 河方面進攻。兵力約四十師，與奧以最大之敵，戰況益擴。

時奧以主力軍當俄塞兩方，對意大利有天險可守，僅以少數兵屯於界地足矣。而奧不甘坐受，以大軍八師，屯於的羅爾，別以第三軍，屯於伊薩孫河畔，以阻意軍之前進。


(二)伊薩孫河畔意奧兩軍之戰況。五月二十四日，意軍越境，進至伊薩孫河西岸，次其右翼，渡河下流，占

領蒙福耳格；Monfalcone 左翼渡河上流，奪取蒙的尼羅 Monte Nero 高地一角；中央軍於河右岸，亦占領普拉瓦 Plava 一高地；唯的羅爾方面，意軍阻於山險，無所活動云。

七月中旬，意右翼軍，更鼓勇迫伊薩孫河左岸，高次 Glüz 及杜卜刀 Doberdo 敵軍陣地。反覆攻戰，至本月下旬，無勝負，攻勢一挫。直至十月二十一日，意軍於河下流全線，又開始攻擊。然奧援軍漸增，防禦甚力，亦無大功。計前後三次總攻擊，意軍均未達目的而退。

其後意調的羅爾方面軍隊若干，加於伊薩孫河戰線。十一月一日，對高次橋頭堡中心敵軍陣地，行第四次總攻擊，又無效果。而北境方面，阻於形勢險惡，亦不得進。

意奧國境戰場圖



第十一章 千九百十五年巴爾幹方面陸戰之概況

(一) 巴爾幹戰事之停頓及塞爾維亞爾巴尼亞之交兵 去年十二月，奧軍遭塞軍之反擊，敗退於國境得里納及騷兩河畔，與敵軍對峙。及本年，以加里西亞及布克維納方面俄軍之攻甚烈，奧軍於塞爾維亞方面，暫持守勢。塞亦軍需品補助未完，暫與奧取同一主義；故巴爾幹方面，戰況甚寂。

千九百十五年二月，奧人煽動亞爾巴尼亞軍，侵入塞境。塞軍奮戰退之，五月，與門的內哥羅合兵入亞爾巴尼亞；六月中旬，占其首都都拉索。Durazzo 先是五月上旬，得里納河上流方面，奧軍猛渡河，侵入塞爾維亞。塞門聯軍擊退之，邇後兩軍，遂挾河相對，互窺間隙。

(二) 達達尼爾海峽之砲擊及加利波里 Gallipoli 登陸軍之戰況 土既加入戰團，聯合軍方面，亟欲過達達尼爾海峽而取君士坦丁。蓋此要塞既得，則德勢力，不能東渡；巴爾幹諸邦，亦入聯軍勢力範圍；而俄羅斯與聯軍諸國，且得直接聯絡交通。職是之故：千九百十五年二月，英法聯合船隊，迫達達尼爾海峽，屢擊諸砲臺。三月上旬，英艦薄海岔部 The Narrows 與塞羅司 Xeros 灣方面之僚艦相呼應，猛擊基利的卜 Kilid Bahr 諸砲臺。三月十八日，聯合艦隊，開始總攻擊。土軍抵死以守，聯合軍損失頗巨。於是英法陸軍，登陸於加利波里半島南端，與海軍相應作戰。四月十八日，迫克里西亞 Kithia 要塞，直至七月中旬，凡攻

四次皆以土軍防禦得力，無功而退。聯合軍之志願大阻。

(三)保加利亞之宣戰 保加利亞，夙以巴爾幹盟主自期；然壤地褊小，不足迴翔，欲爲盟主，非先擴地不可。馬其頓，卽其目的物也。最近兩次巴爾幹戰爭，無非爲是；願以失敗之餘，目的未達。大戰之起，此其機也。然欲遂素願，果以和平耶？抑以戰爭耶？最近兩戰之後，瘡痍未復，果能和平得之，寧不至善願地居巴爾幹之中，大戰卒發，草木皆兵；永久旁觀，恐非易事；比利時之慘禍，殷鑒不遠；借非主戰，絕無望也。然主戰果黨於同盟軍耶？抑聯合軍耶？此又一大問題也。茲先就保之感情利害，對於聯合軍方面言之：英、法、俄，對於巴爾幹諸小國之關係，與德奧異。俄以斯拉夫同種之誼，自居爲半島之盟主；英、法亦與有力於諸小國之獨立，其餘諸小國，類皆以子弟視之，其親誼遠非德奧之所能及也。英、法在地中海之聲勢，亦非德奧之所能及也。英、法、俄，意在外交界之游刃有餘，又非德奧之所能及也。且保於土爲舊仇，旦夕圖報。保苟起助協商國，則土與德奧之交通斷絕，而君府之地位，至爲危險，一也；土之侵入埃及之軍，當然撤回，英、俄可以注全力於東西戰場，二也；保苟助英、法，羅希絕不能不明示其態度，更益之以塞軍，攻奧匈南境，則奧匈之分裂，且現於事實，三也。就以上觀：保之視聯軍方面，固重於德奧，而聯軍之有賴於保，亦至巨。然卒以所許之利益，不加德奧方面爲多，故保黨於同盟側。十月四日，與俄絕交。時德之麥克森將軍，率大軍以十月六日，對塞開始攻擊。保加利亞，亦於本月十一日，侵入塞領以助德軍。十四日，對塞正式宣戰。聯合諸國，亦相繼對保宣戰。

(四) 聯軍之塞羅尼加上陸。聯合諸國，屢勸希臘加入。希王后爲德帝妹，不應。後屢經改變，始允英法聯軍於塞羅尼加登陸，然固未正式加入聯軍方面也。

時同盟軍，已侵入塞境。塞之運命，危在旦夕。英法聯軍，乃調回加利波里方面一部軍隊，十月三日開始上陸於塞羅尼加。擬與塞軍，提攜作戰。

(五) 同盟軍之席捲塞爾維亞。麥克森將軍，統德奧聯軍十五師，分成二軍，於十月六日，渡多瑙騷兩河，激戰五日，死六萬人，始得渡過。依次占領伯爾格來德，塞門德拉，Semendria 諸城。德帝親臨戰地，鼓舞士氣。同盟軍疾如迅雷，直向南進。保加利亞知同盟軍已渡河，乃向塞東境進擊，連陷要地。十一月上旬，與麥克森軍右翼相結，包圍塞軍，大有席捲全土之勢。

上陸於塞羅尼加之英法聯合軍，沿瓦達耳 Vardar 河北進，與塞軍相應，屢敗保軍。唯德保主力軍，南進甚急，十一月下旬，連陷奴維巴沙，密特羅威薩，Nitroviza 及不里斯的那 Pristina 等要塞。塞軍退出國境，向門的內哥羅及亞爾巴尼亞方面逃走。德乃召還大軍，殘部仍追塞軍不已。

塞軍被虜十四萬，火礮七百萬，國王蒙塵於亞爾巴尼亞。英法兵士，以塞軍之敗，亦自陷於危境，因向希臘境內退走，時已歲暮矣。

(六) 聯合軍加利波里半島之撤退。英法軍登陸於加利波里半島後，屢攻克里西亞，不克。八月六日，乃於

克里西亞、阿薩克、Anzac 及蘇瓦拉 Surla 三地點決行總攻擊，英軍新於蘇瓦拉灣頭登陸一隊，與三面相應攻擊，唯地勢風土均不適於聯軍，連日苦戰，終無大功。十月初旬，蘇瓦拉灣頭一軍，轉調於塞羅尼加方面，至明年一月，加利波里聯軍，全部撤退，攻達達尼爾之志遂挫。

第十三章 千九百十五年亞洲土耳其方面陸戰之概況

(一) 高加索方面之狀況 薩里喀米斯會戰後，俄軍活動於加里西亞及波蘭；土軍用力於加利波里，美索不達米亞。故高加索方面，戰爭停頓，僅互用天險，相保而已。九月上旬，尼哥拉大公偕高加索總督，親至地營新戰地。然戰機未熟，又是年終矣。

(二) 美索不達米亞方面英軍之勝利 去歲末，古那敗後，土軍士氣沮喪，向巴加達敗走。厥後次第增援，軍氣頓振，本年三月，以一萬五千人南下，擬一舉而殲敵軍。時英主力軍，陣於巴斯拉附近，乃以別隊屯於阿華 Alhwar 開土軍南下，主力軍倉皇出巴斯拉，陣於塞伊巴 Shaiba 城附近，整容以待。四月中旬，土軍大舉來襲。英軍防禦甚力，遂驅敵於那塞里亞 Nasiriyyeh 方面去矣。

已而阿華方面，英之中軍，亦破前面土軍。會巴斯拉方面之主力軍，作北進之計；同時陣於古那方面之英軍，又敗對面土軍。六月四日，占領阿馬拉 Amara 英軍主力遂沿幼發拉底河前進，七月二十四日，下那塞里亞城。土軍士氣大沮，有退無進。

是時英軍別爲左右及中央軍：以左右二隊，當掩護側面之任。九月下旬，中央軍自阿馬拉城出發，連占諸城。至十一月下旬，與土軍大戰於巴加達東南之喀德西豐，Cesiphon 爲土軍所敗。再向阿馬拉原陣地退歸，與土軍對陣，直至來年。

(二) 蘇彝士運河方面土軍攻勢之失敗。土軍司令官地馬耳巴，Djennal Pasha 率四萬大軍，以千九百十九年一月初旬，會於耶路撒冷附近，分三隊向蘇彝士運河方面前進。至本月下旬，達蘇彝士東岸，擊退英軍。至二月上旬，兩方激戰，兩軍不利。既而加利波里方面，戰爭緊急，兩面均移重軍於該方面，此方戰事遂寂。直至年終。

第十四章 千九百十四年八月至十五年八月北海方面海戰之概況

(一) 交戰各國海軍勢力之比較 此項比較，就千九百十四年七月末，列表如左，則可瞭然矣。

國名	弩級戰艦	弩級前巡洋戰艦	裝甲巡洋艦	輕巡洋艦	驅逐艦	水雷艇	潛艇	水艇
英	二二二	四〇	九	三四	八一	二二四	一〇六	七七
法	四	二一	—	二二	一三	八四	一二五	六四
俄 其他	—	—	—	—	—	—	—	—
黑海	—	—	—	—	—	—	—	—
其他	二	六	—	六	二	五八	二二二	二一

意	三	一一	一	一〇	一三	三六	九七	一八
德	一六	二二	四	一五	四一	一四九	七〇	二四
奧匈	三	一一	一	三	七	二二	六三	六
土	一	二	一	二	三	九	九	一
美	一二	二五	一	九	二三	六七	一九	四八

(二) 北海方面之形勢 案北海北形南起多汶 Dover 海峽，北亘約五百里，為英格蘭及蘇格蘭領土東岸；更連以俄爾哥內 Orkney 色克蘭 Shetland 兩羣島，宛若屏風，且分北海及大西洋，僅開南北二路。德臨北海海岸，僅百餘里；與英本土遙對，隔四百里。然南口多汶峽，在英人掌握。德海軍無論如何活動，終難出其範圍。然英軍又何以不攻擊德海岸耶？是則北海地理，不可不悉。北海海水甚淺，水灘砂洲參差，德臨海處，僅延姆斯，威悉，Weser 及易北 Elbe 諸河口，可以行艦。然此諸處，防守甚嚴，絕難攻擊，故英不為之。

(三) 黑耳郭蘭 Heligoland 之海戰，此節分二段述之：

一、戰前之對勢 開戰後，英派潛水艇二隻於黑耳郭蘭島附近，以偵德軍行動。八月七日，英陸軍越英吉利海峽，English Channel 輸送於大陸。英政府派驅逐艦二隻及潛水艇全部於德近海以擁護之。

法亦派潛水艇隊若干及舊式裝甲巡洋艦六隻於英吉利海峽，當擁護之任。英軍十日後，完全渡海，仍置潛水艇若干於德國近海，以備德艦之出動；故德近海，兩國水雷艇，恆相交戰。

英軍主力，置於蘇格蘭之西北海面；巡洋戰艦及快速輕巡洋艦之戰隊，置於北海西部；並於蘇格蘭之北，設哨戒線。於此線上，置巡洋艦若干於英吉利海峽方面，置比較舊式軍艦及英法水雷艇若干。德國方面，則開戰後，以種種手段，沉置機雷於英海岸。其艦隊主力，置於威海耳木哈溫，Wilhelmshaven以小艦艇若干，時出動於港外；又置比較舊式之艦艇於基爾 Kiel 以對俄艦。此八月二十八日以前，兩軍之對勢也。

二、海戰之經過。英以一潛艇，派於黑耳郭蘭以作偵探。至八月二十六日，德之輕巡洋艦及驅逐艦之多數，碇泊於黑耳郭蘭島要塞防禦之下，以示出動之意。英軍欲乘此機，誘德驅逐隊於外洋而擊滅之，乃派第一巡洋艦隊司令官海軍中將比台 Sir David Beatty 當其任務。擬進至黑耳郭蘭島附近，是爲此次海戰之起因。

潛水艇隊，以克衣斯 Commodor Keyes 率之，二十六日夜，至翌日午前，逐次出動，至二十八日午前四時，會於黑耳郭蘭島附近。是日天氣靜隱，濃霧四塞，遙望不過三四里。於該島附近，在哨戒線內德軍一驅逐艦，發見英軍之伴動部隊。於此艦先，已有德驅逐艦二十隻，擊英之伴動部隊。水上飛行機亦參

加之；德軍輕巡洋艦，俄亦加入。唯濃霧沈沈，不辨敵艦所在。英軍艦戰甚敏，擊破德艦數隻，最後又擊沈德輕巡洋艦阿里安 Ariadne 號。其他艦艇，沈沒者有之，逃走者亦有之，戰場以內，德艦已無片影。英軍遂以艦艇之掩護，凱旋於根據地。是戰也，德喪驅逐艦一隻，輕巡洋艦三隻，而英並無傷云。

(四) 杜格耳 Doggar Bank 之海戰 今於敘述戰爭之先，先述兩國軍力。英派巡洋戰艦五隻，輕巡洋艦七隻，驅逐艦二十六隻，仍以比台爲總指揮；德派巡洋戰艦三隻，裝甲巡洋艦一隻，輕巡洋艦四隻，驅逐艦十二隻，以巡洋戰艦隊司令長官海軍少將西不耳 Hipper 爲總指揮。擬於英國東岸德尼 Tyne 河口附近，施行礮擊；且誘英軍一部於德國近海危險區域，以擊沈之。計既定，於一月二十三日午後，自根據地威海耳木哈溫發航；二十四日未明，諸艦先後達於北海中央杜格耳。至午前七時，古爾堡 Kolberg 號前衛艦，與英軍小雷戰隊相遇。

英軍於一月二十三日，以前述兵艦，發於路塞司 Rosyth 爲警備英之東岸，沿海岸南下。二十四日午前七時，亦抵杜格耳。兩軍戰至午後一時，德艦不魯海爾 Blucher 號沈沒，西德里次 Seydlitz 及地耳弗林格 Derflinger 諸號，亦起火災，遂不能戰，向東逃走。英艦里奧 Lion 號，亦受損傷，不能追擊，遂引還。自是德艦，除其後四月二十三日大海艦隊出動於北海外，齊蟄伏於港內，不敢稍動。

(五) 潛水艇之英國封鎖 此節亦分二段述之：

一、英國對中立國船舶之抑止 英政府以公海敷設機雷，徒損通商，初不爲之，僅對德之機雷敷設，施以戒備而已。十月下旬，德於利物浦（Liverpool）之北，至美航路之經過地，布設多數機雷。中立國船舶，必遭其難。十一月三日，英政府乃宣言北海全部，爲交戰區域。凡出入北海船舶，通過英吉利及多汶海峽者，須受英國官署之指示。且中立國間商船往來，須加以嚴重檢察，合衆國提出抗議，謂中立國通商，交戰國不能干涉。英政府回文謂美洲產物，表面上雖輸於中立國，實際上不過介於中立國輸於德國。此於各國比較貿易表中，已可證明。英國此等干涉，實出自衛，幸見諒云云。於是德國糧食，逐漸缺少；至一千九百十五年二月一日，國內穀類專賣權，遂歸政府。蓋不如是，不能維持也。

二、德國之船舶擊沈宣言 英既發布以上中立國船舶抑止條文，德爲報復計，亦於二月四日宣言云：「英吉利三島圍繞海面及英吉利海峽全部，均爲交戰區域；自二月十八日以降，凡敵之商船，必加破壞，乘客難免危險；即中立國船舶，於此區域內，亦或冒險。蓋自一月三十一日以來，英政府命令濫用中立國旗，借免戰時危險；以後或至累及中立國船舶，不能不早避云云。」自此聲明以後，德潛水艇對於聯合國船舶，開始擊沈。英國爲報復計，於三月一日以後，凡自德發航，或至德之商船，苟推定所載爲屬德人所有物，必扣留之。並設巡洋艦哨戒線，派多數假裝巡洋艦，以實行哨戒云。

第十五章 千九百十四年八月至十五年八月波羅的海方面海戰之概況

(一)俄德海軍之小戰 俄德海軍戰場，爲波羅的海。兩國勢力比較俄甚拙劣，故無積極行動，不過止於防守而已。然德軍亦無大活動者，是地勢使然，無可如何也。波羅的海，地形長狹，大艦運用不靈，僅潛水艇便於活動，而其北部又半載結冰，故直至千九百十五年，德軍始轉攻勢。唯九月以前，無大效果。九月六日，德舊戰艦七隻，巡洋戰艦三隻，巡洋艦數隻，及驅逐隊兩隊，出動於波羅的海北部，擊破俄之燈臺，並入卜丹尼 *Bo-tany* 灣，擊沈特務船一艘。至本月中旬，遂出現於南部海岸附近，行示威運動，以圖與陸軍遙應，又擊破兩燈台，終無大效。十月上旬，德變計以潛水艇阻俄軍之活動。俄之巡洋艦巴拉達 *Balada* 號，被其擊沈。初千九百十四年十一月頃，英之潛水艇若干隻，入波羅的海，以助俄軍。至十五年一月下旬，德巡洋艦加塞拉 *Gazelle* 號之雷擊軍用船舶，沈沒甚多。

(二)里加灣之戰 千九百十四年，德軍砲擊里播 *Libau* 三次，十五年三月二十八日，又行第四次砲擊。邇後里加灣以南，德軍行動頻繁：第一次於六月三日，在里加灣德俄軍衝突一次；第二次於六月二十八日，德軍砲擊溫都，破德軍用建築物，後被俄驅逐隊擊退；第三次於七月二日，交戰於喀爾蘭 *Kurland* 島中，德軍不利；第四次德軍來襲里加。八月八日，以掃海艦爲先鋒，俄軍防禦甚力，以水上飛行機投爆彈於德艦。掃海隊大受損失，三次進攻，皆不成，後其巡洋艦，又觸雷遂退。

八月十日，德軍以一支隊來襲里加灣，同時又以一支隊至亞蘭島 *Aland* 附近，砲擊燈台。德軍亦大舉來

攻里加，俄陸軍陷於危殆，遂向後退，別營新陣地，以防德軍。十八日，德海軍突破里加灣，占領海岸，包圍海上要塞之幼斯體威斯克。Ueti Drinsk 俄驅逐船奮戰，壓於灣之北部。時俄有戰艦二隻，礮船一隻，留於幼斯體威斯克。十九日，午前十一時，相次出港，期與驅逐艦會。途遇德馬德堡 Magdeburg 型巡洋艦，開始夜戰。俄失一艦，傷一艦；德失二艦，傷一艦。計德軍在里加灣內，共三晝夜，二十一日，全部集於都米那斯 *Donne Ness* 附近，退出灣內。

(二) 潛水艇戰 波羅的海戰，除里加灣礮擊外，潛水艇之活動，獨著奇功。英俄聯合潛艇隊，屢沈德艦，至九月末，復攻德之商船。十月中，德商船擊沈，日有所聞。後皆蟄伏港內，不敢動，交通爲斷。德物資上及精神上大受影響。乃大置機雷於海底，以阻英俄潛水艇之活動，然亦無大效果。

第十六章 千九百十四年八月至十五年八月地中海方面海戰之概況

(一) 基阿本 Goeben 及卜拉斯魯 Breslau 兩艦之行跡 千九百十四年七月中旬，歐陸風雲正緊急之際，有德艦基阿本號，寄泊於奧之特維斯德。後向意大利之墨西拿 Messina 回航，先南下向布林的西 Brindisi 途接本國政府電訓令，寄泊於英法港灣，並令旗艦卜拉斯魯號，速自都拉索 Durazzo 出發，與基阿本艦相合。八月一日，兩艦會於布林的西，同時德艦基奈拉耳 General 號，亦來會。三艦集合，續航，八月二日，抵墨西拿。當時意爲中立國，除基奈拉耳號爲航路供用船外，其餘不許給炭。故三日午前一時，基阿本

及卜拉斯魯號兩艦，出墨西哥港。午後六時，接德法宣戰之報，司令官遂以兩艦入阿爾及利亞 Algeria 海岸。四日，砲擊菲力帛文里 Philippe Ville 及波納 Bona 兩埠。蓋以是二地爲非洲駐屯法軍登船要地也。先是英地中海艦隊，集中於馬耳他，八月二日午後，多數艦隊出航。後得德艦二隻在墨西哥之南，三日早遂向同地航行，而德軍已離是地。英軍遂以一輕巡洋艦，哨戒奧德蘭德 Oranto 海峽；更以一隻，通過墨西哥海峽；其餘全部，均迂回西航於西里島之南。

德兩艦既行砲擊，後向墨西哥回航，八月五日，入墨西哥港。意大利仍不給炭，而英德於本日午前已宣戰。地中海中，盡爲英法艦隊，德兩艦又難久泊於此。六日正午，遂向土都東航，十一日，入達達尼爾海峽，竟得脫離虎口，可謂巧矣。十二日，土政府遂通知各國，謂此兩艦，土政府已購得。英法知之，然亦無可如何矣。

(二) 亞得里亞海之戰况 八月十日，法國第十九軍團之駐在阿爾及利亞者，輸送已終；海軍大有餘力，遂以大部當與之海軍。先是塞門二國，屢以軍需品缺乏見告；英法若供給之，以門之杜耳西納 Duligno 及安地瓦里 Antivari 二港爲必由之路。然奧於八月十日宣言，自北緯四十二度六分四秒至四十一度五十二分之門國沿岸，實行封鎖；且砲擊安地瓦里，閉塞港口。英法聞之，自馬耳他發兵，向亞得里亞海北航，十六日，達喀達魯 Cattaro 灣外，同時砲擊其港。奧軍艦沈者一，遂占領喀達魯，以爲前進根據地。然攻擊數月，以英法軍之不充分，終無效果，戰計遂阻。

至千九百十五年五月二十三日，意大利參戰。聯合軍在地中海中，大增厥勢。亞得里亞海方面，意軍當之。英法僅留小部，餘悉向達達尼爾方面去矣。

(三)聯合艦隊達達尼爾海峽之攻擊 八月十日，德基阿本及卜拉斯魯兩艦，逃入土都以來，英海軍即在達達尼爾海峽外，監視德艦之脫走。九月二十日，法以二艦來援，遂開始封鎖海峽。十一月初旬，協商側與土開釁。三日，以英法巡洋戰艦各二隻，成聯合艦隊。十二月十三日，一潛水艇闖入海峽，擊沈土國舊式戰艦門蘇德 Mesudieh 號。然以上皆英法戰計未定時期也。

迄千九百十五年一月，英法決議攻達達尼爾海峽。海峽外監視艦數頓增，且於蘇彝士運河方面，土軍大敗。英法聯合軍調其兵力大部，以益達達尼爾攻擊軍。二月十九日，總攻擊開始；二十六日，數艦侵入海峽內，破擊亞洲側達爾達納斯 Dardanus 礮台。時希臘首相威尼休拉 Venizeros 欲加入聯合軍，而國王不贊成，遂辭職。英法聯軍攻擊，至三月初旬，無大奇功。乃議猛擊，一舉而陷要塞。以三月十七日為期，十八日朝，聯合海軍三艦隊，相繼闖入峽內，猛射陸上礮台，然午後英法艦觸水雷，沈沒者數，總攻擊又全失敗。

英政府乃決以陸軍為補助，以二十九師及屬地兵若干，編為遠征軍，三月半後，齊集於里米納斯 Lemnos 島。法國亦以遠征隊來援。計英軍共三萬六千，法軍一萬五千，礮九十二門。英以哈米頓 Sir Ian Hamilton 為遠征軍總司令。將軍既至，部署月餘，至四月二十五日，始開始作戰；而以加利波里半島，為交戰地。時土軍

於此月餘，已經有備，陸上防禦頗嚴。英法奮鬪多時，至晚始於各登陸處，占得立足地。邇後爭線發展，登陸軍亦有容納地。然至七月中旬，攻擊克里西亞四次，皆不能下。八月初，援軍五師至，擬一舉而拔薩里巴耳 Sarr Bahr 高地；橫斷半島，以應克里西亞方面之軍，斷土軍之退路。顧天氣炎熱，水土不宜，亦未成功。十月初，巴爾幹戰局一變，同盟軍以破竹之勢，侵入塞國。英政府乃調此方面軍以救塞，至明年一月完全撤兵。事已詳於十二章六節，茲不贅。聯合軍可謂完全失敗。雖於此時間，潛水艇屢入馬爾馬拉 Marmora 海，恆奏奇功。然於戰事，究無大助也。

(四) 黑海方面之戰況 基阿本及卜拉斯魯兩艦既入土都，遂編入土國艦籍。其乘員留於土都，代土修理舊艦。俄知與土難免戰爭，故其商船屢監視土海軍之行動。未宣戰以前，千九百十四年十月二十七日，土艦隊一部，出動於黑海。二十八日，擊沈俄機雷敷設艦一隻，礮艦二隻，亦大損害。後土以基阿本，卜拉斯魯兩艦及土巡洋艦，礮艦，水雷艇若干，編成土國艦隊。以德之蘇崑 Soukhon 中將為總指揮，擬礮擊塞佛斯拖波爾軍港。

土之司令官，先率阿基本艦及掃海船二隻，於二十九日未明，達塞佛斯拖波爾港外，攻擊俄之礮臺。俄礮臺，鐵道，兵營，受傷不少。

先是諸艦共分二隊：一隊向塞佛斯拖波爾，一隊（卜拉斯魯艦在內）向喀次，Kertch 擊沈俄汽船二隻。二

十九日午前十時，卜拉斯魯號又現於卜來克 *Perakot* 灣，礮擊同市，擊沈俄運艦十四隻，與以最大損失。後卜拉斯魯號離是地，更巡航於黑海，而基阿本號直歸土都。

十月三十日，土國對俄宣戰；十一月七日，俄對土亦宣戰；兩國互擊沿海都市，無可記者。十一月十八日，基阿本及卜拉斯魯兩艦，在蘇崑中將指揮之下，達克里米半島之南，發見俄巡洋艦，開始礮擊。適俄黑海艦隊出動，歸航之途，於塞佛斯拖波爾附近，亦發見土艦。時天晴霧，俄艦與土之基阿本號，作七千米突之同航戰。僅經十四分鐘，基阿本中部起火，土艦遂退。然後擊沈俄艦甚多，至千九百十五年一月初旬，基阿本號觸雷後，黑海海權，遂握於俄人之手。以待與聯合艦隊之攻擊達達尼爾海峽者，互相應戰。

第十七章 德軍領地之攻略

(一) 日本及英海軍之德領南洋羣島占領 開戰初，日本派金剛，鞍馬，等四艦成一戰隊，以保太平洋方面之安全，並當搜索德艦之任。後以鞍馬，筑波，淺間，等艦，成第十六驅逐隊之第一南遣支隊，於九月十四日，發橫須賀，南航依次占領德領南洋羣島。至十月中旬，赤道以北德領諸羣島，不亡一矢，均歸日有。

千九百十四年八月二十九日，英遣遠征隊，分乘速送艦二隻，在英澳大利亞，馬布耳，*Marbourne* 色衣略，*Psyche* 菲郎馬，*Philomel* 等艦護衛之下，向南洋東航，亦依次占領德領諸羣島。至九月終，德領太平洋赤道以南諸島，全歸英軍之手。

(一) 德領非洲之占領 千九百十四年九月三日，英法聯軍，由英海軍護送，登陸於西非洲，攻擊德領礮擊杜拉，Duara 十七日，降之。十一月十五日，占領波衣阿 Bua 海港。至千九百十五年四月二十三日，英法聯合艦隊，宣言封鎖喀米爾 Camern 沿岸；至明年四月二十八日，喀米爾 遂完全平定，此西非方面之戰况也。千九百十四年八月四日，英好望角艦隊，礮擊德領東非 首府達魯也斯撒冷，Daroes Salaan 破德之無線電信所及模盛 Maewe 號礮艦。次於尼亞薩，Nyassa 坦噶尼喀，Tanganyika 及維克多利亞尼安薩 Victoria Nyanza 諸湖，英比礮艦，屢擊沈德艦。千九百十五年二月十六日，英國宣言，封鎖東非 德領海岸，陸軍漸次侵入。至千九百十七年一月，遂平定全部，此東非 方面之戰况也。南非 德領，於千九百十五年七月，亦降於英。戰爭期間較短。

(二) 阿刺伯方面之戰况 於紅海方面，其初作戰，在西克司，Sheikhkroid 印度兵得英艦愛丁堡公 Duke of Edinburgh 號之助，登陸擊土 守兵，頗獲成功。十一月中旬，英艦又攻紅海南端 巴布厄爾曼德 Babo-el-mandel 岬左近之達巴堡，Daba 登陸兵大敗土 軍。迺後土 設機雷於紅海要路，德亦分兵相守。英軍只顧偵探，戰况遂寂。於波斯灣 方面，英艦及陸軍於十一月八日，礮擊福阿，Foa 占領其市，他無大戰焉。

第十八章 俄羅斯大革命之遠因

(一) 地理上之原因 俄羅斯以地廣論，爲世界第一。然其種族，亦甚複雜。據最近統計：俄國人口，約一億七

千八百三十七萬；別其種類，可得百餘。夫國家由一民族而成，則國家之利害，與各地利害，尙難保其一致；況種族複雜，內訌時起，而其結果皆怨政府，此就種族方面而言也。

種類不同，信仰當然各異。俄之國教，爲希臘正教，Greek Catholic 信徒占俄民之太半；異派宗教，在政治上均稱爲僞教。自千九百零三年二月十二日，農奴解放之紀念日，雖頒有條件之信教自由命，然宗教院仍未廢止，排僞教仍有其人，一般僧侶之強暴也如故，教院命令之不能稍違也亦如故。卒致僧侶異道，橫行宮庭，德血統人，借以登進。(1) 此又就宗教方面而言也。(11)

註一、尼哥拉后，嘗寵一僧，出入宮禁，以後爲德人，故德人血統，多登要位。

註二、附重要種族及宗教表如下。

種 別	單 位 (萬)	百 分 比
Slovenia	9,200	65.6
Turkish	1,360	10.5
Poland	1,246	6.2
Jews	507	3.9

Islam	350	2,3
Germans	181	7,5
Caucasians	109	0,9
Armenian	111	1,0
Mongolians	48	0,4
其他	未詳數目約每種數十萬	

教	別	信	徒	比	例
希	臘	正	教	69,9	
羅	馬	正	教	8,9	
新	教	徒	教	4,85	
猶	太	教	教	4,0	

回	數	1,09
井	池	

(二)社會上之原因 革命之發，無不由於社會不平，茲就俄國社會苦況，分述如左：

一、勞動者之苦痛 三十年前，俄羅斯純一農業國，無所謂商也。然十九世紀末至今世紀以來，俄之生產發達，速度驚人。鑄鐵，煤油數種，尤日益增盛。以是國內資本家，亦日益增多。以千九百年之調查，在二兆（以英計算）盧布以上之資本家，已三千五百餘。有資本必求活動，因之工場林立，尤以織品類為最多。廠初傭工，半屬專職此業，半屬舊式農民，夏耕於鄉，冬傭於廠。至千八百九十八九年，大城工廠，多傭專工。後工廠發達日盛，工人日多，千八百九十年，全俄有傭人一千以上之工場百零八所，共工人二十餘萬；至千九百零二年，全俄有傭人一千以上之工場二百六十二所，共工人六十餘萬，進步之速，可以想見。然工人最高傭資，年不過百四十至百八十盧布。婦女作工，年僅得二十至四十盧布。以是養生，云胡可足？且工場待遇極苛。（僅少數工場，有工人寢室。然此寢室，至晚婦孺成人，擁擠於木橙之上。冬則陰濕，夏則酷暑，甚至夜眠地窖，或無窗屋中。此尤善者；多數工場，皆不備寢室，工人日作十二三鐘，夜即休於工廠棹椅之上，頭枕破衣。）

(一) 於此數語，已足知俄國勞動者之苦。而烏拉山一帶之鑛工，尤無生人

趣味。彼輩工餘，長歌歎云：(1)

“Dammed be the life of miners,

Day and night we toil and suffer,

Just as criminals in prison.

Day and night the candle smoulders,

And we carry death on shoulders.”

長歌代哭，令人不忍卒讀。自千八百九十六年，聖彼得堡罷工以來，直至戰前，大同盟罷工，中間雖經數次；然工人要求，所獲無幾；故不平者徒漸結工黨。此為革命遠因者一：

註一、見 M. Tugan-Baranovski, Russian Factory, 3d. edition, P. 407.

註二、見 Missaye J. Olgin, The soul of the Russian Revolution, 1917, P. 14.

二、農民之窮迫。俄本農業國，已如上述。工商發達，究為少數人民職業。十分有八，仍為農民。初俄國徧地使用田奴。歐洲各國，雖已解放，而俄猶延用。後為時勢所迫，於千八百六十一年，發布解放農奴之令，始得為自由民。然村會 Village Community 制度，又行於各地。凡農奴曩日所耕之地，概歸村會。每人更以年齡十至十五歲為等差，授以土地，課以重稅。不授不可，不受亦不可，為權利亦為義務。是種制度，

束縛人民尤甚。初得解放，法律上爲自由民；而又受經濟上之壓制，是又何必？

今舉一例：卽有田八百畝，分於百家。每家應得八畝。然此八百畝中，必有肥有瘠；有樹有水；有丘有谷。村會必就各種分配於一人，是固定例。若如是則一家所分之田，必散在數處，酷暑奔耕，其苦可知。且人口日多，田畝增加不敷其數。今就千八百七十年至千八百九十年之人口地畝，一比較之，則可知矣。二十年中，農民人口增加百分之五六九，家族增加百分之五七八，而田畝僅增加百分之二、〇五（農民村會所有及私有均在內）農民得耕之田（包含自地主租借之地）僅加百分之四〇、五；家畜僅增加百分之九、五。換言之：田畝增加，較農民人口增加，少二、八倍；得耕之田增加，較人口增加少一、五倍；家畜增加，較人口增加少六倍。（一）如是，故農民雖得自由，而經濟困苦，尤甚往昔。欲棄田而執他業，又不爲村會所許。痛苦呻吟於無可奈何之天，頗足引起有心者改革之志。彼輩終身，不受教育，不知革命爲何。然因此足增長識者革命之念。此爲革命遠因者二。

註一、見 A. Finn-Yenutayevski, *Economie Life of Modern Russia*, P. 113.


三、革命黨之思想進步。俄國革命黨思想之進步，可分三期：第一期自千八百十五年以後至千八百五十五年，爲受法國啓蒙思想影響之時代。卽歐洲大同盟，最終攻破巴黎，各國軍隊駐屯法京時。俄軍受其傳導，漸知盧梭 *Rousseau* 之啓蒙哲學，歸而著書攻擊政府，以是而下獄者，頗不乏人。第二期自千

八百五十五年至千八百七十年，爲受黑智爾 Hegel 及其他德國浪漫哲學影響之時代。此時代之進步，不僅反對專制主義；且從哲學上對於政府之爲物，嚴行批評其價值與意義。所謂虛無黨者，專指此時言，並非以後名稱。代表此時期之最著學者，厥爲巴枯寧 Bakunia 氏。以人類幸福，在全天性；全天性之道，在人人自由。出版言論，信仰等等，均得自由，始可謂真自由。(1) 第三期自千八百七十年以後，即受馬克斯 Karl Marx 唯物主義及社會主義影響之時代。在此時代中，運動最烈，即今次大革命，亦此時代所積蓄醞釀而成。此其思想變遷之大概。再進而論因思想結合之團體，以明其黨派焉。

註一、詳見 Stepniaks, Underground Russia.

四、社會運動團體之變遷。俄國工人農民之苦，已如上述。有識者遂圖拯救之，因而有社會運動之結社。最初曰那羅尼克 Narodnik 乃俄語爲民之意。中經數變而爲「土地與自由」之結合。至千八百七十九年，分而爲二：其一曰「人民之意」。以暗殺爲遂行政治革命之手段；與之反對者爲樸雷哈諾夫 George Plechanof 之少數派。前者後即爲社會革命黨，Social Revolutionary Party。諾拉底尼克 Narodniko 組織之後者後即爲社會民主黨，Social-Democrats。樸雷哈諾夫指揮之社會革命黨以農民之勞力爲基礎；社會民主黨以工人之勞力爲基礎。社會革命黨後分爲中央派，右派，左派，極左派四種；社會民主黨後分爲布爾塞維克 Bolshaviki 與孟薩維克 Mensheviki 二種。前者爲俄

語多數派之意，後者即俄語少數派之意。前者主張排斥一切有產階級，勞働者以外，不許干預政權。後者主張與有產階級妥和，加入議會，為政治之運動，以達實行馬克斯主義之目的。千九百五年，曾復合一次；越二年，又分為列寧派，却羅茲克 Trotsky 派，國際派，護國派，及統一團。茲列表如左：



(三)政府方面之原因 地理上及社會上雖有種種不能不革命之原因，然政府方面，倘能設法緩和，亦未嘗不可維持。而竟一味壓制，故大革命乃得暴發。述其壓制之要點如左：

一、理論方面。俄政府恆收買學者，發爲種種專制之論。喀德哥父 Katkov 者，俄最有名之公法學者也。彼於其主辦之 Moskovskaya Vedomosti 報自一八六三至一八八七中，恆發爲專制之論。其言曰：「俄國政府，與其他各國迥異。例如英政府下有兩大政黨：一黨執政，他黨即立於反對地位。吾國政府，有最高無上之權，以執行政務。無所謂黨，亦無其他團體，能超於無上之權。俄皇御世，執行政務，完全自由，不受何等限制。是爲根本法律，吾國之所基以成立者也。」^(一) 卜不刃納司他父 K. P. Pobedanostzev 者，尼哥拉第二之太師也。彼嘗云：「基於人民之政治，乃僞政治；不幸此政治自法蘭西革命後，竟得成立。一切政治皆依人民之意。」^(二) 「國會者，即滿足議員之野心，利益，榮譽之機關也。以理論言之：議員乃由人民多數中舉出，實則不過少數操縱之。蓋人民渙如散沙，無團體可言也。」^(三) 「憲政最謬之點，即內閣須依國會或政黨而成立。」^(四) 「去皇帝無限之權而以與國會。然皇帝以一人之思想，或可登智睿者於朝；而國會則缺乏此點。蓋非多數無以爲力也。」^(五) 類此學者，類此議論，不勝引證。不過明其欲爲種種專制之論，以壓民權已耳。

註一、見 Moskovskaya, Vedomosti, November 8, 1882.

註二、見 Moscow-Collection, P. 13.

註三、同上 P. 38.

註四、同上 P. 47

註五、同上 P. 48.

二、實際方面，俄自有國會以來，屢被解散，已如第一編末章所述。此其實際之專制一。然此外對於虛無黨人，恆加慘殺，尤不勝數。即自千八百七十三年至七十六年，三年中被補政治犯在二千以上。呻吟牢獄，慘不忍言。經數載後，至千八百七十七年末，始有五十人，在莫斯科受裁判；百九十三人在聖彼得堡受裁判；其中亦有被法庭釋放者，而政府竟以其勢力，放逐於西伯利亞之荒野；其他對於人民之言論出版，均不與以完全自由。且對於西歐留學之俄人，往往加以制裁。例如千八百七十三年，俄皇下詔，迫留學生回國，此其一證。總之政治方面，無不失於干涉過度。凡一種勢力，壓愈深而反動愈烈；釀愈久而其發必暴；物理通則，人所共知。俄國一切政治社會，較西歐均晚一百年，而革命亦晚。然其一發而至，不可收拾者，正職是故也。

第十九章 俄羅斯大革命之近因

(一) 禁酒令之影響 俄國近年來，有一事於國民軍隊，有極大關係；於此次革命，亦有一部關係；即所謂孚魯加 *Vodka* 酒之禁絕是也。嗜酒為俄人特性，職業要事，無足間其有恆之牛飲。每因洪醉，放棄職業。大局影響，不問可知。雖然：專制之政體，去害亦甚易，大皇帝偶一動筆下禁，則舉國廓清無遺。非特經濟獲益，民

氣亦增進不少。政府茲舉，本至得當；然其結果，則益啓怒於軍隊及人民，俾歸心於議會。Duma 究其原因，亦以政府之不能善其後耳。蓋飲癮既除，餘暇自多。千萬無教育之人，向以飲酒爲消遣者，一旦忽聞所歸不能不有以待之。然俄與他國異，專制達於極點。除夏夕晚涼公園中之軍樂外，舉凡人民之演說、音樂會、劇場、跳舞，及種種聚集，深爲執政者所不許。補救之方，乃在社會事業。故如影戲、戲園，及種種消遣，以法於禁酒後，一一舉行，收效甚大。飲酒費用，又可節省。儲蓄銀行存款，近兩年忽增倍蓰。以是人民益歸心於辦社會事業者。然此均議會所提倡，或一議員所支辦。故人民傾向議會愈深，而恨惡政府亦愈甚。此其近因一也。

(二) 地方會議與軍隊之和協。當千九百十四年戰端之初開也，俄政府下動員令。其時夏秋之交，所募新兵，身體上尙無嚴寒之感。迨及冬令，天氣酷冷，轉運艱甚，漸有難堪。兵隊調派，往往以貨車載運，有至數星期之久者。車中無熱氣管以禦寒，苟無地方會議 Zemstvo 特別委員會之濟助，則不待至戰場，卽凍餓死矣。無論城市鄉鎮，各議會悉組織有特別委員會，以襄助其事。隨處供給食用及他種軍需，董其事者，又竭誠盡瘁。每車站均蓋設棚廠，供給麵包、熱茶，及醫生看護諸種需用之物；次則籌辦購買糧食，轉運前敵。又次則種種實業之建設，如鞋及衣服之工廠及補助軍械製造等；均於此數年內，大加擴張者也。然凡以上數種設備，均屬陸軍部應行之事。良以政府腐敗，而議會着着進行，起而代之。全由人民合力興辦，不藉政府之力；以此深得軍隊之信仰，遂能一鼓而成功。此其近因二也。

(三)食物缺乏之影響 當俄之參戰也，政府惡僚，借口於國中緊急，諸事難遵常軌。因於民食等物，妨其流通。於是甲處方苦於出產山積，無術處分；乙處則又告倉廩空虛，時虞饑餓。而彼官僚者輩，於彼於此，一轉移，操縱指揮，輒爾市利數倍。此所以最饒物產之俄羅斯，平時農產出口，且以大宗計者；當此戰爭期間中，一面以海口之被封，對外貿易，幾至全滅，受損既稱絕巨矣。而比年以來，其通都大邑間，且連以食物缺乏見告，因而演出種種奇觀。且自京城加增防軍後，聖彼得堡食物尤缺。出征兵士以及工場勞動者之婦女等，雖嚴霜大雪之日，亦須排列道左，鵠候多時。勉強所得，始足供一家一日之需。長此以往，其何以堪？此其近因三也。

第二十章 俄羅斯第一次大革命

(一)革命前政府之形勢 俄之國會，雖有名無實，然自宣戰以來，勢力亦漸加長。加里西亞敗走後，時論大譁，國會尤能借以活動。政府雖仍陽與陰拒，然至此已有不能不虛與委蛇之勢矣。降至千九百十六年冬，該會復以單獨講和問題及交通機關整理問題等，攻擊政府，迫以辭職。時國務總理大臣爲斯都默，Sturmer 見勢難抗，不得已而去。繼者爲特列卜夫，Трубецкой 抱進步主義，然在職不及一月有半；且前開員中反對最力之內務大臣卜洛脫頗頗夫，Протопопов 仍屹然不動，厲行其專制政策。特氏無如之何，故當時所謂民論之勝利，匪直一短命者而已，抑亦僅有其名耳。特氏去職後，反動派氣焰頓高，卜洛脫頗頗夫尤橫厲無前。因下令禁止地方聯合會之集會，於首都聖彼得堡，則添配警察，密布機關；并駐有可薩克兵。思慮不可謂不

周，而防衛亦不可謂不密；然壓力愈大，而反動愈烈；吾已言之：固不以此，即可禁止革命也。加里浸 Prince Gallitzin 繼特卜列夫組閣後，遷延復遷延，始於千九百十七年二月二十七日，勉強召集議會。而該會之第一提案，即爲食物支派問題；欲乘人民怨聲載道時，要求地方團體，完全經營。乃官僚輩欲收漁利，堅拒其議，並請下令停會。於是議會各黨，均惻然大動，知所望和平改革，均已全歸泡影。而不知不覺間，黨見竟以消除大革命遂起矣。

(二) 革命之經過 俄都以糧食缺乏，形勢日危，三月九日午後六時，加里浸集各部大臣及上下兩院議長，組織俄都臨時食糧委員會。委市長里利納夫 Relianov 管理其事。然天降雪，輸送杜絕。十日，同盟罷工，集數千人於尼握河畔之納福斯克 Nevsky 街，大舉示威。高呼革命！至午後三時，爲軍警憲兵干涉四散。是夜各工場勞動者之代表，擬私集於軍器製造委員會，爲政府偵知，捕主謀者。下院勞働黨員，乃羣起質問，謂政府處置失當。首相加里浸，乃赴摩基拉弗 Moghilew 謁帝於行次。迫帝下詔，令下院停會，時十一日也。

下院不奉命。革命形勢，益形擴大。工人手執赤旗，憲兵與可薩克兵，亦相衝突，互以鎗擊，一時四散。老幼婦人，橫屍於巷，滿目淒涼，頓成無政府之狀況矣。下院議長羅底斯納克 Rodzianko 氏因電請俄皇，更迭內閣。同時通電各軍司令官，請其援助。是夜俄都守備兵一聯隊，加入革命團體。十二日午前六時，市內駐屯軍數聯隊，亦依次加入。均執革命旗，唱法國革命歌，築壘於斯哥瓦斯克 Sargiensky 街，以備官軍。尋可薩克兵，

以革黨之勸誘，亦加入團體。於是俄都，入於革黨手中矣。

下院議長羅底斯納克，以革命既成，各衙門署亦已占領。不可無臨時維持秩序之機關，乃組織下院臨時委員會。選委員十二名，自爲委員長，是時首相加里浸以下，見事不可爲，除卜洛脫頗頗夫外，均辭職矣。

下院臨時委員會，既已成立，乃集勞働者及兵士代表於下院。午後六時，組織勞兵代表會，即勞兵會。Soviet 並發布告，以後每勞動者千人，可出一人於該會，共助國事。時上院迫於時勢，亦電達俄帝，從速設法，以慰民意。下院又組織實行委員會，選羅底斯納克以下十三人爲委員。十三日，海軍團及駐屯各地之軍隊，亦多來投革命軍。下院臨時委員會，乃從事於秩序之維持。十四日，市內稍呈平靜之象。然憲兵警士，猶多小鬥，各戶閉門，交通幾至斷絕。

(三) 臨時政府之成立及俄帝退位 十四日，陸海軍大部，投入革命軍。首相及前各大臣，多已被拘。下院臨時委員會，乃組織臨時政府，茲述其人員如左：

內閣總理大臣兼內務大臣公爵里弗夫 Livov

外務大臣米里可夫

陸海軍大臣古其可夫 Gutchinikov

交通大臣尼可拉斯夫 Nekrasy

工商大臣康納瓦郎夫 Konowalof

文部大臣馬奴衣郎夫 Anulior

財政大臣體拉斯根古 Telschenko

檢察總長里弗夫

農務大臣新加勒夫 Shingareff

司法大臣克林斯克 Kerensky

臨時政府既成立，乃以各大臣及下院議長之連署，發表政綱如左：

- 一，赦一切政治犯。
- 二，許人民以言論，出版，集會結社之自由。
- 三，廢宗，教上及人種上之限制。
- 四，依普通，平等及直接無記名之選舉，召集議會。速定國體及制憲。
- 五，廢舊警察，設地方自治廳，以國民警察代之。
- 六，地方自治團之選舉，依平等，直接及無記名投票法。
- 七，未參與革命軍隊，解除武裝，退出俄都。

臨時政府宣言發表後，國民皆歸心，均願迫俄皇退位。俄皇尼哥拉第二，接電急歸，時臨時政府已成立，與議會決議令皇帝退位。下院派員迎帝於途，告以斯旨。帝遂於卜斯可夫 Pskov 市，下詔退位，讓帝位於皇帝亞歷山大，Michael Alexandrovich 太公，時十五日也。十六日，太公宣言辭位。各地紛紛承認臨時政府，俄國大革命，遂告一段落。二十一日，廢帝尼哥拉及皇后並侍從四十七人，共監視於查司喀喜郎 Tzaritskoye Pelo 宮，不得自由矣。

(四) 臨時政府成立後各黨之暗潮 臨時政府成立後，其勢力分爲三派：一爲內閣；一爲下院實行委員會，羅底斯納克領之；一爲勞兵會，克林斯克操縱之。遇事干涉，內閣行政，不能自由。關於戰局，則外務大臣米里可夫仍主帝國主義，繼續戰爭；而克林斯克，則主非戰主義；意見甚不一致。三月二十日，臨時政府，向列國聲明，仍繼續前主義，絕不單獨媾和。而前敵戰士，則以糧食缺乏，戰爭困苦，希望平和。布爾塞維克黨，從而鼓動之，漸與勞兵會意見一致。二十六日，勞兵會宣言，不要賠款，不求割地，希望波蘭獨立，德奧亦脫君主制之羈絆。於是軍隊聞之，皆動於衷，羣起非戰，與臨時政府爲難。延至五月初旬，主戰論者米里可夫及古其可夫等，均相繼辭職。

(五) 內閣之改造及其政綱 先是克林斯克，在勞兵會主張以社會黨各派，加入內閣，以期與政府調和。五月十二日，該會以四十一票對十九票之多數，贊成是說。五月十八日，遂有左之新聯合內閣：

總理大臣兼內務大臣公爵里弗夫(十月黨)

陸海軍大臣克林斯克(革命社會黨)

外務大臣體拉斯根古(十月黨)

文部大臣馬奴衣郎夫(立憲民主黨)

商工大臣康納瓦郎夫(立憲民主黨)

農務大臣喀納夫 Tchernoff (革命社會黨)

財政大臣新加勒夫(立憲民主黨)

司法務大臣巴拉衛拉色夫 Perenzhev (社會民主黨)

交通大臣尼可拉斯夫(立憲民主黨)

郵電大臣德里德利 Tereteli (社會民主黨)

勞働大臣斯哥巴樂衛 Skobelev (社會民主黨)

糧食大臣巴沙喀納夫 Pashkikhonoff (革命社會黨)

保安大臣查喀納斯喀 Cha.khonos Okoi

憲法會議召集事務大臣葛林木 Grium 教授(立憲民主黨)

會計大監督古德諾弗 Godnev

芬蘭尚書羅基哈夫 Rogches

以上國務大臣中，有新設數席。其大政方針擇要如左：

一、實現自由平等之思想。

二、促進不割地不賠款之平和主義，以貫徹初旨。

三、請求整理經濟及改善土地利用之方法。

四、對於革命及叛亂之監督，講求適當之方法。

(六) 內政之紊亂 以克林斯克之努力，內閣隨以改造。然勞兵會勢力大增，政府諸事，尤覺掣肘。於是列寧一派之布黨，乘機活動。前敵戰士，紛離職守，圖謀單獨媾和。德人亦鼓吹其間，大有不能持續之勢。而都城勞働者，假勞兵委員會之勢，與政府及資本家對抗。要求減勞働時間，加勞働工資；加以紙幣價落，物價昂貴，工場倒閉，經濟界大起恐慌。而各地農民，復奪國有土地。人心恟恟，秩序大亂；政府威權，掃地以盡；芬蘭等地，紛紛獨立；俄國大有分崩之禍。克林斯克等憂之，擬再倡對外一致以統一國內之說，遂大倡非單獨媾和論。且親巡戰場，人心再振。勞兵會既主張無條件的和平，然亦反對單獨媾和，是蓋克林斯克之運動也。七月十日前後，勞兵會及農民會，開聯合會議於都城。議決俄前敵軍，再轉攻勢；勞働者供給軍需品；農民供給糧食。並

以是旨布告全國。一時兵心，如死灰復燃。然能否長久？是一問題也。

(七) 克林斯克內閣及莫斯科會議 克林斯克利用勞兵會勢力，在閣員中占第一地位，與立憲民主黨諸閣員，恆不相容。遂以土地分配問題，意見衝突。七月十六日，立憲民主黨閣員，遂相率辭職。克林斯克代里弗夫組閣，維持半月。至八月三日，因與閣員意見相左，辭職擬去俄都。

交通大臣尼可拉斯夫，急開閣議，召集各黨首領，勞兵會代表，及下院臨時委員會諸人於冬宮，相議內閣問題。咸主張以政權賦一人，俾其組織強有力之內閣。然舍克林斯克外，絕無相當人物。六日午前，尼可拉斯夫曾訪克林斯克為一度之勸駕。彼遂慨允，組織新閣，其人物如左：

內閣總理大臣兼海陸軍大臣克林斯克（革命社會黨）

副相兼財政大臣尼可拉斯夫（急進社會黨）

外務大臣體拉斯根古（急進社會黨）

內務大臣阿瓦克森的 Avksentiev（革命社會黨）

商工大臣巴拉克哈瓦世（社會民主黨）

農務大臣喀納夫（革命社會黨）

文部大臣奧林尼堡 Olenburg（立憲民主黨）

交通大臣幼林納弗 Yulenev (立憲民主黨)

司法大臣薩魯得奴 Zaludnu (立憲民主黨)

勞働大臣斯哥尼樂衛 (社會民主黨)

食糧大臣巴的達拉夫 (國民社會黨)

郵電大臣尼起亭 Nschitin (社會民主黨)

保安大臣伊弗里模夫 Efilenov (急進社會黨)

宗務院總裁格達喜夫 Kortashev (立憲民主黨)

會計大監督康喀瓦西克 Kokovshkie (立憲民主黨)

陸軍事務長薩威喀夫 Savinkoff (革命社會黨)

海軍事務長西比得弗 Yrebedev (革命社會黨)

新內閣成立，國民屬望甚殷，一致主戰。然列寧一派，猶主和議速成。因是六月二十五日至二十八日，開國民大會於莫斯科，決議諸種問題。一般偉人名士，多出席焉。第三日將終，有克魯尼喀夫 Karnilov 將軍者，忽出席於會中。報告軍隊及軍律廢弛狀況，並陳述改造振飭之理由。克林斯克頗思採用。然一週後，九月三日，德軍已占領里加，有大舉迫都城之勢。克林斯克乃電克魯尼喀夫將軍，求其援助。將軍憤克林斯克不早探

其意見，乃宣言自爲統領，而以克林斯克爲副統領，欲奪政府實權。克林斯克免其職，遂叛未幾被拘亂遂平。
(八)共和制度之宣言及內閣改造 克魯尼喀夫之失敗，中產階級及立憲民主黨之勢力，大受打擊。勞兵會勢更加增。列寧一派之布黨，乘克魯尼喀夫叛亂，攻擊政府之無能。勞兵會漸受其影響，幾爲布黨所左右，遂大倡共和制度採用之論。勞兵會並上書於政府，要求實行。初國體問題，擬十二月十一日，召集憲法會議，再行決定。至是迫不可待，政府決議採納民意，遂實行宣言共和制度之採用。是後俄羅斯遂爲民主國矣。

九月二十七日，復開國民大會，解釋克魯尼喀夫叛亂之事實；並提議重組聯合內閣，以鞏固政府之基礎。大會贊成。彼遂壓制布黨，與中產階級妥和。於十月八日，組織新閣，其人員如左：

內閣總理兼總司令克林斯克（革命社會黨）

海軍總長瓦敦威斯克 *Waldensky*（海軍將官）

內務兼郵電總長尼起亨（社會民主黨）

外交總長體拉斯根古（中產階級）

陸軍總長威母威斯克 *Verhovsky*（陸軍將官）

司法總長馬林達威克 *Malyantovich*（社會民主黨）

勞働總長古斯答夫 (Gusder) (社會民主黨)

教育總長薩拉西克 Salzeikin (獨立社會黨)

農林總長阿瓦克森的 (革命社會黨)

工商總長康納瓦拉夫 Konovalov (立憲民主黨)

食糧總長不拉考瓦維世 Prokovovich (社會民主黨)

財政總長卜納斯克 Bernazky (急進民主黨)

保安總長克世亭 Kishitin (立憲民主黨)

交通總長里卜羅法斯克 Liberovitsky (革命社會黨)

宗教總長喀達色夫 Kartashev (立憲民主黨)

會計大監督司米耳納夫 Sinitnov (立憲民主黨)

經濟會議議長德里西喀 Trechakov (中產階級)

(九) 臨時國會 內閣既成立，在憲法會議未開以前，當有臨時國會。十月十五日，發布臨時國會條例如下：

一、此會稱俄羅斯共和國臨時國會。

二、議員總數四百五十名，內由資產階級出百二十名。

三，以十月二十日爲開會期，於憲法會議開會一週前爲解散期。
四，費用定爲一七五、〇〇〇留，作爲臨時費。

十月二十日，俄臨時國會開會於馬里斯克宮。布黨大肆攻擊，謂由無責任之政府所開，爲不合法之集會。會場秩序大亂，遂紛紛退席，政府漸有不穩之象。

註一、本章節譯作元八世界大戰史下卷第一版八七至一五二頁。

第二十一章 俄羅斯第二次大革命

(一) 臨時政府之顛覆及勞農政府之組織 十月二十日，臨時國會退席。布黨根據勞兵會，運動顛覆臨時政府；遂於勞兵會內，設立軍事革命委員會，即軍革委員會。十一月六日，派員至俄都衛戍軍司令部，提議協力動作。衛戍司令部，允從軍革委員會司令官之命令。於是俄都士官學生及可薩克女隊，全部左袒布黨。七日，占領諸官署郵電局，封閉臨時國會，拘留各部總長。克林斯克微服出奔，僅以身免。八日，占領冬宮。於是臨時政府，完全消滅，大權悉歸於軍革委員會。解散臨時國會。新勞兵會長却羅茲克 (二) 通電全國，報告經過情形。列寧宣布此後應取方針三項如左：

- 一，新政府先終止戰爭，提議休戰三月。
- 二，以土地分配於農民。

三、講求現在國內經濟危難之救濟法。

在憲法會議未召集以前，先假國民委員會名義，組織勞動者及農民之政府。其人員如左：

總理列寧

外務却羅茲克

內務來考弗 Rykov

農務米里亭 Milintin

勞働喜列不尼可夫 Shihabnikov

商工納金 Nagin

交通里薩納弗 Lyazanov

文部魯納薩斯克 Lunacharsky

財政斯克瓦薩夫 Skvartsoff

司法奧不喀父 Oppkov

郵電阿威郎夫 Aviloff

食糧菲阿得郎威夫 Feodrovitch

陸海軍奧威生克 *Ovizenko* 克來林喀 *Krylenko* 得卜喀夫 *Dybenkov*

克林斯克逃至樸斯克弗 *Psokol* 發令討列寧派，自將向俄都進擊，一破布黨軍隊。是時非社會黨及社會民主勞動黨溫和派，誓不承認勞農政府。組織祖國救濟會，聯合諸團體，擬作克林斯克之內應。然克氏優柔寡斷，其參謀長以進攻俄都，事屬不易，欲與布黨妥和。布黨乘其不備，一擊破之。克林斯克，二次逃亡，至失踵云。

註一、氏著有 *Bolsheviki and World Peace* 一書，可爲參考，布黨外交方針，於此可見一般。

(二)單獨休戰及單獨媾和 克林斯克事雖失敗，但各政黨種種團體，仍不承認勞農政府。而各國亦視之如洪水猛獸，不與承認。列寧派四面楚歌，大權復移於中產階級之手。顧列寧手腕靈敏，利用下級社會之後援，與國內反對派以最大之壓力。十一月下旬，斷行單獨休戰。二十七日，俄全軍休止。一面通電各國下級社會，令各促其政府，與俄一致行動；一面於十二月二日，與德委員會見。俄提左列三項：

一、德占領里加灣及海峽諸島之駐兵須撤退。

二、雖與俄休戰成立，德亦不能輸送軍隊於英法方面。

三、議和須根據於不併合不賠償之要旨。

右條件德委員不與承認，談判破裂。至十二日，復重會見。十五日，結休戰條約十三項。休戰期間，至千九百十八年一月十四日正午止。當時奧、土、保三國委員，均曾參加會議。以俄舉國望和，若大旱之望雲霓，故不暇計

其利害。休戰條約既定，勞農政府於十二月二十二日，復與奧、德、土、保四國委員商議媾和條件。千九百十八年一月十五日，因同盟側領土處分問題，與羅茲克意見不合。十八日，宣告休戰條約無效。德軍於里加方面，又大進兵。時俄軍戰線已濫，不能再禦。勞農政府，至二十一日，又與同盟側開始協商。至三月一日至三日，成和約十四條如左：

一、締約國雙方，自此和好如初。

二、締約國雙方，均不挑撥人民，仇抗被占領地之政府，或國家之存在；並善視被占領地之人民。

三、締約國雙方，所協定界線以西之土地，前此屬於俄國者，自此不復爲俄國之領地。此西境界線，將由德委員會同勘定之。此項所指之土地，對於俄國，不復負有因舊日關係發生之義務；俄國不得干涉此項土地之內政；但許德與依該境內人民之意思，定其前途。

四、如本約第六條所指無更易，則德與尤於共同和局告成，及俄國完全解除動員時退出。本約第三條所指定界線以東之土地，俄國須儘速完全退出亞拉托良 Anatolian 各省，而交還於土耳其。耳得鄉 Erdshan 巴自姆，Batsun 卡兒斯 Kars 各境亦宜速由俄國退出，勿稍遷延。俄國並允不干涉上列各境國憲，與國際情形之改造；一任各該地居民，與其鄰邦——特如土耳其——協定之。

五、俄國完全解除動員，不稍遷延；新組軍隊亦在解除之內。俄國須將其各軍艦，移泊俄港，勿稍遷延。留泊

該港，至共同和議成立時爲止。否則立即解除武裝。敵對同盟國之軍艦，如在俄國管轄區之下者，當與俄艦爲同一之處置。波羅的海之水雷，須即行移去；黑海之水雷，亦視俄國權利之所能及，即行移去；商船之在此二海者，得往來自由，且當即復通航。關於商船航路——此須永久清除淨泊水雷諸規則——更由雙方委員會訂之。

六，甲，俄國允即與烏克蘭 Ukraine 媾和，承認烏克蘭與四同盟國所訂之和約，即行撤退駐烏克蘭之軍隊，停止挑撥運動。反對烏克蘭政府及公共組織，即行退出愛沙尼亞 Estonia 與利伏尼亞 Livonia 勿稍遷延。

乙，愛沙尼亞，以拉里他 Lartia 河東爲界綫。

丙，利伏尼亞東部邊界，穿貝浦斯湖 Peipus 與比斯柯夫湖 Pskoff 至比斯柯夫湖西南隅，然後向的維納河 Dvina 上利凡霍 Levenhof 方面過魯彭湖 Luban

丁，愛沙尼亞與利伏尼亞，須由德國警隊占守；至治安確保，秩序恢復之日止。

戊，俄國擔保開釋所拘之愛沙尼亞人與利伏尼亞人，並擔保兩地人之被流徙者歸途之安全。

七，波斯，阿富汗斯坦，均係自由獨立國。故協約雙方，皆允尊重其政治經濟之獨立及其領土之保全。

八，戰爭俘虜，須相互交換。

九、協約國雙方，均放棄戰費之賠償；如國家費用及因行軍所生之公私損害，即在敵境所有征斂之費，亦包在內。

十、十一、十二、十三、之諸條，均關係恢復交際事，且詳將來經濟關係之事。第十四條，為最後之條款，規定本約於兩星期內批准施行。

觀和約之三四六諸條，知俄國之屈辱甚矣。土耳其領土之被俄占領者，須即退出；而俄國領土之被德奧軍占領者，則大都不復為俄有矣。是德之此舉，可謂完全勝利。然因此德政府侵掠之志，愈暴露於世；德國民之與俄布黨抱同一主張者，反愈憎其政府，卒至革命。語云：將欲取之，必先與之。勞農政府之出此，謂之失敗亦可，謂之成功亦無不可。

- (三) 勞農政府憲法之精神 千九百十八年一月十八日，憲法會議開會。勞兵農會執行委員長宣言於左：
- 一、俄國為勞兵農會之共和國。中央政府及地方之政權，悉收集於勞兵農會及中央執行會之手。
 - 二、俄國勞兵農會共和國，以各民族勞兵農會之共和聯邦與各民族之自由同盟為根據，而建築於其上。
 - 三、廢止土地私有權，悉歸國有。
 - 四、設定勞動者監督權，以工廠、鐵路、鑛山為國有。
 - 五、公布勞動者義務制。

六、組織勞動者赤色近衛軍。解除資本階級之武裝。

七、排除祕密外交。獎勵全世界各國勞農間相互之交歡。主張非賠償，非併合及民族自決之民主的原則。

八、廢除對於小民族殖民地之壓制。贊同芬蘭獨立，波斯撤兵，及亞美尼亞自治之聲明。

九、廢止一切國內公債及外債，概不償還。

上述諸條，求該會承認，該會議員，舊派占多數，竟以二百七十三對一百四十票之大多數，通過否決。

十九日，勞農政府，即下令解散該會，不再召集。以後勞農政府憲法，一切均本是宣言云。

(四)勞農政府之莫斯科遷都及廢帝尼哥拉之處死。勞農政府自與同盟國單獨媾和後，俄都彼得格勒

Petrograd (即聖彼得堡對德宣戰後改今名)密邇德境，恆受牽制。三月十四日，遂開大會於莫斯科，決議遷都於此。邇後莫斯科遂為勞農政府之都城矣。

先是去年八月七日，臨時政府將廢帝尼哥拉，密送於西伯利亞之托波兒斯克。Tobolsk 十九日，出之於

一寺。後八月下旬，開莫斯科大會，發現復辟陰謀，遂又遷帝於烏拉山東麓之伊喀體林堡。Ekaterinburg

至千九百十八年七月十六日，以發覺廢帝奪取之陰謀為口實，遂就地處死刑。帝即位於千八百九十四年十一月，身為二十三年之大皇帝，今告其終，亦可慘矣！雖然，非此不足以警各國之專制家也。

第二十二章 千九百十六年西歐陸戰之概況

(一)瓦登之攻防戰 去冬俄軍敗退於里加灣至羅馬尼亞國境線上。塞爾維亞及門的內哥羅軍，亦竄於亞爾巴尼亞境內。連勝之德軍，於千九百十六年初，移於西戰場，與法軍作最後之決戰。先集大軍於瓦登前面，二月二十一日，開始猛攻。當時普魯士皇太子率軍七師，而埃耳 Heine 將軍麾下之法軍，僅有三師。寡不敵衆，連戰連退，至二十五日，援軍到齊，法軍士氣大振，德軍之鋒頓挫。至三月上旬，變其陣容，德軍中挾馬斯 Meuse 河，張其右翼至馬魯達木；左翼至杜門， Douaumont 復事攻擊。法軍應之，血戰激烈，德軍勢挫。其後四五兩日，瓦登附近，日夜大戰；慘淡之情，難以筆述。德軍遲遲不進，直至五月下旬，幾經爭奪，杜門遂爲德軍占據；爾後連勝。至六月下旬，奪布里屢 Bourrus 堡壘，距瓦登僅四哩許。瓦登街市，礮彈如雨，幾有不保之勢。

(二)塞母 Somme 河畔之會戰 此時英法聯軍福煦元帥等，欲救瓦登之危，乃集大軍於塞母河南北。適是時德軍調西戰場七師團，輸送東戰場，以防加里西亞方面俄軍之進擊。法英聯軍，遂乘機於七月一日，開始攻擊，奪取敵第一線陣地。邇後累進，致德軍不能攻圍瓦登。一時戰場，又移於塞母河附近矣。英法軍續行進擊，附近諸村落相次陷。八月十五日，英軍用達克（一種裝甲車）與德軍戰，大勝之。九月十五日，遂奪孔不來 Combrès 要塞，德軍防戰之第一重地陷。其後聯軍進於要塞東方，擬作大規模之攻擊；但以彈藥補助之必要，遂於十一月中旬，停止進行。計德軍在瓦登附近，損失五十萬人，是戰亦損失六十萬，可謂大犧牲矣。

(三)法軍瓦登諸堡壘之奪回。塞母河畔勝後，法軍調大部於瓦登方面；時德軍敗後，戰氣大減。十月下旬，法三師團開始攻擊。十一月上旬，奪回杜門諸堡壘；至十二月中旬，德軍退至二月二十一日以前原陣地。五十萬頭驢，空擲去矣！

第二十二章 千九百十六年東歐陸戰之概況

(一)俄軍西南方面之攻勢。去年六月後，俄軍受同盟軍一大打擊，及至年終，漸復瘡痍。十二月下旬，於達納堡 Tarnopol 及薩饒威次附近，決取攻勢。但長期敗後，固不能元氣盡復；且前方奧軍，抵抗強硬；故俄軍攻勢，終無進步。至千九百十六年一月上旬，遂終止攻擊。

(二)納拉西（距威祿納不遠）湖附近俄軍之攻勢。是後俄軍移於納拉西湖附近及里加南方一帶。於三月中旬，再轉攻勢。然前方德軍強大，陣地固守不能下；至本月下旬，天氣漸暖，積雪融化，不能進攻。俄軍又歸失敗。

(11)布魯西郎弗 Brusilov 軍之大攻勢。俄軍艦於一月至三月之攻勢不成，擬對羅馬尼亞，促其最後之決心，決行全線總攻擊。預備不少懈，五月中旬，意奧方面，戰爭緊急。奧以東部兵力，送於西南。時布魯西郎弗將軍，新代宜萬納為俄西南軍總司令；見有機可乘，遂下令北自不里卜 Pripet 河南至羅馬尼亞全線，開始總攻擊。時六月上旬也。

同盟軍以俄軍久敗，輕之。而布魯西郎弗，西進如迅風疾雨，兩翼尤著奇功。八月中旬，右翼進至斯他喀德河 Stakhof 左岸，左翼略布克維納全土。一部且占領加白尼亞山要地，侵入匈牙利領內。德軍屢派援軍至，而俄軍勢不少衰。

(四) 羅馬尼亞之宣戰 自三次巴爾幹戰爭以來，羅馬尼亞儼然爲半島之盟主。常懷自強之志，而國人之受治於俄之貝薩拉比亞州，及奧之達琅西里瓦尼亞州者，咸蠢然思脫羈轡。國中執政，亦分親奧親俄親德諸派。然自開戰以來，常保中立態度。奧擬假道以救土，而羅拒之；俄欲越境以攻保，而羅亦拒之；蓋視戰局之推移如何，而始表明其態度也。當德軍最盛之時，親德派大形活動；千九百十六年五月，德羅締結交易新條約，以穀類馬糧，供給德奧土等國，漸有親近同盟方面之勢。及見俄軍獲勝，羅之態度再變，又親俄矣。同盟軍知其然也，故奧增兵羅境近旁以威嚇；保之軍隊亦集中於是，以監視其舉動。其後俄軍屢破奧勢，塞英法意亦敗保兵；西歐戰場聯軍，亦有捷報。羅馬尼亞既不願終於局外，又不能終於局外，故毅然加入聯軍方面。八月二十七日夜，羅與宣戰。羅國人口，約七百五十萬，自稱羅馬人 Romans 後裔。在羅馬全盛時代，移居此處，與意大利有歷史上之關係，故交誼甚篤。今次對於歐戰，亦取同一態度。然千九百十五年五月，意大利對奧宣戰，而羅不卽加入者，有二因焉：一，以東西戰場同盟軍屢次獲勝，若真宣戰，國家地位，恐甚危險；故對德與虛與委蛇。二，以兵器軍需，均甚缺乏；羅本小國，其兵工廠，火藥廠，規模極小，火礮全部，購自德國；若真宣戰，

則來源絕矣。即八月加入，其軍需品及戰費一部，亦係聯軍補助；非然者，羅亦不敢公然反抗德奧也。羅既宣戰，同盟軍勢更險惡。幸俄軍兵器彈藥，漸告缺乏，故戰況沈滯。邇後作戰中心，將移於羅馬尼亞戰場矣。

第二十四章 千九百十六年意奧國境方面陸戰之概況

(一) 突蘭方面奧軍之攻勢 開戰以來，奧軍以全力集注於俄塞兩方面於意大利方面，僅以最少兵力，但取保守。故伊薩孫河及突蘭方面，若干土地，多委敵手。千九百十六年初，以前年秋季，對塞軍作戰，既已告終。德軍即輸送西戰場作瓦登總攻擊；奧軍則注於意境；於突蘭方面，開始攻擊。二月以來，即已預備。

五月，奧以十餘師團，集中於突蘭全線。左翼至蘇格那 *Sugana* 溪谷，右翼至格達 *Garda* 湖邊。十五日，實施攻擊。中央軍於阿斯體喀 *Astica* 河谷方面，雖頗勝利；然兩翼受意軍強硬抗拒，毫無進境。邇後意之援軍，源源而至。六月中旬，反為攻勢。會本月上旬，加里西亞方面，俄之布魯西郎弗軍，長驅前進。故奧軍於意大利方面，不能進攻。本月下旬，退至後方陣地。

(二) 伊薩孫河方面意軍之攻勢 先是意軍擬本年春季，於伊薩孫河方面，決行總攻擊。奧軍先發制人，於突蘭方面，首先進攻。意軍遂不得已，暫緩其計。六月下旬，奧軍既已終止攻擊，意軍遂輸送大軍於伊薩孫河方面。八月四五兩日，至蒙福耳格東方高地，行牽制攻擊；六日，全線行總攻擊。是夜，易以步兵，激戰兩日；九日，

占領格里細亞 Gorizia 橋頭堡。奧軍不得已，退於後方預備陣地。

第二十五章 千九百十六年巴爾幹方面陸戰之概況

(一) 門的內哥羅亞爾巴尼亞及塞羅尼加方面之戰況 去年十月，塞門軍連敗於同盟軍。塞境全被占領。殘軍退於亞爾巴尼亞箇內，勢益不振。門的內哥羅於北東西三面被圍，首都西德耶 Cetinje 將不保；及千九百十六年一月二十五日，遂以無條件降服，解除武裝。

時塞軍屢受保軍壓迫，亞爾巴尼亞大部，亦委敵手。塞軍逃於喀路夫 Caruf 島。亞爾巴尼亞受意軍援助，僅得保有阿威郎納 Avlona 一部而已。

上陸於塞羅尼加之莫法聯軍，以去年塞軍大敗，亦退於塞羅尼加北方陣地。自本年四月下旬以來，頻增援軍；喀路夫島之塞軍，亦編成六師，輸送於是面。遂有反擊之機。是後大軍經希臘及德衣拉 Dairan 湖，進至保加利亞國境線上，十月，與羅馬尼亞軍相應；十一月，回復塞國南境之門那司的耳 Monastir 要塞。

(二) 羅馬尼亞國境之戰況 羅馬尼亞全軍二十三師，別爲四軍，一方得俄援軍，擬侵入達琅西里瓦尼亞；同時備兵於多瑙河沿岸，及杜不魯加 Dobruja 方面，對同盟軍作戰。同盟方面，以保加利亞軍爲主力，更加以德奧土軍，共擊羅馬尼亞多瑙河及杜不魯加兩方面之兵。以德之麥克森將軍指揮之。更由各方面集軍十五師，以擊達琅西里瓦尼亞對面之羅馬尼亞軍。以德前參謀總長法魯克哈 Falkenhayn 將軍指揮。

之。

已而羅軍躡國境山脈，侵入達琅西里瓦尼亞；後爲法魯克哈軍追擊，退回國境。德軍亦同時進至羅國西部瓦拉基亞，逐日東進。同時杜不魯加方面之俄羅聯軍，亦爲麥克森麾下一軍所敗，並以一部渡多瑙河，與法魯克哈軍相應，迫首部布克哈拉司的。Rukharest 羅政府亟遷都耶塞，Jassy 連戰連敗，士氣頓衰。十二月六日，布克哈拉司的遂下。是後巴爾幹方面，同盟軍五十萬，悉由麥克森將軍指揮，續行猛追。十二月下旬，進至西來的 Serehi 河線。參戰後僅四月，羅國境內大半，舉爲同盟軍所蹂躪，慘矣！

第二十六章 千九百十六年亞洲土耳其方面陸戰之概況

(一) 高加索方面俄軍之攻勢 千九百十五年一日，高加索方面之俄軍，大捷於薩里喀米斯方面；與土軍對峙於國境附近。同年九月，尼哥拉大公及高加索總督，至此巡視，軍氣又形活潑。整飭預備，以待來春冰解，即行總攻。會年終土耳其軍，以高加索駐軍一部，調至美索不達米亞。俄軍乘之，不待冰解，於千九百十六年一月中旬，冒雪前進，踏破亞美尼亞之險山峻嶺，開始進攻。二月十六日，下亞美尼亞首府伊爾塞倫。至八月，進至北自黑海岸德里比霜，Trebizond 經過伊爾塞加，Erzinjan 模須，Mush 南至比德里斯 Bitlis 之一線上。時適土軍於加利波里作戰告終，援軍頻至；而羅馬尼亞參戰後，國境受敵。俄軍以一部援羅，此方面戰況遂沈。

(二)美索不達米亞方面之戰况 千九百十五年，連戰連勝之英軍，十一月下旬，於喀德西豐 Ctesiphon 一戰，敗於土軍。退歸阿馬拉，固守陣地。然英僅六師團，寡難敵衆；及土軍追及，遂陷於重圍，內外斷絕。英政府派二師團來援，會天大雨，河水氾濫，進軍不易。英軍被圍百四十三日，彈糧俱盡，兵士傷亡過半。餘九千人，遂降於土軍。

(三)塞奈 Sinai 半島方面之戰 塞奈半島之土軍，自去年二月後，久不活動。至千九百十六年一月，英法聯合軍，共撤退於加利波里島，土軍始有攻意。及高加索方面，俄軍活動停止，八月上旬，土軍始攻伊爾喀提 El-katia 附近之英軍陣地。爲英軍反擊，無功。準備間，已至年終矣。

第二十七章 阿非利加方面陸戰之概況

(一)加麥倫之攻略 加麥倫位於非洲西部，德之殖民地也。東南臨法領剛果，近年敷設鐵道，不亞於英領南非。歐戰既起，德人無暇外顧。千九百十五年八月五日，法大佐余丁 Hurin 率軍占領前四年法割與德國之本加 Bonga 是後英法聯軍，頻擊德領加麥倫，守軍抵抗強硬。然寡不敵衆，援軍又無望至。故千九百十六年一月八日，該地遂爲聯合軍所有。

(二)德領東非之占領 德領東非北界英領東非，西接比領剛果，南連葡領莫三鼻給，東臨印度洋。面積九十四萬平方起羅米突，人口千萬。是地共德本國兵六千，土民兵七千，於千九百十四年八月，歐戰開後，亦行

出擊，與英軍屢有衝突。及千九百十六年春，英軍始開始攻擊德領東非；比葡兩國軍應之，連戰連勝，所向無前。至八月下旬，迫印度洋岸之達魯衣薩拉木 Darus Salaam 城。英海軍亦自海攻擊。九月四日，德軍不能守，遂下。自後德軍陷於四面楚歌之中。半世紀來，慘淡經營之東非殖民地，遂歸聯軍所有矣。

第二十八章 北美合衆國之參戰

(一) 合衆國之宣戰 當德無限制潛艇政策宣布以前，美總統威爾遜 Wilson 曾提出和議之勸告，繼之以在上院之演說。其演說主旨，極足以聳動世人之耳目，今人必多記憶。曰：「如欲世界和平，得永久之保障，美國不宜置身其外。然欲美國加入爲世界和平之保障，必此保障之和平，合乎美人重正義人道之本旨。」

(二) 寥寥數語，已表明美人之主旨矣。今次宣戰，卽本此數語。一則曰爲人類之自由計，再則曰爲世界之人道計；堂堂之陣，整整之旗，其自信之強，抱負之大，殊可欽佩。然此亦表面上之理由耳，若其決行加入戰爭，固別有真因之存在。今爲簡括之說明，則其隱於裏之重大理由，蓋有五端：查美國輸出品，千九百十四年一月起，七月止，爲十一萬七千八百六十七萬六千圓。千九百十六年，同時期內爲二十八萬九千二百七十一萬二千圓。蓋自開戰以來，交戰各國，糧食軍需，以及日常用品，求過於供。因之美國之田野，礦山，工廠，出產額驟增數倍；故輸出額驟增十七萬萬圓。觀此則美國既因歐戰而暴富，其結果必至一般國民，流於奢侈，失其勤儉之美風，且人心漸就弛緩，是不可不謀處分之法。使其溢於國內之資金，得由增稅募債以充國內之正用；

並得投資於海外。惟加入戰爭，則軍備造船及其他諸事，均足爲溢出資金正當之使用，且可公然以此資金，貸於英、法、俄、意等交戰各與國。此關於處分資金不得不參戰者一也。美本新大陸，居其地者，雖以英之清教徒爲最多。然歐洲各國之殖民，亦究甚衆。統一之國民性，素所缺乏。然欲造一鞏固之國家，不可不有以聯合而統一之。故借對外之名，刺戟國民之敵愾心，養成國民之愛國心。此關於國民統一不得不參戰者二也。夫美國者，乃合獨立之四十八州而成之合衆國也。獨立之初，各自爲政。自華盛頓爲總統後，始建中央政府。然是等諸州，均各保其絕對之權力，恰如封建時代諸侯之狀態。中央政府，無制御之能力。值此國家主義盛行之際，則中央集權，寧可稍緩。況地方政府之強大，在外交軍事上之措置，至爲不便。中央政府，不可不有統率國家全體之權力。因是美之政治家，咸大聲疾呼；然平居無事，何以實現？惟斷行加入歐戰，則可利用此機，以實行之。此關於中央集權不得不參戰者三也。(二)

美前總統羅斯福一派，專講武裝平和，換言之有傷於平和者，即以武力對待之。羅氏之言曰：「使吾美無故而迫於戰爭，則吾望國民，必如比利時人之盡力。」(三)蓋無故者，即戰意不在美而受強迫之謂也。今潛艇擊沈美商，寧非破壞中立？比以彈丸小國，尙能抵死防禦，堂堂之美，豈甘受此政府即能忍，如羅氏一派國民，亦不能忍。此關於輿論民情不得不參戰者四也。美之孟祿主義者，即美人之美洲，不容他人置喙之意也。然自美西戰爭以來，其範圍益加擴大，漸有趨於世界方面之意。故自歐戰發生以來，即竭力擴張海陸軍備。千九百十六年八月二十九日，頒布海軍預算案，建造戰艦一

百五十六艘，撥國庫十餘萬萬圓，期於三年內造成。歐戰方息之際，美國乃有此舉。稍悉世界大勢者，當能探其內情。其總統威爾遜氏之演說於上院也，固在潛艇政策實行之先。然彼有云：「以吾美之孟祿主義，行於世界，則最相宜。」^(四)足見美之欲戰，固有成竹矣。此關於霸國主義不得不參戰者五也。有此五因，即德不行其潛艇政策，美亦終難袖手。欲加之罪，何患無辭？苟為利害所驅而欲參戰，則尚患無借口者耶？特早晚之關係耳。德之潛艇，自開戰以來，屢有所聞；唯其封鎖範圍較小，不為世人注意。自千九百十七年二月，封鎖區域更加擴大。在德人之意，不過欲使中立國船舶，因此危險，減少其對於聯軍各國之交通。孰知以此竟惹世人之注目，美洲各國，竟起而加入戰爭矣。千九百十六年五月七日，德潛艇擊沈英船露西尼亞號，溺死美人百餘。美政府對德抗議，德政府反駁之，交涉甚久。美之主張，以露西尼亞為旅客船，其載客中，與戰事毫無關係之多數美人，均被擊沈，為妨礙公海自由，蔑視人道正義。德之答辨，則以英迫德人，使陷飢餓，德人對之為防禦手段，乃用潛艇攻擊；若英人棄其迫餓德人之方法，則德人亦當棄其潛艇政策。曾以此意表示於英，而英人不顧，封鎖益嚴；且使商船為武裝以擊德艇。德人不得已，因出此最後手段。美以自殺人而嫁禍於英為不當，且飢餓問題，乃英德兩國間事，何干於美？爭議未決。德乃商妥協之法於美，將來美船之適法航行者，及美人之乘入中立國船舶者，不加危害；德政府保障之。且為美之航行大西洋便利起見，美政府可將中立國船舶若干隻，置於美國國旗之下。若中立國船隻，不能得適當之隻數，可以敵國客船四隻，懸美旗航行。斯議漸

有頭緒，而德政府忽爲新潛艇封鎖之宣言。對於中立國船舶之航於封鎖區域以內者，爲無警告之攻擊。美政府聞之大怒。德國公文以一月三十一日送交美政府。聲明二月一日起，實行潛艇封鎖。美國現在停泊英法之商船，限五日內離歐。美政府接到公文後，以前事未了，今又出此苛奇之宣告，實屬蔑視公法，違反人道。遂由國務會議議決，與德國絕交。三日，總統威爾遜赴兩院報告交涉經過，且宣布絕交之理由。同時由外交部送致德大使護照，請其歸國。一面電令美駐德大使歸國。復將交涉始末及美國所取手段，通告各中立國。

(五) 四月五日，復對德宣戰。蓋絕交之初，預備未充，不得不稍事遷延。其實絕交之日，即決定宣戰矣。合衆國宣戰後，南中美諸小國多隨之；然僅絕交，而不宣戰者，占大多數。

註一、四、愚見滄海引之，見所著廿世紀世界之大變化，太平洋一卷三號。

註二、參觀去年日本太平洋雜誌，忘其號數。

註三、見所著 *America and the world War*, p. 61.

註五、參觀東方十四卷四號對德絕交之經過。

(二) 參戰後之施設 合衆國既對德宣戰，乃布種種法令及種種新施設。茲擇要分述如左：

一、徵兵法案之發布 合衆國陸軍甚少，對德宣戰，必須出兵西歐。四月五日，提出擴張法案於議會，中經許久曲折，於五月十七日，始得兩院可決。即除舊有正則兵外，增設陸軍五十萬，用徵兵法，以各省人口

多寡爲衡，以定所徵之數。年齡則自二十一至三十歲，均爲受徵之期。以合衆國向重自由之國，忽有徵兵之令，各國爲之大奇。

二、國防會議之成立 戰後特設機關之最重要者，厥爲國防會議。厥初僅陸軍卿以下國務員六人，及民間有力者組成之，共十六人。其後規模漸大，各設分科；至七月中，增至四百餘人。國防大計，均由此會決定。此中附屬最要機關，卽戰時產業局。設局長一人，其所掌事務如左：

一、關於軍需品購買契約事項。

二、軍需品購入，講求相當價格，豫防過騰之弊。

三、爲達戰爭目的，而設產業工業等事項。

四、調查管理勞動狀況等事項。

各省並分設國防會議，與本會聯絡。

三、公報委員 參戰後卽設立此機關，以國務卿海陸軍卿及文官一名組織之。其目的卽發行官報。一面預防機密之洩露，及不利消息之傳播；一面開導人民，對於必要事項，努力進行。日日發行，不收代價。

此外如船舶局，航空局，戰時通商局，食糧局，及經濟局等，均爲戰後新機關。以無關緊要，故不述其內容。

第二十九章 中國之參戰

(一)中國之宣戰 世界大國，繼美而對德宣戰者，則吾中國。吾國之宣戰也，持人道說者謂德國背人道，反正義，故凡屬國家，爲文化計，不得不起而抵抗之。是說也，猶宋襄之仁。夫人道正義云者，特外交上表面之名辭耳，若竟持此以爲根本計畫，則亦不知外交爲何物耳。今姑讓一步，以人道說爲是，然違背人道者，又豈德人耶？謂德之潛航艇，無警告擊沈船舶爲不仁，謂德之虐待比利時塞爾維亞人民爲不仁，謂德之通過比利時盧森堡爲無公理，誠有之。然協商國又何以勝彼英之進兵希臘，與德之進兵比盧，有以異乎？英之宣布將以飢餓屈服德國，禁絕糧食入德，其視德之待比塞人民，有以異乎？同是爲己利益而出種種卑劣手段，有何人道可言？謂吾國加入爲人道者，此其不通至矣。持主權說者謂德國蔑視中立國家之人格，違害我中立主權。此說尤覺靦顏。蓋俄、英、法、日諸國，侵我主權，殆有甚焉者，不知凡幾。往者無論矣，歐戰初開，日本攻圍青島，卽自龍口登岸，犯我濰濟。我政府何以密爾耶？民國再建，法人尙越界捕我巡警，強占我老西開。我政府何以不宣戰耶？國家主權，誠爲不可放棄，爲主權而犧牲一切，誠爲天經地義。如比利時之誓死不屈，固可深佩；若吾中國，尙未足語此也。持復仇說者謂德國借殺害教士之名，佔吾膠州，卒以九十九年之租借，交付德人。此其爲罪，固不能駕於他國。然德以過去論，實可謂之侵犯中國最淺野心最小者。以割地言，則中國已割黑龍江沿岸最豐饒之地於俄；割緬甸香港於英；割安南於法；割台灣於日；而德無有也。以租借言，則英佔九龍，威海衛，法佔廣州灣，俄佔旅順，大連，又轉讓之於日。論勢力範圍，則英括西藏四川及揚子江流域，約占中國全

國幅員之百分之二十八；俄括外蒙，新疆，北滿，約占百分之四十二；法括雲南，廣西，日本括南滿，東內蒙，山東，福建，均在百分之五以上。至於德國，前雖樹勢力於山東，不過中國全國幅員百分之一；以視英、俄，曾不及其三四十分之一。即法與日，亦數倍之。然至歐戰開後，並此區區，亦奪於日本。使吾國果欲復仇，則開戰之初，何以不攻取青島？目的物已歸人掌，而空言復仇，寧非無味之至耶？持便利說者：謂聯合國既欲我參戰，我弱國也，烏能避免？不如順勢而行，可沾餘利；而不然者，中國且爲希臘之續。然吾國果非自主國則已，中國而爲自主國者，即不能專順他人之指導；況希臘之中立被侵者，以聯合國軍攻保、救、塞，最感便利；亦如德國破比中立，同一宗旨。若吾中國既不當其衝，絕無此虞。日人之攻青島，已犯吾地，何以彼時不順便加入。寧有中立破壞，已經三年，而始覺可懼之理耶？持以上諸理由，非表面不關痛癢之言，即犯普通神經過敏之弊。余今一言以蔽之曰：吾國加入，亦爲利害關係耳。凡一事之行，絕無有弊而無利者；亦絕無有利而無弊者。唯權其輕重而行之耳。我國加入戰爭，害固未嘗不有，特利最多。吾請分條言之：吾國向來不受一般國際法之支配；今乘此機，與列強並駕齊驅。從此吾中國亦得入於歐洲國際團體，不至事事受制於強鄰；並可爲撤回法權之先聲。其利一。中國國民，多無識者；由排外而懼外；由懼外而尊外；幾視深眼高鼻者，爲天人不可幾。及參戰之後，使知彼此人種，非甚懸殊。吾國人亦可與彼族抗衡。其利二。戰爭之於社會，猶運動之於人身；人身久不運動，則覺遲頓；國家久不戰爭，亦顯凝滯。况世界文明諸國，每經一次戰爭，其社會，其學術，必有進步。吾人加入歐戰，

不獨以黃奴之血，點染莊嚴燦爛之歐洲，爲一快舉。而出征軍人所得之知識及國內因戰爭所獲之思想學術進步，必有可觀者。其利三。吾國欲生存於世界，非講教育實業無由。然國家財政，如此困難。教育實業，何由興起？欲整頓財政，以今日羣小割據，蠻軍徧國，談何容易？若加入歐戰，則以緩賠款，大借款，改正關稅，輸出軍需等等，或可得財政之補助。其利四。吾國自共和改建以來，黨爭甚烈，倘有對外戰爭，各黨分子，理當捐棄私憤，互相提攜。蓋食毛踐土，具有天良。自非木石，何能忘情於國？是對外宣戰，便可對內一統。其利五。嗚呼！孰知此言，竟成理想。絕交以來，不但不能統一黨見，而竟以此南北分裂。一段傷心史，請略述之。德國新潛艇計畫之公文，於二月二日，由駐京德使，送達我國政府；四日，駐美公使顧維鈞，以美德絕交事，電告政府。同日，駐京美使芮恩施，Rainsch，奉美政府命令，通牒我國政府；述美政府之意，勸告中立諸國，與德斷絕國交。英法公使，亦向我國條陳；而德使則竭力爲勸告中立之運動。經政府迭開特別外交會議，籌商善後之策。當時與議者，除全體國務員外，爲陸徵祥，汪大燮，曹汝霖，蔭昌，王寵惠，梁啓超等，均列席焉。會議數次，至八日決定對德提出抗議。翌日，由外交部致送抗議書於駐京德使。意謂貴國新潛艇政策，危及敵國人民之生命財產，實屬違背國際公法之本意。茲爲尊重中立國之權利，維持兩國親善起見，期望貴國政府，勿實行此新戰策。若事出望外，此抗議竟歸無效，使敵國不得已而斷絕兩國現存之國交，實屬可悲。同日復以對德抗議事，電告美政府。並通告各國駐京公使。翌日，參衆兩院，各開秘密會。國務員全體出席，報告其事。然抗議去後，德政

府遲遲未復。而協約國駐京各公使，則屢向政府陳說，勸誘我國加入協約國。並稱極願扶助我國。加入以後，如改正關稅，收回治外法權，緩付賠款諸問題，均可商議。唯美使則勸我慎重加入，當與美一致行動。政府迭經會議，竟未解決。然抗議書中，既有不得已將兩國國交斷絕之語，則除德政府取消新潛艇政策，則絕交一事，殆必不免。三月九日，段總理宴國會議員於迎賓館，疏通對外意見。十日午後二時，參眾兩院，各開秘密會。國務總理段祺瑞，偕外交部參事伍朝樞等，先後出席於兩院。報告外交經過，並述對德絕交之不得已，請兩院表示贊助之意。眾院經討論後，投票表決：同意者三百三十一票，不同意者八十七票，以大多數決定贊成。參院因討論過久，爲時已晚，未及表決。於翌日繼續投票：結果同意者一百五十九票，不同意者三十五票，亦以大多數贊成。而十日午後七時，駐京德使，已以德國政府覆文，送達外交部。(一) 語無成效。政府接覆文後，以德國仍不取消封鎖戰略，卽爲抗議無效。遂於十四日，宣布與德斷絕邦交。一面給與德使及各領事護照，令其出境；一面電令駐德公使顏惠慶，向德政府索取護照歸國，並由大總統將與德國絕交情形，告示全國。(二) 吾國對德絕交之初，則約與美取一致行動。美既於四月五日對德宣戰。我政府亦擬追隨。五月一日，國務會議議決對德宣戰。七日，送咨文於眾議院。據約法第三十五條，咨請同意。眾院接到咨文後，決定十日，開全院委員會，然議員多私議不贊成宣戰者。至十日，遂有公民團包圍議院，毆打議員等事。本日本未經開議。復經國務院於十五十八兩次咨請眾議院從速議決。議員褚輔成動議，謂閣員辭職者甚衆，(三) 不如暫行

緩議，俟全體內閣改組，再行討論。當經多數表決，卽以此意咨復政府。後屢經疏通，均無效果。二十三日，段總理免職之命下，而戰事遂破裂矣。邇後浸假而督軍會議矣；浸假而張勳進京矣；浸假而國會解散矣；浸假而宣統復辟矣。奇離恍惚，厥妙莫明。段祺瑞以討賊之勳，復任總樞。卒貫澈其主張，於八月十四日，布告對德奧宣戰。顧南北分離，日圖對內。空言宣戰，不出一兵，遂致列強蔑視，友邦怨我。論者對於此事，或專咎段祺瑞，或專咎國會。愚以為雙方均有誤謬，請申言之。各國會者曰：絕交宣戰，自然相爲聯繫。國會對於絕交，既已通過，而對於宣戰，不宜瞻顧徘徊，運動不與通過。然誠如斯語，則絕交必須宣戰，而徵諸歷史，只於絕交者，例亦不鮮。英國與南美委內瑞辣共和國，因境界爭議，斷絕外交關係者逾十年。卒以千八百九十九年之巴黎仲裁委員會，判斷了結，並未宣戰也。^(四) 千八百九十一年，意大利政府以美國新俄蘭州虐殺意大利人事件，要求美政府處辦。條件不遂，憤而與美絕交。卒以美政府承認賠償了事，國交復舊，亦未至宣戰也。^(五) 此外則同年有希臘之對羅馬尼亞絕交；^(六) 千八百三十四年，美國對法國絕交；千八百五十八年，美國對墨西哥絕交；^(七) 卽此次戰爭，對德絕交而不宣戰者，亦有數國。由是以觀，絕交與宣戰爲二事，已可概見矣。贊成絕交而不贊成宣戰，亦非不可。唯絕交一層，國會並無通過之必要。美之成例，已可考見。政府提咨國會，無非尊重民意。國會諸公，果屬有知識者，卽當咨復政府，隨意處理，本院不能取決。斯爲正理。然政府率爾提之，國會率爾受之，是誠可笑之尤。及以宣戰案提交後，議院諸公，無論贊成否決，均當速行討論。外交緊急之事，一舉

而國家存亡繫之。此何事耶？而必待緩議，甚至四出運動，借此倒閣。倒閣則提出不信任建議可矣，何必以此不然？對其政策，不與以通過，則總理自然辭職矣，何必緩議？公民團之包圍，固主使者之過，然亦議員自取之也。反之，各段祺瑞者，以爲借外交之名，實行壓制之實。公民團包圍於先，省軍團恐嚇於後。大丈夫行事，磊磊落落，既不能行其政策，當求自去，何必如此？即不然，自信政策必可救國利民，則議院不與通過，解散之可也。雖曰臨時約法，無解散權之規定；然果政策得勝，必能招國人之原諒，何必以此秘密手段，迫害國會哉？斯言也，固至有理。然試思果真出此解散之命，總統能否蓋印？即蓋印矣，解散矣，南方及舊國會議員，是否服從？其結果南北分立，仍如今日。故上所言，亦理想耳。愚所怪者，段祺瑞二次歸任，實行宣戰。當此之時，應俯心調和，期於共同對外。然借款招兵，至一至再，並改造國會選舉法，另行召集新國會。南北統一，至今爲梗。非彼之咎，將誰歸？即曰俯首降心，南方仍屬強硬，則引咎自退，第三次何必再作馮婦？彼必曰，貫徹宣戰主張，籌畫出兵也。然所出之兵，除對內外，歐洲境內，果有中國一人耶？是其三次歸來，別有用意。是本講學之旨，對於雙方均無偏袒。唯見俄國宣戰，則大同盟之罷工息；英國宣戰，則內政之問題止；德國之宣戰也，社會黨議員，百餘席無不贊成；意國之宣戰也，國民自由黨一派，均放棄其主張；他如各國宣戰後，莫不舉國一致。獨吾國絕交之先，表面尙歸一致；絕交之後，則兩派妄加揣度，卒至南北分離。至今歐戰已停數載，我國尙未統一。吾言至此，不得不求國民之一反省矣。統觀四年來，國中內亂，雖有種種原因，然其導火線，實爲對德宣戰。吾國對於

歐戰，雖未直接損失；而間接損失，亦非淺鮮。使協商各國，猶欲以正義人道爲戰爭招牌，則吾國所受不平等的待遇，當然取消。而今如何哉？

註一、文云：中華民國政府，抗議德國新近宣言之封鎖政策，而附以威嚇。帝國政府，曷勝駭異。蓋其他各國，僅僅提出抗議。中德邦交，素號親睦；且中國於封鎖區域以內，並無航業利益。則德之政策，於中國毫無影響。乃今於抗議之外，獨附威嚇之辭，以增抗議之力，是尤不能不令人驚詫也。民國政府之抗議書中，謂華人因戰事而喪失生命者，已屬不少云云。然須知民國政府，絕未以關於此種損失之事實及申訴，通知帝國政府。而就帝國政府所得報告，則知華人之喪失生命者，僅受人雇用於前敵，開掘戰壕及其他充當軍役之輩。蓋若輩已不啻爲戰鬪員，因以冒此危險也。帝國政府，嘗一再抗議運送華工赴歐，充當軍役。是德國卽在此次戰事中，亦未嘗不示中國以友誼。而帝國政府，卽因顧全此友誼，故以此種威嚇，爲非出自正軌。因望民國政府，改正其見解。帝國政府，願於其航業利益，力加注意。以此之故，德國今雖不能於敵人宣告封鎖之後，取消其政策，而禁止實行無限之潛艇戰爭。然已準備磋商民國政府，關於保護華人的生命財產之特別願望。帝國政府，如此對待友邦者，蓋僅依其平日見解，以爲中國若與德國斷絕友誼，則將失却一眞摯之友而陷於糾結不解之局也。

註二、參觀平佚君對德絕交之經過，見東方十四卷四號。

註三、公民團包打議會之夕，谷鍾秀張耀會等，即提出辭呈。

註四、詳見 Cambridge, Modern History, Vol. XX II P. 687-688.

註五、見 Stowell, International Cases, Peece P. 244-270.

註六、同上 P. 135.

註七、見 American Journal of International Law Vol. 10, No. 1, P. 117.

(二)參戰後之施設 吾國既宣戰，初本圖出兵疆場，故有參戰督辦處之設立。督辦直隸於大總統，總理國防參戰事務。內設參謀，外事，軍備，及機要四處。各設處長一人，規模甚大。此外附於院部者，尚有各種新機關，茲分述如左：

一、屬於國務院者。管理敵國人民財產事務局 僑工事務局（以上皆設總局於北京分局於各省）

遣送敵人事務所（設於上海）

二、屬於內務部者。特別區管理局 指定敵國人民移居地管理處

三、屬於陸軍部者。俘虜情報局 外交事務處（以上設於部內） 俘虜收容所（分設各地）

四、屬於司法部者。高等捕獲審檢所（設於北京） 地方捕獲審檢所（設於上海）

第三十章 千九百十七年西歐陸戰之概況

(一)興登堡線之退却 去年度戰事統觀，同盟軍頗獲勝利。西戰場瓦登之強攻，塞母之防戰，德軍綽有餘力。東與俄軍相持，直至年末，且新參戰而黨於協商之羅馬尼亞，亦大破壞；德意志之軍威，宣揚全世界。然英法聯軍，於瓦登塞母得勝後，亦士氣大振。英海軍封鎖海上，法陸軍與德軍對峙。至千九百十七年初，於塞母方面，聯合軍遂開始攻擊。德參謀總長與登堡元帥，縮短戰線，節省兵力。聯軍不得間，後德軍於阿拉斯至薩孫間七十哩之戰線，行總退却。聯軍追亡逐北，至三月下旬，占領白龍納諸要城。四月上旬，直抵阿拉斯之東，加不來 Cambrai 之西南，與敵對峙於北自聖格亭西南至聖高白 St. Gobain 之一線上，即所謂興登堡線是也。厥後聯軍，鼓勇直追，英軍於四月九日，大捷於阿拉斯之南。法軍於十六日，攻林斯及伊塞河間之德軍，激戰數日，遂勝敵於西明的達木 Chemin-des-Dames 峽谷，俘虜二萬人。

(二)加不來之戰 英軍於七月上旬，新整陣容，於伊不來南，轉執攻勢。八月上旬，法軍亦來援，轉攻正面。是時西明的達木方面之德軍，乘機逆擊，謀奪回陣地。法軍為牽制之，於八月下旬，在瓦登北方跨馬斯河南岸，開始攻擊，占領若干陣地。其後英吉利軍於九月二十日，於伊不來附近，三度進攻，亦無大效。是時適俄已瓦解，同盟軍又直抵意大利。該國運命，危在旦夕。而西戰場之聯合軍，雖執攻勢，以興登堡之強硬，亦不易突破。英軍總司令哈衣元帥 Sir Douglas Haig，以戰局不易進步，遂於十一月二十日，冒險攻擊加不來正面，突破興登堡線。卜衣納 Sir Julian Byng 將軍率第三軍之精銳，奮勇直前，破興登堡第一二線，對戰於第

三線。然德軍固守布耳龍，Bourlon 英軍前進部隊，漸瀕危殆。已而德援軍集中於突破口，擬包圍英軍。軍苦戰始脫，功虧一簣，不得已，於十二月上旬，仍退原陣地。而與登堡線無恙。

(三)馬爾木松 Fort de la Malmaison 之役及西明的達木之占領 英軍戰於加不來方面，法軍亦應之。十月二十三日，於伊塞河北馬爾木松附近一帶戰線，開始攻擊，以圖占領西明的達木高地。第六軍司令官馬衣斯德 (General Maistre) 中將，當攻擊之任。血戰數次，奪馬爾木松以下諸地。自後法軍轉戰，逐次壓敵，至十一月上旬，奪西明的達木高地線之全部。進至阿來的 Ailette 河南岸。

第三十一章 千九百十七年東歐陸戰之概況

(一)加里西亞及羅馬尼亞方面夏季之戰況 俄國革命後，在克林斯克執政時代，尙能維持戰事。六月下旬及七月上旬，於加里西亞及布克維納方面，頗執攻勢。既而爲同盟軍反擊，又潰走於原陣地。德軍乘勝，轉入羅馬尼亞。八月上旬，擊破西來的河之守軍。羅軍苦戰，幸保原陣地。

(二)里加陷落及休戰 是方面德第八軍汲汲備戰，九月一日，開始攻擊。俄軍防戰亦力。德軍自里加市東北進兵，以脅俄軍背面。俄軍退路漸危。二日，俄主力軍棄城退。三日，德軍入城。十月中旬，德海軍率大艦隊掃里加灣。俄軍北翼根據地，全行瓦解。自十一月上旬，列寧執政，主張和平。遂於十二月十五日，與德締結休戰條約。已見前，茲不贅。

第三十二章 千九百十七年意奧國境方面陸戰之概況

(一)意大利軍於伊薩孫河方面之攻勢 五月十二日，伊薩孫河方面之意軍，開始礮擊。次攻擊格里細亞北方及東方之高地並喀爾孫 Carso 之高原，奪取奧軍第一線陣地。迄二十七日，俘虜二萬三千，獲未有之大勝。至六月上旬，奧軍捲土重來，又復舊陣地。

(二)同盟軍之大攻勢 厥後意大利軍，於八月十九日，復行攻擊。渡伊薩孫河，攻賓衣西斯 Bisazza 高地，占其大部。然奧軍知意軍計畫，先引德軍一部來援。意軍士氣漸衰。

同時同盟軍決取攻勢，以德第十四軍為攻擊軍中堅。十月二十四日，開始攻擊，一舉而破意第二軍陣地，占伊薩孫河畔。意全軍行總退却，為奧軍所追，軍容潰亂。兵器喪失無數，退於達格里門的 Tagliamento 河線，更走於比亞弗 Piave 河線。威內薩危在旦夕，幸英法聯軍來援，意軍士氣漸振，與敵軍對峙於比亞弗河一線上。未幾而新年至矣。

第三十三章 千九百十七年巴爾幹方面陸戰之概況

亞爾巴尼亞及塞羅尼加方面兩軍之戰況 去年末，駐屯亞爾巴尼亞方面之意大利軍，第一師團，根據阿威郎納，漸養成其勢力。擬破前駐之奧軍第四十三師。同時塞羅尼加方面，有德保同盟軍十六師團；又與之對峙者，有英法塞意俄軍二十一師團。右翼經達喀那斯 Takinos 湖，德衣拉湖，至門那司的耳；左翼至奧

克里達 Orkida 湖，蜿蜒成長陣。直至千九百十七年終，無大戰爭。

第三十四章 千九百十七年亞洲土耳其方面之戰况

(一) 美索不達米亞方面 千九百十六年末，英軍待自海至喀德 Kutel-Amarah (即阿馬拉)之鐵道，成於本年二月下旬，遂占領喀德。三月十一日，更長驅奪巴加達，占領薩馬拉 Samarah。邇後天氣酷暑，遂中止進行。九月下旬，又行活動。十一月上旬，破德喀里的 Tekrib 附近之土軍，續行前進不已。

(二) 巴勒士登方面 千九百十七年一月上旬，英軍占領拉法 Rafah (地中海岸)一掃塞奈半島之土軍。其後於三月中，向巴勒士登侵入，然無大功。下月終，得援軍至，遂前進。至十二月上旬，占領耶路撒冷。是地本為基督聖地，十字軍後，永歸回徒占領。至是又為基督教徒所回復。西歐人士，大喜不置。

第三十五章 千九百十八年西歐陸戰之概况

(一) 德意志之大決鬪策 大戰之開，於今四年。德意志軍，陸海方面，均獲勝利。全球列國，盡入漩渦，猶不能勝之；殊堪驚嘆。去年末，乘俄潰敗，移其精銳於意大利，益以奧軍，得未有之大勝。聯合諸國，心膽俱寒。自俄德單獨媾和，東方餘軍百餘萬，又可用於西戰場，寧非德人之幸。然西方海上，聯軍封鎖愈固；德之國內，經濟亦難持久。且俄之布爾塞維克思想，日日輸入德之國內，又加以北美合衆國，加入戰團，日送軍隊於法境；德是時雖稍優勝，將來恐有危險。故乘此機，決意對西方聯軍，行一大決鬪，冀獲最終勝利。是以西歐，德軍日加。至

千九百十八年三月，至百九十師之多，較聯合軍多十師人，可謂盛矣。

(二)德軍第一次攻勢 德軍於三月二十日，隻大隊於斯喀不 Scarpe 及埃及司 Oise 兩河間，約七十師團，戰線延長五十餘哩。擬長驅直進，於阿門斯 Amiens 附近，斷聯軍爲二；然後壓英軍於北海岸，追法軍於南，直破巴黎。戰計既定，二十一日黎明，開始礮擊，齊向興登堡線出發，殺至英軍陣地。

唯德軍以三年經驗，知突破政策，絕不適用。擬漸破第一二三線，密集部隊，注入破口；然後大隊進攻。戰計既定，二十四日，破白龍納及哈木 Ham 等四城。德軍氣勢大振。英軍潰敗不堪；幸南方得法軍援助，全軍得以不亂。德軍雖占領門得爾，Montdidier 然攻略阿門斯之望，終未達到。時三月二十一日也。

先是三月二十三日，德人於距巴黎七十餘哩之拉奧 Laon 西南，置口徑二十四吋之長射程礮，遙擊巴黎。市民大驚，聲動全歐耳目。聯合軍鑒德軍前進無已，預備內線作戰抵抗之計，乃開最高會議於瓦塞里宮。以法之名將福煦將軍爲聯軍總司令，俾以軍事上最高指揮權，以便協同作戰。聯軍邇後勝利，將軍功居第一。

(三)德軍第二次攻勢 德軍第一次前進，攻略阿門斯之志未逞。此方遂固壘保守，集大軍三十五師於北方，正當伊不來之南方，里耳 Lille 之正面。四月九日，再出攻擊。英軍大敗。三日後，伊不來南諸要地，相繼陷落。聯合軍大震。德軍於四月二十五日，轉鋒於伊不來孔米納運河 Ypres-Comines Canal 方面，奪聯軍鎖鑰喀米爾 Mont Kemmel 高地之西北陣地，戰勢益急。幸法軍死抗，德軍又不得逞。

(四) 德軍第三次攻勢 第一第二兩次攻擊，素願未達，遂謀第三次進攻。又以聯合軍移其主力於埃衣司河以北之戰線，南方甚虛；因思乘機攻巴黎。五月初旬以降，利用新得鐵道，集大軍三十八師於黎牧西北，延長七十餘吉米。二十七日，以毒瓦斯為前鋒，步兵開始攻擊。分聯軍為二，奪取沿途險要。越伊塞等河，連獲卜拉斯納 Braisé 及菲司買 Fismes 諸要地。五月三十日，先鋒達馬納河畔之如工納 Jungonne 附近。翌日，德軍示渡河南下之勢。法軍奮戰阻之。六月一二三諸日，再試渡河，均為法軍所阻，不得逞。

(五) 德軍第四次攻勢 德軍於六月八日夜半，下令於門得爾至埃衣司河間三十三吉米之戰線，行第四次攻擊。九十兩日，德軍前進數吉米。十一日，法軍於門得爾東南地區，猛襲德軍，回復若干地區。然德軍殊死戰，又屢奪回。如此一進一退，直至六月中旬。伊塞河南，德軍以法軍抵死奮戰，亦不得進。

(六) 德軍第五次攻勢 第五次攻擊，仍在第三次一帶陣地，德軍此次注意，在聯軍突角之破壞。(黎牧附近即聯軍之突角) 七月十四日夜半，開始礮擊突角兩側。十五日，步兵開始突擊前進。其戰計在突破黎牧附近聯軍之背，乘其潰亂，進至馬納河方面。然聯軍鑑於春季以來屢次之失敗，偵悉敵軍意旨。故黎牧以京德軍不得間黎牧以西，以數地為新至之北美合衆國兵所守，無戰爭經驗。故德軍得乘間渡馬納河南下。黎牧以南，至十六日午，德軍前進數吉米。聯合軍抗戰甚力，亦無大功。至十七日，兩軍皆罷戰，死傷甚衆。

(七) 聯軍之攻勢 第五次德軍攻擊，福煦元帥，當防禦之任。當時於薩孫至馬納河間敵軍突出陣地之側

面，集強大兵力，以備不虞。七月十八日早，當德軍攻擊頓挫之時，遂反擊德軍之背。薩孫南方法之饒將馬金 Margin 乘敵軍空虛，進占十吉米之地。德軍之秩序不振，聯軍遂從容後退。十九日，再前進攻擊。於是德軍各面，漸不聯絡。聯軍兩面壓敵，德撤回里納河以南之軍。聯軍壓之於後，成三面包圍之勢。七月末，達達且納 Fereen-Tardensis 八月上旬，屠薩孫城，仍前進不已。

德軍在薩孫方面者，既已顛覆，於是他之戰線，置備漸薄。英軍乘之，於八月七八諸日，逆擊伊不來，及其附近各方面之敵軍，兩軍漸次發展，遂涉及於全戰線。

(八) 德軍之敗績 九月初旬，聯軍行全線總攻擊，茲分述如左：

一、加不來方面 加不來前面，自九月上旬以來，英軍連日進兵。五月以前，德軍所奪要地，相繼恢復。九月下旬，殺到興登堡線。十月上旬，占領加不來，進軍於塞耳 Selle 河畔。

二、拉奧方面 薩孫得勝之法軍，擬進取拉奧。九月中下旬，越威斯爾 Velle 及阿來的兩河；二十八日，奪敵軍鎖鑰之馬爾木松森林及西明的達木峽谷。十月上旬，攻卜來尤班克 Berry-au-Rac 線。德軍側面危險，遂棄拉奧城去。

三、聖格亭方面 既取拉奧，遂北向聖格亭。英法聯軍，協力突破興登堡戰線。十月上旬，遂屠聖格亭。

四、香檳州及阿根納方面 九月下旬，英法美聯軍，於是方面開始攻擊。十月中旬，得阿根納森林，掃敵伊

塞河上流之天險。中甸德軍撤聖米耳 St. Mihiel 附近突角之兵；美軍乘機踴躍追擊，大破之。合衆國軍，始名聞於歐洲。

五、法蘭德士方面 法境德軍既屢敗，四年失國之比利時王，遂親指揮比軍，與德軍戰於法蘭德士。英名將不魯馬 Plumer 率第二軍助之，九月二十八日，於伊不來之北，開始攻擊。與德不共戴天之比人，奮勇直前；三十日，陷盧列耳 Roulers，更前進向根德 Ghent 及古特來 Courtrai 線上猛攻。十月十四日，法亦出兵來援，進攻列日。十六日，德軍潰走，列日陷。翌日，奧司坦德 Ostend 及西不魯日 Nieuwbrugge 均陷。德之潛水艇根據地遂失。

六、德軍敗退及休戰 法比境內，德軍全體敗績，聲靈掃地。國內人心動搖，且其聯盟之奧土，已相繼脫出。國人求和之聲日高。前敵戰士，自無勇氣。十一月上旬，法蘭西國境悉復。比之國境，亦將奪回。德軍陷於四面楚歌之中，士氣沮喪，軍紀擾亂，不可收拾。基於美總統威爾遜之動議，於十一月十一日，與聯軍方面，締結休戰條約。四載腥風血雨，從此遂結束矣。

第三十六章 千九百十八年意奧國境方面陸戰之概況

(一) 奧軍之攻勢 西歐戰場，德軍活動時，其同盟之奧，於意之比亞弗河方面，亦持攻勢。六月中旬，開始進擊。當時奧之注意點，在阿斯體喀高原；比亞弗河方面，不過助力而已。及攻勢不成，乃變旨專攻比亞弗。於阿

斯體略方面，反主爲助。然意軍防戰甚力，亦無大功。兩軍再對峙於比亞弗河畔，復去歲舊觀。

(二)意軍之攻勢 西方戰場，德軍收績以來，奧軍亦呈不安之象。意人乘機，決意轉守爲攻。十月下旬，於比亞弗河方面，開始進擊。奧軍士氣不振，意軍又得英法之援，大有滅此朝食之勢。且作戰巧妙，先於山地，行牽制攻擊，而復猛然渡河。奧軍大敗，遂以無條件的降服。十一月四日，與意結休戰條約。意人之夙願盡償。

第三十七章 千九百十八年巴爾幹方面陸戰之概況

(一)保加利亞之屈服 聯軍與保加利亞及中歐同盟軍，相持於希臘國境附近，久歷時日。至九月，開始攻擊，十五日，法塞聯軍於門那司的耳要塞東方之德衣拉湖方面進攻。然於此，不過牽制行動，其主眼則在俄斯特老倭。Ostrowa 保軍知之，倉皇向本國退走。七年來保人屢戰，疲弊已極，終以無條件的降於聯軍。九月二十九日，與聯軍結休戰條約，先退出同盟。

(二)塞爾維亞之領土恢復 保人既敗，塞軍遂突破希臘戰線，入自國領土，恢復首都。又越境占領波斯尼亞首府薩拉耶市，遂立巨哥斯拉夫 Jugoslavia 國之基，後當詳述之。

第三十八章 千九百十八年亞洲土耳其方面陸戰之概況

(一)英德兩國對土政策之消長 聯合軍於亞洲土耳其其作戰，爲絕土耳其之勢力，斷德意志之羽翼，此猶表面原因。實則英人欲德之東方政策，根本取消，以圖印度之安全而已。故千九百十七年，英軍於美索不達

米亞方面，持攻勢以防德人南下；而於波斯灣頭，保守尤緊。德人知之，於千九百十八年，以土人爲傀儡，擬出高加索，或經俄領土耳其斯坦以衝印度。是爲第二東方政策。

(二)戰事概情。英人知之大驚，於美索不達米亞方面，以主力軍，猛行總攻擊。爲牽制敵軍，於巴勒士登，亦壓土軍，以防其合。十月下旬，遂占領巴克達鐵道交點之亞勒伯。Aleppo 一面中斷亞洲土耳其，以亂土人之心；一面斷德人三B政策，以絕其東方發展之望。土人不支，遂於十月二十九日，以無條件的降服。三十日，結休戰條約。

第三十九章 千九百十五年八月至十六年八月海戰之概況

(一)北海方面。北海方面，英德兩方，於千九百十五年八月至十六年五月，各據根據地對峙，無大戰事，有亦不過擊沈一二巡洋艦或掃海艦而已。至五月終，兩軍大戰於朱特蘭 Jutland 沖，損失甚巨。

先是德司令官西納魯中將，於威海爾木哈溫根據地，屢窺機出動。後偵知英軍一部，恆出沒於那威南岸，因思擊沈其艦。下令五月三十一日，德全軍出動，向斯喀基爾拉克 Skagen Back 沖北上。德西不耳中將，率第一偵察隊爲先鋒，巡洋艦戰隊及水雷戰隊若干隨之，西納魯率主力軍艦尾於後方四十里。三十日午後六時至十時，全軍出動；前進根據地之大隊，同日午後九時出動。如是兩軍遇於朱特蘭西九十里，遂開始衝突，直至六月一日午後，始各歸根據地。茲將兩軍損失列表如左：

英軍喪失數目：

巡洋戰艦三 裝甲巡洋艦三 驅逐艦八

汽軍喪失數目：

巡洋戰艦一 弩級前戰艦一 輕巡洋艦四 驅逐艦五

按以上總數，英軍損失，甚於德人。然德軍主要目的，並未達到。英軍於北海，仍占最大勢力；顧亦不能擊滅德軍，仍成對峙之勢。

(二)波羅的海方面 波羅的海方面，唯德飛行機襲里加灣，英潛水艇一羣，活動於海內，頗奏效果。其餘無可述者。

(三)地中海方面 此節分三段述之：

一、戰前之對勢 奧匈國艦隊主力，在波拉軍港，其餘在喀達魯。英法聯合艦隊，配置於奧特蘭(Otland)海峽，其餘以備亞得里亞海之出動而已。自意國參戰後，亞得里亞海上作戰，以意艦為主，他國不過一部分援助而已。

二、亞得里亞海方面意奧對戰之概況 亞得里亞海沿岸，意國領土，恐受奧匈之侵，故置水雷部隊若干於威內薩。一以防波拉奧匈海軍之跳梁；一以與伊薩河方面陸軍策應；並以輕快艦艇，屢攻奧匈陸軍。

之左翼。與於亞爾巴尼亞，恐意國陸軍及軍需品有所輸送，故置輕快艦隊以防害之；且屢砲擊意之中部東海岸。又恆以飛機爆裂威內薩，圖破意之海軍根據地。意以奧匈後援軍，盡在特維斯德，故亦屢以飛行機爆裂其地。其於波拉，亦恆如是。唯無大戰爭也。

三、東部北海之戰況。八月二十二日，法地中海艦隊司令官，宣言封鎖小亞細亞及敘利亞沿岸，於八月二十五日，發生效力。十月十六日，聯合艦隊司令官，又宣言封鎖保加利亞沿岸，限於愛琴海方面。

先是英法艦隊，以加利波里半島後方海路船舶，與土國都連絡。因派潛水艇若干於馬模拉海，以圖遮斷。然一部於韃靼海峽觸礁；一部被土擊沈，目的未達。

十月二十一日，英法意聯合艦隊，砲擊保加利亞南岸之達達阿格次，Dedeagatch 繼續四小時，保損失甚巨；二十四日，登陸於是地，毀其鐵路。

保加利亞對塞作戰，英法爲助塞起見，於十月五日，上陸於塞羅尼加。意軍於十一月二十五日，亦於瓦納，開始上陸。於是地中海聯軍及軍需輸送頻繁。德奧土潛水艇，遂出而活動。聯軍及中立國船舶，被擊沈者不少。十二月五日，奧匈巡洋艦一隻及驅逐艦四隻，忽出動於亞爾巴尼亞沿岸，擊沈意汽船五隻，又小帆船若干。十二月中，奧匈擊沈英法意國艦船，爲數至多云。

千九百十六年一月十八日，二十四日，英法聯合艦，又砲擊達達阿格次兩次，德潛水艇由陸路輸送至波拉，

迂航進入地中海。於七月中，擊沈聯合艦隊，在三十五隻以上云。

第四十章 千九百十六年八月至休戰海戰之概況

(一) 北海方面 此節分五段述之：

一、德艦之出動 千九百十六年八月十九日，德弩級戰艦及巡洋戰艦等十六隻，出動於北海。其宗旨蓋欲威脅英之東海岸，於杜格耳附近，偵知英巡洋艦所在地，遂歸航。英巡洋艦亦偵知德軍中途引還。然德於預期英艦歸途中，伏潛水艦。英遂損失輕巡洋艦二艘，德亦損失二艘。

十月二十六日，英德驅逐艦，又戰於英吉利海峽。德失驅逐艦二隻，英失一隻，傷一隻。

二、英吉利海峽驅逐艦之活動 至千九百十七年一月，德驅逐艦又活動於英之東北境。二月一日，英宣言：北緯五十六度東經八度，北緯五十度東經六度，北緯五十四度東經零三度四十五分，北緯五十三度三十七分東經五度，以上不規則之四角區域，沈置機雷，實行封鎖。又二月二十五日，三月十七日及四月七日，德驅逐艦與英哨戒部隊，夜戰數次，唯無大影響。四月二十日，德驅逐艦及英哨艦，大戰於英吉利海峽。德艦沈沒甚衆。此後德驅逐艦之活動，始稍斂跡。

三、北海方面之戰況 夏秋之交，北海方面，比較尙屬安全。十月下旬，德驅逐艦又屢出動。十一月十七日，於黑耳郭蘭附近，英德戰艦衝突。德以衆寡不敵，大敗；唯退却巧妙，尙無大損。十二月中旬，合衆國以一

隊戰艦，參加英軍，歸英司令指揮。對德封鎖之勢，更加一層保障矣。

四、英閉塞隊之奧司坦德及西不魯日兩港之封鎖。自比利時失國後，德即以奧司坦德及西不魯日兩港，爲潛水艦根據地。屢出動各處，破壞通商，擊沈聯合軍艦。英軍知之，於千九百十八年四月二十二日及五月九日，兩次勇戰，遂閉塞兩港。歐人之黨於聯軍者，莫不稱快；而於戰局前途，關係亦至大。唯英艦損失八隻，死傷人數，亦六百餘名云。

五、北海之封鎖。五月十五日，英又宣言：北海北部，北緯五十九度十二分三十秒東經四度四十九分，北緯五十九度二十九分東經三度十分，北緯五十八度二十五分東經零度五十分，（五月三十一日又改爲北緯五十八分西經零度五十分）北緯五十九度二十分西經零度五十分，北緯六十度二十一分，東經三度十分，北緯六十度東經四度五十六分，（五月三十一日，又改爲北緯六十度東經四度五十四分四十五秒）以上區域內，爲危險海面，禁止船舶通航。其宗旨蓋在斯干的那瓦 Scandinavia 半島與英國間之航路，容易保護。由是聯合國之對德封鎖益急，直至休戰云。

（二）波羅的海方面。波羅的海方面，唯占領里加之役爲最大。千九百十五年八月，德軍輕快艦艇，乘天霧之際，侵入里加灣。後以俄軍抵抗，又退出灣外。邇後二年，無大發展。俄以是地重要，與陸戰大有關係，故以舊型戰艦，巡洋艦各數隻及水雷戰艦大部，置於灣內。且於灣口之奧塞耳 Oesel 島，配陸軍一師，以資防禦。於

千九百十七年，德屢以飛機，爆擊奧塞耳及俄之警備艦隊。俄歷六月中，德飛機數目，多至九十七架；飛行數次，多至三十八回；投下炸彈二百八十餘。俄建築物損失甚巨。七月以後，日甚一日，至十月十二日午，遂開始總攻擊。俄軍抗戰數日，卒不敵。十八日，里加灣歸德占領。俄失戰艦及驅逐艦各一隻。德失驅逐艦數隻。邇後俄內亂愈甚，德軍行動自由，無可述者矣。

(三)地中海方面 千九百十八年一月二十日，土艦格納哈及波蘭斯拉夫號二艘，出動於韃靼海峽。於音不洛斯 Imbros 島附近東北角沖，爲英驅逐艦發見。相互遷航追尾至音不洛斯之克法老 Kephalo 南六里，波蘭斯拉夫號觸英水雷瀑沈。是時適土之驅逐艦四隻及舊式輕巡洋艦若干，自韃靼海峽航出，遂與英驅逐艦開戰，不得勝而歸。格納哈號，聞波蘭斯拉夫號沈，遂獨遷航南方，入韃靼海口，又觸機雷，至那格拉 Nigara 岬西端擱置。損傷甚微，後卒航歸。以外英、美、意、聯合艦隊，於十月又砲擊亞得里亞海岸之茲拉次市一次。蓋欲去亞爾巴尼亞與匈國陸軍補助地之根據點，然並未成功云。

註、本編關於陸海戰概述，均本箕作元八世界大戰史及 J. G. Rowe, Popular History of the Great War. 又 Nelson's History of the War. 20 Vols. 等書。

第四十一章 歐戰中各國之重要條約

(一)單獨不媾和宣言 單獨不媾和協定，成立於千九百十四年九月五日。英外相及俄法駐英大使，各代

表其政府，在倫敦簽字，其文如左：

一、英法俄三國政府，於此次戰爭未了之先，相約不單獨媾和。

二、三國政府，當和議時，若有二國不滿意和議條件；其他一國，不得獨訂。

厥後日本於明年十月十九日，亦加入此協定。意大利參戰後，亦行加入。十一月三十日，英法俄日意五國代表，發表單獨不媾和五國宣言如左：

法英意日俄五國政府，相約於此次戰爭繼續中，不單獨媾和。

右五國當媾和時，提出要求條件之先，須預得他同盟國之同意。

後俄國革命，勞農政府與德單獨媾和，此約遂少一國。其他各國，猶繼續有效，直至休戰。

(二) 聯合國間之諸密約 自勞農政府成立後，各國秘密外交，均為發表；除日俄協約，已述於本編第三章十一節外，其他尙多。茲略述其要如左：

一、聯合國承認俄國有占領君士坦丁之權；俄國承認聯合國在亞洲土耳其之權利。

二、俄國承認波斯中立地帶，加入英國勢力範圍，並承認回教徒國家，與土耳其分離。英國承認波斯之伊
斯巴亨 Ispahan 及伊沙的 Yezd 兩市，仍為俄國居留地。

三、俄國承認將來法國有回復亞洛兩州鑛區，又來因河左岸森林地帶之權。法國承認俄國將來有割德

國領土之必要；並承認割取領土與德國一切政治上及經濟上均斷絕關係。

四、當美國參戰之先，法、英、意，又結秘密瓜分土耳其條約；即彼此在亞洲土耳其其內，劃出勢力範圍。英有波斯灣頭至底格里斯，幼發拉底兩河中流之地；法有敘利亞及巴勒士登之地；意有小亞細亞南半來自敘利亞西至地中海之地；而以猶太一帶聖地，歸國際公法管區。此其約文大概也。

(三)關於意大利參戰之密約 意大利參戰密約，於千九百十五年四月二十六日，在倫敦協定。英外相及法、俄、意，三國駐英大使均簽字。於千九百十七年十一月二十八日，意內閣發表。茲述其重要條件如左：

- 一、各國互相策應，締結軍事協定；意大利若擊滅奧匈海軍時，英法與以相當協助。
- 二、和平克復後，意大利擴張其東北兩界，並占領附近威祿納及杜達喀納 Dodeanness 諸島嶼。
- 三、亞爾巴尼亞若建自治政府，意大利須管理其外交；然若其國土一部，割與塞門，或希臘諸邦；意大利不反對之。

四、英、法、俄，於地中海中，須承認意大利有同等之政治勢力及範圍。

五、英法於非洲合併德國領土時，意有擴張其領地之權利。

六、意大利承認阿刺伯回教聖地之獨立，與土脫離關係。

七、英以五千萬磅借與意大利。

有以上交換條件，意大利所獲甚多；故舍同盟之德奧而黨於聯軍。謀之甚臧，無怪乎亦爲五強之一也。雖然：國際信用，從此更掃地矣！

第四十二章 威爾遜之和平十四條

千九百十八年正月八日，威爾遜總統，在國會演說。宣布其和平條件云：「……吾人對於此次戰爭，無一毫私意存乎其間，不過爲世界求安全，使愛公道者，得生活於其中耳。凡愛和平諸國，如吾國者，必抱定主意，在此世界求自治正義公道之幸福，而不使勢力私慾，橫行於天下。吾人對於世界各民族，皆當以推行此公道之夥友待之；蓋吾人苟不待人以公道，決不能望人公道待我也；求和平之計畫，卽吾美之計畫也。以吾人所見，其方法如左：

一、公開之和平條約，以公開之方法決定之。此後無論何事，不得私結國際之盟約。凡外交事項，均須開誠布公執行之，不得祕密從事。

二、領海以外，無論和平或戰時，須保絕對的航海自由；但於執行國際條約時，得如國際之公意，封鎖一部分或全部之公海。

三、除卻各種關於經濟之障礙物，使利益普及於愛和平及保障和平之各國。

四、立正確之保障，縮小武裝至最低額，而以足以保護國內治安爲度。

五、對於殖民地之處置，須推心置腹。以絕對的公道爲判斷；殖民地人民之公意，當與政府之正當要求，共適權衡；此種主義，各國須絕對尊重，不得絲毫假借。

六、凡已被占據之俄國領土，須一律退還。凡關於俄國種種問題，須以協助其自由發達爲前提；俾其自定政策，建設相當之政府；並歡迎其入自由國之社會。不獨歡迎已也，且將供給其一切需要。各國待遇俄國之真意，當以能否對於俄國抱親愛主義，與夫能否表無私心之同情爲斷。

七、凡已被占之比利時領土，須完全退還；其一切主權，不得絲毫加以限制，俾與世界自由國享同等之權利，此爲全世界所公認者；若欲使各國信任其訂共守之法律，此舉實爲首要；苟無此補救之道，則國際公法之勢力，將永作烏有矣。

八、完全恢復法國領土之自由，凡被侵犯一部分之土地，即須歸還；亞爾薩斯，洛林，本爲法屬。千八百九十一年爲普魯士所強占，因之擾亂世界和平，幾五十年。今須歸法，以維公道，俾得永保和平。

九、重訂意大利疆界，其版圖之改定，當以居民之種族爲根據。

十、對於奧匈，須予以享確保世界地位之權利，並自由發達之機會。

十一、羅馬尼亞，塞爾維亞，門的內哥羅諸國領土，須一律恢復；已被佔據之土地，一律歸還。塞爾維亞，當與以通海道之權利；巴爾幹諸國之關係，當和衷共濟；以歷史上之習慣與種族而定。巴爾幹諸國之政治

經濟自由，由國際公共保障之。

十二、對於土耳其帝國之土耳其種族，須承認其主權；其在土耳其政權下之他種族，當享受保護生命，發達自治之權利；韃靼海峽，須由國際保障，永遠公開，俾世界各國，共享航路之自由。

十三、建設波蘭獨立國家，凡確為波蘭種族所居之地，均歸入其版圖；並與以通海道之權利。其自由獨立之統治權，以國際條約保障之。

十四、確定約章，組織國際聯合會，其宗旨為各國交互保障其政治自由及土地統轄權。國無大小，一律享同等之利權。

註、本章英文中文均見商務印書館出版威爾遜參戰演說。

第四十三章 和平會議之開幕

(一)和會之先決問題 千九百十九年正月十八日，協商側二十七邦代表，會於法國外交部之一室。舉世矚目之歐洲議和大會，於茲開幕。然和會一語，實不足以代表斯會之性質，蓋一方面消極的收拾歐戰殘局，締結和約；一方面尚積極的假此大會，以樹世界永久和平之基；故大至於萬國同盟之組織，小至於國際河流港灣之交通，均為該會之重要問題。唯開會之先，關於組織上有兩大問題，茲述如左：

一、各國代表列席人數問題 協商側與會各邦，數逾二十；小大強弱，各有不同。代表列席，人數平等，在今

日政治家之舊頭腦中，尙視爲不可，卽事實上容或有難能。然既不能平等，將以何爲標準而分配之？是亦最大難題。將以土地之大，人民之衆爲標準乎？則當推中國，而各國不願也。將以此次歐戰損失爲標準乎？則當推比利時，而各國不願也。故當時如何而定一適當之代表分配，以滿足各方面之要求，是誠惱煞威總統等政治家矣。不幸而強權勝，公理敗。英、美、法、意、日，各占五人；次於五國者僅巴西得代表三人；其他各國，則皆二人一人不等。雖以比利時，僅得二人；人數發表，世論譁然。其結果又增塞比各一人，共爲三人，以緩和反感。然五強國以此大失人望，爲撫慰諸弱國計，宣言各國在和會之地位，不因代表人數之多少而有輕重。贊成反對，均以國爲單位；又各國代表出席，不必每次限於原人，盡可輪流出席。若此則表面上，人數分配，似無大重要；然出席人數較多，擁護本國權利，自較周到。則今日弱國在和會，居於不利地位，列強左右一切；自代表人數觀之，已足見一斑矣。

二、議事祕密原則問題 祕密外交，久爲世病，歐戰初起，更爲衆矢之的。卽列強政治家，亦多唱公然反對者。威總統卽其一人。此次巴黎和會，關乎全世界榮枯休戚，有心人翹首望治，方期議事機關，公諸世論。歐美兩地之新聞界，亦久蓄準備，以傳消息。及和會開前，忽聞列強決議，和會議事祕密，非至總會，不許新聞通信記者旁聽；通常議事消息，均由和會酌量公布，俾報紙轉登；此外不得自由登載。祕密外交，於茲復活。蓋通常會議消息，既全靠和會之擇別報告，外間自不能得會議實情；而總會又開會極稀，其不

脫祕密之外交，固無可諱。反對之聲，起於歐美報界。當局辯解，謂議事非守祕密，不能保持會議之圓滿進行；且議事祕密，不必即爲外交祕密，蓋其結果，仍須公布，非如前此各國外交條約之有絕對不令國民得知者可比。然反對者，亦有辭以答之，設令議事公開，世界公論監督之下，野心國家，當不敢爲無理之要求，則所謂議事阻難之弊，反減。會議結果，雖曰公布，然經過之討論，國民不得發表意思，施其監督；發表之後，無可挽回，則與祕密外交，有何區別？職是各國記者，開大會於巴黎，抗議不絕，然終無結果。通常會議，仍付諸祕密。

(二)和會之開幕及其議事之方法 正月十八日之總會，爲巴黎和會之開幕，不過一種開會形式，並未開始會議。然和會之組織，則自彼日已定，列邦代表分配如左：

英 美 法 意 日 各五人，茲述其名如左：

北美合衆國——大總統威爾遜 國務卿藍辛 Robert Lansing 華特 Henry White 哈斯

Edward M. House 不里斯將軍 General Tasker H. Bliss

英吉利國——首相雷得佐治 David Lloyd-George 國璽大臣巴那拉 Andrew Bonarlaw 殖民

大臣米祿納 Viscount Milner 外相布爾法 Arthur James Balfour 不管部大臣巴尼斯

George Nicoll Barnes

加拿大自治領——首相布爾登 Sir Robert Laird Borden 商務大臣法司登 Sir George

Eulus Fester

澳大利亞共和國—首相兼大法官呼衣司 Williams Morris Hughes 海相喀克 Sir Joseph

Cook

南非聯邦—首相包沙 Louis Botha 國防大臣司母次 Jan Christian Smuts

尼德蘭自治領—首相兼勞働大臣馬西埃 W. F. Massey

印度—印度事務大臣門達古 Eadwin Samuel Montagn 比喀尼亞蕃王陸軍少將巴哈都耳

Sir Ganga Singh Bahadur

法蘭西國—總理兼陸長克里曼沙 Georges Clemenceau 外長比共 Stephen Piehen 財長

克魯次 L. T. Klotz 法美軍事委員長達敦 André Tardieu 大使康本 Jules Cambon

意大利國—首相阿蘭 V. E. Orlando 外相孫尼納男爵 S. Sonnino 上院議員拉基侯爵

G. F. Salvago Raggi 下院議員沙拉多拉 A. Salandera 下院議員西巴拉 S. Barzilai

日本—西園寺公望侯爵 牧野伸顯男爵 駐英大使畛田捨己子爵 駐法大使松井慶四郎 駐

意大使伊集院彥吉

巴西 塞爾維亞 比利時 各三人。

中國 希臘 漢志 Hedjaz 波蘭 葡萄牙 羅馬尼亞 暹羅 捷克斯拉夫 各二人。

古巴 危地馬拉 海地 闕都拉斯 Honduras 拉比利亞 尼加拉瓜 巴拿馬 玻利維亞 阿

根廷 祕魯 烏拉乖 各一人。

和會雖以日本加入五強，不過敷衍情面；實則彼在和會之勢力，遠不若其他列強；蓋以其於世界政局，無甚關係也。意大利對於西歐，雖比較確近，然精神物質兩面勢力，均不足以與英法美並駕齊驅；且其主眼所及，不出本國利害關係；故在五強中，不足與英法美相提並論也。就和會之議事方法而論，則與前此各和會，略有不同，茲述如左：

一、一般國家及部分國家 無論何項議事，何種委員會大會，英、法、美、意、及日本五大強國，均有代表列席；易言之：則主持全局，謂之一般國家。其他國家，必值會議問題與其國有關，始得出席發言，謂之部分國家。

二、中立國家 中立國家，如與議題有直接關係者，得列強召集，亦得出席陳述意見；又無論何項私人團體，均可提出請願書或說帖於和會祕書廳。則自上述和會之性質，關於世界全局平和之旨觀之，亦當然之辦法也。

三、敵國 此次和會對敵國之方法，不在與之對坐一堂，討論議和條件；而在先行由協商側自行商妥一

切條件，指出和約草案，但交敵國畫押而已。

(三)和會之重要職員 當一月十八日總會第一次開會，法大總統樸蔭開耳述開會辭，中有一句云：「世界名譽，繫於諸君之掌握。」⁽¹⁾衆皆深有所感。大總統退席。法首相克里曼沙，就臨時議長席。衆提議先舉正式議長。美總統威爾遜謂此次大戰，法最盡力，首相勳業，照耀人間，當然推爲議長。英意代表皆贊成。克里曼沙遂就任爲議長。次選四人爲副議長。其他重要職員，亦相繼舉出。茲述其名如左：

議長 克里曼沙 (法國)

副議長 藍辛 (美) 雷得佐治 (英) 奧蘭 (意) 西園寺公望 (日)

書記官長 杜達司達 Dutasta (法) 書記官 葛留 Joseph Clark Grew (美) 韓克 Sir Maurice

Hankey (英) 如加爾 P. Gauthier (法) 阿爾刀拉第 Aldovrandi (意) 佐分利貞男 (日)

權限審查委員 蘇格特 (美) 布爾 (法) 康本 (法) 孫尼納男 (意) 松井慶四郎 (日)

編纂委員 蘇格特 James Brown Scott (美) 哈司的 Hurst (英) 法拉馬高 Fromageot (法)

(巴)司第 Ricci Busati (意) 長岡春一 (日)

註一、原語 Vous tenez dans vos mains l'honneur du monde.

(四)和會之種類 和會之種類，可大別爲三種：一爲英，美，法，意，日，五強代表主腦所組成之會議。每國代表

二人，常川開會，通名曰十人會。Conseil des dix 關於和會議題之選擇，大政方針之決定，皆於此會議行之。一爲總會。La Séance plénière 總會爲和會本體，各國代表全體出席，對於委員會，審定問題，再經十人會採決，提出於總會。自表面觀之，似覺重要，實則不過履行一種形式上手續而已。一爲委員會。此種會議，以性質不同，分爲五種如左。

一，萬國同盟委員會。Commission de la société des nations 討論萬國同盟組織方案。

二，歐戰責任委員會。Commission des responsabilités de la guerre 調查歐戰禍首，以定責任。

三，賠款委員會。Commission des réparations 審查協約國所受損失，以定敵賠款總額。

四，勞工國際立法委員會。Commission de la législation internationale du travail 研究世界勞工問題，以定國際共通的立法。

五，國際港埠水陸交通委員會。Commission du régime des ports, voies, fluviales, et ferrées 討論關係各國交通國際之港埠河流鐵道管理問題。

是五委員會，爲第二次總會開後所組織者；以外又設有各種特別委員會。其要者如管理財政問題，經濟問題，航空事業，領土問題，同盟國海陸軍事務，監督敵國軍械出產及管理解除敵軍武裝等，均設有委員會。即前述五種主要委員會，均有分會云。

第四十四章 列國對於和會之要求

和會既開，五大國代表，欲將彼等之希望與同盟各友邦之希望，互相比較，而察其衝突之點，互相調和；蓋各國所抱希望之最大限度，已明白宣布於和會，則加以整理而排比之，自易解決矣。茲將各國所提出之要求，概述如左：

一、法蘭西 法國第一要求亞爾薩斯洛林兩州，以無條件的歸還；並有討論及決定關於來因河法國邊境問題之權。又來因河左岸向北一帶，應由和會提出居住該地域內之人民，是否加入法國？或建一獨立國，或回返德國，應有自決之權。賠款照法國下院公布之額，為六萬六千兆法郎。法政府對於敘利亞，不欲行保護權，因該處人民已開化故也；唯請在該處施行一種指導之職務，至敘利亞能完全自治時止。

二、英吉利 英國對於歐陸，無所要求，唯對於赤道英以南之德屬羣島，將為澳洲施行保護權；對於德屬南非洲，將為南非合衆國，施行保護權；又對於德屬東非及阿刺伯之若干部分，亦願加以保護。至對於美索不達米亞，尤有此項特別要求。關於賠款問題，尤注意於飛艇損害及船舶喪失者。英國當與其他協約國，共享其利益。

三、意大利 意國要求脫倫梯諾直至勃倫納峽為止，所有各島之大部；又要求佔領前的黎波里戰爭時

奪自土耳其之愛琴海羣島。至達爾馬脫 *Hadramant* 海岸之不歸意國所有者，應作爲中立區域；倘英法兩國，在非洲擴張殖民地，意國亦願擴張其的黎波里之領地。

四，羅馬尼亞 羅國欲吞併俄屬比薩比亞之一部；又欲取得第二次巴爾幹戰爭後保加利亞所割讓於彼之南杜不魯加。蓋佔領以上兩地，可以控制多瑙河口；至迤西方面，羅國願合併奧國達琅西里瓦尼亞兩州及富於農業之巴納德 *Banat* 一大部分。此處羅國之希望，與塞衝突；蓋塞以爲依戰時與協約國所訂各約，塞應取得巴納德一大部分及以前奧匈土地毗連舊塞爾維亞者之一部，借作擬立南斯拉夫國之疆界。羅塞兩國，均已派兵入巴納德，以冀確立彼等之要求；而法國軍隊，則設一中立線，以防兩國之衝突。

五，塞爾維亞 塞國要求從奧匈取得波斯尼亞及黑塞哥維那兩州，各國均不反對之。又塞擬將奧匈之哥羅地亞 *Croatia* 合併入新南斯拉夫國；唯除沿海區域，門的內哥羅國會，已決議合併門塞兩國，作爲大南斯拉夫之一部分；但門王尼哥拉一派，以合併之後，門若不得完全自治，則反對之。又南斯拉夫又與捷克斯拉夫之主張，亦有衝突；因捷克斯拉夫欲得一路，從波希米亞至亞得里亞海爲止，借以通海也。

六，希臘 希臘欲得博斯破魯斯及他雷西 *Thrace* 之大部，並欲得小亞細亞境內之斯滿納村 *Inyyna*

及在東地中海以前屬於土耳其之羣島，此處與意國要求，略有衝突。

七、保加利亞 保國雖係無條件投降，其將來土地，須憑戰勝國之處置；但保政府並未拋棄擴張土地之

希望。且更希望取得沿愛琴海之南馬其頓及他雷西兩處之土地。

八、捷克斯拉夫 捷國所畫之疆域，幾全取諸奧匈國之波西米亞，摩拉維亞，及北匈牙利之斯拉夫區域，

業經合併入新捷克斯拉夫國；唯此種計畫，頗與波蘭人，德人，奧人及匈牙利人相衝突；因捷克人要求

德屬薩克森及細勒西亞之一部分，均應併入該新國也。

九、波蘭 波人欲取得包圍俄屬波蘭及加里西亞三面之土地，作為新波蘭國之基礎；又欲得東加里西

亞及小俄羅斯之一部。在東北方面，波人欲得維里納。Vilna 但路生尼人 Ruthenian 與布黨人，

皆要求維里納，布黨人且以兵力舉之。波人對於德屬細勒西亞，波森 Posen 及西普魯士，均以波蘭

住民為多，要求應歸波蘭；並欲佔領但澤城，波蘭得直接通海。

十、比利時 比國要求戰時損失，應由德國儘先賠償，至少一萬五千兆法郎；若德國不將取回之機器及

材料交還，則賠款尚須增加。比人欲先得賠償者，因彼最先被德人侵入，中立破壞，人民又最受痛苦故

也。比國現已重獨立，脫離中立國態度，欲北擴境界，但與荷蘭衝突；故荷蘭竭力反對。至盧森堡願合於

比國，抑法國，或仍保其自治，比國許盧之平民議會自決之。

十一、瑞士中立國之提出願望於和會者，只瑞士一國。瑞政府陳述意見，謂無願參加國際聯盟，但因其民族混雜不一，若國際聯盟，係用瑞士軍隊，從事世界警察，因此或將反抗意國，或法國，或德國，則彼未便相從云。瑞士欲使來因河成爲中立河，俾彼可以出海。此項願望，與法人之意相符，如實行則瑞士得出海之路矣。

以上據中美新聞社所載，略加刪除，以外尚有日本及中國要求，當於以下詳述。

第四十五章 和會之難決問題

(一)德軍艦處理問題 吾聞戰期中之各強國，其軍事共同焉，其外交方針共同焉，其財政運輸共同焉，此何以故？曰利害一致故也。和約告終，各國代表星散，其相互之競爭如何，非所敢知也，豈待和約之中，其朕兆早已見矣。善哉！今法總統柏氏之言曰：各國互助之精神，所以收戰勝之功者；不特應保持於和議期內，且應保持於和約簽字之後。今和議未了，而此互助之精神，已日形渙散矣。此世界治亂所繫焉。此蓋望列強稍去私見，勿徒謀己國利益，以損此互助之精神也。然戰事既終，除對待敵人外，無利害共同之可言，故有比較；有比較即有猜忌；有猜忌即有競爭；各國希望不同，已如上章所述，因互相衝突，即有難決問題，其第一即爲德艦之處理。

自德與協商國訂休戰條約，將以下各艦，交與協商國。而協商國拘之於英、三島以北之斯開魄（Scapa Flow）

戰鬪巡洋艦

五隻

每隻大者二萬八千噸 小者一萬九千噸

戰鬪艦

十一隻

每隻大者二萬八千噸 小者二萬四千噸

輕巡洋艦及水雷敷設艦

八隻

新式大驅逐艦

五十隻

此艦隊凡七十四隻，四十萬噸；建造之費五千萬磅。第一休戰條約內，本爲拘留者；第二休戰約內，改爲投降。於是各艦爲協商國之戰利器。二月下旬，五強國會議討論和約中之海軍條件，英海軍部提出此項艦隊應沈擊之意，法意各報羣起反對：謂此時各國正患船少，且材料大可寶貴，豈可以若是有用之品，付諸流水？獨法意然也。英國內亦有請問政府者，於是海軍部發表其意見曰：

德艦處置之方，幾經政府研究，謂以之分配於各國乎？則必引起無謂之爭執；謂毀之而利用其材料於他處乎？此七十四隻，造固不易，毀亦不易……謂改爲商艦乎？則戰始時英政府嘗試行之。以戰艦改商船，其事萬難實行；且德國艦隊，造於德國船塢內，無德國船塢，而權利用此項船隻，不易見諸實行。有此兩種理由，故英政府以爲舍擊沈外，別無他法云。

法海軍部長聞英有此議，乃向元老院海軍委員會，發表其意見云：

法國誠欲保護其海岸，鞏固其殖民上生計上利益之防衛與盡其在世界上應有之天職，則海軍之改造，

乃今日必要事也。法而取海軍削減策也，不啻自損其戰勝之利益，自棄其霸國主義之政策。凡以此故：德國艦隊，不應沈擊，不應毀壞，既爲各國之戰利品，故應以之分配於各國，由各國自由使用。如是則法於戰時所受海軍之損失，可以不加重國民擔負，而得一彌補之途矣。

法英海部，主張既不一致，而報紙復相暗鬪。當二三月之交，兩國相攻之文，日接於目；唯意大利後亦主張瓜分，故英不能固執。列強協議，瓜分德艦，已載在媾和條約。德政府將於六月二十八日簽字，德海軍將士，知事不可爲，憤國力不張，決議犯休戰條件，盡沈戰艦。是日正午，懸紅旗爲號，各艦水兵，一時拔去艦內水塞，除巴典一艦及小艦外，凡大戰艦巡洋艦，悉數沈入碧波藍濤之下。船上人悉乘小船逃生。英法守艦轟之，然已無補大事矣。

六月二十日，協約國調查情形，擬賠補損失法。法總理克理曼沙，移文於德國媾和委員，論沈艦事，責其不守休戰條約。德政府自知須出多數償金，總理包爾宣言，政府必以忠誠執行媾和條件，協約國深信任之。沈艦後，英之保潭利 Sir. Bottomley 至衆議院報告，歸咎此事於威爾遜總統，謂其不取完全降服策，而取解武監候策爲失計。七月七日，調查決定德國各港餘艦之海軍委員宣佈，凡船艦俱嚴守前定之地位，不得變移，專候協約國議決政策。日本美國，欲將餘艦折毀，或沈之大海，英亦主張折毀。法獨主張均分，意大利聲言如均分，則必取應得之分；其餘諸小國如波蘭等，亦主張折毀。後竟決定瓜分矣。

(二)漢志及敘利亞問題 阿剌伯半島之西，紅海之東，有地名漢志，雖隸土耳其，然不認土王爲回教正統教主。其域內有麥加 Mecca 麥地那 Medina 者，回教所認爲聖地也。千九百十六年之夏，英軍占土之克脫後，漢志太守，自謂摩罕默德後裔，舉兵獨立，據紅海沿岸各港，自稱漢志王國。蓋英人助之也。時土耳其方攻蘇彝士河，英助漢志獨立，所以使紅海兩岸，入英掌握；而東西通地，不容人橫斷，此一意也。漢志聽英指揮，而美索不達米亞爲英勢力範圍，則阿剌伯全半島，爲英所左右而爲印度埃及間之一新根據，此二意也。且印度埃及多回教徒，待回教聖地，而又有摩罕默德之後裔以領袖全教，則教徒歸向之心益切，此三意也。

漢志者，阿剌伯民族之一部而已。近年阿剌伯民族之統一說日盛，其青年運動，均以法爲中心。有欲以法爲阿剌伯民族之保護者，由敘利亞以及於全阿剌伯，可知法與阿剌伯民族，其關係本不淺矣。今以回教聖地，在漢志故，全回教咸屬目於此。而獨立之業，自英之援助而成，其非法之所能滿意，不待言矣。當和會之開也，聞之人云，英爲漢志要求全權二名，法外部拒之。及至各國名額決定之前一日，漢志之英國司令官向法聲言曰，全權多寡，漢志人視爲大事；若因此激成變故，則余所部阿剌伯人數萬，恐無力駕馭；而敘利亞僑居法人之安全，則非予所能負責矣。法外長聞言大懼，乃應允之。此言雖無確據，然英法爭執之烈，可想見矣。法京時報，世所認爲法部之機關者也。其言曰，漢志國對敘利亞而握有一種權利，必永爲聯盟兩方衝突之媒，蓋敘利亞一方以法爲保佐人，而他方則認漢志爲其宗主國，苟有構煽於其間者，則以宗主國抵制保佐人而

已。而居於宗主國之後者，實爲英人，直不啻以英人抵制法人而已。豈獨報章？法衆議院外交委員長云：敘利亞之處分，英法間已有條約，（千九百十七年英法俄三國瓜分土之密約）今不以條約爲根據，而承認委任統治權之說，吾政府方針之誤，無過此者，足見法人之不滿意於英者甚矣。此後英法於小亞細亞，勢力消長，究何若乎？此迄今難決之問題也。

（三）但澤及德國西境問題。法國此次對於和會之大計有二：建造強固之波蘭，使德無由逞志於東陲。其一也；剷除德國在來因河兩岸之勢力，使德不得越河而西，其二也；法人既以此二者爲大目的，故所爭獨在此。英美人則不然，和平云者，惟平而後能和；若和平條約，而必以武力保護之，斯不得謂和平。惟如是，強以德民族歸併他國，是公理所不許，而必爲日後戰爭之媒；故法之安全，應得保障，然以圖一時之利益，而爲併吞之舉，是英美所不贊成也。但澤者，在維斯杜拉 *Vistula* 河入海之地，德在波羅的海上之良港也。威氏十四條之言曰：波蘭應獨立，且與以出海之地。於是和會中，有波蘭委員會，研究波蘭之疆界與海口。爲此委員會之會長者，法人前大使剛本氏也。剛氏之報告書，以但澤港隸波蘭，必越德境，乃達此地。於是爲波蘭在國境畫出一通道，以便入海。而此通道，卽爲波蘭之領土。此報告書，提出於四人會議。（英美法意各一人）英首相佐治氏，首先反對，謂畫此通道，隸於波蘭，則此通道上德人之應歸波蘭籍者三百萬人，是不啻新造一日爾曼區域也。因此報告書，交還剛氏，而剛氏仍持原案，波蘭總理怕蘭度夫司機氏聞之，親來巴黎，陳說於英

法美各國。是時波蘭軍隊二師在法，由哈雷將軍統率之，依休戰條約之規定。凡聯盟軍之入東方者，得由但澤登岸。而福煦元帥，乃根據此文，要求將哈雷軍隊設法運至但澤。德人恐波蘭軍永據此地，於是拒絕福煦之請；且願以他港作登岸之地。此問題復交四人會議，而會議之結果，則主張苟德非由鐵道代運此軍至波蘭者，固無須取道但澤。福煦元帥，奉各國之命，以交涉於德休戰委員長，於是於四月三日斯伯之波軍運送條約。自此觀之，似協商國未嘗堅持以但澤登岸也。後對德和約，以此地作為獨立自由市，另詳於後。

德國西境問題，法切身利害所關，遠非但澤可比。聞原提之案，則薩爾峽 *Saarländ* 歸法版圖，一也。來因河左岸應成立新中立國，二也。此二地人民，當十九世紀初，曾為法屬；然今純操德語，若以改隸於法，則猶之以但澤應道，隸於波蘭；故雷得佐治及威爾遜均反對之。四月上旬，雙方協議，幾於決裂。茲將兩方所持理由，分述如左：

一、關於來因河之辨論。法曰：以千九百十四年之例證之。德之所以能攻入法者，則以據有來因河左岸，且在此敷設運兵鐵道之故。不獨法人知之，德人亦知之，故為世界保障自由之法國計，應以此地歸法。英美曰：唯如此，故和約中已規定來因河上軍事工程，一概撤去；且東岸三十里內，不應建築要塞；德軍已降為十萬，又有軍事委員會以監督之，又何足畏者？法曰：不然，限制兵額及軍備之舉，拿破崙時嘗行之，而終於無效。時德人口不過五千萬人，今增為七千餘萬，又有此次百萬之兵，戰事一起，不難立集大

軍，卽有國際同盟軍隊之援助，猶是緩不濟急。故法人之意，以爲萬全之策，厥在求一安全地帶；猶英之以海爲帶。安全地帶云者，則來因河左岸，由聯合國占領，而德之西境則以此河爲界而已。英美方面，卒贊成法之要求，以來因河左岸，作爲非軍事動作範圍；德不得在此駐守築要塞，設軍械廠以及徵募軍隊。來因河左岸，畫出二十五英里，作爲中立地帶。此兩岸之狀態，由國際聯盟保證之；且英美對於法國，別有相助之約束；此項占領，以十五年爲期。

二、關於薩爾之辨論 法曰：吾北方工業之地，盡爲德所毀棄，而德之工業，絕未受損害，則不待吾恢復之日，而法之工業，已大受打擊；故爲後日工商戰爭計，德應以薩爾鑛產，屬諸法國；且德此時不能交大額賠款於法，則此鑛產，可作爲物品的賠款之一。英美曰：法而但求生計上之保障，則吾英美無異言，誠爲生計一端計，則指定每年鑛產之額，交於法國可矣；又何取此地爲中立地爲者？法曰：不然，依於千八百十四年之疆域論，此地本屬諸法國，故與法有歷史上之關係；且鑛產既移於法，則地方之責亦隨之；故以永久計，應以此地屬諸法國。英美曰：法之要求過甚，則德人懷復仇之心，以圖報復於法，又何利者？法人曰：不然，吾限其兵額，奪亞洛兩省，去東普魯士，索鉅額之賠款，德人除復仇外，尙有何他？想謂不要薩爾，卽能滅復仇之念，是妄言也。後英美卒納其一部分意見，於此地設法警察，暫作爲中立地；以十五年後，投票決其隸德隸法，俟詳於對德和約，茲不贅。

(四) 阜姆 Fiume 問題 自和會開幕以來，阜姆問題，幾無日不在四國會爭論之中。然其爭論，必有由來。蓋意大利根據歷史關係，而又操之過激者也。阜姆本一名城，雖係羅馬舊物，然自近古以來，即屬匈牙利。當時阜姆人，與匈牙利本非同種，但以匈人經管該城，遂成爲地中海之上重要商埠。一切市政管理，皆有秩序，爲阜姆人所悅，故願附之。後拉丁人居住甚衆，與匈牙利人恆有衝突，意大利於戰爭後，益思併吞是地；故千九百十五年，有英、法、俄、意之協商，於是年四月二十五日，即簽定密約於倫敦，以阜姆附近之地歸意，爲加入戰爭之條件。開戰後不久，該城即爲意大利人所得。和會既開，意人要求承認，因和會方注意對德及萬國聯盟，初未議及；直至四月初旬，議及南斯拉夫疆界問題，因而遂漸及於阜姆問題。但當時各國並不重視倫敦密約，而主眼在南斯拉夫族之安置。故意人已覺大失所望。阜姆市政會議議長葛羅息 Grassich 氏，代表阜姆全體意人，致電意國和會代表，謂阜姆必無條件歸意大利，否則速歸羅馬方面，意國會議員及人民均有示威運動。四月十五日，意代表將倫敦密約遂宣布於和會，並面請威總統表示同情，以便四人會議，從速決定。自此以後，四人會議，遂無日不議及此。但其中難點極多：一、阜姆歸意，亞得里亞海口，諸南斯拉夫族小國，不能得一自由出入港口，必不自安，將再呈前此巴爾幹之亂象。二、與威爾遜不割領土宣言抵觸。三、戰後與戰時宣言不同，密約難以履行。有此三難：四人會議，即思調和方法。意代表執意不允讓步，威總統頗不謂然，尤不贊成以寶貴之光陰，盡犧牲於此一問題。遂於二十三日，發出宣言，以明白表示其反對意大利占

領阜姆之意。意代表見威氏決後，亦於是夜宣出發言，登載各報，以反對威氏。並於二十五日晚，退出和會歸國，隨員皆全體隨行，唯留外交大臣在巴黎清理文件而已。考意人要求理由，約有兩端：一，阜姆意人居住甚多。二，阜姆不割與意大利，意國東海岸甚危險。但意政府要求雖如此，而理由殊不充足。蓋阜姆附近雖有意人居住，而非意人亦不少。阜姆若歸意大利，意國東海岸免去危險，然與阜姆相連諸國，豈不畏危險耶？且阜姆爲匈牙利、塞爾維亞及新造南斯拉夫各國在地中海岸唯一出口，意大利得之，可以壟斷亞得里亞海權，此豈公道耶？威總統之主張，甚合公理。然以意人要求，英法因思調和，遂擬定兩法：

一，以阜姆及附近地，歸國際聯盟管理，開爲自由港，各國均得通商。

二，以阜姆歸意領有，唯意應將該地方作爲自由口岸，以九十九年爲期，租與國際聯盟；同時國際聯盟得管理阜姆灣一部。

然意大利要求，尙不止此，非以無條件的占有不可。

(五) 美國責任問題。英人言曰，協商國所以收此戰勝之大功者，以美人加入故也。美既已踴躍於戰時，則不可退縮於今後。蓋美人若猶持其昔日孤立美洲之故態，則所以維持正道之大功，不免付諸流水。至美之所以盡其國際之大責者，厥在加入國際聯盟，而負委任統治之責而已。此言也。英人一般之思想，亦即其政治鉅子之思想也。前外交大臣格黎氏之言曰，委任統治之責，美當負其一部，蓋有國際聯盟，而無美國在其

列；則此聯盟必化爲歐洲協調，兩團體相對峙，日肆其縱橫捭闔之技。唯有美之協力，乃得戰勝；亦唯美之協力，乃得保持和平。若美而猶持其嚴正孤立之策，則抱野心以圖一逞，如德國者，不難復生於今後。吾唯抱此希望，故祈禱以求英美美國交之日密也。至格氏所謂委任統治之地，大之如歐洲新造之國，小之如小亞細亞等，皆有待於美之指導誘掖。苟美而肯負此責者，英固願聽美之自由選擇，拱手以授之焉。威爾遜輩，固贊成英此議者也。其言曰：與其待戰起而補救於事後，何如事先與歐洲協力，以防戰事之發生；蓋今世界既爲一體，已無歐美之可分矣。至於與威氏反對者之論曰：美以有孟祿主義，故超然世界政爭以外；今國際聯盟既成，以五強爲統治機關；此機關中三人爲歐洲國，一人爲亞洲國，餘一人爲美洲國。以五人支配全世界，而美亦在被統治之列。是他洲人，從此得干涉美洲事矣。自他方言之，聯盟條約內，相互保持，彼此獨立；苟甲國有侵犯乙國者，則聯盟內之國家起而共伐之。誠如是一旦有變，以美國人之金錢人民，爲他國犧牲。夫犧牲可也。其奈於此犧牲者，不在吾國會，而在此五人會議何？且如英帝國者，屬地徧於三大洲；美之海外殖民地，則寥寥可數。吾而保證英國土之安全，是吾負莫大之責任，而一無所得於英。凡以此故：如近東民族之複雜難治，而代負統治之責，日後之收效未可知，而外交上負莫大責任；軍事費必多支出，徒有損無益而已。自此反對之論日昌，威氏惕於其勢，乃有加入孟祿主義於國際聯盟條文之議。而英之所朝夕希望者，實在以亞美尼亞之統治，屬之於美；而美至今，尙未明言承認者也。豈獨委任統治而已？若賠款及來因河問題，雖大端既

已決定，而條約之保證，則視美軍能否久駐歐洲，以監督其履行。美人其甘於爲他人作嫁衣裳耶？未可知也。威氏之維持和平，其真意耶？亦未可知也。

(一) 海洋自由及英美海軍問題 海洋自由爲英美爭執之一問題，由來久矣。美之所謂海洋自由者，有二義：自法律上言之，私人財產，不論爲敵人，爲中立人，一概免於捕拿。能如是，敵人與中立人，苟其所爲，不涉於國家，則戰時通商之權利，可以推行無阻。此一義也。自政治上言之，戰時海上法規爲禁品，如封鎖，如書信檢查，如中立船之出入等事；由一二海軍強國，擅自規定，而出以獨斷之態度，殊爲美之所積不能平。此二義也。美總統唯以此故，乃於十四條中，特提海軍自由一條。而休戰之義起，德人既承認此十四條爲標準；英人於除外各條，不持異議；獨於海洋自由，期期以爲不可。果英美兩國對於海上法適用，有異同耶？抑海權所關不廿於拱手讓人耶？美人知其然也，乃申儆其國人曰：與其以宣言與人爭法律，不如以實權與人相抗；實權所在，既變，則法規之變亦隨之。而其方法奈何？擴張海軍以爭海權是已。千九百十九年十二月，美海軍總長，提出三年海軍計畫建造書。其說明之詞曰：

吾人於所以鞏固吾全權在平和會之位置者，無過於通過此海軍擴張書。余之始立此計畫也，曾商之威總統及休戰條約商訂，威總統之意見如故。誠以此計畫，足以大張美國在和會之聲勢也。此次和會中關於裁兵之議，苟不能求得各國一致之辦法，則美爲實行其民主國領袖之天職，爲保護諸小國之責任，爲

維持海洋上之自由；不能不建造一無論何國不能相等之海軍。總之此次和會後，全世界各國而能停止海軍之建造，斯已矣；如其否也，吾美國唯有竭其精力人力財力以建造一世界無比之海軍而已。

由此觀之，美之海軍政策，當然以英爲未來之目的敵，彰彰明矣。不知者流，每謂美英兩國言語同，思想同，習慣同；且經此生死存亡之大戰，兩國親交已如水乳而不知實有大謬不然者。今後英美，其爲昔日之英德耶？其別有他道以解決耶？是視今後海上法規之修訂，與夫國際裁兵之形勢而定。是亦在和平會議而已。

註、本章節錄張君勵君游歐隨筆協商國關於議和權利條件上利害之異同及其他各報紙。

第四十六章 國際聯盟 The League of Nations

(一) 國際聯盟之由來 國際聯盟，自威總統宣揚以後，偏傳世界。巴黎和會，首議斯題，至今居然有成立之望。聯合約章，徧載各報；唯一事發生，絕非偶然。國際聯盟，由來已久；唯時機未就，不能成諸事實耳。歐戰以後，各國均有覺悟；美總統登高一呼，遂易爲力。今述其四大原因如左。

一、學說之鼓吹 昔拿破崙之囚於孤島也，嘗歎曰：「吾制滅後，能均歐洲之勢者，其爲各大民族之聯邦乎。」(1) 美儒邁爾有云：「欲清民族國家之亂，唯有組織聯邦國而已。聯邦國之爲制，各存國內之舊習，不妨民族正當之自由；而一切相賊相害之自由，乃不獲逞。初吾美建邦，法嚴而意美；踵而效之者，有加拿大，有奧地利亞，有瑞士，德意志，等國。然此皆民族聯邦國也，更進而爲民族國家間之聯邦國，亦無不

可。」(ii) 此外歐西學者，不乏名著；足見聯盟鼓吹，已非一日矣。

二、歷史之進化。德人魏黑倍 Wehberg 有言：國際進步，趨於大同，(iii) 歐洲自入近世紀以來之國際社會，與日演進。自範圍言，則擴張漸大。自內容言，則關係益深。法治維繫之主義，與共同利害之觀念，日益固植其基。十七八世紀之中，已漸見國際公會之機關，為一般政治問題之解決。舉其顯例，有千六百四十八年之威斯特法里亞 Congress of Westphalia 會議，有千七百十三年之烏得勒支 Utrecht 大會。洎乎十九世紀，則公會之召集，其職務不限於解決政治問題；且更進步，而著手國際立法事業。千八百十五年之維也納會議，於處分拿破崙戰後歐洲善後問題，重修歐洲地圖以外，尚決議有國際河流通航自由，外交官分等特遇，奴隸販賣禁止之原則；千八百五十六年之巴黎會議，於收束克里米戰事處分，近東問題以外，尚議決有所謂巴黎宣言四條。巴黎宣言者：關於海戰法之規定，於國際公法上，開新紀元，實十九世紀以來最重要國際立法之一也。以如斯重要之國際立法而得議決於公會，則公會之無形中認為最高國際機關，而國際社會之隱示組織，已可想見。十九世紀中葉以來，科學進步，經濟發展，交通頻繁，國際共同關係連帶義務之問題，更增複雜。於是一般國際問題之討論，不僅附帶於政治性質之議和大會，而且隨時召集特別會議，以籌處決之方。例如千八百八十五年之柏林會議，處分非洲剛果問題，則不徒歐洲重要國家如英、法、意、俄、德、奧、比、葡、丹麥、西班牙、瑞典、挪威、土耳其，均列會

議；即遠如美國，亦列席焉。其他類似會議，如解決摩洛哥問題等，尙復不少；同時而有一種國際聯合行政之組織流行，國際共同事務，置有常設機關處理。千八百七十五年，有萬國電政同盟之設立；千八百七十八年，設萬國郵政同盟；千八百八十三年，設同盟以保護工業所有權；千八百八十六年，設同盟以謀文藝美術作品保護。此外關於國際私法，交通，運幣，貨幣，度量衡，勞工衛生諸問題，特開會議，立爲協約以定共同義務者，逐年增多。然此猶無統系之組織也。迨及海牙平和會議之召集，而國際關係性質，爲之大改，大同聯治之想，於此漸露實現之機微。第一次平和會，召集於千八百九十九年；第二次召集於千九百七年；使無歐戰發生，平和會必當於千九百十五年，三見於海牙；則是世界上已有一定期集會之共同機關。國際社會之法定的組織，可謂粗具雛形；然則今之所謂國際聯盟，其殆國際社會演進之程序，早晚必達之階級歟。歐洲大戰，特有以促進之耳。

三、政局之要求。千八百七十年，普法戰爭以後，歐洲大陸，得慶小康者，四十餘年。其間雖有俄土之役，希土之戰，意土之戰，及兩次巴爾幹之戰。然皆局部的戰爭，全體和平，尙能維持不破。蓋三國與俄法同盟，後成之三國協商之均勢，有以致之。然此次戰爭禍根，亦即伏於此時，前已屢次論及。由今次歐戰教訓，遠識之士，翻然省悟。知均勢之不足保持平和而反留戰禍之種也，於是國際政治革新之說以倡。代表斯說者，爲美總統威爾遜。其言曰：交戰國間互訂之議和條件，並且不能滿足交戰國自身；徒然協定，無

以保障和平，要在創造一種勢力，以爲一切解決持久之保障。此項勢力，須比在交戰中任何一國之勢力，或既組織或計畫之任何同盟之勢力均大；俾無論何國何聯合不能對抗之。如今後成立之和局，欲其持久，則必其和局有人類組織的多數勢力爲之保障而後可。今後議和之條件，可以定此和局之是否能得此保障。世界將來和平政策所依以定者，有一問題焉。即問今日之戰，其爲一公平安穩之平和而戰乎？抑僅爭一種新均勢乎？如所爭僅在一種新均勢，又誰保此新均勢協定之安穩乎？惟平靜之歐羅巴，不當有均勢，而須有共勢；*Not a Balance of Power but a Community of Power* 不可有組織的對敵，而當有組織的共和。*Not Organized Rivalries but an Organized Common Place*

(四) 威總統之言，可謂道破均勢之危險，暗示大同組織之必要。不惟爲全體和平計，爲戰敗國弱國安全計，卽爲戰勝國之利益自身，舍此亦無他道。此所以歐戰之中，不惟中立國家，倡導世界新組織之計畫；卽交戰雙方國家，亦多公然贊成威爾遜之主張。以素持均勢主義之英國，誇張強權之德國，亦非難協商同盟之策。而寄情於大同聯治之想；蓋時勢之要求，已有不可抵抗之勢。又况歐戰進行，事變百出。俄國革命之後，分崩離析；奧匈戰敗，帝國瓦解；社會問題，涉及全球，有待於國際共同解決之必要。卽今交戰國議和成功，善後問題，不得謂爲解決。戰後國際關係，更加繁難。真正之和平，不徒求諸交戰國間之和約，而繫於世界之新組織。設使戰後世界局面，仍舊委諸無政府狀態，無論何方制勝，獲志於城下

之盟，其結果不過一時強迫休戰。久之均勢一有變動，兵禍又將重開。故欲免於此種危險，有根本的改建國際社會，放棄對敵方針，實行聯治主義之必要也。

四，思潮之趨勢 十九世紀中葉，為個性獨立自由競爭主義之全盛時代，影響所及，政治經濟社會之組織，受其支配。其特徵歷歷可尋。後半期以還，反動大起，羣性共濟之思想，漸次瀰漫歐洲。充此思想，則人羣生活，連帶相依，有互助而無競爭；認強弱共濟之義，而不認優勝劣敗為科條；不服自然淘汰之法則，而使各個體咸有生存之機會；此其說並非出於宗教的慈善的動機，而實信為羣治的真理，人道之原則也。若因思想實行之方面，發於內而定一國社會之組織，則為共同主義；發於外而為國際機關原則，則為國際主義；萬國同盟，即國際主義之化身也。俄濱罕曰：「國際主義者，世人之一種確信。信文明國家，雖因民族各具不同因素，彼此分立；而實通全世界構成一個社會也。信一切國家民族之利害關係，互相固結；因而國際社會，不可不設立國際機關，以保障一較往昔普及而持久之平和也。」(五) 由是則國際主義，不但為帝國主義之正反對，抑且為民族主義之緩和劑。蓋帝國主義之主眼，在勢力膨脹，在領土擴張，其勢必出於侵略。而取兼弱攻昧之策；其有反國際主義之精神，固不待論。而即民族主義以言，其初意原為解除異族之羈絆，謀同族之統一；久之而原意漸失，以謀一民族發展之故，遂至侵害他民族之自由。統一不足，繼以膨脹；執一族自肥自利之念頭，而忘乎各族之共同利害關係。充其流弊，則

民族主義之極端，即流於帝國主義。以是而民族與民族之間，競爭激烈，弱肉強食，國際社會，成一無政府狀態；戰亂之禍，靡有已時。此由於不解國際互助之義使然。故國際主義，一面打破帝國主義，同時亦在補救民族主義之偏弊。萬國同盟之組織，亦正以徵斯主義之實現耳。^(六)

註一、原文參觀拙作大戰因果論九十頁小註。

註二、Myers, General History, P. 748.

註三、Schuching, International Union of Hague Conference, P. 32.

註四、見 J. B. Scott, President Wilson's Foreign Policy. Address, Messagges Paper, P. 248-249.

註五、見 Oppenheim, The League of Nations, P. 12.

註六、本節後三段參考鯁生君萬國同盟之三大意義，見太平洋二卷一號。

(二) 國際聯盟條約之略釋 和平會議第一事業，即為國際聯盟。其草案之出世，在千九百十九年二月十四日；^(一) 後以各方反對，又行修正。^(二) 茲就其兩次條約，略釋如左：

一、國際聯盟之團體員 凡一團體，必有團員，譬之會有會員，國有國民。此大同盟中之團體員，為世界國家之團體乎？為一部分乎？依威爾遜原所宣布者，雖德國亦欲列入；但依本條約所規定，除現在之協商

國外，凡敵國及中立國，均不在其列。此外願加入者，須得各國代表會中三分之二之同意；且必有遵守條約及關於制限軍備之原則之誠意而後可。誠如是，非世界各國之大同盟，乃協商國之大同盟也。雖然：世界四十餘國中，在協商國之列者，已三十餘，不謂為國際上之大結合，不可得也。中立國如荷蘭，如瑞典，素有親德之嫌，當然不得加入。然瑞士、挪威等國，或亦不至長此見擯也。

二、聯盟團體之領土主權 本約中第十九條，規定土耳其及德國殖民地，由同盟委託一國代為統治，殆與美之未成邦之屬地相同，不過範圍大小之異耳。所謂主權者，常屬於強制性質。此同盟有此權力乎？曰：未也。然屬於同盟各國，不得擅自宣戰；凡有爭議，應以交付行政會議公斷或審查；此則各國主權之唯一制限，亦同盟自身之唯一主權也。和平會中審查會，初主張由美國練兵五十萬，作為國際軍隊，此說為多數所反對；其後有折衷之說者，則國際軍隊，由各國分擔；此則同盟主權之後盾，而強制力之所賴以發生者也。

三、聯盟團體之機關及其職權 國際聯盟之機關，凡分三種如左：

1. 立法機關。

甲、代表會議 由同盟內各國各派代表三人組織之，每一國只有一投票權，其所掌職權如左：

A、新同盟員加入之認可權。（原案第七條修正案第一條）

B, 一部行政會員之選舉權。(原案第三條修正案第四條)

C, 秘書長任命之同意權。(修正案第六條原案無)

D, 解決同盟國間爭議之權。(原案及修正案均十五條)但此種權限行使,有二條件:

(1) 限於由行政會議提交或爭議國要求提交時行之。(原及修正案均十五條)

(2) 解決案之報告,要得列席行政會各締盟國代表及聯盟中其他各國除爭議國外諸代表過半數同意者,方有等於行政會提出之報告,確得除爭議國代表外各代表之同意者之效力。

(修正案第十五條)

E, 勸告同盟國於不適用之條約及危險的國際狀況之再考權。(原二十四條及修正案十九條)

乙, 行政會議 由英,美,日,法,意,五大國之代表及小國內四國之代表組織之,其職權如左:

A, 任命秘書長之權。(原五條修正六條)但須得代表會之同意。(修正六條)

B, 關於同盟國縮減軍備計畫之建議權。(修正第八條原第八條為規定關於縮減軍備計畫之

權)

C, 同盟國軍備增加之同意權。(原及修正案均第八條)

D, 建設關於私人軍需製造防止方法之權。(同上)

E, 建議關於同盟國履行對於外國不加侵害或侵害之危險之義務之方法之權。(原及修正均十條)

F, 建議關於公斷判決有效執行之方法之權。(原修正均第十三條)

G, 建議設置法庭計畫之權。(修正案第十四條原案十四條爲規定設置國際法庭計畫之權)

H, 解決同盟國間爭議之權。(原修正均十五條)

I, 建議關於同盟國保護盟約軍隊分擔之權。(修正第十六條原案第十六條爲支配關於同盟

國保護盟約軍隊分擔之權)

J, 剝奪破壞盟約國同盟員資格之權。(修正第十六條原無)

K, 邀請非同盟國擔負同盟員之義務之權。(原修正並十七條)

L, 解決非同盟國間爭議之權。(同上)

M, 規定代管國行政程度之權。(原十九條修正二十二條)

2, 行政機關。

甲, 常設秘書所。

乙, 常設委員會。

A, 海陸軍委員會。

B, 屬地代管委員會。

C, 勞動局。

D, 其他國際事務局。

3, 司法機關——國際永遠法庭。

四, 聯盟國之權利及義務。有團體斯有權利, 有權利斯有義務。國際聯盟中各國, 亦有權利, 略分二項如左:

1, 同盟內之各國, 相互保其領土完全及政治獨立; 遇有外患, 則他團員起而助之。

2, 爭議既交付公斷後, 其不守國際同盟規則而攻擊他人者, 則其受法者, 得受同盟之保護。

其義務略分三項如左:

1, 遵守國際同盟內一般的及關於公斷上之規則。

2, 國際同盟組織聯合軍隊時, 應分擔其軍力, 並許同盟軍之通過。

3, 對於違約國禁絕其國民, 與違約國財政上及商業上之交通。

五, 國際聯盟之功績。國際聯盟之目的, 將來能否達到, 尚在未知之列; 然據所規定, 其有功於世界者, 略

分三項如左：

1, 限制軍備 國際聯盟第一要務，爲限制軍備，蓋各國強弱不同，不如是，不足以保和平也。依第八九條之規定，同盟內設一委員會，以各國地理位置及其他情形爲標準，定縮減軍備之方法；然究以何情形爲標準？是又一問題也。

2, 外交公開 列寧宣布俄之密約後，於是密約之害人，始爲世所公曉。本約中二十三條，規定條約公開。此著誠能辦到，則侵略之技無所施，縱橫之術無所用矣。

3, 委任統治 委任統治云者，劣等國家不能自治者，由高等文明之國爲之代治也。英之對於殖民地，固已行之久矣。惟昔日名曰合併，名曰殖民地；今易一新名以名之曰，委任統治。此次德土兩國之殖民地，一切以委任統治之形式行之，意謂此等土地，仍歸其土著之民所有；不過無自治力，故由國際同盟爲求一代治者。誠能如是，則弱國免吞併之憂。然名雖善，恐非真能助長弱者劣者之發達也。

註一、兩次原文及譯文均散見華北明星及其他各報，讀者可參閱之。

註二、本節參觀張君邁君國際聯盟條約略釋。

(三) 中國與國際聯盟 國際聯盟條約，略釋於上節。然則於吾國有利乎？抑有害乎？曰有利。蓋有法可守，有理可言。就論理上之結果，必能利於中國，試分條言之如左：

- 一、中國自南京條約後，門戶大開，各國競相侵犯。此後有國際聯盟之保護，不至被人侵略。
 - 二、如受侵犯，可申訴於國際法庭；中國必易於得勝。
 - 三、外交公開，則中國不至爲外人所迫而定密約。
 - 四、軍備限制，則中國可以不必擴張軍備；以其餘力，與辦實業教育。
- 以上就中國應得之利益而言也。然觀中國今日，不能受此利益。蓋根本危機，厥有四大端：
- 一、南北內訌不已，將失其國際聯盟團員之資格。
 - 二、財政日紊，外債日多，恐陷於受委任統治之地位。
 - 三、上有賣國者，下少愛國者；所有賣國密約，均由於自動的結定，原非強迫。
 - 四、中國軍隊，原爲爭權奪利諸武人爪牙；雖有軍備限制，減之非易。

第四十七章 對德條約略述

(一)條約內容 對德條約，又名凡爾塞條約。凡爾塞者，昔日法王路易十四之故宮，居巴黎附近，和約訂於是地，因以名焉。此約起草於和會開幕，至五月七號始成；分遞於與會各邦及德意志代表。雙方辨答往復，至六月二十八號，乃行正式畫諾。除我國外，各國皆已署名，約文原稿，亦經刊布，約內分十五章，共四百四十條，另有附件章節，總合一大冊。事項繁重，不能全體譯出。今照列其章數，并舉其內容概要如左：

第一章 國際聯盟章程。

第二章 德意志之疆界。除奧盧森堡、奧地利亞、瑞士三國，仍如戰前外；其對於比利時、法蘭西、波蘭、丹

麥及捷克斯洛伐克五國，均有變易。

第三章 歐洲政治上之契約。舉其要者如左：

甲，亞爾薩斯、洛林兩州割還法國。第五十一條原文云：千八百七十一年二月二十六日，在凡爾塞訂媾和初稿，同年五月十日在法琅佛德 Frankford 續定之和約確稿內，法國以亞洛兩州讓與德國；今於千九百十八年十一月十一日簽定休戰條約起，德國以此兩郡交還法國主治；其疆界一如千八百七十一年以前之舊。

乙，薩爾之處置。第四十五條云：德意志將薩爾之煤礦完全主權，讓與法國，作為破壞法國北部煤礦之賠償；又作為此次戰役德人損害賠償之一部。界內法蘭西有全權施設，自由行動，不受債務及別種費用之稍阻。又四十九條並附章云：煤鑛區域之大小，和會派委員五人，按第四十八條所擬勘畫其地之行政權，由和會派委員五人，組織政府董理。條約實行後十五年，召集其地居民，投票表決歸附之國。

丙，由坪 Eupen 及馬耳美第 Malmedy 之處分。第三十四條云：德比鄰之地有兩區：曰坪，曰

馬耳美第，地理上與比利時甚有關係；且居民多比種。今循比利時之意，則出此兩區，脫離德國主權，聽其地人民自行投票表決所附之國。（以上皆德西境失去之地）

丁，石勒蘇益格 Schleswig 之處分。是地在丹麥之南，昔日爲公爵國而附庸於丹麥者。千八百六十四年，德奧二國，聯兵侵丹，割取其地，旋以分地不平，普奧相爭，奧人大敗，其地遂歸普。此次大戰後，其地人民，有願歸附丹麥者。和會調停其事，許其民自行投票表決，屬德屬丹抑獨立，俱依人民多數意見取決之。和約第九至百十四條，皆爲此事，規定投票之法。

戊，黑耳郭蘭 Heligoland 之處分。是地爲一小島，面積僅一英方里五分之一，居民二千三百零七。島在北海，爲德國奇厄爾 Kiel 運河之口，千八百九十年以前屬英國，後以是地與德非洲屬地交換。德皇既得該島，立發帑藏，修爲海軍港。大戰四年，英人視此地爲脅下之刺，苦不可言，至是和約內特定一款，即百十五條云：盡毀島中一切軍事建設，不留餘燼，且永遠不得再事建築。

己，但澤之處分。但澤之爭，已略述於第九章。和會以波蘭人及德人屢爭不已，乃調停其事，劃出但澤及附近之地，名曰自由城。爲獨立之市，受國際聯盟之保護，派高等委員駐城中，執掌其一切政務；並訂憲法行民政，又訂約使波蘭能享受商務上交通上之利權。和約第百至百零八條，即規定此事云。（以上皆德沿北海喪失之地）

庚，西普魯士及波森 Posen 之割與波蘭。西普魯士省之東部，舊爲波蘭地；千七百七十二年，初次瓜分波蘭，德人割取，附入西普魯士。波森亦波蘭地，千七百九十三年，第二次瓜分波蘭，割歸德國。至是波蘭復國，德人悉返侵地，以符舊制。

辛，細勒西亞及東普魯士之處分。細勒西亞者，千七百四十年，普王腓得烈，以兵力奪於奧人之省也。省東部地高，史稱上細勒西亞。居民多波蘭人，東普魯士省之南部，原德國地，亦多波蘭人。故波蘭建國，擬割取其地，附入版圖。其餘德人，又極不願。二種苦爭，和會乃劃出兩地，俟和約簽定後，派委員主政局，召集居民投票表決，以定所依附之國。第八十七至九十八，即規定此事云。

壬，默麥 Memel 之處分。東普魯士省之北，與俄交界處，有地曰默麥者。其地頗爲立陶宛 Lithuania 人所欲得，然和會不願，而又無再屬普魯士之理。遂劃出其地，脫離德人政權，至於主權若何，尙未決定。第九十九條，即規定此事云。（以上皆德東部喪失之地）

第四章 德意志以外之德國權利。凡海外屬地，德國悉數放棄主權。屬地內國有之動產不動產，悉歸讓與國收受。至私人產業之賠償，及德人貿易居處權之給與，悉聽讓與國裁奪。德國在中國、摩洛哥、拉比利亞、埃及、山東等處之特別權及條約等，一切放棄，承認英國之埃及保護權。又協約國部署土耳其，保加利亞之條件，統須承認。暹羅所據德人物業，亦不得追討。至關山東詳細條件，另詳於後。

第五章 海陸軍及航空之規定。 第六十條云：德國減縮軍籍，至千九百二十年三月三十一日後，應留步隊七師，馬隊三師，軍官士卒，合計不得過十萬人，軍官參謀，統合不得過四千名。舊日之大德國參謀部須解散，並不得再組。第六十八至百七十二條規定云：德國製造軍械子藥，須由協約友邦認可。其已製者，除限制定數外，悉數破壞；不准軍械入口，不准製造毒氣礮，凡戰事用品俱禁制。第六七十三條云：德國強迫軍役制，此後消滅，其軍隊悉依義勇法召集。第六七十七條云：凡學校及各種社會團體，皆不得有軍事練習；又不能與陸軍部及軍官有聯絡。第六七十八條云：德政府禁止軍官人民投入別國軍籍。第六九十條至九十一條云：德國海軍，自條約實行兩月後，只許留無畏艦六艘，輕洋艦六艘，驅逐艦十二艘，魚雷艇十二艘，餘存之艦，悉數交付協約友邦。德國以後，不得建造軍艦，若潛艇則無論；軍用商用，一體禁絕。第一百九十八條至九十九條云：自千九百十九年十月後，德國飛行隊，祇留飛機百架，協助掃除水雷，條約履行後兩月，一概銷除。

第六章 戰虜及死亡葬埋。

第七章 規定戰爭責任問題。 德皇威廉，由五大強國組織特別法庭，問其破壞國際道義之罪。其他破壞戰鬪法規之罪人，當由各國軍事法庭審辦，德國有交出義務等。

第八章 賠償。 德意志應任因戰損失之一切賠償，其數目由清理賠款之國際委員會估定，從千九百

二十一年五月一號起，三十年期內，應當付清等。

第九章 財政條款。爲監收賠款及別項負擔，由本條約發生者，成立一國際監收委員會。此會對於德意志財產有優先權，但特別規定，不在此例。至千九百二十一年五月一號，德意志政府，非有該會特許，不得輸出金幣或使用德意志之領土讓入爲波蘭，比利時，亦當分擔德意志 千九百十四年八月以前之國債。唯亞洛兩州，不在此限等。

第十章 經濟條約。德意志對於輸出入貨物之稅率，不得比其他國更高；對於聯盟國由德意志輸出或由該本國輸入，德意志不得加以何種限制。德意志爲保護聯盟國之貨物計，當立各種規則，以杜奸商等。

第十一章 航空。聯盟國之飛機，能自由駕駛於德之海陸上；唯對於德國施行之航空規程，一律遵守。德意志之飛機，對於聯盟國境內亦然等。

第十二章 商埠水道鐵道。關於水陸運輸或客商，貨物，及郵便輸送等，德意志須允許萬國免稅通過。除去一切障礙，及時間留難，與德人民享一律待遇。對於各國免稅通過之貨物運載稅，應須合宜，不得因國籍而生分別。德意志內地航路，如易北 Elbe 等三河，定爲萬國自由航路，來因河航行問題，仍如前日等。

第十三章 勞動問題。規定勞動法（從略）

第十四章 本約實行之保障。德國領土之在來因河西岸者，由國際聯盟之軍隊，佔據十五年，以爲實行本約之保障。

第十五章 其餘條款。本條約及將來與奧地利亞，保加利亞及土耳其訂定之約，德意志認爲完全有效。

（二）條約與公理 綜上所列大綱：內容已可概見。德國失敗國也，有何公理可言？然媾和之先，威爾遜豈非有十四條和平宗旨，宣言於世乎？今請分別言之：第一條主張和約公開，屏斥秘密外交矣；然今之和約條件，則六閱月間，三數政府之秘密決定，簽字後始公表於世界也。第三條主張撤除經濟的障礙，然和約則經濟條款內，已陷德國國民於經濟的奴境；一方面防制德國對聯軍側有差別的待遇；他方則聯軍側國家對德國商業及其相互間之平等待遇，固未有何等保證也。第四條言限制軍備矣，今則德國應完全解除武裝，聯軍側則完全自由保有，且行擴張焉。第五條主張公平處分殖民地，而重住民之利害關係矣；今則德國海外殖民地，一概剝奪，而令列強得以種種名義分佔之；所謂重視住民利害關係及公平處分者，皆空言也。第六條要求撤兵俄境而與俄國以自由發達之機會，供以助力矣；今和局要求德國承認尊重俄國一切領土之獨立，放棄單獨媾和條約；然獨任聯軍之進駐俄境，干涉內亂如故也。第七條要求完全恢復比利時，還其完

全自由之主權；和約則於恢復舊地之外，且割德國土地，以擴增其國境也。第八主張一切法國領土復元，而糾正普魯士千八百七十一年，關於亞洛兩州之害惡；今則亞洛兩州無條件的割回法國以外，法國尙得占有薩爾炭區；且來因左岸及右岸五十啓羅米突以內，軍事上化爲中立地帶也。十三條許波蘭建一獨立國，本以民族主義爲原則；今則割東西普魯士地方及細勒西亞等地方以與波蘭；德意志民之強與祖國分辨者，不知凡幾也。第十四主張組織一普及的國家團體，保障和平；今國際聯盟約法，雖載於和約首章，而德國俄國，尙未得屬於此盟也。(一) 總之：今日正聯盟國得意時也。懼其領土尙廣，或再蓄勢力也，則爲之削其地；懼其兵力雄厚，可以捲土重來也，則爲之剪其兵。地旣削，兵旣剪，又懼其注全力於商競也，則爲之制定貿易經濟及工作等規條，而商業又無從擴張。剝削及膚，幾無完好，德意志休矣。雖然：果置威氏十四條於何地耶？置人道正義於何地耶？

註一、見松子君巴黎和約與美總統十四條，載在太平洋二卷一號。

第四十八章 對奧和約略述

千九百十九年九月十日，巴黎和會，與奧人簽定草約。奧國問題，遂告一大結局，該約全文三百八十一款，十四章，約稿原文，和款次序，大約與德國和約相同。述其大要如左：

第一章 國際聯盟章程。

- 第二章 奧國疆界。土地自原有二十六萬方哩，減至四五萬方哩；人民自四千七百萬減至六百萬。
- 第三章 政治條款。奧國承認匈牙利、捷克斯洛伐克、及南斯拉夫三新國家之獨立。
- 第四章 歐洲外之奧國權利。奧國一齊放棄。
- 第五章 陸海天空條款。奧國廢除一切海上及天空軍隊，陸軍未發表。
- 第六章 戰俘與墳墓。
- 第七章 規定戰爭責任問題。與德約同，唯刪去審判德皇一節。
- 第八章 賠償。奧國應賠償因戰爭行為所釀一切私人損失，包含飛機攻擊在內。
- 第九章 財政。未詳。
- 第十章 經濟條款。奧國應放棄一切與協約國及共同作戰國有妨之經濟要求。
- 第十一章 天空航行。與德約同，唯德字改奧字。
- 第十二章 港口水道鐵路。未詳。
- 第十三章 勞動條約。與德約同。
- 第十四章 其餘條件。(一)

註一、詳細約文，參觀東方雜誌第十六卷八號議和條約之概略。

第四十九章 對保和約略述

千九百十九年九月十九日，協約國以保加利亞和約，交保專使。專使歸保，磋商於政府。十一月二十七日，保特派全權委員，至巴黎簽約。茲不分章，但述其要如左：

一、土地之損失。保加利亞允割南部沿海之地一大段於協約國。至協約國如何處置，不許過問。西方與塞爾維亞交界之地，有四處與塞甚有關係，亦須割讓；且承認巨哥斯拉夫新國。至保與羅馬尼亞及希臘之界，大都與前無異。

二、軍隊之限制。保加利亞今後常備軍，止限二萬人。廢強迫軍役制，易以招募法；另設警衛軍一萬人。軍事學校，只准設一所；軍械子彈廠，亦祇一處。凡屬軍用品，一概禁止輸入。現有軍艦潛艇，盡交協約國。

三、經濟條款。保加利亞曾破壞塞爾維亞之煤礦。今後每年償巨哥斯拉夫國煤五萬噸，以五年為限。又以二十二萬萬二千五百萬法郎，償於協約國，於千九百二十年六月內交清。

註、本章參觀 *Current History*, January, 1920.

第五十章 歐洲新國紀略

自對德和約簽定後，國際和平，從此復始。然世界地圖，經此番變動，面目全非。各國疆域，大部分業經改造，而尤以歐洲為最甚。亞非等洲次之。歐洲除不列顛、西班牙、丹麥、葡萄牙、瑞士、瑞典、挪威、荷蘭、盧森堡九國領土

仍舊外；其餘領土變更者，凡十三國；新興之國，其獨立已確定者，凡五國；餘尚未確定之獨立國及自治領地若干，茲分述如左：

(一) 領土變更之國。

一、法蘭西 面積戰前爲二十萬七千方哩，現增至二十一萬四千方哩；人口戰前爲三千九百五十萬，現增至四千餘萬；國都仍歸巴黎。疆域北西南界未變更，唯東界增亞洛兩州之地；又占領薩德德奧摩拿五年之久。

二、比利時 面積一萬一千餘方哩，人口七百五十餘萬，國都仍在不魯捨拉。疆域東界外德屬之馬來斯納德，Moresnet 由坪，馬耳美第三地，割歸比利時。餘仍舊。

三、意大利 面積戰前十一萬方哩，戰後未定；人口戰前三千六百餘萬，戰後未定；國都羅馬。疆域西北南界無變更，東及東北與舊奧屬接界之地，將由協約國及共同作戰國，重行劃定。大概阿爾卑斯山 Alps 以東領土的羅爾，的里雅斯德及其他亞得里亞東岸海口，即所稱爲意大利未贖地 Italia Irredenta 者，均將劃入意國版圖。

四、俄羅斯 俄自革命後，內部分裂，擾亂無已，此大國家之前途若何？殆難預料。就目前情形而論，歐洲俄羅斯，僅中東二部一部分土地，歸俄羅斯勞兵會聯邦共和國政府占有。西南部，則分裂爲數多之獨立

國及自治領域，事詳於後。

五、德意志 面積戰前在歐洲領土，共占二十萬八千七百八十方哩，現減至十萬餘方哩；人口戰前爲六千五百萬，現減至五千萬；國都仍在柏林。唯國會現在威馬爾。Weimar 疆域西界以馬來斯納德，由坪及馬耳美第三地，割讓比利時；以亞洛兩州割讓法國；以薩爾流域歸國際聯盟管理，來因河西岸至法比交界地，造成來因河共和國。北界以石勒蘇益格歸住民公決；東界以西普魯士，波森，細勒西亞之一部分割讓波蘭；以但澤爲自由城，歸國際聯盟管理；以西普魯士及東普魯士之一部分，歸其地住民自決；以東普魯士之默麥，割歸協約國；南界無變更。計新德意志共和國，北界北海丹麥及波羅的海；西界荷蘭，比利時，盧森堡，法蘭西；南界瑞士，奧地利亞；東界波蘭，東南界捷克斯拉夫。

六、奧地利亞 面積人口，已如奧約所述，國都仍在維也納。疆域變更，尙未詳細劃定，其概略約如下述：西界及西南界阿爾卑斯山脈以西的羅耳的里雅斯德等州，割歸意大利；北境波西米亞，摩拉維亞諸省以北，均脫離而成捷克斯洛伐克國；東北境之加里西亞 Galicia 州，割歸波蘭；東境匈牙利獨立；南境哥羅地亞，斯拉窩尼亞諸州及亞得里亞海沿岸地，波黑二州，均割歸南斯拉夫國。

七、塞爾維亞 塞國現與奧匈國內之南斯拉夫民族居住地合併，造成塞爾維亞哥羅地亞，斯拉窩尼亞新國家。詳於後。

八、門的內哥羅 門之前途，尙未決定，大約將併入南斯拉夫新國而造成一大聯邦；惟以自治問題，尙在爭執中。

九、羅馬尼亞 面積，戰前約五萬三千餘方哩，現增至十萬方哩；人口，戰前約六百萬，現增至千餘萬，國都加勒斯多 Bukharest 疆域，約較戰前增加一倍，其東北境舊屬俄國之比薩拉比亞，可劃歸羅馬國版圖；西北境之達琅西里瓦尼亞 Transylvania 諸地，亦劃歸羅馬國矣。

十、希臘 面積，戰前約四萬二千方哩，現可增至六萬方哩左右；人口，戰前約四百八十萬，現可增至七百萬以上；國都雅典。疆域，除在亞洲新得領土不計外，在歐可得往時歐洲土耳其之全部，並與此連接之保加利亞南境領土；又前屬亞爾巴尼亞之愛畢羅斯，亦可歸還希臘焉。若合亞洲新得領土計之，實增至一倍有奇云。

十一、亞爾巴尼亞 面積，約一萬方哩。人口，約八十餘萬，國都杜拉索 Durazzo 疆域除博斯破魯斯割與希臘外，他無變更。

十二、保加利亞 面積約萬方哩，人口約四百萬，國都索非亞 Sofia 疆域，東北兩界，不至變更；惟南部在希臘及舊歐洲土耳其領土間者，須歸希臘。

十三、土耳其 土耳其帝國，將被逐出歐洲而建國於地中海北岸之亞達里亞 Adalia 其在歐洲領土，

全由希臘占領；君士坦丁，博斯破魯斯及達達尼爾海峽，將由國際聯盟管理焉。

(二)新興國及自治領土。

一、波蘭 面積約十萬方哩，人口約二千餘萬，國都爲瓦薩。疆域現在波蘭新國之領地，擁有古代波蘭王國之大部，即前俄領波蘭九省，奧領加里西亞，德領西普魯士，波森，細勒西亞之一部分是也。又東西普魯士之間，經和會劃出一段，歸該地住民自決；將來屬德屬波，尙難預定；又舊屬德國西普魯士之但澤城，現改爲自由城，歸國際聯盟管理，作爲波蘭之自由出口。此波蘭新國，北界波羅的海及德屬東普魯士；南界捷克斯洛伐克國及匈牙利；西界德意志；東界俄羅斯及立陶宛，烏克蘭兩自治領地；東南界羅馬尼亞云。

二、匈牙利 面積約五六萬方哩，人口約一千萬，國都布達佩斯。Budapest 疆域較昔狹小，其北部之斯拉夫州，割與捷克斯洛伐克國；東南部之達琅西里瓦尼亞州，割與羅馬尼亞；南部之哥羅地亞，斯拉窩尼亞等數州，割與南斯拉夫；又南境之巴納德，則南斯拉夫與羅馬尼亞，互相爭執；將來究屬何國？尙未可知。

三、捷克斯洛伐克 面積約五萬五千方哩，人口約千四百萬，國都巴拉加。Prague 疆域包括奧匈屬之波希米亞，摩拉維亞，細勒西亞，斯拉夫四州之地。北界德與波蘭，南界奧匈，西界德國，東北界波蘭。

四、塞爾維哥羅地斯拉窩尼亞 *Serv-Croat-Slavonias* (即南斯拉夫) 面積約十萬方哩，人口約千二百萬，都伯爾格來得。Belgrad 疆域包括舊塞爾維亞王國及前屬羅甸之哥羅地亞，斯拉窩尼亞，達爾馬提亞及波黑二州。將來門之領土，亦可望合併；其濱亞得里亞海之伊斯的里及達爾馬提亞海岸，則尙與意國爭執未決焉。

五、芬蘭共和國 面積十二萬五千六百八十九方里，人口約三百五十萬，國都赫爾森法斯。Helsingfors 疆域包括前俄領芬蘭大公國，東界俄，北界俄屬之拉伯蘭，Lapland 西界波的尼亞海灣，G. Bothnia 南界芬蘭灣。

(二) 未確定之獨立國及自治領地。

一、來因河共和國 面積約一萬方里，人口約七百餘萬，國都科不林士。Koblenz 疆域，德舊來因省居民於今年六月一日宣布建立來因河共和國；東至來因河東五十公里之地爲止。東南界德國巴敦 *Baden* 聯邦，北界荷蘭，西界比利時及盧森堡，西南界國際管理之薩爾河流域及法之亞爾薩斯州。此新共和國，其獨立尙未經確定。

二、俄國自治領地 歐洲俄羅斯西南兩部領土，曾經宣布獨立者，共計六區；唯其內部，均未統一，且均未經列強承認，故特列入自治領地。略述其位置及國情如下：

子，烏克蘭，烏克蘭，即小俄羅斯。爲俄羅斯各自治領地中之最大者。包有歐俄南部之大半。東至波蘭，羅馬尼亞接壤地，北至普利彼得河，Priget，東至哈科佛 Kharkov 省之邊界，南至黑海。面積約十餘萬方里，都城名敖得薩，Odesa。位於黑海之濱焉。

丑，立陶宛。古代爲大公國。現在自治領土包括舊俄屬戈夫諾，Kovno，維里納，Vilna，蘇伐爾克 Suvalki 三省之地。其疆域尙未確立，西臨波羅的海，西南界東普魯士，南界波蘭，東界俄羅斯，北界萊多尼亞 Lettonia 自治領地云。

寅，萊多尼亞，又名里伏尼亞，Livonia。爲俄國 萊德民族 Lets 居住地。包括舊俄屬波羅的海沿岸里伏尼亞，Gaurland，維塔勃斯克，Vitebsk 三省之地。其境內有兩大出海口，即里加，Liga 及里播 Libau 是也。

卯，愛沙尼亞，亦俄國 波羅的濱海省之一，在萊多尼亞自治地之北。包括波羅的海中之島，北面芬蘭海灣，現議會在勒伐爾，Reval 亦一重要海口也。(1)

註一、本章照錄東方雜誌十六卷第八號戰後歐洲列國之新形勢，並參考 The Worlds Work, July, 1919.

第五十一章 亞洲新國紀略

歐洲中亞洲西部，地圖變更亦甚大。除土耳其處分未定，及漢志新國，已述於第四十五章第二節外，尚有數新國，茲述如左：

一、亞塞爾拜然 *Azerbaijan* 共和國。面積十萬方吉米，人口四百五十萬，都城曰巴庫。Baku 舊爲俄領高加索之東中部，於千九百十七年十一月七日勞農政府成立後，始與亞美尼亞、佐治亞（Georgia）二地共獨立，組織聯邦政府。後以內部不和，於千九百十八年五月二十六日，復分爲三國。各宣布獨立，亞塞爾拜然之立國，自此始。

二、佐治亞共和國。面積九萬方吉米，人口三百萬，都城曰第佛利斯。Tiflis 舊爲俄領高加索北部，於千九百十七年十一月七日，與亞塞爾拜然及亞美尼亞共組織聯邦政府。千九百十八年五月二十六日獨立。

三、亞美尼亞共和國。面積三十二萬方吉米，人口四百萬，都城曰愛里文。Eriwan 舊爲俄領亞尼亞，於千九百十七年十一月七日，與亞塞爾拜然及佐治亞共組織聯邦政府。千九百十八年五月二十八日獨立。

註、本章參觀 *Current History*, March, 1920.

第五十二章 巴黎和會及山東問題

(一) 巴黎和會失敗之經過 巴黎和會於本年正月十八日，正式開幕。二十八日，議及膠濟問題。日代表極力抗議。謂本問題，應由中日直接交涉，不能與處分德領並談。我代表本無列席五強會議之權。然此問題，關係吾國至鉅，自不能獨外。二十八日，五強秘密會議，乃臨時邀我代表列席。當日顧維鈞、王正廷兩代表，即提出膠濟利權直接交還之要求，其內容詳於各報。中國代表在巴黎和會提出之文件，而其理由，不外左列數種：

一、由德國直接還中國，手續較簡，且免橫生糾葛。

二、日本以武力佔據膠濟租界鐵路及其他山東權利，乃在戰爭未終止以前，爲一種暫時的佔據，不得爲即有佔據土地財產之證據；且自中國對德宣戰之日起，中國既同爲戰爭之國，日本之以武力佔據膠濟，實爲違反中國之主權。

三、中國於千九百十五年五月二十五日與日本締結關於山東問題之條約，係日本以二十一條加諸中國以後所發生之事。中國之簽字，實最後通牒迫之。

四、中國對德宣戰書中，曾聲明自宣戰之後，所有中國一切條約，合同，契約，一概取消；則所有千八百九十八年三月六日之中條約，德國所由以得膠濟租界，鐵路及其他權利者，亦當然包含在內。是德國所有租借之權，已爲中國所有。則德國對於山東，已無轉授他國之權。

日代表牧野珍田松井等起而反對。山東問題，於此發端。當時威總統主張廢止密約，列國本皆贊成。中日代表於二十八日論戰之後，和會即欲宣布中日間所有密約，我代表聲明贊成；日代表謂須得本國政府同意，方能宣布；雙方又起爭執。散會後，日代表即以此事報告本國政府。十日，駐京小幡公使，即向外交部抗議。當局以元旦舊例放假，不見翌日，晤陳次長籙，開口即以告誡王顧兩使爲要求；並謂邇後中代表有所建白，皆須預得日代表之同意；否則取消歸還青島宣言。然自小幡謁外部後，吾國輿論日以沸騰，中外來電，要求政府堅持。二月九日，外交部公布是日會見頗末。後小幡態度，表面極爲冷淡；實則暗中進行密約公布交換條件，如延長軍事協定時效；破壞鐵路統一計畫；皆首尾奏功。中日密約，乃得於十二日，在和會宣布。其中有關於高徐順濟之合同，有參戰借款，有其他零星借款，又有軍事協定。其最足以斷送山東全省而借款有餘者，厥惟高徐順濟之合同。民國七年九月二十四日，駐日公使章宗祥，致日本外務大臣後藤新平文有云：

一、濟南順德間。

二、高密徐州間。

而後藤新平復文，附以欣然承認四字。於是濟順高徐鐵路借款合同，遂以同年月二十八日，訂於駐日公使章宗祥與日本興業銀行總裁小野英二郎之手。此爲預備合同，所以爲正式借款合同之準備者也。依此合

同，債務者爲中國政府；債權者爲日本台灣興業朝鮮三銀行。其大要如左：

一、政府認准此兩鐵路建設所須一切費用，由銀行發行兩鐵路金幣公債。

二、政府對於銀行，提供現在及將來兩鐵路所屬之一切財產，並其收入。爲兩鐵路公債付還本息之擔保，非得銀行之承諾，不得以之作爲擔保及保證物提供於他人。

三、銀行於此預備合同成立，同時對於政府，墊借美金二千萬元。

觀此合同，精神所注重，不過專在二千萬元；回扣之外，政府不過實得數百萬元。當時外間微有所聞，當局極力否認；除少數當事人外，鮮有知者。即駐歐美各公使，亦於宣布前數日，始得聞知。此項密約宣布後，和會中吾國地位，一落千丈。蓋二十一條款，猶得曰暴力威迫；今茲合同，訂於德軍垂敗之際，距休戰期間，不及兩日；不啻自認日本承繼膠濟之權。山東問題，大勢去矣。厥後五強會議，重在國際聯盟，山東問題，亦不議及。自聯盟條約脫稿後，正四月下旬，而本問題又惹起注意。五國暫行共管之說，於以發生。當時英法意諸國，因與日本訂有山東密約，在和會不能主張公理。威總統態度，亦漸冷淡；而日本以條件附交還之說，昌言於中外。英美等窮於應付，乃提出五強共管而後再定辦法之議。日本代表，反對甚烈；吾國代表，循諸國民輿論，亦提出堅持前議之說。而政府欲借此轉圜，頻電專使，探詢真相。外間遂傳政府表示退讓之說。當時國務總理錢能訓氏，極力爲共管說辯明，可知政府對於此事，頗具樂觀。不料和會形勢陡變，山東問題，即成於此數日之中，

而專使團尙未覺察焉。

(二)拒簽德約之前後情形 此節分四段述之：

一、意大利脫會影響 自二月中旬，西園寺抵法後，日本外交，暗中飛躍愈甚。造五國共管議起，日代表百方破壞；以密約爲武器，要挾英法，抵制威總統。一方復露青島租界讓步之意，市好於與國。未幾，和會因阜姆問題，意大利與英美決裂；意代表脫退和會，下旗歸國。和會幾至渙散。日代表以機不可失，對於山東問題，亦持強硬態度，催促速決。屢以脫會要挾英美。威總統終爲所刼，重以英法之勸告，心機一轉，遂鑄成今日之大錯。四月二十八日三領袖會議，卽已祕密決定讓步；翌二十九日，我代表出席辯論之時，大勢已不可挽回。五月一日，三領袖會議，照日本提案，完全經過，外之專使，內之政府，均尙在蒙昧之中。國人聲嘶力竭，終不獲挽救。直至五月四日學潮發生之後，專使始有電達，政府始有布告，然而大事去矣。

二、我國代表之疏忽 自中日密約宣布之後，我代表態度，極其沈寂。三月初旬，陸使忽自瑞士來電，聲稱辭職。代表內訂之說，相傳益盛。四月二十八日，三領袖會議決定山東條款，吾代表事前，尙不知情。至五月一日會議，始識大事已去。翌日，我代表至接和會通告，卽發布最後意見書，表示抗議之意。六日，和會議對德和約草案時，陸使復復出席，聲明保留山東問題。列國均視爲中國外交常套，不甚注意。會長僅允

將吾代表聲明列入記錄，而簽字前我代表之活動，亦告終結。

三、列國對我之侮辱 對德和約，六月二十八日，先由德代表簽字，翌二十九日，聯合國代表先後簽字；而我對此屈辱和約，簽字與否，遂成中外注目之大問題。時英、美、法、日各國，均信吾國簽字，必無疑義。而吾國方面自山東條款通過之後，巴黎專使，屢電政府，請示方針。政府則茫無辦法，函電交馳，彼此均不得要領，至五四學生界運動發生後，政府始於翌日訓電專使，略有所表示。而巴黎吾國學生僑民，亦紛紛謁代表團，要請拒簽。至五月二十六日，我專使乃正式通知和會，希望照六日聲明之保留辦法，允與簽字。和會不置可否。後簽字日期愈逼，我代表再向和會，要求轉圜。最初主張將保留聲明，註入約中，不允改在約後，又不允改在約外，又不允改為僅用聲明，不用保留字樣，又不允和約簽字之前一日，我代表親訪克理曼沙議長，最後要求改為臨時分函聲明，不因簽字而妨將來提議。而英法美代表，皆勸我無條件簽字，二十八日上午，我代表最後之請願，亦被拒絕。至此我代表乃不能不拒簽和約矣。二十八日下午，凡爾塞和約簽字之時，我代表居然缺席。當時並未通告和會，亦未申明缺席理由，僅保留條件附簽字之聲明而已。此則大出各國意料之外也。

四、拒簽後中外形勢 我代表拒簽和約原電，七月三日始抵北京。時錢總理已辭職，揆席虛懸，政府內部極其渙散。龔代閣接電後，即開閣議，磋商善後辦法，仍無結果。一方面補簽風說，又復盛傳。中日外交，一

時羣起。中外注意，國中輿論，對於補簽，同聲反對。山東代表，呼籲更甚，而環顧國外，英法各國輿論，對我拒簽，深表同情。美國上院，仗義執言，更願爲我奮鬪。政府鑒於中外形勢，乃於七月十日，由外交部發表不簽字明令。大抵根據各專使拒簽來電，略加考語。對於善後辦法，仍茫然不得要領也。

(三) 調停說之由來與終極 此節分二段述之：

一、一次調停說內容 山東條款通過和會後，日本朝野，額手相慶，以爲大事，已告成功。不意我政府爲輿論所迫，拒絕簽約。彼乃千方設法，使我補簽；又恐我國人反對，乃假手英美，提出調停案，以圖蒙混。其實所謂調停案之內容，仍不外歸還其名。與和約中所定條款實質上，初無二致。原案內容，大要如下：第一款，聲明山東主權仍屬中國。第二款，膠州灣於二年內交還中國。第三款，中國應補簽德約。第四款，青島所有德國物權特權，由中國備價向日本收回。第五款，山東已成各路，由中日合辦；路警亦由中日特別編制。第六款，已訂約未成之鐵路，應由日本承辦云云。夫山東主權屬於中國，此種浮泛文章，豈待聲明備價收回物權特權云云，需費無限，更迂遠。至未成各路，由日本承辦云云，顯指高徐濟順而言，尤非國人所願與聞。而日本一面極力鼓吹，一面裝腔作勢，揚言反對，以誘吾國政府與之直接交涉。幸國人窺破其陰謀，不爲所惑。第一次調停說，乃如曇花一現，雲消霧散矣。

二、二次調停說內容 一次調停說條起條滅，不謂又有二次調停說繼起。顧質其內容，膠濟路權利權仍

定由日本收管，與前案內容無異。不過租界與撤兵問題，略有所聲明耳。或云此議，發動於英美方面，真否不得而知。惟日本表面上反對調停，爲中日交涉地步，則爲事實耳。至我國輿論，當時仍堅持無條件歸還原議，不稍退讓。且以奧約行將簽字，吾國儘可加入國際聯盟，徐圖補救。第二次調停說，亦即無形消滅矣。

(四) 美國上院與山東問題 此節分五段述之：

一、對日行動之痛罵 山東條款通過和約後，美國上院，即起極大之反響。攻擊日本之言動，不一而足。美上院議員，全體九十六名中，共和黨四十九名，民主黨四十七名。兩派對於山東問題，大都表示同情於中國。惟民主黨員因顧全政府地位起見，不欲因山東問題，推翻既成和約，其態度較共和黨略穩和耳。七月中旬，上院共和民主兩派，即開始和約之論戰。議及山東問題時，共和黨首領羅治氏，論調最爲激烈，公然以盜賊行爲，攻擊日本。政府黨受羅氏之感化，與之共鳴者，至有五六人之多。開會時，羅氏即聲明保留山東條款。政府黨斥爲破壞和約，主張無條件批准。後羅氏爲戰略起見，先將山東修正案提出於外交委員會。八月二十三日，該案多數通過。兩黨各整軍容，期在大會制勝。

二、兩修正案之否決 第一次山東修正案，係將和約山東條款中，所有「日本」字樣，改爲中國，此案不啻根本推翻和約。美國輿論，均以爲過甚，不甚贊成。共和黨反對此案者，亦不乏人，故委員會雖云通過，大

會形勢；難期必勝。然提案者之羅治氏，態度極其強硬，聲稱第一修正案，如不獲通過；將再提出更激烈之修正案，削除和約中山東條款。當時兩黨票數相若，難於表決。未幾，威總統因和約問題，赴全國遊說。共和黨議員，亦分往各地演說，以資抵制。無何，全國罷工風潮條起，上院議員，忙於各種調查。山東修正案，一時擱置未議，直至十月二日，上院始舉行第一次假投票。其政府黨提出之和約修正案，先付表決，以五十八對三十一否決。共和黨勢大振，以謂吾黨修正案，必可通過。後上院復因罷工問題，暫緩投票。至十月十五日，山東修正案始付表決。贊成者三十三票，反對者五十五票，第一次修正案，遂遭否決，共和黨聲明提出保留案，期操最後勝算；領袖羅治氏，持論激烈，提出第二修正案，將和約中山東條件全部削除。此案變本加厲，益爲同黨所不容。十一月四日，復以五十一對四十三多數否決；而同時政府黨提出之修正案，亦皆不能通過。於是共和黨最後武器之保留案，乃列入議事日程矣。

三、保留案多數通過。美國輿論，對於山東問題，大都同情於中國。然因彼代表既已堂堂簽押凡爾塞和約，亦不欲過爲已甚，根本推翻之。輿論對於修正案，均嫌過激，不若保留案，既可援助中國於無形，復免破壞和約之責難，使友邦無所藉口。宜乎上院保留案提出之後，輿論翕然歸之。向之政府反對修正案者，今且進而贊成保留案，可知該案價值之重大矣。美上院提出和約保留案，計有十四種。山東問題，特其一者耳。然各保留案中，山東問題解釋最難，通過亦殊不易。蓋山東保留案前文有云：凡保留案必經

英、法、日、意、四國中三國同意，上院批准，方生效力。即謂保留案不僅爲對內解釋，國際間亦必受此拘束之意也。保留案前文，於十一月十五日以五十一對四十之多數通過，共和黨拍手稱慶。此案前文既已通過，則內容當然不生問題。至本月十八日，山東保留案與其餘兩保留案，同時通過。上院當時以此案電達駐歐代表，一面通咨國務院，表示上院之態度，保留案原文如下：

美國不承認和約中關於中國項下之一百五十六、一百五十七及一百五十八三款；苟中日因此間題有所紛爭，無論何時，美國保留自由行動之權，各國不能干預。

讀者細味此文，則知上院對於山東問題態度之如何堅決矣。彼等不畏強禦，不徇情面，仗義執言，毅然與敵黨協約友邦宣戰。其行動磊落光明，令人肅然起敬。深望彼等有始有終，堅持到底，則馨香禱祝之者，不啻吾國而已也。

四、兩批准案之否決 和約保留案全部通過後，上院即於十九日爲總括的保留批准之投票，使茲役再告勝利；則山東問題，國際間大有轉機矣。不料十九日投票結果，復以三十九對五十五少數否決。可見共和黨中對於保留案，依違兩可者尙大有人。是日投票，至夜深始散，政府黨遂乘勝提出無條件批准之動議，共和黨毅然贊成。使此案勝利，則山東保留問題，從此休矣。顧投票結果，復以三十八對五十三少數否決。可知政府黨中，亦有反對和約原案而不以日本占據山東爲然者矣。無條件批准既否決，議

長即宣告本期和約討論終止。即日閉會。十二月一日再開常會，共和黨羅治氏是日提出對德復和決議，即付外交委員會審查。說者謂羅氏出此，蓋表示拒絕批准之決心，而籌復和救濟之方法也。

五、今後形勢之推移 保留批准，既不獲通過，無條件批准，又遭否決，和約問題，至此乃益陷於窮境。况據美國憲法，通過批准，須有三分之二以上之票數。目下上院共和黨四十九名，民主黨四十七名，勢力相若。雙方欲得三分之二之同意，事實上殆不可能。於是自命折衷派者，出而排難解紛。提出所謂穩和保留案，如前總統塔虎特君，即其一人也。塔氏提出之保留案，大意論保留範圍，只宜限於對內解釋，免起國際衝突，使和約不能成立。以謂如是折衷辦法，共和民主兩黨必能同意。下屆投票時，三分之二之人數，必可湊成。此派目下在政界活動甚力，十二月常會開幕時，必有一番之活動。至萬目睽睽之威總統，自共和黨通過保留案後，言論甚為激烈。曾謂原案如不獲通過，寧將和約束置，相機再持。此種偏激之語，自非威氏由衷之言。威氏之意，殆與塔虎特氏相近。如有人主倡穩和的保留批准者，威氏亦甚望無事通過，借此下台。然保留解釋，既已變更，則保留案之價值，不免大為減殺。萬一山東問題，誠如塔氏主張，將前文三國同意字句削除，則保留案僅為美國對內之解釋而盡失固有之真面目矣。要之成敗利鈍如何，仍視共和黨態度能否堅持到底為斷也。

(五)英法美意與山東問題 此節分三段述之：

一、祕密外交之罪惡 山東問題，最後決定於四大國會議。此四大國中，除美國受外間牽掣，情有可諒外，其餘英法意三國，皆存心斷送，自始不我援助。而推原禍始，皆祕密外交階之厲也。自千九百十七年一月，德國宣布潛艇無制限攻擊以來，英法意各國，皆戰戰兢兢，百計聯絡日本，以抗強德。時美政府決定對德宣戰，日本即慮美國他日列席發言，有所阻撓。乃乘協約國困疲之時，利誘威逼，與訂山東密約，使其承認山東之要求。與英所訂密約，在千九百十七年二月十六日；法在三月一日；俄在五日；意在二十三日，皆前後換文，約相援助。尤可怪者，當時中國參戰一事，竟爲彼等密約中利益交換條件之一。日本恃此密約，乃無敵於天下矣。

二、三頭會議之屈服 迨和會開幕，中日代表，對於山東問題，屢有所爭執。時美總統威爾遜氏，對我頗表同情，時以嚴詞詰難日代表，要求中日密約宣布。顧英法意三國爲密約所挾，始終箝口結舌，袖手傍觀。法意兩國，各逞私慾，且有援引日本爲重之形跡。嗣美國提倡山東暫行共管之議，英法亦贊其成。一時山東問題，頗有暫行延擱，待決聯盟之訊。無何意大利因阜姆問題，脫退和會；日本襲其故智，催決山東，要挾與國，英法益不能制止。乃以意國前例，警告威氏。日本強權主張，遂通過於四月二十八日之三領袖會議矣。

三、輿論對我之冷淡 山東問題，日本要求通過後，英法對於中國態度，愈冷淡。所謂調停云云，質其內容，

不值一顧。要皆日本外交一場惡戲，英法並無誠意調停，不過藉此轉圜冀吾國補簽德約耳。蓋吾之始終拒絕簽字，實彼等所不及料者也。至國會方面，除美上院仗義執言，大強人意外，英法方面，皆極沈寂。意國與遠東問題，利害較少，更鮮注意。有者則少數勞動黨社會之言論耳。蓋此三國國會，皆選舉於戰時，大半爲政府黨，富於保守性質；彼等固不願因山東問題，推翻和約成案，以重政府之繁難；輿論之傾向，亦準此也。

(六) 日本謀我之處心積慮 此節分四段述之：

一、歐戰前後之布置 日本之窺我山東也，由來已久。歐戰開始，乃予以絕好機會，毅然對其所最崇肅之師友宣戰，以武力佔領青島。而懼徒武力之不足爲保障也，乃於千九百十五年，乘德軍大勝之時，提出二十一款之要求，以暴力迫我承認。中德權利關係，乃突然一變。彼復慮協約國異日之反汗也，復於千九百十七年德潛艇攻擊猛烈之時，利誘威逼，強英法意三國，與訂密約；又得其確實援助之保障。猶慮美國從中作梗也，竭其全力，遊說美當局，與訂石井蘭辛協約，此約內容雖不及英法意密約，然美國確已承認日本在華之特殊利益。得此結果，可謂日本外交上之大成功。迨德軍垂敗，向美乞和之時，彼復以種種手段，勾引我當局，與結高徐濟順之約。使二十一條脅迫之要求，更加一重之保障。坐是吾國護身之武器，剝奪淨盡，惟有聽客所欲爲。其用意之周密，前後之策應，有如此者：

二、巴黎和會之策戰 及和會開幕，彼更提出人種平等案，以爲要挾。巴黎代表，拚死力爭；國內輿論，作擘鼓應；大有不達目的不止之氣概。夫人種案，關係英美對內之大問題，此案之大不能通過，日本朝野知之審矣。彼之出此，蓋見乎和會中山東問題通過，尙多周折；故明知其無濟，藉此以張聲勢，而存折衝之餘地也。英美代表，不幸墮其術中，竟置山東問題於不顧；日本外交，已占攻取之地矣。後五國共管議起，日代表更揚言不簽字聯盟，恫嚇各國。適意大利脫會風潮發生；彼乃真態畢露，要求山東問題，提前表決，而結果竟奏大功。

三、對華外交之活躍 山東條款，既已如願通過，日本外交，乃漸轉向於對華方面。蓋今所餘者只中國簽字問題耳。方正月下旬，中日代表在和會爭論時，日本以吾國當局爲易與也，訓令在京小幡公使，提出嚴重抗議，要求吾國誥誡顧王兩代表。經吾國輿論反對而止。後中日密約問題發生，彼知宣布終不免，乃運動延長共同防敵時效，破壞鐵道統一案。吾國當局不察，竟徇其請。後山東條款，通過和會，彼以爲中國簽字不成問題。至六月二十八日我代表拒簽之訊傳來，彼大驚愕，乃肆其種種手段，運動吾當局補簽。當時吾國輿論沸騰，學潮湧起；彼知直接交涉，終不可以立致也；乃假手英美，提出調停。其實提案內容，皆和約中山東條款之幻影。調停云云，不過中日直接交涉之變形。幸國人燭破其奸，拚力反對，此說遂歸於消滅。

四、直接交涉之鼓吹。日本之野心，固未嘗死也。彼見美上院反對聲浪日高，山東保留案行將通過；知美國批准，一時必無望。乃撤回假面，公然鼓吹中日直接交涉，而提出不可以無辭，乃由東京巴黎方面發表堂皇歸還之宣言書，以淆觀聽。內田外相之演說，洋洋數千言。質其內容，則山東軀殼之歸還耳。路礦權利，抵死不放；撤兵租界，尙成問題；安望其能猛省也？吾人而承認直接交涉，不啻承認簽約。此中利害，識者今日類能言之。顧日本外交方針，非馴致中日直接交涉不可。當和約批准之後，日當局即聲明一俟和約實行，即對華開始交涉。最近美上院山東問題保留案通過，批准前途，愈爲黯澹。吾國人士亦憤致主張，詎直於國際聯盟。彼之進行直接交涉，因此亦愈緊。外間風傳，且有中日當局已經開始之說。此事政府迭有否認；然形勢尙未容樂觀。今而後日本對華外交，乃大可注意者也。

(七) 山東問題與政府態度 此節分三段述之：

一、參戰前後之疏忽。吾國政府，本無外交可言，兼以駐使又不得力。際茲重大時會，更茫然一籌莫展。日本與英法意俄訂山東密約，此何等事也？而政府駐使，事前懵然無知，事後不謀補救；直至和會宣布時，始恍然大悟。對德宣戰，爲吾國國際地位增進之千載時機，政府不能折衝擗組，取得山東問題之保障；僅憑駐京美公使口頭之言，視爲莫大之奧援。訓至參戰問題，反被日本利爲密約交換之具。此參戰前，吾國外交之大失錯，亦即山東問題失敗之遠因也。

參戰以後，政府又無端與日本訂共同防敵協定。損失利權，自投陷穽。七年九月，德軍大敗，向美乞和，歐戰局勢業已大定。政府因循遷就，貽誤事機，復倒行逆施，貪區區二十萬元借款，簽訂高徐濟順亡國合同。使山東問題，陷於萬劫不復之地位。謂非甘於送國而何？

二、被動外交之果報 和會開幕後，政府得山東密約之訊，啞然自失。顧我且甘於斷送，何責於人？中日密約，遍播中外，而政府諱莫如深；直至和會要求發表，千迴百折，始電達專使宣布。宣布之前，又私與日本商改軍事協定條文，在予人以擬議。鐵路統一問題，雖其實行辦法，有待熟商，而要是不失外交上補救之妙策。一時和會交通股中，有將此案提出之訊，政府逡巡不決。忽而訓電，忽而取消，遂使此案無形沈滅。山東交涉，益陷窮境。厥後意大利脫退和會，日本要挾英美，通過原案。和會形勢已非，政府不自引決，猶戀戀於五國共管之議。頻電專使，仰人鼻息。迨四月二十八日惡耗傳來，則相顧失色，而無可如何矣。

三、善後辦法之渺茫 和會外交既失敗，吾國自處者，惟有簽字與否二途。二者利害，至為淺現；國論歸嚮亦極明瞭。而政府對此問題，始終徬徨迷惑，態度極不得要領。直至五四學潮湧起，輿論反對簽字，日以猛烈。國務院始宣布拍致巴黎兩電，表示不簽之意。然政府拒簽決心，至德約簽字之前數日始定。讀者試按六月十一日徐總統辭職通電內容，則知當時簽字與不簽字，其間不能容髮；而最後能達到拒簽之地位，實不幸中之幸也。

吾代表六月二十八日拒絕簽字報告到後，府院連日開會，商議不簽字善後辦法。會議之無結果，固在吾儕意料之中。當時巴黎方面，復盛傳英欲調停山東之說。專使且據電，請示辦法。一時補簽之說，又復喧傳。經輿論熱烈反對，此議遂寢。至七月十日，政府始宣布不簽字命令。然善後辦法，未曾提及，外交方針，在渺茫中。而去年終歲，更無提及此問題者。昔普法戰爭終，甘畢達集其國人曰：嗚呼！願我子孫，勿忘今日。吾四萬萬同胞，其亦有同情否耶？

註、本章節錄汪精衛巴黎和議後之世界與中國及去年晨報某紀念號山東問題之經過。

第三編 文明之部

第一章 近百年之科學

(一) 天文學 天文學自哥伯尼 (Copernicus) 發明地動說及噶利利 (Galileo) 發明望遠鏡以來，降及近世，大有進步。茲述其要如左。

一、海王星之發見 發見者爲里文海 (Leverrier) 及噶利 (Galle) 兩氏。里氏法人，生於千八百十一年，噶氏普人，生於里氏後一年。兩氏以數學計算，測定別有天體，存在於世，即海王星是也。千八百四十六年，以最精望遠鏡測之，果足證明，其說不誤。

二、分光鏡之發明 發明者爲基爾和夫 (Kirchhoff) 及朋森 (Bunsen) 兩氏。基氏普人，生於千八百二十四年，朋氏德人，生於千八百十一年。自分光鏡發明後，太陽及諸天體之物理的及化學的性質，用以判明。此近世兩大發明也。

(二) 理化學 是科發明亦不少，述其要者如左：

一、物質不滅說 主是說者，爲邁爾 (Robert Mayer) 格羅布 (Grover) 及喬爾 (Joule) 等。邁氏德人，生於千八百十四年；格氏英人，生於千八百十一年，喬氏亦英人，生於千八百十八年。三氏先後推論，以宇宙

中勢力物質，均有一定，毫不增減其量。此消彼長，勢使然也。參以科學證明，其旨大昌於世。

二、渦動說 倡此說者爲德之赫爾摩詞 Helmholtz 生於千八百二十一年。繼之者爲英之沙木孫 William Thomson 生於千八百三十四年。此說大要，以萬物本質，同有一體，不外精氣渦旋動轉。精氣之渦旋動轉不同，故能成千萬無量形體。此說至今，猶未證明。

三、陰極線之發明 發明者爲英之克魯克 Crookes 生於千八百三十二年，且於真空管放電研究之結果，知物質於固體液體汽體外，尚有光體，卽所謂第四體也。

四、X光線之發明 發明者爲德之倫根 Roentgen 生於千八百四十五年，其應用於醫學，收效最大。

五、電子之發明 發明者爲居里 Curie 夫婦。夫生於千八百五十九年，妻生於千八百六十七年，皆熱中於光態之研究，發明一種新元素，卽所謂電子是也。

六、週期律之發明 發明者爲俄之模得來 Mendeleeff 生於千八百三十四年，著有化學原論，最爲有名。

(三)生物學 近世最新學說，厥唯生物學之進化論。Theory of Evolution 謂宇宙萬事萬物，悉支配於進化法則。無論物質精神，皆與歲月相進，由同種生差別，由簡單變複雜，由野蠻化文明，反之卽自然淘汰，歸於劣敗，以至死滅。適者優勝生存，此其主要學說也。法之拉馬克 Lamarck 首開其端，氏生於千七百四十

四年。嘗著「動物哲學」Philosophie Zoologique 謂生物機關發達，視其使用多少爲比例。使用多者，發達顯，其機關遺傳於子孫者亦顯。(1) 是爲進化論之鼻祖。後繼續研究者，爲英之達爾文，Darwin 氏生於千八百九年。著「種原論」Origin of Species 詳述生物進化之原則及自然淘汰，世皆宗之。晚近德之瓦司馬，Weismann 生於千八百三十四年；英之瓦拉斯，Wallace 生於千八百二十八年；均爲此科大家。前者著有「進化論之研究」Die Entwicklung der Dipteren 一書。自細胞學上研究進化，謂生物進化之原因，全係自然淘汰。然其淘汰，全起於個體間之生存競爭。適者生存，否則滅亡。後者對於人與動物同一祖先及同一進化原則之論，不表贊同；僅以進化論適用於人類。兩氏之說，較達爾文範圍縮小，然仍無大背。繼起者又有英之斯賓塞，Spencer 生於千八百二十年，以哲學奧旨，廣衍生物進化論。說明宇宙萬般現象，卽無生物界，亦復適用。集進化論之大成。英人赫胥黎，Huxley 生於千八百二十五年，常著「比較解剖學」Lectures on the elements of Comparative Anatomy 論生物發生及其身心組織。德人海格爾 Haeckel 生於千八百三十四年，著「形態論」General Morphology 應用進化論於實驗；又著「自然創造史」Naturliche Schopfungsgeschicht 說明神造宇宙之非；又著「人類之起源及系統」Über die Entstehung und den Stammbaum des Menschengeschlechts 說明動物相互之關係。於是讀者一目了然，而進化學說，遂牢不可破矣。

註一、參觀拙著西洋大歷史上卷緒言十八種篇。

(四)地理學 十八世紀初葉，地理學尙稱幼稚；至十九世紀，斯科漸至發達，述其要點如左：

一、主火說 是說爲蘇格蘭人胡頓 Hutton 所倡。氏生於千七百二十六年，謂地表之山岳、河川之流動，均基於地球中心，火山噴出之作用。

二、主水說 是說爲德人威祿納 Werner 所倡。氏生於千七百五十年，謂地球表面作用，全基於水。兩相對峙，爭執不已。其結果主火說卒戰勝。

三、地球進化論 是說爲英人來衣耳 Lyell 所創。氏生於千七百九十七年，謂地球表面種種，如古物然，亦由進化而來。是爲斯學別開生面。

四、自然地理之泰斗 德人洪勃 Alexander Von Humbolt 生於千七百六十九年，著宇宙論。是爲自然地理學之泰斗。後人尊之。

五、中國地理家 德人里克所分，Frlherr Von Richthofen 生於千八百三十六年，嘗游中國，輯其見聞，著書名中國。名以大震，於中國鑛產，論之尤詳。

以外法人海克屢，Elisse Reclus 生於千八百三十年，爲地文學大家。關於地球及世界地理著述宏富。又拉塞 Ratzel 爲人文地理學家，同負重望云。

(五)醫學 晚近以生物學研究之結果，醫學亦大發達；而以德意志爲尤甚，其他各國次之；述其梗概如左：

一、解剖學之進化 德人羅德福威爾古，Rudolf Virchow 生於千八百二十一年，專攻病理學。對於病理解剖學上，發明甚多。

二、人工殺菌法之發明 法人巴斯度耳，Pasteur 生於千八百二十二年，嘗研究醱酵腐敗發生之原因，由於菌牙。因創人工殺菌法，以爲預防；又發明狂犬病罹害者之救助法，爲醫學界別開生面。

三、肺病治療法之發明 德人羅巴古斯，Robert Koch 生於千八百四十三年，夙工解剖術，且長於顯微鏡之試驗，遂發明肺病治療法。

四、消毒法之發明 英人里斯他，Lister 生於千八百二十七年，氏爲外科大家。當時外科治法，稍幼稚；自千八百四十七年以來，雖有麻藥之使用，患者不感苦痛，然施此手術後，結果多致不幸。氏對此現象細心研究，於傷處屢見膿炎，丹毒，膿毒疾等。故知解剖之際，膠着菌牙，遂發明消毒法。不令菌牙爲害，大奏奇効。

五、衛生學之講求 德人巴登古發，Peten Kofr 生於千八百八十年，專講保持健康，及疾病預防諸法。如室內換氣法，飲食預防菌牙法，皆爲氏所發明。稱爲衛生家之泰斗。

第二章 近百年之文學

(一) 英吉利 十九世紀英國文學界巨擘，當自司各脫 Scott 起。氏生於千七百七十七年，善戲曲。其文勁健，其詩豐麗。嘗詠蘇格蘭中古武士，著有「湖上美人」The Lady of the Lakes 詩，甚著名。後有 Waverley Novels 集，中輯自作歷史小說二十餘種，人稱爲歷史小說鼻祖。繼起者爲大詩人罷倫，Lord Byron 生於千七百八十八年，文名震全歐，與莎士比齊名。近世文學深受其化。少有天才，以家庭不和，經濟炊累，遂以千八百二十四年，投筆從戎，援助希臘獨立。自此長辭故國，客死他鄉。其著作以「哀希臘」The Isles of Greece 及「去國行」My Native Land good Night 諸首爲最著，詞情惋慘，令人感泣。次爲西來，Shelley 生於千七百九十二年，嘗苦教權之壓制，避於南歐，有薄命理想詩人之名。其著作幽婉高妙，如怨如泣，別具一種風味，蓋亦窮而後工也。至歐洲大革命後，思想一新，卓絕才藻，一時輩出，最著者爲約翰喀得 John Keats 氏生於千七百九十五年，其詩善於調和古今，情美兼備。以外如康拉里知 Coleridge 生於千七百七十二年，溫得溫斯，Wordsworths 生於千七百七十年，蘇斯來，Southey 生



司 各 脫

於千七百七十四年；皆一時人。倡抒情詩，用筆清婉，人稱「湖上詩人」。Lake School Poets 以上皆理想派也。

繼自然派而起者爲實現派。其過渡時代文人爲布祿握，Lord Lytton Bulwer 生於千八百三年。著有「義賊」Paul Clifford 及「朋比末日」Last days of Pompeii

等小說，頗負盛名。然仍含有理想派之性質。

實現派之祖爲塞客來，Thackeray 生於千八百十一年。善以輕妙語調，描寫上流社會。著有「虛榮心之市」Vanity Fair 及「Pendennis」「Newcome」「Esmond」「Virginians」等小說，均爲一時名作。同時有迭更斯 Dickens 者，生較塞氏晚一年，亦爲此派健將。善於描寫市井及下流社會之狀態。著有「Pickwick Paper」「Oliver Twist」及「David Copperfield」等社會小說。次爲衣老特，George Eliot 生於千八百十九年。學識該博，思想穩健，觀察周密，文筆流暢。著有「Adam Bede」「The Mill on the Elass」及「Romola」等名作。人稱爲心理的女小說家。以外如虎斯，Hughes 生於千八百三十二年；勃郎得 Bronte 生於千八



Wm Lloyd Garrison

斯 溫 得 溫

百十六年，均負時名。專描寫上流社會之情形，以上皆實現派之小說家也。

大詩家丁尼生，Tennyson 生於千八百九年。妙於格

調，稱爲詩宗。著有 Enoch Arden 詠水夫之不幸，「輕

騎旅團之突擊」Charge of Light Brigade 詠武

士之勇壯，最出名者，爲「王之牧歌」Idyls of the

King 一章，沈靜莊麗，不愧爲詩界巨擘。以外如斯溫

布爾，Swimburne 生於千八百三十七年；基不林，

Kipling 生於千八百六十五年，爲寫實派詩人之健

者。

(二) 法蘭西 十九世紀，法蘭西文學之特色，在會合南北思潮，倡思想之世界主義，啓當時文壇之頑固，前

代之詩風一變。其最初者爲查達伯良，Chateaubriand 生於千七百六十八年，創出幽麗多彩之體，於散文

界甚有聲。同時於二月革命最顯聲之政治家拉馬丁，亦負重望。作清新響亮之調，於律語界亦甚有聲。此後

有亞歷山大杜馬，Alexandre Dumas 生於千八百三年。著史劇脚本甚多，深受當世歡迎。最著者爲虎哥，

Victor Hugo 生於千八百二年。詩詞，戲曲，小說，無所不長，爲理想派之首領。其「世紀記事」La Légende



丁 尼 生

小說，「秋之木葉」Feuilles d'automne 詩，及「余之巴黎妻」Notre Dame de Paris 小說等，均爲一代傑作。以上皆理想派也。

法國實現派，起自巴爾沙克。Honoré Balzac 氏生於千七百九十九年，爲喜劇作家。以個人心理之觀察，敘述社會人生之狀態。時理想派首領虎哥尙存，氏獨樹一幟，其最著傑作爲「悲慘」La misérable 一劇。其子與彼同名，生於千八百二十四年，著有「樁姬」La Dame Aux Camerias 於千八百四十八年出版，亦有聲。越四年變爲腳本，演於舞臺。實現派之勢力，自是以立。以心理解剖，摘發假飾虛偽之罪惡。以外如佛朗巴，Flaubert 生於千八百二十一年；葛底耳，Gautier 生於千八百十一年；孔岡，Goncourt 生於千八百二十二年；均爲此派健將。此皆寫實派也。

繼實現派而起者爲自然派，不重主觀，專主客觀，以研究人間社會之心理。故於卑陋醜穢之點，多所描寫。是派首領爲索拉。Zola 生於千八百四十年，其著作甚多。而以「邦邦 Marquart」集「Curée」[Ge-mininal] 及「Debacie」等爲最著。次爲丹得 Alphonse Daudé 生與索拉同年。其所作饒有滑稽趣味。以「Tartarins de Taraseon」[Fromont Jeune et Rislér aine] 及「Rose et Ninette」等爲最著。又次爲莫泊三 一作毛 Guy de Maupassant 生於千八百五十年，爲索拉門人。眼光聰利，駕於兩氏以上。然以語涉淫穢，所作多被禁賣。其流行者，爲「Bel Ami」及「Mon Coeur」諸短篇小說。以上皆自然派。

也：

(三)德意志 當十八世紀中葉以後，德意志文學，尙古派最占勢力，專圖模仿法蘭西派。自高特 Goethe 希耳萊爾 Schiller 兩氏出，而國民文學大興。然兩氏特點，純乎相反。高生於千七百四十九年，爲客觀的詩家。對於萬有，廣開胸襟，故其思想，浩浩大洋，清濁併吞；而其用筆，亦情興躍躍，一氣呵成。所著不下數十種，均有名。希生較高氏晚十年，思想亦相反，爲主觀的詩家。以世界萬有，歸於己之理想中；故其所作，往往陷於冷靜；然其思想之高妙，爲他人所不及，世皆尊之。又古納耳，Kärner 生於千七百九十一年。千八百十三年，爲國戰死。所著「琴與劍」Leier und Schwert 一詩，以勇壯名於世。以外如克里斯特，Kleist 生於千七百七十七年，以戲曲名。阿尼母，Arnim 生於千七百八十一年，以歷史小說名。哈父，Haupt 生於千八百二年，亦以小說名。查米索，Chamisso 生於千七百八十一年；里那，Lenau 生於千八百二年；烏蘭得，Uhland 生於千七百九十一年；三人皆以詩名。諸氏皆爲理想派之健將，舉尙古派之舊習，一掃而空。他如格利帕齊，Grillparzer 生於千七百九十年，長於戲曲。路喀，Rückert 生於千七百八十九年，長於詩，尤以筆力穩健名。最著者爲海奈，Haine 生於千七百九十七年。詩詞清麗，語句通俗，兼理想實現兩派之特長。所著「詩集」Buch der Lieder 人皆樂讀。此又理想派中之別開生面者也。

考斯道夫 Gustav Freytag 生於千八百十六年。於千八百四十八年，爲 Julian Schmidt 及 Grenzboten

兩雜誌主撰，攻擊理想派甚烈，遂立實現派之基礎。其傑作有 *Journalisten* 戲曲及 *「Soll und Haben」* 小說，均甚有名。次爲 *薛福*，*Scheffel* 生於千八百二十六年，著有 *「Trompeter Von-siekingen」* 及 *「Gandeanus」* 詩及 *「Eckehard」* 小說等，皆實現派健將。

德意志統一後，政界立生大變，文學界亦不免受其影響。作家多趨於歷史派之著述，以發揚祖國之精神。*瓦基納 Wagner* 卽其代表者。氏生於千八百十三年，著有 *「Tanhäuser」* *「Lohengrin」* 及 *「Nibelungen」* 等喜劇。當時演於全國舞台，遐邇聞聲。然自千八百八十五年後，德國文學受索拉及易卜生 Ibsen 諸外國大家之影響；對於歷史的傾向，大起反動，而漸趨於自然主義。卽瓦基納氏，亦變其主張。然純粹自然主義之文豪，則當推蘇達曼 Sudermann 氏生於千八百五十七年。著作之著者，爲 *「Friedensfest」* 脚本，次爲 *呼達曼 Gerhart Hauptmann* 生於千六十二年。皆自然派健將也。

(四) 其他諸國 最近世思潮，皆由國粹主義，漸轉爲世界主義，已如上述。政治上，社會上，經濟上，各國民間，既有密切關係；故文學家之著作，亦相互翻譯。相互影響，大有世界思潮之形勢。

那威，俄羅斯，意大利，及比利時諸國，於第十八世紀末至十九世紀初，均尙尙古主義。理想主義及實現主義，均起於十九世紀後葉。那威之易卜生 Ibsen，俄羅斯之都蓋尼夫 Turgeniev，託爾斯泰 Tolstoy，比利時之梅他林克 Maeterlinck 等，均爲世界的大文豪。其著作譯爲各國語，影響最大。茲分述如左：

易卜生，生於千八百二十六年，爲實現主義文豪第一人。各國莫不承認之。其名著「Kæiser og Galilaear Emperor and Gailean」〔海之女〕「The Lady from the Sea」等，世界各國，均有譯本。而戲曲尤多。蓋尼夫，生於千八百十八年，爲穩健實現派。觀察銳利，喜描寫農民狀況。若盡讀其前後著作，於十九世紀俄國農民狀況之變遷，可略悉梗概。託爾斯泰，生於千八百二十八年，爲伯爵。然不憚於俄國貴族之所爲。彼於實現派中，占特殊地位。其著作以「戰爭與和平」War and Peace 及「Anna-Karenin」二小說爲最著。以冷靜雄厚之文字，發表其思想，大受世界歡迎。唱宗教的及社會的道德論，俄國思想界，大受其化。梅他林克，生於千八百六十二年，著有「Monna-Vanna」等戲曲多種。情詞悲慘，近於悲劇。以上所述諸家，皆實現派也。

最近各國，又有新理想派，New Idealist 心理派，Psychologic School 印象派 Impressionists 及象徵派 Symbolist 等，相互並立，各有文豪，以成今日光彩燦爛之世界焉。

第三章 近百年之哲學

(一) 英吉利 近百年英之最著哲學家，厥有三人：一爲彌爾，Stuard Mill 生於千八百六年，少嘗勵志實業；千八百二十二年，入東印度會社，以暇編纂雜誌；千八百四十八年，著「經濟原論」Essays on Unsettled questions of Political Economy 行世，遂以經濟家名。旋爲國會議員，又出其政治才，以謀國是。於哲學

則主經驗主義，於倫理學則持功利主義，於論理學則重歸納法，此其
大旨也。一爲斯賓塞，Edmund Spenser 初勵志工學，年十七，爲鐵
道工師八年，復委身學術，從事著作。所著關於教育論，進化論甚多，其
哲學大旨，大部發表於「第一原論」The first principle 謂吾人知
識，均屬相對；所得知者，唯印象而已，他非所知。故氏爲不可思議論之
倡導者。一爲拉賽爾。Bertrand Russell（即羅素）生於千八百七十二
年，出身貴族。其祖即維多利亞時



塞 賓 斯

代，有名政治家兩次爲首相之拉賽爾，Lord John Russell 其父亦子爵。氏爲英國岡布里治大學學生，
修數學及哲學；後即爲該大學數學原理講席。但恆留心政治，嘗主張女權，及自由貿易。歐戰開後，又大倡和
平論，指摘英國外交之誤謬。千九百十六年，被政府處徒刑兩月，同時岡布里治大學，亦去其講席。然出獄主
張尤烈。千九百十八年四月，政府又下之獄六月。後又出獄游俄，考察勞農政治。曾來華講演。氏曾發明數理
邏輯，Logic 爲二十世紀哲學上一大產物。本數學之批評的研究，在哲學上成立一種新方法。以言其精
神，即哲學中之科學中之科學法；以言其方式，即名理及解析法。氏對於哲學，主張絕對多元論，認有種種的
個體及關係；不認有包括一切的宇宙根本。於現代思想界，最有影響。最近又本其名理及解析法，研究心理
認心物的分別，非實質的，乃其兩所自的因果律等級不同。與美國之最新心理學，Behaviorism 大旨相同。

氏哲學著作甚多，吾國今所譯「社會改造原理」「到自由之路」等，均其政治方面之著作；純粹哲學，尙無譯者，可慨也！

(二)法蘭西 近百年法國最著哲學家，只有二人：一爲哥溼，Victor Cousin 生於千七百九十二年。年二十三，爲索波尼 Sorbonne 大學助教，因倡自由主義失職。千八百二十八年，再爲該大學教授，與介索同事；千八百四十年，爲學部大臣。二月革命後歸田，專攻學術。著有「十八世紀道德哲學史之應用」(Cours d'histoire de la philosophie morale au 18 Siecle 等書。其哲學主樂天主義，輕現象，重精神，蓋唯心論之錚錚者也。一爲孔德，August Comte 生於千七百九十八年。其宗旨在改革社會，初學於聖西門，甚相得；後偶失和，去之；然仍宗其說，卒荷薪傳。千八百二十四年，忽得社會進化法則，疾倡改革，其要曰：「我輩雖獲由經驗而說明現象；其起源及終局，則不能知。是以當勉力於社會現象之研究，求增幸福。」此說與斯賓塞第一原理，主張略同。著有「實驗哲學應用」(Cours de philosophie Positive 及「實驗政治法則」(Systeme de politique positive 等書，俱名於世。

(三)德意志 德國哲學，康德 Kant 後首推斐希德 Fichte 生於千七百六十二年，初師康德，以繼起自任。後研究日深，遂自成一家。康德分認識爲形式內容兩方面；謂認識主觀的觀念，止於現象界；客觀的實在本體，超越於認識以外。氏則謂本體由於吾人之認識，故我實宇宙之本體；我即非我之對峙，然我知非我之

對峙者，亦我之活動。著有「各種表相之批評」[*Critik aller Offenbarung*]「科學原理之原論」[*Grundlage der Gesammten Wissenschaftslehre*]等書。氏友西爾靈，*Schelling*，生於千七百七十五年，與氏主義相反。蓋氏以我爲主，西則謂我與非我，超絕於主觀之外，別有合一的真理，故稱「合一哲學」[*Identitäts Philosophie*]之唱導者。其最要著作爲「余對哲學上方法之表現」[*Darstellung meines system of Philosophie*]一書。同時又有黑智爾，*Hegel*，生於千七百七十年，以辨證論的三段論法，組織其哲學。謂吾人思考之第一段，先取甲之地位，進而察之，則生矛盾，因是思考，不得不進於乙之地位。然真理恆不在甲及乙，而在調和於二者之丙。由是累進，則思考從而發達。故氏謂三段法之累進，即宇宙自然界之發展也。著有「邏輯」[*Wissenschaft der Logik*]及「哲學百科辭典」[*Encyklopadie der philosophischen Wissenschaften*]等書。於近世思想界，影響甚大。黑氏以外，當時有西拉馬略爾，*Schleiermacher*，生於千百六十八年，及克郎西，*Friedrich Krause*，生於千七百八十一年。前者富於批評的精神，初師康德，後折衷於斯賓塞及西爾靈兩氏之說，自成一家。宗教哲學，即氏所創。著作之最要者爲「宗教講話」[*Reden über die Religion*]。其對於宗教哲學意見，多發表於此中。後者思想，頗似黑智爾；以蔽於黑氏之名，故不顯耳。最近無可述之大家焉。

(四) 合衆國 北美合衆國，自獨立以來，亦甚研究學術。近百年來蒸蒸日上，而哲學尤有貢獻。其最大哲學

家有三人：一爲皮耳士，C. S. Peirce 生於千八百三十九年，歐戰初起之年卒。一爲載木，William James (胡適之譯詹姆士) 生於千八百四十二年，卒先皮氏四年。一爲杜威，John Dewey 生於千八百五十九年。皮氏父名本家民皮耳士，Benjamin 爲美國有名數學家。故氏自謂長於科學實驗室內，後爲大數學家，大哲學家及大物理學家，貢獻於世者頗多。千八百六十餘年頃，氏於合衆國康橋大學，發起哲學會。會員寥寥，然多要人；載木亦其一。皮氏於此會，恒發表其實驗主義。Pragmatism 載木大受影響，故後此亦主實驗主義。千八百七十七年，皮氏發表實驗哲學長文一篇。自此實驗主義，遂大明於世。氏嘗謂科學目的，在吾人以道理的科學方法，使於此中生出道理的習慣。此之謂科學家之知行合一說，亦即實驗主義。氏所爲文，多發表於 Journal of Philos. psy. and Sc. 月刊，專著無多。載木父名顯理載木，Mary James 爲神學家。其弟與父同名，爲美國大文豪。載木初學醫，得博士學位。後在母校哈佛大學，教授解剖學及生理學；繼又改爲心理學及哲學教授。以氏爲生理與心理大家，故其實用主義之哲學，皆淵源於科學，絕非空論。而對於心理學，貢獻尤多。其最要著作，爲「大心理學」The Principles of Psychology 「小心理學」Psychology [宗教經驗種種] The Varieties of Religions Experience 及「實驗主義」Pragmatism 等。杜威，初爲瓦曼 Vermont 州大學學生；後又入約翰霍鐸大學 Johns Hopkins University 千八百十四年，得哲學博士學位。後歷爲各大學教授，最終爲可倫比亞大學哲學教授。千九百十九年，來華爲北京大學講師。

二十年，北大授以名譽哲學博士學位。氏著述宏富，不下數十種，而以「吾人應如何思想」[How We Think]「實驗的邏輯」[Essays in Experimental Logic]「倫理學」[Ethics]「平民政治與教育」[Democracy and Education] 諸種爲最要。氏之影響，較載木尤大。其於教育以曾自辦實驗教育學校，故種種理論，皆自經驗而來。於教育影響尤大，故有「教師之教師」之稱，其年來講演集甚多。以上諸種，亦有片段譯本，略可見氏之思想，不贅述。以上三氏，雖各有主張，要皆爲實驗派。是派在美國大放光明，英法遠不逮焉。

第四章 近百年之史學

(一) 英吉利 十九世紀，英國史學家，首推馬可來。[Macaulay] 氏生於千八百年，著有「英吉利史」[History of England] 等。次爲阿納，[Arnold] 生較馬氏晚二十年，著有「法蘭西革命史」[History of French Revolution] 等。兩氏爲文學家，故其文章瀟灑，膾炙人口；論旨雖間失正鵠，然人多樂讀；學生界受其影響尤大。次爲格羅脫，[Grote] 生於千七百九十一年。自千八百二十二年以來，卽專心希臘史，對於米特方 [Miltort] 之希臘史，大加非難。後以十年辛苦，自著希臘史十二巨冊，大受學界歡迎。次爲法魯德，[Foude] 生於千八百十八年，其性與格羅脫大異，著作中往往混入稗史。故紀事活潑，讀者感快。然以史學價值衡之，未免減色。與氏相反者，有佛利曼，[Freeman] 生於千八百二十二年。以科學的眼光，研究史實，去取務真，毫無子虛。此外如格里，[Green] 生於千八百三十一年，著有英吉利史。格底納 [Gardiner] 生於千八百三十九年，著有

「三十年戰爭史」] History of the Thirty Years War 均甚有聲。而哈蘭，Hallam 及斯多不，Stubbs 亦爲當時有名史家。前者生於千七百七十七年，後者生於千八百二十五年。兩氏除治通史外，尙研究「英吉利憲法史」] History of English Constitution

蘇格蘭亦有三大史家。一爲巴頓，Barton 生於千八百九年，著有「蘇格蘭史」] History of Scotland 一爲米勒曼，Milman 生於千七百九十一年，著有「基督教史」] History of Christianity under The Empire 一爲萊略，Lecky 生於千八百三十六年，著有「十八世紀英吉利史」] England in the Eighteen Century 均有研究之價值云。

近又以威不老西耳 W. Brothens 博士爲主幹，以各大家著述，編成史學叢書，而近時倫敦出版之「史家歷史全書」] Historian's History of the World 分裝二十五巨冊，亦可爲世界史參考之良品云。

(二) 法蘭西 十九世紀法蘭西史家，首推介索氏。生於千七百八十七年，以哲學的主觀眼光，解釋史實，且材料豐富，所著「文明史」] Histoire de la Literature 甚有聲。次爲西司毛第，Simondi 生於千七百六十七年，著有「意大利共和政治史」] Histoire des republiques Italiennes 及「法蘭西史」] Histoire de la Literature Française 生於千七百八十二年，著有「十八世紀法蘭西文學史」] Tableau de la Literature Française au dix-huitieme Siecle 均爲史界所稱許。米納，Mignet 生於千七百九十六年，主張零細史實，往往有重

大價值，不可輕閱。著有「法國革命史」[Histoire de la Revolution Française]長於評論，然亦失於偏袒。其友智爾，生於千七百九十七年，以勇健壯麗之筆，亦著「法國革命史」；其敘事實，歷歷如繪；然與米氏同犯偏袒之病。又有米塞，生於千七百九十八年，亦以流暢華麗之筆，著「法國革命史」。顧其立論，不盡確當。董喀威，Tocqueville 生於千八百五年，著有路易第十四至革命時之「法國史」及「千八百三十年至四十年時代史」。賀能 Renan 生於千八百二十三年，喜考古，往往對於傳說及古文書等，詳加評論，為史學界開一新紀元。拉弗海 Lanfrey 生於千八百二十八年，著「拿破崙第一傳」對於拿氏，大加非難。泰奈 Taine 生於千八百二十八年，以科學的研究法，應用於史學，著「英吉利文學史」等公諸世。現代以史學著名者，為巴黎大學教授拉瓦司 Lavise 郎巴 Ranband 及西納布 Seignobos 等。而拉郎兩氏之「世界史」[Historie Generale]尤有聲。

(三)德意志 德意志史學，輸入科學的研究法，自尼布耳 Niebuhr 始。氏生於千七百七十六年，始治法學；千八百十六年，為普魯士駐羅馬公使。公暇嘗從事於古代史之研究，並修考古學、言語學等，著有「羅馬史」[Romische Geschichte]其記事之周密，着眼之非凡，遠在他人以上，遂博大名。與氏同時者，有斯克老色 Schlossar 生於千七百七十六年。氏之特點，在就國民生活及文化方面研究世界史，在人文史上，別開生面。又有達爾曼 Dahlmann 生於千七百八十五年，嘗為政客，著有「英吉利革命史」[Geschicht der

Englischen Revolution 及「法國革命史」Geschicht der Französischen Revolution 等均以意見卓絕著。其他耶那大學教授魯登，Luden 生於千七百八十年，著有「德意志人種史」Geschicht des deutschen Volks 威基特，Voigt 生於千七百八十六年；斯登司，Stenzel 生於千七百九十二年；魯馬，Raumer 生於千七百八十一年，均以史學著。然最有名而為德意志史界發一異彩者，厥為蘭凱，Leopold Von Ranke 氏生於千七百九十五年，千八百二十五年，為柏林大學教授；邇後四十七年間，一方薰淘後進，一方於柏林圖書館悉心研究，發見關於史學上古文書籍甚多。後得政府給費，歷游維也納，羅馬，法蘭西，各名勝地，蒐集古文書籍，歸國充政府機關雜誌主筆，直言不憚，致遭人忌退職。又專心於史學，著有「羅馬教皇史」Die Römischen Papste 「宗教改革時代之德意志史」Deutsche Geschichte im Zeitalter der Reformation 及「普魯士史」十六七世紀法蘭西史」Französische Geschichte Vornehmlich im 16 und 17 Jahrhundert 等，名以大噪。而八十一歲時，更著「世界史」Weltgeschichte 歷述各國政治文明之變遷，及他書之誤謬，無愧傑作也。氏以後名家亦不少，而格耳文，Gervinus 及西擺耳，Sybel 均有聲。前者生於千八百五年，嘗主德意志新報，屢發表其歷史的政治意見。後者生於千八百十七年，著有「革命時代史」Geschicht der Revolutionszeit 1789-1800 及「德意志帝國創立史」Die Begründung des deutschen Reiches durch Wilhelm I 等，貢獻於史界頗多。以外如完志，Waitz 生於千八百十

三年，爲蘭凱門下之錚錚者，頗能傳其學風。德老生，Droysen，生於千八百八年；德喀爾，Duncker，生於千八百十一年；古提亞，Curtius，生於千八百十四年；均以研究希臘史名。而巴格登，Baumgarten，生於千八百二十五年，又以通西班牙史稱。然駕諸氏而上之者，又有二大史家：一爲他拉志克，Treitsche，生於千八百三十四年；一爲蒙森，Monson，生於千八百十七年。他氏初學政治，於千八百七十四年，爲柏林大學教授。對於政治上之最近問題，屢加評論；後研究十九世紀德意志史，遂著書行世。蒙氏初學法律及哲學，千八百五十八年，爲柏林大學教授，任羅馬古代史。然於千八百八十二年之選舉演說，以謗俾士麥之嫌被執。法庭審訊無罪開釋。氏之羅馬史甚有名，今多遵之。郎龍斯，Otokar Lorenz，博士，生於千八百三十二年，嘗爲維也納及耶那諸大學教授，著有「威廉皇帝及德意志帝國基礎」一書，頗受當世歡迎。現在德意志林，Max Lenz，底不魯克，Hans Delbrück，拉不拉克，Karl Lamprecht，及邁爾，Edward Mayer，埃耳曼，Adolf Erman，等均任各大學教授。對於歷史一科，俱有研究。

第五章 近百年之國際聯合

(一) 萬國郵政聯合 萬國郵政聯合，International Postal Union，爲德意志所首倡。千八百七十四年，歐美二十一國，開會於瑞士之伯爾尼，Bern，十月九日，締結聯合規約。邇後屢開大會，範圍擴大；今文明各國，殆皆加入。千九百六年，又開大會於羅馬。世界人民，被其利益者，總數在十四億以上云。

(二) 萬國電信聯合 萬國電信聯合，International Telegraph Union 於千八百六十五年，南歐諸國，開會於巴黎，締結規約。閱三年，北歐諸國，多加入者。邇後範圍日大，然尚未若郵政聯合之普遍云。

(三) 萬國冷凍協會 萬國冷凍協會，Société internationale des fruits 第一次大會，於千九百九年，開於巴黎。多數學者，實業家，及工業家，均與會。將來必有大發展云。

(四) 萬國發明品特許協商 發明品於一國政治文明，影響甚大。先進文明諸國，爲提倡起見，故給予特許狀。國與國間，並結共通條約。此萬國發明品特許協商 International patent Conference 之所以成立也。是會於千八百八十三年三月二日，成立於巴黎。各國加入者甚多。

(五) 萬國著作權協商 著作於一國學術，關係尤大，故各國政府，給予著作者以版權。國際間亦互結條約，以保護之。此萬國著作權協商 International Copyright Conference 之所以成立也。是會於千八百八十六年九月九日成立於伯爾尼。我國並未加入云。

(六) 萬國東洋學者大會 各國知識，宜於互相交換，進步始速。西洋學術，有獨到處；但東方文明亦未可忽，故有萬國東洋學者大會 Internat. Orientalists Congress 之發起。以資各專門家相互研究云。

(七) 萬國子午線會議及萬國測地會議 萬國子午線會議，Internat. Meridian Congress 定英國之格林威池，Greenwich 爲子午線之標準。現各國均採用之。而萬國測地會議 Congress on Geodesy 亦

以此爲準云。

(八) 萬國米突會議 八百七十五年，開萬國米突會議 *Convention d'Amélie* 於巴黎，擬採用法國之米突法。除英國外，歐美各國諸多與會。五月二十日，度量衡採用米突法之協約成立。

(九) 萬國學士院協會 千九百九年，英國皇家學會，*Royal Society* 主張聯合二十國學士會院，組織萬國學士院協會。 *International Association of Academics* 每三年開會一次，計畫學術促進問題。千九百一一年，曾在巴黎開會；千九百四年，在倫敦；千九百七年，在維也納；千九百十年，又在倫敦；各開會一次云。

(十) 萬國大博覽會 其他關於人道的，宗教的，學術的，實際的等等萬國協會，不勝枚舉。世界各民族間，關係遂日形密切。爲各國共通利益及產業發達起見，於千八百五十一年，開萬國大博覽會 *International Exhibition* 於倫敦。邇後類此會議日多，不可勝數。最近巴拿馬賽會，亦其一也。

第六章 近百年之藝術

(一) 建築 近世英法諸國，宏大建築，各競新奇。如柏林，維也納，倫敦，巴黎，及慕尼克 *Munich* 諸城，其寺院，宮殿，官衙，劇場，病院，營舍，學校等公共建築，均極壯麗。然其普通形式，多仿希臘，羅馬古代建築物。特經文藝復興之後，略加改革耳。德意志，於近代建築中，最有名者，厥爲柏林新博物館。由新喀耳 *Schinkel* 所計畫。

氏生於千七百八十一年，爲有名建築師。次爲美術院，由克林斯 Klenze 所計畫。氏生較新喀耳晚三年，亦有聲。又次爲慕尼黑圖書館，由葛爾納 Gärtnner 所計畫。氏生於千七百九十二年。此德之建築也。法蘭西於近世美術方面，均有擬古之勢。初仿希臘式，後又仿羅馬式。拿破崙時代，建大寺院；又仿羅馬凱旋門，建凱旋門於巴黎。千八百八十九年，萬國博覽會以後，又建高塔於巴黎。高九百八十四尺，巍然聳立於雲表，誠千古未有之奇功。最近又由衣他阜 Hittorff 計畫，建保羅廟；格式 Gaus 計畫，建克老堤 Saint-Clotilde 廟。衣氏生於千七百九十三年，格氏生於千八百十年，均近代大工程師。此法蘭西之建築。英吉利則無可述者。

(二) 雕刻 十九世紀之雕刻，較前更加進步。初行尚古派，其工作皆思擬古。然自千八百四十八年以來，漸用寫實主義。工作形體，務求逼真。各國名家輩出：就中最著者，爲丹麥之色瓦德生 Thorwaldson 氏生於千七百七十年，爲尚古及理想雕刻之創造家；又爲藝苑三傑之一。其作品，不下五百六十餘種，影響於雕刻界者至巨。氏以後有調和理想及寫實二派，專取折衷主義者，沙都 Schadow 即其代表。至寫實派大家，則首推拉烏合 Rauch 氏生於千七百七十七年，普王妃路易絲 Luise 之大理石墓標，及康德之塑像，皆其傑作。繼之而起者，有西威賓 Schiewelbein 奧古斯都克斯 August Kiss 等。前者生於千七百六十七年，後者生於千八百二年，俱爲寫實派名家。法蘭西雕刻家，則大率擬古。最著名者，首推約瑟包西 Joseph Boscio 及己拉底耳 James Pradier。前者生於千七百六十九年，後者生於千七百九十年，其作品，均以

美麗稱。呂德 Francois Rude 及都理 Francois Duret 亦有名。前者生於千七百八十四年，後者生於千八百四年，爲寫實派大家，頗具真摯之風。若安大衛，生於千七百八十九年，以善肖人物著名。其他爲路丁 Radin 生於千八百四十年，以刻人體內部稱。英吉利則有基不森 John Gibson 及基父 Geefs 前者生於千七百九十一年，後者生於千八百六年，均爲雕刻家。特未若德法兩國人物著名耳。

(三)繪畫 十九世繪畫界，以法蘭西爲最著。其描寫入細，工妙無比，則推節利哥爾 Gericault 及底蘭岡 Delacroix 二氏。前者生於千七百九十一年，後者生於千七百九十九年。其所作放逸超脫，宛轉自如，則推柯樂 Corot 及都庇列 Dupret 二氏。前者生於千七百九十五年，後者生於千八百十二年。他爲戈兒壁 Courbier 生於千八百十九年；米來 Millet 生於千八百十五年；均各有專長。德意志繪畫，近代亦漸盛。其最大名家，爲哥爾尼留 Cornelius 生於千八百十三年；次爲哥威爾卑克 Coverbeck 生於千七百八十九年。至英吉利近代，則大尙歷史畫，及風景畫，名工巨擘，窮思盡妙。長風景者爲斯丹菲爾 Stanfeld 及都爾諾 Turner 前者生於千七百八十八年，後者生於千七百七十七年。長歷史者，爲維爾基 Wilkie 及勒衣敦 Leighton 前者生於千七百八十五年，後者生於千八百三十年，皆出羣妙手也。以上諸家傑作，近日價大昂。各國爭藏於陳列所，以求好事者之批評。邇來歐風尤甚云。

西洋近百年史 中西名稱表

一 畫		Alabama	亞拉巴麻
		Anatolian	亞拉托良
		Aladja	亞拉給
		Avignon	亞威農
		Armenia	亞美尼亞
		Adriatic Sea	亞得里亞海
		Adrianople	亞得里雅那堡
		Alfred	亞勒弗烈
		Aleppo	亞勒伯
		Asia	亞細亞
		Akka	亞喀
		Adam Smith	亞當斯密
		Albania	亞爾巴尼亞
		Ardaham	亞爾達罕
		Alsace	亞爾薩斯
		Adana	亞達那
		Alexander	亞歷山大
		Alexander	
		Dumas	亞歷山大杜馬
		Alfonso	亞豐墩
			二 部
		Henry Clay	亨利克來
			人 部
		Guizot	介素
		De Giers	介爾
		Israel	以色列
		Treitsche	他拉志克
		Thrace	他雷西
			三 部
			四 畫
			部
			亞丁
			亞利桑拿
Tennyson	丁尼生		
Zambesi River	三比西河		
Bukharest	不加勒斯多		
Pripet	不里卜		
Brialmont	不里芒		
Pristina	不里斯的那		
Iles des prince	不林斯島		
Brougas	不魯格司		
Blucher	不魯海爾		
Plumer	不魯馬		
Brussels	不魯捨拉		
R. Pruth	不魯斯河		
Prody	不魯達		
			部
Versailles	凡爾塞		
Tannenbery	丹尼阿堡		
Alphonse Dandé	丹得		
Danmark	丹麥		

Ismail	伊士邁
Ypres	伊不來
Evegnée	伊文納
Ibrahim	伊布拉欣
Ischal	伊次
Epirus	伊庇魯斯 (一作愛罕羅斯)
Yser	伊沙
Yezd	伊沙的
Great Elector	伊奈特起
Emmich	伊米世
Isvolsky	伊斯瓦克
Isbahan	伊斯巴亨
Ysilanti	伊善西蘭
Ignatieff	伊納提夫
Epinal	伊賓納
Aisne	伊塞
El-Katia	伊爾喀提
Erzinjan	伊爾塞加
Erzerum	伊爾塞倫
Ekatelinburg	伊喀體林堡
Isanzo	伊薩孫
Birmingham	伯明罕
Bayazid	伯約給
Berane	伯倫尼
Bern	伯爾尼
Belgrad	伯爾格來得
Danzig	但澤
George	佐治
Georgia	佐治亞
Haskier	何斯扣
Virginia	佛吉尼亞
Frecman	佛利曼
Flaubert	佛朗巴
Florida	佛魯里達
Florence	佛羅稜薩
R. Rhine	萊因河
Kings Lynn	萊衣
Laracohe	萊來斯
Lecky	來喀
Hutin	余丁

Isabella	依薩伯拉
Ostrowa	俄司特老倭
Russia	俄羅斯
Bulgaria	保加利亞
Bottomley	保潭利
Paul Campon	保羅加本
Benedek	俾尼狄克
Bismark	俾士麥
Baluchistan	俾路支
Baconsfeld	倍孔斯腓爾底
Lombardy	倫巴底
Roentagen	倫根
Loncin	倫森

儿部

Kashmir	克什米爾
Keyes	克衣斯
Crete	克利地
Crinea	克里米
Krithia	克里西亞
Craonne	克里奧
Kleist	克里斯特
Krasnik	克拉尼克
Klenze	克林斯
Kerensky	克林斯克
Saint Clotilde	克老堤
Kitchener	克茲納
Cromwell	克倫威爾
Kephalo	克法老
Friedrich Krause	克郎西
Celts	克勒特
Kirk	克爾克
Karnilov	克魯尼喀夫
Krupany	克魯巴尼
Kluck	克魯克
Grookes	克魯克
Clotilde	克羅西
Grodek	克羅得克
Crustadt	克魯斯達
Kruger	克魯家

Kutschuk- Kainsrdji	克蘇克喀那的	Katchana	加特茄拿
		Tchabaldja	加波爾囉
	入 部	Kanem	加南湖
Nebraska	內布拉斯加	Karaveloff	加辣弗洛夫
Nevada	內華達	Caprivi	加窩威
		Gazelle	加塞拉
	几 部	Cassel	加塞爾
Cairol	凱洛利	Kamerun	加麥爾
		Kars	加魯
	刀 部	Carency	加龍塞
Liege	列日	Carolina	加羅里拿
Lee	利	Bronte	勃耶得
Leipzig	利比悉	Berthelot	勃塞耶
Liverpool	利物浦	Reval	勒伐爾
Livonia	利伏尼亞	Leighton	勒衣敦
Levenhof	利凡霍	Lauenburg	勞英堡
Liberator	利伯特爾		十 部
Congo	剛果	Mahmoud	
		Chofket Pacha	協弗克特
	力 部	Bosporus	博斯破魯斯
Gastein	加士丁		勺 部
Cambrai	加不來	Bonlangoer	包蘭格
Khartum	加冬	Hungary	匈牙利
Canea	加尼亞		卜 部
Joseph		Beilul	卜伊魯
Garibo'di	加利波的	Botany	卜丹尼
Gallipoli	加利波里	K. P.	卜不刀納
Carpathia	加白西亞	Pobedanostzev	司他父
California	加利佛尼亞	Julian Byng	卜衣納
Galicia	加里西亞	Perekor	卜來克
Karageorgevitch	加拉曼阿基	Berry-au-Bac	卜來尤班克
Gallitzin	加里漫	Braise	卜拉斯納
Calais	加來	Breslau	卜拉斯魯
Cabes	加卑斯	Plevna	卜拉維納
Karathodari	加拉提大	Marschall	
Pasha	利巴沙	Biebestien	卜白斯丹
Canada	加拿大	Blonic	卜勞
Cabodistria	加波德士 多里亞	Couzt	

Berchtold 卜斯多
 Pskoff 卜斯可夫
 Perthes 卜塞
 Bahr-Oghazol 卜葛色
 Brusiloff 卜魯西拉父
 Protopopoff 卜洛脫 頗頗夫
 Charles Stewart Parne 卜納
 Beyrauth 卜龍司
 Kars 卡兒斯

尸 部

Trotzky 卻羅 德克
 Guatemala 危地馬拉

厂 部

Elba 厄爾巴
 Ecuador 厄瓜多爾

三 畫

口 部

Cuba 古巴
 Courland 古耳蘭
 Kiutayeh 古他約
 Kurna 古那
 Kulikow 古里克
 Gurko 古廓
 Kolberg 古爾堡
 De Courcel 古爾塞
 Gaurtraï 古特來
 Cutius 古提亞
 Gondriaan 古德安
 Gutchikov 古其可夫
 Karner 古納耳
 Kos 可斯
 Icarti 可爾提
 Scott 司各脫
 Stanley 司丹勒
 Constantinople 君士坦丁

Cabo 哈巴
 Ham 哈木
 Hauff 哈父
 Hamilton 哈米頓
 Douglas Haig 哈衣
 Kharkov 哈科佛
 Walter B Harris 哈里
 Havre 哈里
 Husburg 哈斯堡
 Hardenberg 哈登堡公
 Hudson 哈得孫
 Herve 哈威
 Hartwig 哈梯維克
 Hanover 哈諾威
 Hallam 哈蘭
 Gerhart Hauptmann 呼達曼
 Francois Rude 呂德
 Kinburn 喀布
 Kabul 喀布爾
 Kertch 喀次
 Kamiesh 喀米西
 Mont Kimmel 喀米爾
 Camern 喀米爾
 Kakhk 喀克
 Kabail 喀比亞
 Kovno 喀父納
 Calypso 喀利巴
 Caliph 喀利法
 Koevess 喀威斯
 Charlitte 喀勞的
 Cavour 喀富爾
 Centa 喀烏他
 Cattaro 喀達魯
 Khaitoun 喀頓
 Carso 喀爾孫
 Kerman 喀爾曼
 Edward Carson 喀遜
 Cavaignac 喀維那
 Kurland 喀耳蘭
 Caruf 喀踏夫

Kosmai	喀斯馬
Ctesiphon	喀德西豐
Katkov	喀德哥父
Karoun	喀龍
Chalm	喀魯木
Kolubara	喀魯尼拉
Kharosan	喀羅山
Khatillon	喀體林
Major Esterhagy	哀斯特黑遜
Konia	哥尼亞
Koweyt	哥溫
Capernicus	哥伯尼
Königsberg	哥尼斯不爾尼
Croatia	哥羅地亞
Cverbeek	哥威爾卑克
Cornelieu	哥爾尼留
Cusin	哥溼
Joule	喬爾
Galle	噶利
Galiles	噶利利
Gortchakov	噶查哥夫
Kossuth	噶蘇士

土 部

Turkey	土耳其
Toulon	土倫港
Derfingier	地耳佛林格
Dejmal Pasha	地馬耳巴沙
L. Tanganyika	坦葛尼喀湖
Herre	埃耳
Erman	埃耳曼
Oise	埃衣司
Eritrea	埃利利亞
Eenos	埃納斯
Achlenthal	埃連達
Kipling	基不林
Gibson	基不森
Geefs	基父
Kilid Bahr	基利的卜
Christian	基利斯當

General	基奈拉耳
Chios	基阿
Goeben	基阿本
Christ	基督
Kirchhoff	基爾和夫
Campo	堪波里
Pontisse	報地士
Selle	塞耳
Somme	塞母
Shaiba	塞伊巴
Sinai	塞奈
Siretu	塞里都
Thackeray	塞客來
Semendria	塞門德拉
Seleucus	塞留哥
Seymour	塞摩爾
Servia	塞爾維亞
Sevastopol	塞佛斯拖波格
Sarajevo	塞拉熱窩
Sarrano	塞拉諾
Xeros	塞羅司
Salonica	塞羅尼加
Messina	墨西拿
Mukhatar	墨克塔
Molissori	墨利蘇里

夕 部

Sherman	夏曼
---------	----

夕 部

Dobrudja	多布魯雜
Romnica	多米尼加
Tuscany	多斯加納
Dover	多汶
R. Danube	多瑙河

大 部

Great Britain	大不列顛
---------------	------

Damascus	大馬色
Tamatave	大馬達威
Jefferson Davis	大衛斯
Kiel	奇厄爾
Pendjekh	奔宅
Bontha	奔沙
Burder Abbos	奔達阿白
Oubanghi	奧巴衣河
Augustenburg	奧古士丁堡
August Kiss	奧古斯都克斯
Austria	奧地利亞
Ouchy	奧克
Okrida	奧克里達
Oxford	奧克斯福
Orange	奧倫治
Otlant	奧特蘭
Ossovetz	奧斯瓦斯
Oesel	奧塞耳
Orleans	奧爾良
Otrants	奧德蘭德
Odrouthoff	奧魯可夫
Ostand	奧司坦德

女部

Nouvelles	
Hebrides	奴弗里希不里
Novi Bazar	奴維巴沙
Jangonne	如工納
Hohenzollern-	好亨稍林西
Sigmalengen	馬林
Cholm	好林木
Hohenstein	好恆斯田
Holstein	好斯敦
Venezuela	委內瑞辣
Venice	威內薩
Venizelos	威尼休拉
Vilna	威耳納
Volhynia	威拉尼亞
W. Brothers	威不老西耳
Wellington	威林敦

Wilhelmshohe	威林梭
Wilhelmshaven	威海耳木哈溫
Le mayr de	
Vilers	威烈耳
De Wett	威特
Weimar	威馬爾
Vesle	威斯爾
Westphalia	威斯特法里亞
Visloka	威斯勞喀
Vise	威塞
Visegrad	威塞格拉
Voigt	威基特
Prince Wilhelm	威廉弗勒得
Friedlich	烈顯理
William Gar-	
rison	威廉伽利孫
Werner	威祿納
Wales	威爾士
Waldeck	威爾達克
Wilson	威爾遜
Verona	威羅納

子部

Combelles	孔不來
Combres	孔不來
Compiagne	孔巴日
Comines	孔米納
Congnelee	孔尼來
Concourt	孔岡
Consalvi	孔塞威僧正
Gumbinnen	孔賓寧
Comte	孔德
Gonzalez Brava	孔撒列布拉贊
Monroe	孟祿
Mensheviki	孟薩維克

六部

Antwerp	安多厄爾比
Antivari	安地瓦里

Angoulime 安格爾
 Ancona 安科納
 Andoy 安得
 Envez Bey 安非卑
 Antananarivo 安達安阿里瓦
 Andrassy 安德拉西
 Waitz 完志
 Ivangorad 宜萬高勞
 Chunbi Valley 宗比谷
 Kirk kilisse 容格基利史
 Mitrovitza 密特羅威薩
 Michael 密凱爾
 Sir Alfred Milner 密爾那
 Missouri 密蘇里
 Freycinet 富勒衣納
 Tchad 察德湖

尸部

R. Niger 尼日爾
 Nicaragua 尼加拉瓜
 Niebuhr 尼布耳
 Nekrasv 尼可拉斯夫
 Arthur Nicholson 尼考孫
 L. Nyassa 尼亞薩湖
 Nichitin 尼起亭
 Nikolsburg 尼科爾斯布格
 Nicholas 尼哥拉
 Nicopoli 尼哥坡利
 Nice 尼斯
 Niemen 尼蒙
 Netherlands 尼德蘭
 Cyprus 居伯羅
 Curie 居里

山部

Cambridge 岡布里治

工部

Jugoslavia 巨哥斯拉夫

己部

Batum 巴自姆
 Brazil 巴西
 Pakri 巴克利
 Balaklava 巴克拉握
 Baglirmi 巴魯米
 Enver Pasha 巴沙
 Barnardiston 巴那底斯頓
 Perezil 巴來斯魯
 Barrette 巴來德
 Prague 巴拉加
 Paraguay 巴拉圭
 James Pradier 巴拉底耳
 Ballada 巴拉達
 Barante 巴拉德
 Bavaria 巴威略
 Bakunia 巴枯寧
 Baumgarten 巴格登
 Bagdad 巴格達
 Bugeaud 巴格德
 Palestine 巴勒士登
 Berhan 巴勒亨
 Baden 巴敦
 Banat 巴納德
 Batum 巴透
 Baku 巴庫
 Basra 巴斯拉
 Pasteur 巴斯度耳
 Parto Rico 巴都里略
 Palmerston 巴瑪斯敦
 Basaine 巴善
 Paris 巴黎
 Petten Kofr 巴登古發
 Barton 巴頓
 Honore Balzac 巴爾沙克
 Parma 巴爾馬

巾部

Bab-el-mandeb 布厄爾曼德
 Bukharest 布克哈拉斯的

Bukovina 布克維納
 Puli-Khatom 布里哈頓
 Bourrus 布里屢
 Burghas 布哈斯
 John Bright 布來脫
 Brindisi 布林的西
 Prague 布拉格
 Brest-Litovsk 布拉斯的里

達威
 Boulanger 布朗熱
 Busnack 布納克
 Buda Pest 布達佩斯
 Burdermann 布達曼
 Bulow 布耶
 Leon Bourgeois 布爾基
 Birjand 布爾章
 Bolsheviki 布爾塞維克
 Bourlon 布爾龍
 Lytton Bulwer 布祿握
 Brushilov 布魯西耶弗
 Bzura 布薩拉
 Bacharest 布薩拉
 Schiller 希耳萊爾
 Shipka 希普喀
 Pamir Plateau 帕米爾高原
 Sedan 師丹

干 部

Joseph Cham-berlain 干伯林
 Kansas 干薩斯

么 部

Usti Dvinsk 幼斯體威斯克
 Euphrates 幼發拉底河

广 部

Robert Peel 庇爾
 Pius 庇護
 Hans Delbruck 底不魯克
 Tigris 底格里斯河

Dixmude 底克司模
 Delacrois 底蘭岡多
 Coleridge 康拉底知
 Vaija Tankasic 康哥西格
 Konowalof 康納瓦耶夫
 Kusmanek 庫斯曼納克

乚 部

Ems 延姆斯

弓 部

Michel 彌格爾

彳 部

Petrograd 彼得格勒
 Petersburg 彼得堡
 Drina 得里納
 Texas 得撒
 Tyne 德尼
 Tilsit 德耳西
 Dairan 德衣拉
 Trebizond 德里比霜
 Tessaly 德沙利
 Drest-Litovsk 德里達威
 Droysen 德老生
 Dresden 德勒斯登
 Tekrit 德喀里的
 Delcasse 德喀斯
 Dunecker 德喀爾
 Germany 德意志
 Sir John-Dummord Hay 德魯模海

四 畫

心 部

Icino 志西諾河
 Umbria 恩布里
 Herbert Asquith 愛士葵斯
 Aixla-Chapelle 愛克士拉
 選拍爾

Esthonia 愛沙尼亞
 Erivan 愛里文
 Ægean Sea 愛琴海
 Ionian 愛奧尼
 Ireland 愛爾蘭
 Italy 意大利
 Istria 意斯特里亞
 Kasr 愷西阿
 Kasri-Shirin 愷沙西林
 Cadiz 愷第士
 Munich 慕尼克

戈 部

Kovno 戈夫諾
 Courbien 戈兒璧
 Gordon 戈登

戶 部

Sofia 所非
 Zlota Lipa 所羅達里巴

手 部

Tobolsk 托波兒斯克
 Picquart 批客塊特
 Karl Lamprecht 拉不拉克
 Labrador 拉不拉達
 Laybach 拉巴克
 La Bassee 拉巴塞
 Rabat 拉巴達
 Lanfrey 拉弗海
 Rasheya 拉司海亞
 Rava Russka 拉瓦魯斯喀
 Lavise 拉瓦斯
 Larita 拉里他
 Ranavlo 拉那握拉
 Lafayette 拉法夷脫
 La Fère 拉法雷
 Lapland 拉伯蘭
 Lamartine 拉馬丁
 Lamarck 拉馬克

Le Marche 拉馬斯
 Rauch 拉烏合
 Rava 拉發
 Radama 拉達馬
 Laon 拉奧
 Ratzel 拉塞
 Larrouy 拉路衣
 Russell 拉賽爾
 CharlesLagrange 拉蘭治
 Napoleon 拿破崙
 Czecho-Slovakia 捷克斯洛伐克

Mohamed 摩哈默德
 Ahmed 摩哈默德阿買
 Morawa R. 摩拉瓦河
 Morocco 摩洛哥
 Moghilew 摩基拉弗
 Modena 摩德拿
 Moldavia 摩達維
 Sardina 撒丁
 Sahara Desert 撒哈拉沙漠

支 部

Syria 敘里亞
 Odessa 敖得薩

文 部

Fichte 斐希德

斤 部

Scandinavia 斯干的那瓦
 Staufelb 斯丹菲爾不
 Stamabouloff 斯他姆布洛夫
 Stakhod 斯他喀德
 Stubbs 斯多不
 Skierniewce 斯克維斯
 Slivnitz 斯里威尼次
 Slavs 斯拉夫
 Slavonia 斯拉窩尼亞
 Stanislan 斯坦尼斯羅佛
 Sergiinsky 斯哥瓦斯克
 Scutari 斯庫台里

Scott	斯康德	Dobruja	杜不魯加
Scarpe	斯喀不	Dufuor	杜父爾
Skager Rack	斯喀基爾拉 克峽	Ducrot	杜克羅
Scapa	斯開魄	Dulcigno	杜耳西納
Sturmer	斯都默	Douaumont	杜門
Stenzel	斯登司	John Dewey	杜威
Swimburne	斯溫布爾	Duara	杜拉
Spencer	斯賓塞	Henri Dunant	杜南
Strassburg	斯德拉斯不 爾厄	Doggar	杜格耳
Smyrna	斯滿納	Dodecanness	杜達喀納
Schinkel	新喀耳	Livingstone	李文司敦
	日 部	Liapaschew	李阿巴斯古
Geneva	日內瓦	E. Rumelia	東羅馬里亞
Mincio	明韶	Max Lenz	林司
Ibsen	易卜生	Reunes	林尼斯
Elbe R.	易北河	Limpopo	林波波
Pripet	普利彼得	Limburg (Lem- bey)	林堡
Prim	普林	Lens	林斯
Plava	普拉瓦	Abraham- Lincoln	林肯
Ployeschi	普洛然什地	Tsarsrkaye Selo	查司格喜耶
Przasnysh	普蘭沙尼斯	Chamisso	查米索
Prusia	普魯士	Andrew Jackson	查克森
Chile	智利	Charles X.	查理第十
	日 部	Chateaubriand	查達伯良
Heinrich Von		Corot	柯樂
Trestschke	曲倪支卡爾	Berlin	柏林
Manteuffe	曼圖斐	Castol Gandolf	格刀父
Manchester	曼徹斯他	Gadore	格刀爾
	月 部	Gnita Lipa	格尼他里巴
Bunsen	朋森	Goldapp	格耳達卜
	木 部	Gasa Blanca	格沙不拉喀
Bonga	木加	Grillparzar	格利帕齊
Portsmouth	朴次茅	Green	格里
Jutland	朱特蘭	Garizia	格里細亞
Doberdo	杜卜刀	Kalisz	格里斯
		Gaus	格式
		Grodona	格拉刀納
		Carcow	格拉古
		Grandenz	格拉登斯

Gardiner 格底納
 Sir Ruby Gree 格林
 Galliéne 格林尼
 Greenwich 格林威池
 L. Garda 格達湖
 Gramont 格賴蒙
 Gervinno 格爾文
 Grote 格羅脫
 Grammes 格蘭姆
 Gladstone 格蘭斯敦
 Grant 格蘭脫
 Sir Edward Grey 格黎
 La Grwtie 格屬海
 Kimporong 根白龍
 Ismail Kemal 根馬
 Ghent 根德
 San Giuliano 桑基利諾
 Maeterlinck 梅他林克
 Metternich 梅特涅
 Saldou 梢耳部
 Sambre 森布利
 Sienitza 森的色
 Miilhausen 模耳叔森
 Moulay Hafid 模來合非
 Moulin 模林
 Grand Marin 模林
 Molava 模拉瓦
 Meau 模母
 Molhrenheim 模哈龍
 Mush 模須
 Maewe 模威
 Mondelejoff 模得來
 Mulhouse 模魯哈斯
 Pskof 模斯克弗
 GeorgePlechanoi 模雷哈諾夫
 Dreyfus 模伊非斯

欠 部

Eugenie 歐金

比 部

David Beatty 比台

Belgium 比利時
 Bizerta 比沙他
 M. Pyrenees 比里牛斯山
 Piliza 比里斯
 Piave 比亞弗
 Biarritz 比亞列
 Pierre 比亞魯
 Pitt 比特
 Bielostok 比耶斯他
 Below 比勞
 Pskoff 比斯柯夫
 Bethmann-
 Hollwey 比斯曼哈溫
 Belfort 比爾佛德
 Bitlis 比德里斯
 Beseler 比塞拉

毛 部

Moynier 毛尼爾
 Maunaury 毛努力
 Maupas 毛沛
 Mauritius 毛里西亞
 Hemoldt Von
 Moltke 毛奇
 Maubenge 毛補基

水 部

Fabricio 法不里西
 Faresistan 法西斯坦
 Fachoda 法考達
 Fidinar 法地那德
 Plombiers 法倫
 Frankfurt 法琅佛德
 Franconchamp 法蘭公沙不
 Francis 法蘭西司
 Fleren 法蘭倫
 Fléen 法蘭倫
 Flandres 法蘭德斯
 Falkenhen 法魯克哈

Froude	法魯達
Salisbury	沙士伯雷
William	
Thomson	沙木孫
Chandfontaine	沙發帶
Sebastiani	沙巴他尼
Schadow	沙都
Boston	波士敦
Bordeaux	波耳多
Buea	波衣阿
Beust	波衣斯
Polignac	波利那
Przemysl	波西米塞
De Boisdeffre	波伊斯他福
Bohemia	波希米亞
Boers	波亞族
G. Bothnia	波的尼亞灣
Boruden	波登
Bourbon	波旁
Posen	波森
Pola	波刺
Bosnia	波斯尼亞
Baltic Sea	波羅的海
Palmella	波爾馬拉
Poland	波蘭
Humbert	洪伯爾多
Humbolt	洪勃
Rovuma	洛布巴
Lorraine	洛林
Loznica	洛斯勒格
Hayti	海地
Hay	海衣
Haine	海奈
Elisse Reclus	海克樓
Taine	泰奈
Hedjaz	漢志
Hamberg	漢堡
Wordswords	溫得溫斯
Waterloo	滑鐵爐

火 部

Ukraine	烏克蘭
Uruguay	烏拉乖
Utrecht	烏得勒支
Ucciali	烏奇亞里
Vauquuos	烏規斯
Ouse	烏斯
Usdau	烏斯的
Uhlund	烏蘭得
Ulster	烏德斯
Genoa	熱那亞

父 部

Thiere	麥亞
--------	----

牙 部

Yezd	牙西
------	----

牛 部

Dniester	特尼斯特爾
Trinidad	特尼答
Troboff	特列卜夫
Tohago	特哈哥
Tetuan	特都安
Tirnowa	特諾華
Trocho	特魯蘇
Trieste	持維斯德
Taillandier	特蘭蝶爾

五 畫

玉 部

Bolivia	玻利維亞
Tewfik	球弗克
Switzerland	瑞士
Sweden	瑞典
Giuseppe	
Mazzino	瑪志尼

瓦 部

Waddington	瓦丁頓
------------	-----

Wladislaw	瓦耳的斯拉	Luxemburg	盧森堡
Wadai	瓦代	Rousseau	盧梭
Weismaunn	瓦司馬		目部
Wallace	瓦拉斯	Gibraltar	直布羅陀
Walachia	瓦拉幾亞		石部
Vatican	瓦基坎	Schleswig	石勒蘇益格
Wagner	瓦基納		冫部
Valencienne	瓦林新納	Rhodes	羅斯
Verdum	瓦登	Foca	福加
Wurttemberg	瓦敦堡	Foa	福阿
Valona	瓦勞納	Falkenstein	福堅士田
Vermont	瓦曼	Foch	福煦
Varna	瓦祿那		禾部
Vardar	瓦達耳	Koblenz	科不林士
Warsaw	瓦薩	Richard Cobden	科布敦
	甘部	Golorado	科羅拉多
Gambetta	甘畢達	Mohammed Ali	穆罕默德阿力
	田部	Mohammed	穆罕默德阿買
Tennessee	田納西	Ahmed	穆罕默德阿買
Eupen	由坪		穴部
Labyrirth	略迷宮	Tunis	突尼斯
Pirot	畢洛託	Trient	突蘭
	白部		立部
Berber	白爾巴	Lithuania	立陶宛
Peronne	白龍納		六畫
Triest	的里雅斯德		竹部
Dvina	的維納	Disraeli	笛斯勒利
Tripoli	的黎波里	Tibesti	第白丁
Tyrol	的羅爾	Tifflis	第佛利斯
	皮部	Gericait	節利哥爾
C. S. Peirce	皮耳士		米部
	皿部	Mitylene	米太來尼
Ronlero	盧列耳		
Louvain	盧汶		
Lützen	盧前		
Albrcht Roon	盧恩		

Melilla	米利拉
Midia	米地阿
Mitfort	米特方
Mignet	米納
Michel	米塞
Michael	米塞兒
Millet	米來
Milman	米勒曼
Mesnil	米斯尼耳
Mitau	米都
Milan	米蘭
Maitland	米蘭德

系 部

Joseph	約瑟
Joseph Bosio	約瑟包西
Josephstadt	約瑟斯特多
Joseph Ward	約瑟俄得
Johnnisburg	約翰尼斯堡
John K. ats	約翰略得
Andrew Johnson	約翰孫
Johnston	約翰斯敦
Sorbonne	索波尼
Zola	索拉
Salferino	索非里諾
Nèthe	納司
Natal	納塔耳
Nevsky	納福斯克
Nerew	納魯
New Zealand	紐西蘭
Neu Sandec	紐森的支
Lule Burgas	紐爾柏格史
Silesia	細勒西亞
Mainz	綿斯
Vienna	維也納
Victoria	維多利亞
Victoria Nyanza	維克多利亞尼 安薩
Vilna	維里納
Vistula R.	維斯杜拉河
Wilkie	維爾基

Vitebsk	維塔勃斯克
---------	-------

网 部

Barrot	罷洛
Byron	罷倫
Rhotope	羅刀
Robert Koch	羅巴古斯
Lodz	羅次
Rennenkampf	羅尼喀父
Lowitsch	羅威次
Rovno	羅威納
Rodzianko	羅底斯納克
Rudolf Virchon	羅得福威爾古
Theodore	

Roosvelt	羅斯福
Rumania	羅馬尼亞
Rauvier	羅敦爾
Roland	羅蘭

羊 部

Mesopotamia	美索不達米亞
-------------	--------

羽 部

Ounces	翁士
--------	----

老 部

Los	老斯
Gustav	考斯道夫

耳 部

Erdschan	耳得輝
Yarmouth	耶毛司
Yarina	耶里納
Jassy	耶塞
Jerusalem	耶路撒冷
Jadar	耶達
Jaroslau	耶羅色拉
San Stefano	聖士提反
St. Eloi	聖衣勞
Sain Simon	聖西門
St. Mihiel	聖米耳

St. John Lateranus 聖約翰拉他奴
 St. Quentin 聖格亭
 St. Petersburg 聖彼得堡
 St. Gobain 聖高白
 St. Helena 聖海倫
 St. Arnaud 聖達諾
 St. Lucia 聖魯西亞
 San Salvador 聖薩耳瓦多

肉部

Hutton 胡頓
 Transvaal 脫蘭斯瓦爾
 Philippolis 腓力波里
 Frederick William 腓特烈威廉

白部

Hindenburg 興登堡

色部

Thorwaldson 色瓦德生
 Psyche 色衣喀
 Samoethrace 色馬他雷西
 Thorn 色龍

艸部

Fontbeliard 芳得白拉
 Fontainebleau 芳得堡
 Finland 芬蘭
 Benito Juarez 花拉士
 Reinsch 芮恩施
 England 英吉利
 Insterburg 英斯德波格
 Mozambique 莫三鼻給
 Guy de Maupassant 莫泊三
 Klerkadorp 苦羅主脫布
 Prinede Joinville 蘇威耳
 Holland 荷蘭
 Katchana 茄拿

Philippe Ville 非力帛文里
 Philippine 非力賓
 Fismeo 非司買
 Philomel 非郎馬
 Garrilo Prinzip 菩靈布
 Monte Nero 蒙的尼羅
 Monsen 蒙森
 Mons 蒙斯
 Monfalcone 蒙福耳格
 L. znica 落司勒格
 Portugal 葡萄牙
 G-zik 葛西克
 Gantier 葛底耳
 Earl Gray 葛雷
 Gärtner 葛爾納
 Graesich 葛羅息
 Wurzburg 華士堡
 Washington 華盛頓
 Shabat 薩巴次
 Savoy 薩瓦
 Sadowa 薩多瓦
 Saxon 薩克森
 Sari Bahr 薩里巴耳
 Saikamisch 薩里喀米斯
 Sandjak 薩底加
 Savoy Piedmont 薩威比的蒙
 Saarburg 薩活堡
 San R. 薩河
 Samsonoff 薩孫納父
 Samarah 薩馬拉
 Soissons 薩森
 Saar R. 薩爾河
 Salzburg 薩爾斯波格
 Czernowitz 薩饒威次
 Tocneville 董喀威
 Scheffel 薛福
 Sultan 蘇丹
 Suvalki 蘇伐爾克(一作蘇維爾克)
 Suvla 蘇瓦拉
 Suarlee Diest 蘇里得司

L. Sugana 蘇格那湖
 Scotland 蘇格蘭
 Soghauily 蘇欵里
 Sophia 蘇斐亞
 Souchon 蘇崑
 Sokal 蘇喀耳
 Chaumont 蘇漠
 Southey 蘇斯來
 Zurich 蘇黎世
 Sudermann 蘇達曼
 Suz 蘇彝士
 Lansdown 蘭斯頓
 Leopold Von Ranke 蘭凱

虎部

Hdussein 虎山
 Huy 虎牙
 Hugo 虎哥
 Hughes 虎斯

虫部

Metz 蠻次

衣部

Ewkpatoria 衣不他利亞
 Ieni-Koleh 衣尼喀拉
 Histtorff 衣他阜
 George Eliot 衣老特
 Idrees 衣得來斯
 Is-fahan 衣斯父汗
 Balfour 裴爾福

西部

Hipper 西不耳
 Zebrugge 西不魯日
 Milam Ciganoni 西加魯非
 Sismondi 西司毛第
 Sicily 西西里
 Shelley 西來
 Sereth 西來的
 Sinai 西奈

Schleiermacher 西拉馬喀爾
 Chemin-des-Dames 西明的達木
 Schievelbein 西威賓
 Spain 西班牙
 Seignobos 西納布
 Sebou 西堡
 Schelling 西爾靈
 Seydlitz 西德里次
 Cetinje 西德耶
 Schelde R. 西魯德河
 Sybel 西擺耳

七畫

角部

Cape Town 角城

言部

Tolstoy 託爾斯泰
 Sheffield 設佛爾德
 Caeta 該德
 Nardniokio 諾拉底尼克

貝部

L. Peipus 貝浦斯湖
 Bessarabia 貝薩拉比亞
 Ferwarth 費瓦多
 Ferry 費里
 Filali 費拉利
 Millard Fillmore 費爾謨亞
 Khoja-Saleh 賀加薩
 Renan 賀能
 Binsizza 賓衣西斯
 Mass R. 賓士河

赤部

Huxley 赫胥黎
 Helsingfors 赫爾森法斯
 Helmholtz 赫爾摩訶

	走 部	Tagliamento R.	達格里門河
Kishenev	起西牛	Transylvania	達瑣西里瓦尼亞
	足 部	Takinos	達喀那斯
Radin	路丁	Tangier	達基耳
Lupkow	路不古	Tarnopol	達納堡
Luneville	路尼維爾	Dalberg	達爾巴
Duc de Leuch-		Dardanus	達爾達納斯
tembey	路克丁堡公	Dalmartia	達爾馬提亞
Louis	路易	Darwin	達爾文
Louisiana	路易安拿	Dahlmann	達爾曼
Louis Blanc	路易勃蘭	Dardanelles	
Luisse	路易斯	Strait	達達尼爾峽
Ludendarff	路登達耳父	Dede Agatch	達達阿格次
Rücker	路喀	Druses	達魯色
Lutsk	路斯克	Daroes Salaan	達魯也斯撒冷
Ravsky	路斯喀	Darues Salaam	達魯衣薩拉木
Rosyth	路塞司	Mayer	邁爾
Lunderest	路達		邑 部
	車 部	Campbell	
William James	載木	Bennerman	邦奈曼
	彙 部	Naples	那不勒斯
Carthage	迦太基	R. Nyangwe	那伊威河
Dickens	迭更斯	Nabokoff	那波可夫
Tanger	達加	Nagara	那格拉
Terre-Newve	達利牛掘	Nasiriyeh	那塞里亞
Fere-en		Namur	那慕耳
Tardensis	達且納	Narodnik	那羅尼克
Daba	達巴堡	Ramband	耶巴
Dmitrieff	達米的父	Langensalz	耶革撒爾突
Deguisse	達克斯	Dome Ness	都米拉斯
Dankl	達克耳	Dublin	都伯林
De Labaulay	達拉布來	Dupret	都庇列
Deiamain	達拉買	Durazzo	都拉索
Talleyrand	達來郎	Francois Duret	都理
Tambava	達那瓦	Turgeniev	都蓋尼夫
Dave	達威	Tour	都爾
Diegs-Suarez	達商須海	Turnor	都爾諾
		Turin	都靈
		Osman Pacha	鄂斯曼

Otto	鄂圖
	采部
Tchad	采德
	里部
Richmond	里士滿
Leeds	里子
Lippen	里不
Leverrier	里文海
Rica	里加
Memnos	里米納斯
Lille	里耳
Relianov	里利納夫
Lixhe	里克司
Riehthofen	里克所分
Livov	里弗夫
Lenau	里那
Ribot	里奔
Riff	里阜
Lion	里奧
Lister	里斯他
Leman	里曼
Libau	里播
Rethel	里德耳
Lemuos	里馬

八 畫

金部

Ceylon	錫蘭
Iron Gates	鐵門

門部

Monastir	門那司的耳
Montenegro	門的內哥羅
Montdidier	門得得爾
Messudieh	門蘇德
Cyrenaique	開那衣喀
Kairoan	開羅安

阜部

Fiume	阜姆
Abdul Aziz	阿卜都亞撒
Artois	阿刀
Abdur Rahman	阿不丟拉曼
Ablain	阿不林
Abbot	阿巴
Abdel-Kader	阿巴的凱爾
Liapschew	阿巴斯古
Abdul Assiz	阿巴達魯阿西
Algeiras	阿支士拉
Abyssinia	阿比西尼亞
Abdul Hamid	阿布都哈米
Abdul Medjid	阿布都米吉
Andjerout	阿加魯
Arkansas	阿甘色
Arnim	阿尼母
Algiers	阿耳及耳
Amoer	阿米爾
Oureq	阿克
Ariadne	阿里安
Ohnutz	阿里木
Abduel Kader	阿伯喀達
Alle	阿來
Ailette	阿來的
Ardy	阿來得
Arabia	阿刺伯
Arabi	阿拉比
Arras	阿拉斯
Amiens	阿門斯
Africa	阿非利加
Avlona	阿威耶納
Ardenne	阿登納
Ardahan	阿登漢
Arnold	阿納
Argentina	阿根廷
Aragonne	阿根納
Augustova	阿格斯他瓦
Amara	阿馬拉
Azov	阿速夫

Antivari	阿提瓦利
Astica	阿斯提客
Ahwaz	阿華
Afghanistan	阿富汗
Algeria	阿爾及利亞
Alps	阿爾卑斯
Allenstein	阿爾斯田
Waldeck-Roussau	阿爾得克盧梭
Amurath	阿穆拉
Anhalt-Bernburg	阿橫卜堡
Altkirch	阿魯他魯哈
Anzac	阿薩克
Aland	阿蘭
Victor Emmanuel	陽瑪諾

雨部

Shapatz	雪輩斯
Leopold	雷普爾
Ferdinand De Lesseps	雷塞布
Lloyd George	雷德佐治
Hohenlohe	霍亨洛
Joffre	霞飛

九畫

韋部

Villere	韋勒爾
---------	-----

音部

Imbros	音不洛斯
Innsbruck	音斯不羅克

頁部

Galatz	額拉都
--------	-----

食部

Noyon	饒雲
-------	----

香部

Chanbord	香波
Champagne	香檳州

十畫

馬部

Mojanga	馬仍加
Murgbab	馬加布
Merbourne	馬布耳
Macaulay	馬可來
Manuilov	馬奴衣耶夫
Mesched	馬卡
Malta	馬耳他
Malmedy	馬耳美第
R. Main	馬因河
Maistre	馬克斯德
Maximilian	馬西良
Melila	馬利拉
Maritza	馬利薩
Marchand	馬沙
Marchovelette	馬沙夫拉德
Masurian	馬沙林
Maizeret	馬沙來
Macedonia	馬其頓
Moresnet	馬來斯納德
Mareb	馬拉不
Marienburg	馬拉堡
Marrakech	馬拉喀
Margin	馬金
Mariampal	馬倫堡
Marne	馬納
La Marsa	馬塞
Martignac	馬提那
Maronites	馬路那特種
Madagascar	馬達加斯加
Malmaison	馬爾木松
Marmora	馬爾馬拉
Meuse	馬斯

Magdeburg 馬德堡
 Massawa 馬撒窪
 Von Beust 馮卜斯特
 Save R. 薩河

骨部

Tenedos 體尼斯
 Teleschenko 體拉斯根古

高部

Caucasus 高加索
 Görz 高次
 Goche 高特
 Gartschakoff 高茶阜
 Gourland 高蘭

門部

Honduras 國都拉斯

鬼部

Welberg 魏黑倍

十一畫

魚部

Lublin 魯柏林
 Raumer 魯馬
 Luden 魯登
 L. Lubau 魯彭湖
 Leboeuf 魯蒲夫

麥部

Mecca 麥加

Medina 麥地那
 Mac Kensen 麥克森
 Mc Mahon 麥馬韓
 Mezera 麥塞拉

十二畫

黍部

Reims 黎牧
 Richelieu 黎塞留
 Lissa 黎撒

黑部

Heligoland I. 黑耳郭蘭島
 Hessen 黑森
 Hegel 黑智爾
 Herzegovina 黑塞哥維那
 Mexico 墨西哥
 Memel 默麥

十四畫

齊部

Zeppelin 齊柏林

十六畫

龍部

Longwy 龍威